


৩৪

৩৬




পদাবলী-পরিচয়

অধ্যাপক

ডাঃ শ্রীযুক্ত সুনীতিকুমার চট্টোপাধ্যায়

লিখিত ভূমিকাসহ



শ্রীহরেকৃষ্ণ মুখোপাধ্যায়

গুরুদাস চট্টোপাধ্যায় এণ্ড সন্স

২০৩-১-১ কর্ণওয়ালিস স্ট্রীট ... কলিকাতা-৬

তিন টাকা

২০৩।১।১, কর্ণওয়ালিশ ষ্ট্রীট, কলিকাতা হইতে গুরুদাস চট্টোপাধ্যায় এণ্ড
সন্স-এর পক্ষে শ্রীগোবিন্দপদ ভট্টাচার্য কর্তৃক প্রকাশিত
৪৬।১, বেচু চ্যাটার্জি ষ্ট্রীট, কলিকাতা, কালী-গঙ্গা প্রেস হইতে
শ্রীকমলাকান্ত ভট্টাচার্য কর্তৃক মুদ্রিত

উৎসর্গ

পরমকল্যাণভাজন—

ডক্টর শ্রীমান্ শ্রীকুমার বন্দ্যোপাধ্যায়

ডক্টর শ্রীমান্ সাতকড়ি মুখোপাধ্যায়

শ্রীমান্ তারাকঙ্কর বন্দ্যোপাধ্যায়

শ্রীমান্ সজনীকান্ত দাস

শ্রীমান্ নিত্যনারায়ণ বন্দ্যোপাধ্যায়

বীরভূমের সাহিত্য-সেবকগণের

কল্পকমলে

নিম্নত আশীর্বাদক

শ্রীহরেকৃষ্ণ মুখোপাধ্যায়

निवेदन

— श्रीमान् श्रीमान् श्रीमान् —

श्रीमान् श्रीमान् श्रीमान् श्रीमान् श्रीमान्

श्रीमान् श्रीमान् श्रीमान् श्रीमान् श्रीमान्

श्रीमान् श्रीमान् श्रीमान् श्रीमान् श्रीमान्

श्रीमान् श्रीमान् श्रीमान् श्रीमान् श्रीमान्

श्रीमान् श्रीमान् श्रीमान् श्रीमान् श्रीमान्

श्रीमान् श्रीमान् श्रीमान् श्रीमान् श्रीमान्

श्रीमान् श्रीमान्

श्रीमान् श्रीमान् श्रीमान्

श्रीमान् श्रीमान् श्रीमान् श्रीमान् श्रीमान्

নিবেদন

বন্দে নন্দব্রজদ্বীপাং পাদরেণুমভীক্ষশঃ ।

যাসাং হরিকথোদ্গীতং পুণাতি ভুবনত্রয়ম্ ॥

বাল্যকাল হইতেই কীর্তন শুনিবার সৌভাগ্য ঘটিয়াছে। বাঙ্গালা দশন তের শত পাঁচ সালে প্রথম প্রসিদ্ধ কীর্তনীয় গণেশ দাসের কীর্তন শুনি। তখন আমার বয়স নয় বৎসর। তাহার পর হইতে বীরভূম, বাঁকুড়া, বর্দ্ধমান, মুর্শিদাবাদ, নদীয়ার নানাহানে, বাঙ্গালার বাহিরে শ্রীধাম বৃন্দাবনাদি তীর্থক্ষেত্রে বহু কীর্তনায়ার কীর্তন শুনিয়াছি। কীর্তন বতবার শুনিয়াছি—শুনিবার পিপাসা উত্তরোত্তর বাড়িয়াছে। সে পিপাসা আজিও মিটে নাই। কীর্তনের কথা ও স্মরণ আমাকে মুগ্ধ করিয়াছে। তাহার ফলে পদাবলী-সাহিত্যের আলোচনাই আমার জীবনের সর্বপ্রধান অবলম্বন হইয়াছে। কীর্তন শুনিয়া পদাবলীর অনুসন্ধান করিয়াছি। অনুসন্ধান-ব্যপদেশে ত্রিপুরা হইতে উড়িষ্যা পর্যন্ত ভ্রমণ করিয়াছি। অনেক নূতন পদ ও পদের নূতন পাঠ সংগ্রহ করিয়াছি। আমাদের সম্প্রদায়ের আচার্য্য ও কীর্তনীয়গণের সঙ্গে পদের পাঠ ও ব্যাখ্যা লইয়া আলোচনা করিয়াছি, এবং আজীবন যথাবুদ্ধি এই পাঠ ও ব্যাখ্যার বিশুদ্ধতা রক্ষার জন্য চেষ্টা করিয়াছি।

পদাবলী-সাহিত্যের আলোচনা করিতে গিয়া শ্রীপাদ রূপ গোস্বামীর ভক্তিরসামৃতসিদ্ধ ও উজ্জলনীলমণি পাঠের ভাগ্যোদয় ঘটে। শুনিয়াছিলাম, এই গ্রন্থদ্বয়ে লৌহকে স্বর্ণে রূপান্তরিত করিবার প্রত্যক্ষ ফলপ্রদ বহু পরীক্ষিত রসায়ন ও তাহার সার্থক প্রয়োগপদ্ধতির পরিচয় আছে। পাঠ করিয়া বিস্মিত হইলাম; দেখিলাম, কথাগুলি অক্ষরে অক্ষরে সত্য। মানবহৃদয়ের ভাব-নিবহ কিরূপে ভগবদ্ভাবে রূপান্তরিত হইতে পারে, এই জীবনেই কেমন করিয়া জন্মান্তর ঘটে, এই দেহ সিদ্ধদেহে, শ্রীভগবানের বিলাস-মন্দিরে পরিণত হয়, শ্রীপাদ রূপ তাহার গোপন

রহস্যের সন্ধান দান করিয়াছেন। ভক্তিরসামৃতসিন্ধু ও উজ্জলনীলমণির সঙ্গে পদাবলীর বনিষ্ঠ সম্বন্ধ রহিয়াছে। পদাবলী মন্ত্র, আর সিদ্ধ ও নীলমণি তাহার প্রয়োগ-পদ্ধতির আকর গ্রন্থ। অভিজ্ঞ রহস্যবেত্তা ও সুদক্ষ শিল্পীর সঙ্গলাভ করিয়াও আমার জীবন ব্যর্থ হইয়াছে। কিন্তু আমি সর্বসাধারণকে ইহার সন্ধান দিবার লোভ সম্বরণ করিতে পারি নাই। দুর্ভাগ্য—দেশে এইরূপ গ্রন্থের সমাদর নাই। বন্ধুবর শ্রীহরিদাস দাস (শ্রীধাম নবদ্বীপ, হরিবোল কুটীর) একক একটা প্রতিষ্ঠান। তিনি “ভক্তিরসামৃতসিন্ধু” প্রকাশ করিয়া ঋণের জালে জড়াইয়া পড়িয়াছেন। কিন্তু উজ্জলনীলমণির বহরমপুর সংস্করণের পর বহুদিন গত হইয়াছে, আর কোন সংস্করণ হয় নাই। শচীনন্দন বিদ্যানিধির উজ্জলচন্দ্রিকা বীরভূম রতন লাইব্রেরী হইতে কয়েক শত খণ্ড মাত্র প্রকাশিত হইয়াছিল, তাহাও এখন পাওয়া যায় না।

এই সমস্ত কারণে—এবং পদাবলীর পঠন-পাঠনের জন্ত তথা কীর্ত্তন গাহিতে ও গুণিতে হইলে যে যে বিষয় জানা একান্ত আবশ্যক, তত্তৎবিষয়ের সংক্ষিপ্ত পরিচয়-মূলক ‘পদাবলী-পরিচয়’ গ্রন্থখানি প্রকাশের আশায় বহুদিন হইতেই চেষ্টা করিতেছিলাম। অর্থাভাবে আমার চেষ্টা সফল হয় নাই। অপরের সাহায্য সংগ্রহেও বিফলমনোরথ হইয়াছি। অবশেষে প্রসিদ্ধ পুস্তক-প্রকাশক গুরুদাস চট্টোপাধ্যায় এণ্ড সন্সের সভাধিকারী শ্রদ্ধাম্পদ শ্রীযুক্ত হরিদাস চট্টোপাধ্যায় মহাশয়ের শরণাপন্ন হই। তিনি ভার গ্রহণ না করিলে এই পুস্তক প্রকাশিত হইত না। তিনি আমার বহুদিনের বন্ধু, তাহার নিকট আমি নানারূপে কৃতজ্ঞ। পুস্তক সংকলনে অগ্রজপ্রতিম প্রভুপাদ শ্রীল গৌরগোপাল ভাগবতভূষণ মহোদয়ের উপদেশে উপকৃত হইয়াছি। দেশ-বিদেশে সুপরিচিত প্রখ্যাতনামা অধ্যাপক বন্ধুবর ডক্টর শ্রীযুক্ত সুনীতিকুমার

চট্টোপাধ্যায় মহাশয় এই গ্রন্থের ভূমিকা লিখিয়া দিয়াছেন। ইহা তাঁহার মাত্র আমার প্রতিই প্রীতির পরিচয় নহে। বাঙ্গালার সভ্যতা ও সংস্কৃতির অগ্ৰতম অবদানের প্রতি ইহা তাঁহার অকৃত্রিম শ্রদ্ধার অপর এক উদাহরণ। সোদরপ্রতিম কবিশেখর শ্রীযুক্ত কালিদাস রায় তাঁহার 'প্রাচীন বঙ্গসাহিত্য' হইতে পদাবলীর ছন্দ ও পদাবলীর অলঙ্কার অংশ দুইটি গ্রহণে সম্মতি দিয়াছেন। ডক্টর শ্রীমান্ শ্ৰীকুমার সেনের বাঙ্গালা সাহিত্যের ইতিহাস হইতেও সাহায্য গ্রহণ করিয়াছি। ইহাদের নিকট কৃতজ্ঞতা প্রকাশ করিতেছি।

এই পুস্তক সংকলনে আমি শ্রীমদ্ভাগবত, ভক্তিরসামৃতসিন্ধু, উজ্জল-নীলমণি, অলঙ্কার-কোষভ, শ্রীচৈতন্য-ভাগবত, শ্রীচৈতন্যচরিতামৃত, উজ্জল-চন্দ্রিকা, রসমঞ্জরী (ভানুদত্ত ও পীতাম্বর দাস প্রণীত দুইখানি পৃথক গ্রন্থ) প্রভৃতি গ্রন্থ হইতে উপকরণ সংগ্রহ করিয়াছি। প্রধানতঃ উজ্জল-নীলমণির আধারেই গ্রন্থখানি সঙ্কলিত হইয়াছে। উদাহরণমূলক অধিকাংশ পয়ার, ত্রিপদী উজ্জলচন্দ্রিকা হইতে গৃহীত। পদাবলী-সাহিত্যের আলোচনা-প্রসঙ্গে আমার পূর্ববর্তী পথপ্রদর্শক রাজা রাজেন্দ্রলাল মিত্র, আচার্য্য হরপ্রসাদ, জগদ্বন্ধু ভদ্র, অক্ষয়চন্দ্র সরকার, সারদাচরণ মিত্র, কবীন্দ্র রবীন্দ্রনাথ, রমণীমোহন মল্লিক, কালিদাস নাথ, রাজকৃষ্ণ মুখোপাধ্যায় ঋণদা গীতচিন্তামণি-সম্পাদক কৃষ্ণপদ দাস, নগেন্দ্রনাথ গুপ্ত, কালীপ্রসন্ন কাব্যবিশারদ, নীলরতন মুখোপাধ্যায়, রাধানাথ কাবালী, সতীশচন্দ্র রায় প্রভৃতির নাম শ্রদ্ধা-সহকারে স্মরণ করিতেছি। স্বর্গগত নীলরতন মুখোপাধ্যায় চণ্ডীদাস-পদাবলী সম্পাদন করিয়া, স্বর্গগত সতীশচন্দ্র রায় 'পদকল্পতরু' সম্পাদন করিয়া, শ্রীগীতগোবিন্দ ও ভানুদত্তের রসমঞ্জরীর অনুবাদ করিয়া, অপ্রকাশিত পদরত্নাবলী সংকলন করিয়া এবং শ্রীবলম্ভবজ্জন রায় বিদ্বদ্ভ্রমর শ্রীকৃষ্ণকীর্তন সম্পাদন করিয়া স্মরণীয় হইয়া

আছেন। আমার পরিচিত কীর্তনীয়াগণের উল্লেখ করিতে গিয়া গদাধর দাস, অখিল মিত্রী, বিষ্ণু দাস, বনওয়ারী দাস, অক্ষয় দাস ও মালিহাটির প্রেমদাসের নাম বাদ পড়িয়াছে। এইখানে স্মরণ করিতেছি।

শিক্ষিত সম্প্রদায়ের মধ্যে কীর্তন গানের প্রচারে বাঁহারা সাহায্য করিয়াছেন, তাঁহাদের মধ্যে স্বর্গগত (দেশবন্ধু) চিত্তরঞ্জন দাশ মহাশয়ের নাম সর্বপ্রথমে উল্লেখযোগ্য। পরবর্তী কালে কীর্তন শিক্ষা করিতে ও শিক্ষা দান করিতে শ্রীযুক্ত খগেন্দ্রনাথ মিত্র (রায় বাহাদুর), নিত্যধামগত নবদ্বীপ চন্দ্র ব্রজবাসী, ডাঃ শ্রীযুক্ত ইন্দুভূষণ বসু, জগদ্বন্ধু আশ্রমের শ্রীগোপীবন্ধু দাস, দেশবন্ধুর জামাতা স্বর্গগত সুধীরচন্দ্র রায় এবং কত্যা শ্রীমতী অপর্ণা দেবীও যথেষ্ট যত্ন লইয়াছেন। ব্রজবাসীর নাম চিরস্মরণীয়।

পুস্তক মধ্যে প্রয়োজন মত কয়েকটা পদ উদ্ধার করিয়াছি। ইচ্ছা করিয়াই লেখকের ব্যাখ্যা দিই নাই। কিন্তু এখানে বাধ্য হইয়া একটি পদের ব্যাখ্যা দিতে হইল। এই পদটি—“মোর বন বন শোর শুনত” ১১৬ পৃষ্ঠায় উদ্ধৃত আছে।

“বনে বনে ময়ূরের শব্দ শুনিতেছি। মনমথপীড়া বাড়িতেছে। প্রথমে ছার আঁচ আসিল, এখন গগন গম্ভীর। ওরে সখি, মোহন (ভুবন-মোহন শ্রাম) বিনা দিবস রজনী কিরূপে যাইবে। শ্রাবণ আসিল, শোভন-ভঙ্গীতে নিরন্তর বারি বর্ষণ করিতেছে। মদনের বাণ ছুটিতেছে। বিরহিণী নারী কিরূপে বাঁচিবে। ভাদ্রও আসিল। মাধব ভিন্ন এতুখ কাহাকে কহিব। নির্ভয়ে ডর ডর শব্দে ডাহকী ডাকিতেছে, যেন মদনের ক্রীড়া-গোলক ছুটিতেছে। আশ্বিন আসিল, গগন মুখর হইল। ঘন ঘন ঘন রোল উঠিতেছে। সিংহ ভূপতি চাতুর্দশের কথা বলিতেছেন”। পূজ্যপাদ শ্রীল রাখামোহন ঠাকুর পদামৃত-সমুদ্রে ব্যাখ্যা করিয়াছেন—“তথা

গগনে ভাষিণ দীপ্তিকীর্ণাং পাণ্ডুরবর্ণা অপি ঘর ঘর শব্দায়ন্তে রোলঃ শব্দঃ
 'রোদনবিশেষঃ'। পদকল্পতরুতে সতীশচন্দ্র রায় মহাশয়ও এই ব্যাখ্যা
 গ্রহণ করিয়াছেন। কিন্তু শব্দ কালে গগন আভাহীন হয় না, বরং
 অধিকতর নির্মল হয়। সুতরাং ভাষিণ শব্দে পাণ্ডুর বা আভাহীন অর্থের
 পরিবর্তে ভাষাযুক্ত, সুখর—এই অর্থ গ্রহণ করিতে হইবে। শব্দকালের
 মেঘ-গর্জনের কথা চিরপ্রসিদ্ধ। শ্রীমতী সেই শব্দ শুনিয়া বলিতেছেন—
 'শ্রীকৃষ্ণবিরহে আশ্বিনের আকাশও বিলাপ করিয়া কাঁদিতেছে।

পুস্তক মধ্যে শ্রীমদ্ভাগবতোক্ত "মল্লানামশনিঃ" ...শ্লোকের উল্লেখ
 করিয়াছি। এখানে সম্পূর্ণ শ্লোক তুলিয়া শ্লোককথিত শ্রীকৃষ্ণের রসরূপের
 পরিচয় দিলাম।

মল্লানামশনির্নাং নরবরঃ স্ত্রীণাং স্বরো মূর্ত্তিমান্

গোপানাং স্বজনোহসতাং ক্ষিতিভূজাং শাস্তা স্বপিত্রোঃ শিশুঃ।

মৃত্যুর্ভোজপতের্বিরাড়বিচুবাং তদ্বৎ পরং যোগিনাং

বৃক্ষীণাং পরদেবতেতি বিদিতো রঙ্গং গতঃ সাগ্রজঃ ॥ (১০।৪৩—১৭)

মল্লগণের বজ্র	রস	রোদ্র	স্থায়ী ভাব	ক্রোধ
নরগণের নরোত্তম	"	অদ্ভুত	"	বিশ্ময়
রমণীগণের কন্দর্প	"	শৃঙ্গার	"	মধুর
গোপগণের স্বজন	"	হাস্য (সখ্য মিলিত)	"	হাস
অসং রাজত্বগণের শাসক	"	বীর	"	উৎসাহ
পিতৃগণের শিশু	"	করণ (বাৎসল্য মিলিত)	"	শোক
কংসের মৃত্যু	"	ভয়ানক	"	ভয়
অবিদ্বান্গণের বিরাট্	"	বীভৎস	"	জুগুপ্সা
যোগীগণের পরতত্ত্ব	"	শাস্ত	"	শাস্তি
বৃক্ষীগণের পরদেবতা	"	ভক্তি	"	প্রেম

[৬]

পূজ্যপাদ শ্রীল সনাতন বৃহত্তোষণী টাকায় এই শ্লোক উদ্ধৃত করিয়াছেন—

রৌদ্রোদ্ধৃতঃ শুচিরথ ধ্বতসখ্যাহাসো
বীরোহথ বৎসলযুতঃ করুণোভয়াক্ষঃ ।
বীভৎসসংজ্ঞ উদিতোহথ তথৈব শান্তঃ
সপ্রেমভক্তিরিতি তে দ্ব্যধিকা দশ সূত্ৰাঃ ॥

তুকগানের উদাহরণ—(গোষ্ঠযাত্রা)

ধ্বজবজ্রাঙ্কুশ পায় রহি রহি চলি যায়, যায় পদ রহিয়া রহিয়া রহিয়া গো ।

বুঝি উহার কেহ আছে আসিতেছে অতি পাছে

তেঞি চায় ফিরিয়া ফিরিয়া ফিরিয়া গো ॥

হায় মোরা কি করিলাম নবনী পাসরি এলাম

খানিক রাখিতাম ননী দেখায়া দেখায়া দেখায়া গো ।

যদি ব্রজের বালক হতাম নেচে নেচে সঙ্গে যেতাম

শ্রাম মাঝে যেত নাচিয়া নাচিয়া নাচিয়া গো ॥

রাণী টানে ঘর পানে রাখাল টানে বন পানে

রাই টানে নয়নে নয়নে নয়নে গো ।

যদি ফুলের মালা হতাম শ্রাম অঙ্গে ছলে যেতাম

যেতাম হেলিয়া ছলিয়া ছলিয়া গো ॥

রবি বড় তাপ দিছে বন্ধু মুখ ঘামিয়াছে

কপালের তিলক যায় ভাসিয়া ভাসিয়া ভাসিয়া গো ।

হেন মনে করি মায়া মেঘ হয়ে করি ছায়া

বন্ধু যেত জুড়ায় জুড়ায় জুড়ায় গো ॥

ছোট তুক—(মাথুর বিরহ—কীৰ্ত্তনীয়া হারাধন স্তব্ধের গাহিতেন)

গরবিনী গো ছিলাম গরবিনী

উর বিনা শেজ পরশ নাহি জানি ॥

ছিলাম শ্রামের গরবিনী

শ্রাম বিনে হলাম পথের কান্ধালিনী ॥

কলহাস্তরিতার তুক ॥ (কৃষ্ণের প্রতি শ্রীরাধার সখীর উক্তি)

আমি ফুল নিতে এসেছি। তোমায় নিতে আসিনি ॥

গানের ধ্বাংসে ঝেঁড়ে উঠছ কিহে তোমায় নিতে আসিনি ॥

বাসি ফুলে হবে না। মানরাজ্যের পূজা হবে নীলকমলে

করবে পূজা কমলিনী ॥

পুস্তক প্রকাশ জন্ত কলিকাতার অবস্থিতি কালে সঙ্গীতাভিজ্ঞ কীর্তনানুরাগী মেহতাজন শ্রীমান রথানন্দনাথ ঘোষ ও তদীয় পত্নী কল্যাণীয়া শ্রীমতী রেণুকণাদেবীর (১৯৮ বিবেকানন্দ রোড) শ্রদ্ধা, মেহ ও বড়ে আমি আমার বয়স ও অসুস্থতার কথা বিস্তৃত হইয়াছিলাম। শ্রীমন্ মহাপ্রভুর পদপ্রান্তে শ্রীমান ও শ্রীমতীর কল্যাণ কামনা করিতেছি।

আমার কুলদেবতা শ্রীশ্রী৮রাধামদনগোপাল প্রভু জীউ। এইজন্ত একটি পদে আমি “গোপালদাস” ভণিতা দিয়াছি। আমার জ্যেষ্ঠ পৌত্রের নামও গোপাল। সুহৃদয় শ্রীযুক্ত ভূজঙ্গভূষণ কাব্যতীর্থ এই পুস্তকের প্রুফ দেখিরা দিয়াছেন, তথাপি কিছু ভ্রম প্রমাদ লক্ষিত হইবে। কেহ তাহা দেখাইয়া দিলে অনুগৃহীত হইব। মুদ্রাকর প্রমাদের সংক্ষিপ্ত তালিকা দিলাম। পুস্তক পাঠে কাহারো কোন উপকার হইলে উত্তম সার্থক মনে করিব।

সারদা কুটীর
কুড়মিঠা (বীরভূম)
১৩৫৯২রা আশ্বিন
৬মহালয়া

}

বিনয়ানবনত
শ্রীহরেকৃষ্ণ মুখোপাধ্যায়

ভূমিকা

বিগত ত্রিংশত বর্ষশতকের প্রারম্ভ হইতেই বাঙ্গালীকে তাহার ভাষার প্রাচীন সাহিত্য সম্বন্ধে সচেতন করাইবার চেষ্টা হইয়াছিল বিদেশীয় ত্রিষ্টান ধর্মপ্রচারক উইলিয়াম কেরির দ্বারা। গত শতকের প্রথম দশকেই কৃতিবাসের রামায়ণের সংশোধিত সংস্করণ শ্রীরামপুরের বাপ্টিস্ট মিশন ছাপাখানা হইতে প্রকাশিত হয়, এবং এইভাবে গতানুগতিক পদ্ধতিতে (অর্থাৎ শিক্ষিত-অশিক্ষিত-নির্বিশেষে কেবল ধর্মগ্রন্থ রূপে) মুদ্রাবস্তুর কল্যাণে বাঙ্গালী পাঠকের সমক্ষে, নবীন যুগের উপযোগী রীতিতে, তাহার সাহিত্যের একখানি মহাগ্রন্থ বিশেষ ব্যাপকভাবে প্রচারলাভ করে। মুদ্রাবস্তুর প্রসারের সঙ্গে-সঙ্গে বাঙ্গালা ভাষায় উপলব্ধ অল্প শ্রেষ্ঠ গ্রন্থাবলীর প্রতি প্রকাশকদের দৃষ্টি আকর্ষিত হইল, এবং দ্বিতীয় দশকের মধ্যেই ছাপার অঙ্গরে ভারতচন্দ্রের অন্নদামঙ্গল উঠিল, ও ধীরে-ধীরে অল্প গ্রন্থও সুলভ সংস্করণে প্রকাশিত হইয়া জনসাধারণের মধ্যে প্রচারিত, হইতে লাগিল। চতুর্থ দশকে এইরূপ লক্ষণীয় প্রকাশ হইতেছে কতকগুলি বৈষ্ণব মহাজন পদের সংগ্রহ। সাধারণ বাঙ্গালী পাঠক এই মুদ্রিত গ্রন্থগুলি পাঠ করিতেন, মুখ্যতঃ আধ্যাত্মিক পুষ্টিলাভের আকাঙ্ক্ষা লইয়া। কলিকাতার বটতলা-পল্লীর সুলভ-গ্রন্থ-প্রকাশক মণ্ডলীগুলি কৃতিবাসের রামায়ণ, কাশীরামের মহাভারত, শ্রীকৃষ্ণদাস কবিরাজের চৈতন্যচরিতামৃত, কতকগুলি পদাবলী সংগ্রহ, কেতকাদাস-ক্ষেমানন্দের মনসার ভাসান, রামেশ্বরের শিবায়ন প্রভৃতি বই ছাপাইয়া, ফেরিওয়ালাদের মারফৎ গ্রামে-গ্রামে বিক্রয় করিতে লাগিলেন, এবং ক্রেতার জ্ঞাতসারে ধর্মাসুষ্ঠানের অঙ্গরূপে ও অজ্ঞাতসারে অস্বতম মুখ্য মানসিক রসায়নরূপে সাগ্রহে এগুলির পাঠ চিরাচরিত রীতিমত অব্যাহত রাখিলেন। কথক বা

পুরাণ-পাঠক, বৈষ্ণব আখাড়া, সংকীৰ্তন-মণ্ডলী, কালীকীর্তন-মণ্ডলী, রামায়ণ পদ্মাপুরাণ ধর্মমঙ্গল প্রভৃতির গায়ক-মণ্ডলীর মতই, এই-সমস্ত বটতলার মুদ্রিত গ্রন্থের অধ্যয়ন ও আলোচনা প্রাচীন ধারারই অন্তর্গত রহিল।

কিন্তু শিক্ষিত—অর্থাৎ সংস্কৃতে এবং ইংরেজীতে শিক্ষিত—বাস্তাব্যের কাছে পুরাতন বাঙ্গালা সাহিত্যের মূল্য তেমন ছিল না। তবে ইহাও লক্ষণীয় যে ঈশ্বরচন্দ্র বিদ্যাসাগরের মতন পূর্ণপ্রজ্ঞ মহাপুরুষ, যিনি নিজ জীবনে প্রাচীন ভারতীয় ও আধুনিক ইউরোপীয় সংস্কৃতি উভয়কেই মূর্ত করিয়াছিলেন, তিনি মাতৃভাষার সাহিত্যকে উপেক্ষা করেন নাই। একদিকে যেমন নূতন নূতন সুসাহিত্যের গ্রন্থ প্রণয়ন করিয়া উহার প্রসার বৃদ্ধি করিলেন ও উহাকে উন্নত ও মার্জিত করিয়া তুলিলেন, তেমনই অত্রদিকে তিনি মেঘদূত প্রভৃতি প্রাচীন সংস্কৃত গ্রন্থের মতই ভারত-চন্দ্রের অনঙ্গদামঙ্গলের সাহিত্যপ্রেমীর উপযোগী এক অভিনব সংস্করণ বাহির করিলেন। কিন্তু তখনও বাঙ্গালা সাহিত্যের প্রতি উচ্চ-শিক্ষিত বাঙ্গালীর রূপাদৃষ্টি পতিত হয় নাই।

প্রথমে আসিল সাহিত্যে নব-নব সর্জনা। কারয়িত্রী প্রতিভা প্রথমে দেখা দিল, আমরা মনুস্বদনের কাব্য ও নাটক, বঙ্কিমের উপন্যাস, ভূদেবের নিবন্ধ প্রভৃতি পাইলাম। তৎপরে দেখা দিল ভাবয়িত্রী দৃষ্টি—সাহিত্য-বিচার; নিজ মাতৃভাষায় এই নবীন সাহিত্য-সম্ভারের অধিকারী হইবার পরেই, প্রায় সঙ্গে-সঙ্গেই বলা চলে, শিক্ষিত বাঙ্গালী মাতৃভাষার প্রাচীন সাহিত্যের প্রতি দৃষ্টিপাত করিলেন। এই কার্যে জন বীম্‌ এবং পরে জর্জ আব্রাহাম গ্রিয়ারসন প্রমুখ দুই-চারি জন বিদেশী পণ্ডিতের কৌতুহল ও আগ্রহ অনেকটা জীবন-কাঠির কাজ করিয়াছিল। বিগত বর্ষশতকের অন্তিম দুই বর্ষদশকের মধ্যে, সংস্কৃত ও ইংরেজীতে

শিক্ষিত বাঙ্গালী নিজের প্রাচীন সাহিত্যের আবিষ্কারে, অধ্যয়নে ও বিচারে আত্মনিয়োজিত হইল। রমেশচন্দ্র দত্ত ১৮৮০ সালের পূর্বেই Arcydae (অর্থাৎ R C D) এই ছদ্মনামে ইংরেজীতে বাঙ্গালা সাহিত্যের একটি সংক্ষিপ্ত পরিচয় দিলেন, জগবন্ধু ভদ্র মহাজন-পদাবলী বাহির করিলেন, রাজকৃষ্ণ যুথোপাধ্যায় বঙ্গদর্শন পত্রিকার মাধ্যমে বিজ্ঞাপতির সত্যকার পরিচয় দিবার চেষ্টা করিলেন, এবং প্রথমে সারদাচরণ মিত্র বিজ্ঞাপতির ব্রজবুলী পদাবলী প্রকাশিত করিলেন ও পরে চুঁচুড়া হইতে অক্ষয়চন্দ্র সরকার 'প্রাচীন বাঙ্গালা কাব্য সংগ্রহ' নাম দিয়া বিজ্ঞাপতি, চণ্ডিদাস, গোবিন্দদাস প্রভৃতি বৈষ্ণব মহাজনগণের পদাবলী, কবিকঙ্কণ চণ্ডী, রামেশ্বরী সত্যনারায়ণ-কথা প্রভৃতি গ্রন্থ প্রকাশিত করিলেন, এবং জগবন্ধু ভদ্র তাঁহার 'গৌরপদ-তরঙ্গিনী'তে বাঙ্গালীর কাছে চৈতন্য-চরিতের পদাবলীর প্রকাশ করিয়া দিলেন। রামগতি ঝারস্বর তাঁহার 'বাঙ্গালা ভাষা ও সাহিত্য বিষয়ক প্রস্তাব' লিখিলেন, হরপ্রসাদ শাস্ত্রী কলিকাতা কম্বুলিয়াটোলা পুস্তকাগারের বার্ষিক সভায় নূতন করিয়া বাঙ্গালার বৈষ্ণব পদকারদিগের কথা শুনাইলেন, রমণীমোহন মল্লিক বিশেষ বক্তৃতা-সহকারে বৈষ্ণব মহাজন পদাবলীর সম্পাদনার অবতীর্ণ হইলেন, এবং দীনেশচন্দ্র সেন তাঁহার 'বঙ্গভাষা ও সাহিত্য' গ্রন্থের প্রথম সংস্করণ প্রকাশিত করিলেন। ওদিকে ১৮৯৩ সালে বঙ্গীয়-সাহিত্য-পরিষদও প্রতিষ্ঠিত হইল।

এইভাবে শিক্ষিত বাঙ্গালী তাহার মাতৃভাষার প্রাচীন সাহিত্যের পুনরাবিষ্কার করিল, এবং এই সাহিত্যের ঐতিহাসিক ও কবিত্ব-সম্পন্ন সমালোচকদের সহায়তায় নিজ সাংস্কৃতিক জীবনে এই প্রাচীন সাহিত্যের প্রতিষ্ঠা করিয়া লইল। বাঙ্গালা সাহিত্য লইয়া গবেষণা এখন উচ্চ শ্রেণীর মানসিক চর্য্যার অন্তর্গত বলিয়া স্বীকৃত হইয়াছে—উচ্চ কোটির শিক্ষায়,

কলেজের শিক্ষায়, এতদিন পরে বাঙ্গালা সাহিত্য তাহার যোগ্য সমাদর-পূর্ণ স্থান কতকটা পাইয়াছে। এই যোগ্য স্থানকে আরও সুদৃঢ় করিতে সাহায্য করিবে প্রস্তুত “পদাবলী-পরিচয়” পুস্তকখানি।

রবীন্দ্র-পূর্ব যুগের বাঙ্গালা সাহিত্যের প্রধান গৌরব যে বাঙ্গালার বৈষ্ণব গীতিকবিতা, এবিষয়ে কোনও সন্দেহ নাই। সাহিত্য-সম্রাট বঙ্কিমচন্দ্র, পথিকৃৎ কবি মধুসূদন, এবং স্বয়ং বিশ্বকবি বাক্যপাত রবীন্দ্রনাথ, বৈষ্ণব গীতিকবিতার মোহে পড়িয়া গিয়াছিলেন। রবীন্দ্রনাথ নিজে শ্রেষ্ঠ কতকগুলি পদ চয়ন করিয়া ‘পদরত্নাবলী’ প্রকাশিত করেন, এবং তাঁহার ভানুসিংহ ঠাকুরের ‘পদাবলী’ এই বৈষ্ণব পদাবলী-সাহিত্যেরই অনুপ্রেরণার ফল। প্রাচীন বাঙ্গালা সাহিত্যে আর যে কয়খানি শ্রেষ্ঠ শ্রেণীর রস-সর্জন আছে, সেগুলি ততটা বিশ্বমানবের গ্রহণযোগ্য নহে। যতটা বৈষ্ণব ও অল্প গীতিকবিতা। শ্রীকৃষ্ণদাস কবিরাজের চৈতন্যচরিতামৃতের দার্শনিক ও আধ্যাত্মিক মূল্য অপরিমের; কবিকঙ্কণের ও অল্প মঙ্গলকাব্য-রচয়িতাদের কাব্য-সৃষ্টিতে মধ্যযুগের বাঙ্গালীর চরিত্রের ও সমাজের আদর্শ ও আকাঙ্ক্ষার, আশা ও আশঙ্কার চিত্র প্রতিফলিত আছে; এবং ভারতচন্দ্রের কাব্যরস শিক্ষিত বিদগ্ধ জনেরই উপযোগী। কিন্তু বৈষ্ণব পদের মধ্যে, সহজিয়া বাউল প্রভৃতি গীতিকবিতার মধ্যে, নিখিল মানবের চিত্তমগ্ননকারী রসবস্তু বিদ্যমান। সুতরাং আজকালকার বাঙ্গালা-সাহিত্যের অধ্যয়ন-অধ্যাপনায় যে বৈষ্ণব পদাবলীর একটা বড় স্থান নির্ধারিত হইবে, তাহা বিচিত্র বা অনুচিত নহে।

এই গোড়ীয় বা বাঙ্গালা বৈষ্ণব পদ-সাহিত্যের একজন একপত্নী পণ্ডিত, গবেষক ও ব্যাখ্যাতা হইতেছেন পণ্ডিত শ্রীযুক্ত হরেকৃষ্ণ মুখোপাধ্যায় সাহিত্যরত্ন। বিশেষ আনন্দের কথা, ইনি বৈষ্ণব পদাবলী সাহিত্যের রসান্বাদনে সহায়তা করিবার জন্ত এই “পদাবলী-পরিচয়” পুস্তকখানি

লিখিয়াছেন। পদাবলী সাহিত্যের পূর্ণ রস পাইতে হইলে, তাহার পারি-
 পার্শ্বিক ও বাতাবরণ, তাহার ভাবধারা ও প্রকাশ-ভঙ্গী সম্বন্ধে মোটামুটি
 জ্ঞান থাকা একান্ত আবশ্যক। অধ্যাপনার সময়ে অধ্যাপকগণ নিশ্চয়ই
 আনুসঙ্গিক আবশ্যক বিষয়-সমূহের বথাবথ বিচার করিয়া থাকেন, কিন্তু
 তথাপি এই বিষয়ে একখানি Handbook-এর, যন্মধ্যে হস্তামলকবৎ সব
 কিছু সহজেই আয়ত্ত করিয়া দেখা যায়, তাহার আবশ্যকতা, ছাত্র ও সাধারণ
 পাঠক, গবেষক ও শিক্ষক, সকলেরই নিকট অনুভূত হইতেছিল। “পদাবলী-
 পরিচয়” সেই আবশ্যকতা বা অভাবকে অনেক অংশে দূরীভূত করিবে।
 ইহার বিভিন্ন অধ্যায়গুলির শীর্ষক বা শিরোনাম হইতে ইহার ক্ষেত্র ও
 উপযোগিতা বুঝা যাইবে :—পদাবলী, পদাবলী-সাহিত্যের ভূমিকা,
 শ্রীগৌরচন্দ্র, কীর্তন, নামকীর্তন ও লীলাকীর্তন, বিপ্রলম্ব (অর্থাৎ পূর্বরাগ
 মান, প্রেমবৈচিত্র্য, প্রবাস), সম্ভোগ, পদাবলীর নায়ক, পদাবলীর নায়িকা,
 শ্রীরাধা, সখী, দ্বুতী, রস ও ভাব, পদাবলীর ছন্দ, পদাবলীর অলঙ্কার,
 সংকীর্তনে বাস্তব ও নৃত্য। এই সূচী দৃষ্টে, বইখানিকে ‘পদাবলীজগৎ’ এর
 একখানি সম্পূর্ণ বলা যাইতে পারে। যুবাবস্থায় কলেজে অধ্যয়নকালে
 যখন প্রথম পদাবলী সাহিত্যের অধ্যয়ন করি, তখন এইরূপ একখানি
 পথনির্দেশগ্রন্থ পাইলে কত না খুশী হইতাম! এ যুগের ছাত্রছাত্রী ও
 পদাবলী-রসিকগণ শ্রীযুক্ত হরেকৃষ্ণের মত পথপ্রদর্শক পাইয়াছেন বলিয়া
 তাঁহাদিগকে আমি অভিনন্দিত করি।

এই প্রসঙ্গে ইহাও বলি যে এই বিষয়ে এই প্রকার সুযোগ্য পথ-প্রদর্শক
 দুর্লভ। ইনি যে কেবল পণ্ডিত, অর্থাৎ গ্রন্থ-বিলাসী, তাহা নহে, ইনি বহু
 দিবস ধরিয়া শ্রদ্ধার সহিত প্রণিপাত, পরিপ্রশ্ন ও সেবা করিয়া, এই
 পদাবলী কীর্তনের ধারার মধ্য দিয়াই নিজ পরিচয়ের পথ করিয়া লইয়াছেন।
 বৈষ্ণব সংস্কৃতির ধারার মধ্য দিয়া নিজ দৃষ্টিভঙ্গী অতি সহজেই গঠিত

১৭০

করিয়া লইয়াছেন, সঙ্গে-সঙ্গে আধুনিক ভুলনামূলক ও ঐতিহাসিক দৃষ্টিও বর্জন করেন নাই—শ্রদ্ধা ও বিচারের এই সমন্বয় ইহার পদাবলী-আলোচনাকে বিশেষরূপে মার্জিত ও দীপ্তিযুক্ত করিয়াছে।

আশা করি এই পুস্তকের উপযুক্ত সমাদর ছাত্র, শিক্ষক, সাহিত্যসেবী ও সাহিত্যপ্রেমী, সর্ববিধ পাঠক-সমাজে ও কীর্তন-গায়ক এবং শ্রোতৃমণ্ডলীর মধ্যে হইবে, এবং এই পুস্তক পদাবলী-সাহিত্যের পূর্ণ পরিচয়ের জন্য অপরিহার্য বলিয়া বিবেচিত হইবে ॥

“সুধধ্বা”

কলিকাতা

১৬ হিন্দুস্থান পার্ক

মহালয়া, ১৩৫৯।২০০৯

শ্রীস্বনীতিকুমার চট্টোপাধ্যায়

সূচীপত্র

বিষয়	পৃষ্ঠা	বিষয়	পৃষ্ঠা
পদাবলী ...	১	কীর্তন	৪৯
সঙ্গীত দ্বিবিধ ...	২	শ্রী শুককীর্তন ও নারদ কীর্তন	৫২
পদ ...	৩	কীর্তনের কাল বিচার ...	৫২
শুদ্ধ বা প্রবন্ধ গীতের চারি ধাতু		সংকীৰ্ত্তনৈক পিতরৌ ...	৫৪
ছয়টি অঙ্গ ...	৩	সংকীর্তন কেমন ...	৫৬
মুদ্র গীত ...	৪	শ্রীমহাপ্রভুর গায়ক ও নর্তকগণ	৫৯
সমগ্রবা ও বিসমগ্রবা ...	৬	খেতরীর মহোৎসব ...	৬৩
উদ্‌গ্রাহকাদির উদাহরণ ...	৭	রাঢ়ে কীর্তনের কেন্দ্র ও শ্রেণী	৬৫
ব্রজবুলি ...	৮	কীর্তনের অঙ্গ ...	৬৭
বৈষ্ণব কবিতা ...	১৩	পূর্বরাগ ...	৬৯
পদাবলী সাহিত্যের ভূমিকা ১৭		মান ...	"
গৌরাজ বন্দনার পদ রচনার		প্রেম বৈচিত্র্য ...	৭০
প্রথম প্রবর্তক ...	২২	প্রবাস ...	"
পদাবলীর পূর্বাবস্থা ...	২৫	চারিপ্রকার সন্তোঁগ ও তাহার বিভাগ	৭০
দানখণ্ড নৌকাখণ্ড ...	৩১	অভিসারিকা ...	"
প্রাকৃত পৈঙ্গলের কবিতা	৩৫	বাসক সজ্জা ...	"
জৈন ও বৌদ্ধ কবিতা ...	৩৬	উৎকষ্টিতা ...	৭২
সুফী কবিতা ...	৩৭	বিপ্রলক্ষা ...	"
শ্রীগৌরচন্দ্র	৩৯	খণ্ডিতা ...	"
তিনটি ঋণ ...	৪০	কলহাস্তরিতা ...	৭৩
আনন্দের ঋণ ...	৪২	প্রোথিত ভর্তৃকা ...	"
শ্রীমহাপ্রভুর অবতারের প্রধান কারণ	৪৬	স্বাধীন ভর্তৃকা ...	"
		অমুশয়ানা ...	৭৪

বিষয়	পৃষ্ঠা	বিষয়	পৃষ্ঠা
টপ কীর্তন ...	"	প্রবাস	১১০
রাষ্ট্রদেশের কীর্তনীরাগণ ...	৭৫	অদূর প্রবাস, করুণাখ্য বিপ্রলভ	১১১
নাম কীর্তন ও লীলা কীর্তন ৭৭		হৃদয় প্রবাস ...	১১২
নাম কীর্তনের উদাহরণ ...	৮০	ভবন বিরহ ...	"
লীলাকীর্তন ...	৮১	ভূত বিরহ ...	"
নয়নানন্দের বয়ঃসন্ধির পদ	৮২	বিরহে বিভাপতি ...	১১৩
বিপ্রলভ (পূর্বরাগের পরিচয়)	৮৩	বিরহে চণ্ডীদাস ...	১১৪
অভিবেগ ...	৮৫	বর্ষার কবি ...	১১৫
বাচিক ...	৮৬	বিরহের চাতুর্যাস্ত্র ...	"
আঙ্গিক ...	"	বিরহের বারমাস্ত্রা ...	১১৭
চান্দুস ...	৮৮	চিত্রজল আদি ...	১১৯
কামলেখ ...	"	বিরহে শ্রীরাধা ও শ্রীচন্দ্রাবলী	১২০
সাধারণী ...	"	সন্তোষ	১২৫
সমঞ্জসা ...	৮৯	সংক্ষিপ্ত ...	"
সমর্থা ...	"	সংকীর্ণ ...	১২৬
লালসা প্রভৃতি ...	৯০	সম্পন্ন ...	"
ত্রিক্ষের পূর্বরাগ ...	৯১	আগতি ...	"
রসোদগার ...	৯৩	প্রাহুর্ভাব ...	১২৭
মান	৯৪	সমৃদ্ধিমান ...	"
সহেতু ও নিহেতু ...	"	গৌণ সন্তোষ ...	"
মানোপশম ...	৯৫	বৃন্দাবন ক্রীড়াবি ...	"
মান প্রসঙ্গে বিশেষ কথা, খণ্ডিতা গান	৯৮	পদাবলীর নামক	১৩০
মানের রহস্য ...	১০০	গুণাদি ...	১৩১
প্রেম বৈচিত্র্য	১০২	অনুভাব ...	১৩২
আক্ষেপানুরাগের বৈচিত্র্য	১০৫	নায়ক চতুর্বিধ ...	"

সূচীপত্র

৩.

বিষয়	পৃষ্ঠা	বিষয়	পৃষ্ঠা
পতি ও উপপতি ...	১৩৪	সখীগণের দূতা ...	১৫০
নায়ক সহায় ...	১৫৫	সখীর ধর্ম ...	১৬১
দূতী ...	"	রস এবং ভাব	১৬৩
পদাবলীর নামিক	১৩৬	রসের সংখ্যা ...	"
পরকীর্তি ...	১৩৭	ভাব ...	১৫৫
কল্পকা ...	১৩৮	বিভাব ...	১৬৬
পরোচা ...	"	স্থায়ীভাব ...	১৬৮
মুখ্যাদি ভেদ ...	১৪০	মধুরাগতি ...	১৬৯
প্রোঢ় প্রেমাদি ...	১৪২	গৌণী রতি ...	১৭০
নিত্যপ্রিয়া ...	"	মধুরতির হেতু ...	"
শ্রীরাধা	১৪৪	অভিধা, লক্ষণা, ব্যঞ্জনা	১৭৩
বোডণ শৃঙ্গার } ...	১৪৫	নীলাচলে রথবাড়া (সঃ কৌমার হঃঃ)	১৭৪
দ্বাদশ আভরণ }		গোদাবরী তীরে ...	১৭৬
মর্যাদা ...	১৫৬	পহিলি পনের অর্থ ...	১৭৮
শ্রীরাধার স্বরূপ ...	১৪৮	না সো রমণ না হাম মণী	১৭৯
ঐ ব্যাখ্যা ...	১৫০	মহাপ্রভুর স্বরূপ ...	১৮০
অনুভাব (অলঙ্কার, উদ্ভাস্তর ও বাচিক) ১৫০		প্রেমবিলস বিবর্ত ...	১৮৩
কিলকিঞ্চিত ...	১৫৩	মহাপ্রভু কর্তৃক রাম রায়ের	
তপনাদি ...	১৫৫	মুখাচ্ছাদন ...	১৮৪
বাচিক গুণ ...	১৫৬	পদাবলীর ছন্দ	১৮৫
সখী ও দূতী	১৫৭	পদাবলীর অলঙ্কার	১৯৭
শ্রীরাধার সখীগণ ...	১৫৮	সংকীর্ণনে বাঙ	২১৯
সখীর কার্য ...	"	সংকীর্ণনে নৃত্য	২১৬
দূতী (আগুদূতী) ...	১৫৯		

শুদ্ধিপত্র

অশুদ্ধ	পৃষ্ঠা—	শুদ্ধ
বরিয়াছিলেন	৬	বলিয়াছিলেন
ভঙ্গা	১১	ভঙ্গ
উড়িয়া	১২	উড়িয়া
শ্রীধাধাক্ষের	১৩	শ্রীধাধাক্ষের
পদাবলীর একটা পদ	১২	পদাবলীর পদ একটা
ইতিহাসে	২৯	ইতিহাসে
বিদ্বান	৪২	বিদ্বন
হুল্লর	৪৮	সৌন্দর্য্যময়ী
যোগিপাল	৫৪	যোগিপাল
দয়াযে	৬২	দয়ায়
বড়	১১৪	বড়
মাসে	১১৭	মাস
লোরই	১২৩	লোরহি
কুলকুল	১২৮	কুলকুল
শ্রীহীতা	১৩৯	শ্রীসীতা
তদনুরূপ নিত্য প্রিয়ারাগ সঙ্ক	১৪২	তদনুরূপ সঙ্ক
উপরে	১৪৫	উপরে
জ্ঞান	১৮৮	জ্ঞান
নিরন্তর	১৪৯	নিরন্তর
ইঙ্গিত	১৫৫	হসিত
শ্রংসনাদি	১৫৫	শ্রংসনাদি
বড়	১৮২	বড়

LIBRARY

No. 3/36

Shri Shri Ma Anandamayee Ashram
BANARAS

পদাবলী-পরিচয়

১

পদাবলী

যদি হরিস্মরণে সরসং মনো যদি বিলাসকলাসু কুতূহলম্।

মধুর-কোমলকান্তপদাবলীং শৃণু তদা জয়দেবসরস্বতীম্॥

—শ্রীগীতগোবিন্দ।

* * * *

প্রাচীন বাঙ্গালা সাহিত্যে ‘পদাবলী’ একটি বিশিষ্ট স্থান অধিকার করিয়া আছে। বিশ্বসাহিত্যে ‘পদাবলী’ বাঙ্গালীর অগ্রতম অবদান। রবীন্দ্র-পূর্ববর্তী যে কল্পজন বাঙ্গালী কবি সাহিত্যের ইতিহাসে স্মরণীয় হইয়া আছেন—তঁাহাদের মধ্যে চণ্ডীদাস, কবিরঞ্জন, রায়শেখর, জ্ঞান দাস গোবিন্দ দাস, বলরাম দাস, নরোত্তম দাস, বৃন্দাবন দাস, কৃষ্ণদাস কবিরাজ এবং ভারতচন্দ্র অগ্রতম। ভারতচন্দ্র মঙ্গলকাব্যপ্রণেতা হইলেও বৈষ্ণব কবিগণের ভাবে অল্পপ্রাণিত ছিলেন। আমি রবীন্দ্রনাথকে বৈষ্ণব কবি-গোষ্ঠীর শেষ উত্তরাধিকারী বলিয়া মনে করি।

কবি জয়দেব স্বরচিত মধুর কোমলকান্ত সঙ্গীতের নাম দিয়াছেন “পদাবলী”। গোড়ীয় বৈষ্ণব সম্প্রদায় এই পদাবলী শব্দটি গ্রহণ করিয়াছেন। শ্রীমন্ মহাপ্রভুর পূর্ববর্তী কবি বিজ্ঞাপতি ও চণ্ডীদাসের এবং পরবর্তী কবি রায়শেখর কবিরঞ্জন প্রভৃতির রচিত সঙ্গীতসমূহ

পদাবলী নামে অভিহিত হইয়া আসিতেছে। পণ্ডিতগণের মতে পদাবলী শব্দটি দেশীয় ভাষা হইতে গৃহীত। কিন্তু শব্দটি বহু পুরাতন। আচার্য্য ভরতের নাট্যসূত্রে “পদ” শব্দের উল্লেখ আছে।

মার্গ এবং দেশী ভেদে সঙ্গীত দ্বিবিধ। সঙ্গীতপারিজ্ঞাতে উল্লিখিত আছে—

মার্গ-দেশীবিভেদেন বেধা সঙ্গীতমুচ্যতে ।
 বেধা মার্গাখ্যসঙ্গীতং ভরতায়াত্রবীৎ স্বয়ং ॥
 ব্রহ্মণোহধীত্য ভরতং সঙ্গীতং মার্গসংজ্ঞিতম্ ।
 অপ্সরাভিষ্চ গন্ধর্বৈঃ শস্তোরগ্রে প্রযুক্তবান্ ।
 তদ্দেশীয়মিতি প্রাহুঃ সঙ্গীতং দেশভেদতঃ ॥

স্বয়ং ব্রহ্মা ভরতকেদুর্বে সঙ্গীত শিক্ষা দিয়াছিলেন, তাহাই মার্গ-সঙ্গীত, আর অপ্সরা ও গন্ধর্বগণ যে গান মহাদেবের সম্মুখে গাহিয়াছিলেন দেশভেদে তাহাই দেশীয় সংজ্ঞা প্রাপ্ত হইয়াছে।

কিন্তু আচার্য্য মতঙ্গ স্ব-প্রণীত বৃহদ্দেশী গ্রন্থে বলিয়াছেন—

আলাপাদিনিবন্ধো যঃ স চ মার্গঃ প্রকীর্তিতঃ ।
 আলাপাদিবিহীনস্ত স চ দেশী প্রকীর্তিতঃ ॥

যাহা হউক, ভরত সঙ্গীতকে “গান্ধর্ব” বলিয়াছেন। এই গান্ধর্বকলার পরিচয় দিতে গিয়া ভরত বলিতেছেন—

গান্ধর্বমিতি বিজ্ঞেয়ং স্বরতালপদাশ্রয়ম্ ।
 গন্ধর্ববাণামিদং যস্মাৎ তস্মাৎ গান্ধর্বমুচ্যতে ॥

*

*

*

*

*

*

পদাবলী

৩

গান্ধর্বং যন্ময়া প্রোক্তং স্বরতালপদাত্মকম্ ।

পদং তন্তু ভবেদ্বস্তু স্বরতালানুভাবকম্ ॥

যৎ কিঞ্চিদঙ্গরকৃতং তৎ সর্বং পদসংজ্ঞিতম্ ।

নিবন্ধঞ্চানিবন্ধঞ্চ তৎ পদং দ্বিবিধং শ্রুতম্ ॥

মহাকবি কালিদাস মেঘদূতে সঙ্গীত অর্থেই 'পদ' শব্দ ব্যবহার
করিয়াছেন—

“মদগোত্রাঙ্কং বিরচিতপদং গেয়মুদগাতুকামা—(উত্তর মেঘ)

মেঘদূতে বাকা অর্থেও 'পদ' শব্দের উল্লেখ আছে—‘দ্বাযুক্তা-
বিরচিতপদং মনুখেনেদমাহ’ (উত্তর মেঘ)

আচার্য্য ভরতের বহু পরবর্তী শ্রীনিরহরি চক্রবর্তী স্বপ্রণীত ভক্তি-
রত্নাকরে সঙ্গীত সম্বন্ধে সামান্য আলোচনা করিয়াছেন। তাহাতেও
অনিবন্ধ ও নিবন্ধ গীতের উল্লেখ আছে। তিনিও সঙ্গীতের অঙ্গ
নিরূপণে পদের উল্লেখ করিয়াছেন। অনিবন্ধ গীত স রি গ ম আ তা
না রি প্রভৃতি স্বরালাপ। নিবন্ধ গীত—

ধাতু অঙ্গে বন্ধ হইলে নিবন্ধাত্মক হয়।

শুদ্ধ ছায়ালাগ ক্ষুদ্র নিবন্ধ এ ত্রয়।

* * *

নিরূপিল নিবন্ধ গীতের ভেদত্রয়।

শুদ্ধ সালাগ সংকীর্ণ ঐছে কেহ কয়।

* * *

কেহো কহে নিবন্ধ গীতের সংজ্ঞাত্রয়।

প্রবন্ধ বস্তু রূপক এ প্রসিদ্ধ হয় ॥

শুদ্ধ বা প্রবন্ধ গীতের চারি ধাতু এবং ছয়টি অঙ্গ। কেহ কেহ
পাঁচটি ধাতুর কথা বলেন। ধাতু অর্থাৎ অবয়ব বা বিভাগের নাম।

উদ্গ্রাহক, মেলাপক, ঞ্বে ও আভোগ। যাহারা পঞ্চ ধাতুর কথা বলেন তাঁহারা ঞ্বে ও আভোগের মধ্যে একটি অংশের নাম দেন। অন্তরা। সঙ্গীতের ছয়টি অঙ্গ—স্বর, বিরুদ্ধ, পদ, তেন, পাঠ, তাল। নরহরি বলিতেছেন—

স্বর বিরুদ্ধ পদ তেনক পাঠ তাল।

এই ছয় অঙ্গে গীত পরম রসাল ॥

স্বর স রি গ ম প ধা দিক নিরুপয়।

গুণ নাম যুক্ত মতে বিরুদ্ধ কহয় ॥

পদ শব্দ বাচক প্রকার বহু ইথে।

তেনা তেনাদিক শব্দ মঙ্গল নিমিত্তে ॥

পাঠ বাস্তোন্তবাক্যর ধা ধা ধিলঙ্গাদি।

তাল চচ্চৎপুট যত্যাাদিক যথাবিধি ॥

এ ষড়ঙ্গ প্রাচীন আচার্য্য নিরুপয়।

বাক্য স্বর তাল তেনা চারি কেহ কয় ॥

স্বর—স রি গ ম ইত্যাদি আলাপ। বিরুদ্ধ—প্রশংসা বা গুণবাচক।
পদ—যাহা অর্থ প্রকাশ করে, স্ততরাং সঙ্গীতের সমস্ত অংশকেও পদ বলা যায়। তেন শব্দ মঙ্গলবাচক, পূর্বে সঙ্গীতজ্ঞগণ “ও হরি ও” এইরূপ আলাপ করিতেন। পাঠ—বাস্তব :সঙ্গে মুখে “বোল” উচ্চারণ। তাল—পরিমিত সময়ে যতি বা বিরাম। চক্রবর্তী মহাশয় বাক্য স্বর, তাল ও তেনা এই যে চারি অঙ্গের কথা। বলিয়াছেন—এখানে বাক্য ও পদ একার্থবাচক। গুণ বা প্রবন্ধ গীত পঞ্চ জাতিতে বিভক্ত।

প্রবন্ধের জাতি পঞ্চ মেদিনী নন্দিনী।

দীপনী পাবনী তারাবলী কহে মুনি ॥

ছয় অঙ্গযুক্ত গানের নাম মেদিনী, ইহাতে স্বর বিরুদ্ধাদি সমস্তই থাকিবে। স্বর, পদ, তেন, পাঠ, তাল এই পঞ্চাঙ্গযুক্ত সঙ্গীত নন্দিনী ; বাক্য,

স্বর, তেনা ও তালযুক্ত গান দীপনী ; বাক্য, স্বর ও তালযুক্ত গান পাবনী এবং বাক্য ও তালযুক্ত সঙ্গীত তারাবলী নামে অভিহিত হইবে। এই সমস্ত আলোচনায় প্রমাণিত হয় পদ শব্দটি প্রাচীন। সঙ্গীতের অপর নামই পদ এবং সঙ্গীতশাস্ত্রে ইহা একটা পারিভাষিক শব্দ।

আচার্য্য হরপ্রসাদ নেপাল হইতে প্রাচীন বাঙ্গালার লেখা বৌদ্ধ গানের পুঁথি আনিয়া সন ১৩২৩ সালে “হাজার বছরের পুরাণ বাঙ্গালা ভাষায়” বৌদ্ধ গান ও দৌহা” নাম দিয়া বঙ্গীয়-সাহিত্য-পরিষৎ হইতে প্রকাশ করেন। ভূমিকায় তিনি এই গানের নাম বলিয়াছেন “চর্যাপদ”। স্মরণ্য “পদ” শব্দটি যে হাজার বছর পূর্বে চলিত ছিল, এবং তাহা গান অর্থেই ব্যবহৃত হইত, সে সম্বন্ধে তর্কের কোন অবসর নাই। চর্যাপদের সংস্কৃত টীকায় “ঋষপদেন দৃষ্টকুর্করাহ”, “দ্বিতীয় পদেন”, “চতুর্থ পদমাহ” প্রভৃতি উল্লেখ রহিয়াছে। এখানে পদ অর্থে গানের পংক্তি বা ছত্র। স্মরণ্য বাঙ্গালা ভাষায় পদ নানার্থে ব্যবহৃত হইত। এই চর্যাপদ-গানগুলি দেখিয়া বুঝিতে পারা যায় রচনা প্রায় পদাবলীর মত এবং গায়কগণ এই সমস্ত গানে অধুনা প্রচলিত কীর্তনের রাগ-রাগিণীই ব্যবহার করিতেন। এইজন্য আমি বলিয়াছি শ্রীমন্ মহাপ্রভুর পূর্বেও কীর্তন ছিল, তবে তাহা আকারে ও ভঙ্গীতে পৃথক ছিল।

চর্যাপদ বাঙ্গালার লোক-সঙ্গীতের অন্তর্ভুক্ত। পূর্বে ধাতুবদ্ধ নিবদ্ধ গানের শুদ্ধ, ছায়ালাগ ও ক্ষুদ্র, শুদ্ধ, সালাগ ও সংকীর্ণ, অথবা প্রবন্ধ, বস্ত, রূপক এই যে তিনটি শ্রেণীর কথা বলিয়াছি, বাঙ্গালার লোক-সঙ্গীতগুলি ইহার শেষের শ্রেণীর গান। এই ক্ষুদ্র, সংকীর্ণ বা রূপকের আবার চারিটি ভাগ আছে। ভক্তিরত্নাকরে বর্ণিত আছে—(পঞ্চম তরঙ্গ)

তাল ধাতুযুক্ত : বাক্য মাত্র ক্ষুদ্র গীত ।

ধাতু পূর্বে উক্ত উদ্গ্রোহাদি যথোচিত ॥

শুদ্ধ সালগের প্রায় ক্ষুদ্র গীত হয় ।

ইথে অন্তানুপ্রাসঃপ্রশস্ত শাস্ত্রে কর ॥

ক্ষুদ্র গীত ভেদ চারি চিত্রপদা আর ।

চিত্রকলা ঙ্গবপদা পাঞ্চালী প্রচার ॥

চিত্রপদা, চিত্রকলা, ঙ্গবপদা ও পাঞ্চালী বা পাঁচালী । সুপ্রসিদ্ধ কীর্তনীয়া নিত্যধামগত অবধূতচন্দ্র বন্দ্যোপাধ্যায় মহাশয় পদাবলী ও পাঁচালীর পার্থক্য নির্দেশ-প্রসঙ্গে বরিয়াছিলেন পদাবলী সম্ভবা, আর পাঁচালী বিষম্ভবা । বাঙ্গালার মঙ্গল গানগুলি পাঁচালীর অন্তর্ভুক্ত । কৃষ্ণমঙ্গল, শিবমঙ্গল, চণ্ডীমঙ্গল, মনসামঙ্গল সব গান একই ধরনে গাওয়া হয় । একটা ঐউদাহরণ দিতেছি । রামায়ণ গান হইতেছে, মূল গায়ক বর্ণন করিতেছেন—পবননন্দন অশোকবনে আসিয়া মা জানকীর দর্শন পাইয়াছেন । তাঁহাকে শ্রীরামচন্দ্রের কুশল-সংবাদ দিয়া শ্রীরাম-দত্ত অভিজ্ঞান অঙ্গুরীয় সমর্পণ করিতেছেন এবং সীতাদেবীকে অভয় দিতেছেন । মূল গায়ক প্রথমে বেশ সুরে তালে ধুয়া ধরিলেন—“ও মা এই নাও রামের অঙ্গুরী” । দোহাররা সকলে মিলিয়া ধুয়াটা সুরে তালে আবৃত্তি করিলেন । তারপর মূল গায়ক গান ধরিলেন—“শমনদমন রাবণ রাজা, রাবণদমন রাম ।” দোহাররা সুর ধরিলেন “আ আহা রি” । মূল গায়ক পুনরায় পরের ছত্র আবৃত্তি করিলেন—“শমনভবন না হয় গমন, যে লয় রামের নাম” ॥ দোহাররা তখন ধুয়াটাই সমস্তর গান করিলেন “এই নাও রামের অঙ্গুরী” ॥ এই জন্তই পাঁচালী বা মঙ্গল গান বিষম্ভবা । পদাবলীতে একরূপ-ভাবে ঙ্গবপদ গীত হয় না । মূল গায়ক ও দোহার সকলে মিলিয়া ঙ্গবপদ গান করেন । মঙ্গল গানের মত তাহার পুনরাবৃত্তি নাই । এই জন্ত পদাবলীর নাম সম্ভবা ।

উদ্গ্রাহক আদির উদাহরণ—

॥ রাগ পঠমঞ্জরী ॥

উদিত পূরণ নিশি নিশাকর কিরণ কর তম দুরি ।
 ভানুনন্দিনী পুলিন পরিসর শুভ্র শোভিত ভুরি ॥ উদ্গ্রাহক ॥
 মন্দ মন্দ সুগন্ধ শীতল চলত মলয় সমীর ।
 ভ্রমরগণ ঘন ঝঙ্কর কত কুহরে কোকিল কীর ॥ মেলাপক ॥
 বিহরে বরজ কিশোর ।
 মধুর বৃন্দা বিপিনমাধুরী পেখি পরম বিভোর ॥ ধ্রুব ॥
 দেব ঢুলহ সুরাসমণ্ডলে বিপুলকৌতুক আজ ।
 বংশীকর গহি অধর পরশত মোদ ভরু হিয় মাঝ ॥
 রাধিকা গুণ চরিত মরবর বিরচি বহুবিধ গীত ।
 গান রত রতিনাথ মদভর হরণ নিরুপম নীত ॥ অন্তরা ॥
 কঞ্জ লোচনে ললিত অভিনয়, বরিষে রস জন্ম মেহ ।
 ভণব কিরে ঘনশ্রাম প্রকটত জগতে অতুলিত নেহ ॥ আভোগ ।
 ষড়ঙ্গ মেদিনী গীতের উদাহরণ—

জয় জনরঞ্জন কঞ্জ নয়ন ঘন অঞ্জন নিভ নব নাগর ঐ ঐ ।
 গোকুল কুলজা কুলধ্বতি মোচন চন্দ্রবদন গুণ সাগর ঐ ঐ ॥
 নন্দতমুজ ব্রজ ভূষণ রসময় মঞ্জুলভূজ সুদর্শন ঐ ঐ ।
 ত্রিব্যভানু তনয়ী হৃদি সম্পদ মদনার্ববুদ মদমর্দন ঐ ঐ ॥
 গীত নিপুণ নিধুবন নয় নন্দিত নিরুপম তাণ্ডবপণ্ডিত ঐ ঐ ।
 ভানুতনয়ী পুলিনাঙ্গন পরিসর রমণী নিকর মণি মণ্ডিত ঐ ঐ ॥
 বংশীধর বর ধরণীধর কৃত বন্ধু অধরারুণ সুন্দর ঐ ঐ ।
 কুন্দরদন কিবা কমনীয় কুশোদর বৃন্দা বিপিন পুরন্দর ঐ ঐ ॥

পদাবলী-পরিচয়

কৃষ্ণকেলি কলহৈক ধূরন্ধর ধা ধা দ্বিধি ত গ ধে ন্না ঐ ঐ ।

স স্বরি গরি নরহরি নাথ এ ই অ ইতি অই অই অতেন্না ঐ ঐ ॥

বাঙ্গালা ভাষায় রচিত পদের সংখ্যা নিতান্ত অল্প না হইলেও পদাবলীর ভাষা সাধারণতঃ “ব্রজবুলি” নামে পরিচিত। এই ব্রজবুলি শ্রীকৃষ্ণাবন, মথুরা অর্থাৎ ব্রজমণ্ডলের কিশা ঐ অঞ্চলের ভাষা নহে। ব্রজবুলি বৈষ্ণব-কবিতার ভাষা, কবিগণের সৃষ্ট কৃত্রিম ভাষা। আসাম, বাঙ্গালা, উড়িষ্যায় মিথিলার প্রচলিত দেশীয় ভাষার মিশ্রণে তত্তৎ দেশে একই সময়ে ইহার উদ্ভব হইয়াছিল। মিথিলার বিদ্যাপতি মৈথিল ভাষায় পদ রচনা করিয়াছিলেন। বাঙ্গালায় তাহা ব্রজবুলিতে রূপান্তরিত হইয়াছে। ব্রজবুলির উপর মৈথিল প্রভাব কতটুকু সে বিচার পণ্ডিতগণ করিবেন। কিন্তু একথা অস্বীকার করিবার উপায় নাই যে মিথিলায় বিদ্যাপতি এবং বাঙ্গালায় চণ্ডীদাস দেশীয় ভাষায় যে মধুর এবং সুন্দর কবিতাবলী রচনা করিয়াছিলেন—জ্ঞাতসারেই হউক অথবা অজ্ঞাতসারেই হউক পরবর্তী কবিগণ সেই সৌন্দর্য ও মাধুর্য্যে প্রভাবিত হইয়াছিলেন। সেকালে বাঙ্গালা ও মিথিলার সম্বন্ধ খুব ঘনিষ্ঠ ছিল। বাঙ্গালা মুসলমান অধিকৃত হওয়ার পরেও স্বাধীন মিথিলায় হিন্দু রাজা রাজত্ব করিতেছিলেন। বাঙ্গালার বিদ্যার্থী মিথিলায় গিয়া বিদ্যাশিক্ষা করিয়া আসিত। বাঙ্গালার চণ্ডীদাসের গান মিথিলায় লইয়া যাইত, মিথিলার বিদ্যাপতির পদ বাঙ্গালায় বহিয়া আনিত। শকাব্দের ষষ্ঠ শতকে ভাস্কর বর্মা রাঢ় দেশ জয় করিয়া কর্ণসুবর্ণে জয়স্বন্ধাবার স্থাপন করেন। সেইদিন হইতে বাঙ্গালা ও আসাম পরস্পরের সংস্রবে আসিয়াছে। পরবর্তী কালে কুমার পালের মন্ত্রী বৈষ্ণবদেব আসাম জয় করিয়া তথাকার অধীশ্বর হন। কামরূপ ভারতের অন্ততম তীর্থক্ষেত্র। আসামে বাঙ্গালায় যাতায়াত বহুকালের। আসাম এবং মিথিলাও পরস্পর নিকট সম্বন্ধে আবদ্ধ ছিল। আসামের

প্রসিদ্ধ ধর্ম-প্রবর্তক আচার্য্য শঙ্করদেব তীর্থ-পর্যটন-ব্যপদেশে বাঙ্গালার আসিয়াছিলেন। বাঙ্গালী তীর্থযাত্রী উড়িষ্যার যাতায়াত করিতেন। রায় রামানন্দ বাঙ্গালী ছিলেন। সময় সময় বাঙ্গালার অংশ বিশেষ উড়িষ্যার রাজগণ অথবা উড়িষ্যার অংশ বিশেষ বাঙ্গালার রাজগণ অধিকার করিয়া লইতেন, সে অধিকার কখনো কখনো দীর্ঘ স্থায়ী হইত। মুদ্রণযন্ত্র, বেতার যন্ত্র, রেলপথ ও আকাশপথের সুবিধা না থাকিলেও এইরূপ নানাবিধ উপায়ে একদেশের সঙ্গে অপর দেশের ভাষা ও ভাবের, সভ্যতা ও সংস্কৃতির আদান-প্রদান ঘটিত। ব্রজবুলির সৃষ্টি ইহারই অন্ততম পরিণতি।

আসামের সুপ্রসিদ্ধ সাহিত্যিক শ্রীমান্ রাজমোহন নাথ শ্রীশঙ্করদেবের বরগীত এবং মাধবদেবের বরগীত প্রকাশ করিয়াছেন। শ্রীশঙ্করদেবের রুক্মিণীহরণ নাটও প্রকাশিত হইয়াছে। শ্রীশঙ্করদেব চতুর্দশ শকাব্দার, প্রথম দিকে বর্তমান ছিলেন। বাঙ্গালার যশোরাজধান এবং উড়িষ্যার রায় রামানন্দ ইহাদের সম-সাময়িক। নিম্নে ইহাদের রচনা উদ্ধৃত করিয়া দিলাম।

শ্রীশঙ্করদেবের রুক্মিণীহরণ নাট হইতে—

বসতি দিগন্তর নাথ হামারু । ভেট কেমনে হোই স্বামী মুরারু ॥
হামু কিঙ্করী হরি নাথ হামার । কহ শঙ্কর রুক্মিণীক ব্যবহার ॥

শ্রীমাধবদেবের বরগীত হইতে—

ঐং ॥ আলো মই কি কহবো ছুঃখ ।
পরায় নিগরে নে দেখিয়া চান্দমুখ ॥
পদ ॥ কত পুণ্যে লভিলোঁ গুণের নিধি শ্রাম ।
বঞ্চিয়া নিলেক নিকরুণ বিধি বাম ॥
শ্রাম কান্ন বিনে মোর ন রহে জীবন ।
হা শ্রাম বুলিতে আকুল করে মন ॥

পদাবলী-পরিচয়

দিবস না বাই স্নেহে ন বাই রয়নী ।

চান্দ চন্দন মন্দ পবন বৈরিণী ॥

কোথা যাওঁ কোথা থাকেঁ কিবা করে মন ।

কানাইর নেউছনি দেও সব বন্ধু জন ॥

শ্রাম বন্ধু বিনে জীবনের কিবা কাজ ।

বিরহ অনল জলে হৃদয়ের মাঝ ॥

না জানে' দারুণ বিধি কি করে বিপত্তি ।

কহয় মাধব রাঙ্গাপদে মোর গতি ॥

পণ্ডিতগণ ব্যাকরণ বিচার করিবেন । সাধারণের দৃষ্টিতে উদ্ধৃত পদের সঙ্গে ব্রজবুলি-রচিত পদাবলীর এবং বড় চণ্ডীদাসের শ্রীকৃষ্ণ-কীর্তনের ও বাঙ্গালার প্রচলিত বিদ্যাপতির পদাবলীর বিশেষ পার্থক্য পরিলক্ষিত হইবে না । শ্রীমাধবদেবের পদটি অতি অল্পাংশেই ব্রজবুলিতে রূপান্তরিত করিয়া লওয়া যায় । নিম্নে যশোরাজ খানের পদ উদ্ধৃত হইল ।

এক পরোধর চন্দন লেপিত আরে সহজই গোর ।

হিম ধরাধর কনক ভূধর কোরে মিলল জোর ॥

মাধব তুয়া দরশন কাজে ।

আধ পদচারি করত স্নন্দরী বাহির দেহলী মাঝে ॥

ডাহিন লোচন কাজরে রঞ্জিত ধবল রহল বাম ।

নীল ধবল কমল যুগলে চাঁদ পূজল কাম ॥

শ্রীযুত হুসন জগত ভূষণ সেহ এহ রস জান ।

পঞ্চ গোড়েশ্বর ভোগ পুরন্দর ভণে যশোরাজ খান ॥

মিলল, রহল, পূজল প্রভৃতি প্রয়োগ প্রাচীন বাঙ্গালার হস্তপ্রাপ্য নহে । তুয়া, সেহ, এহ প্রভৃতি শব্দও বিদেশ হইতে আসে নাই । অথচ এই পদটি বঙ্গদেশে বাঙ্গালী কবির রচিত ব্রজবুলী পদের প্রায় প্রথম

নিদর্শন বলিয়া কথিত হইয়া থাকে। সুতরাং স্বীকার করিতে হয় এ ভাষা আসামেও যেমন বাঙ্গালাতেও তেমনি স্বতঃস্ফূর্তরূপেই উদ্ভূত হইয়াছে। বশোরাঙ্গ থান ব্রজবুলিতে কোন কাব্য রচনা করিয়াছিলেন, অথবা ঋগ্ ঋগ্ রূপে পদ রচনা করিয়াছিলেন, নিশ্চয়রূপে কিছু বলা যায় না।

শ্রীরামানন্দ রায় গোদাবরীতীরে বিজ্ঞানগরে (অধুনা রাজমহেন্দ্রী নামে পরিচিত) উড়িষ্যার মহারাজা প্রতাপরুদ্রের অধীনস্থ প্রদেশপাল ছিলেন। তাঁহার জগন্নাথবল্লভ নাটক পুরীধামেই রচিত হইয়াছিল। শ্রীমন্ মহাপ্রভু যখন দাক্ষিণাত্যে গমন করেন সেই সময় শ্রীপাদ বাসুদেব সার্কভোম তাঁহাকে রামানন্দ রায়ের সঙ্গে সাক্ষাতের জন্ত অনুরোধ করিয়াছিলেন। গোদাবরীতীরে বিজ্ঞানগরে শ্রীমহাপ্রভু রামানন্দের সঙ্গে মিলিত হন। শ্রীপাদ স্বরূপ দামোদর স্বরচিত কড়চার এই মিলন-লীলা সংক্ষেপে লিখিয়া রাখিয়াছিলেন। শ্রীল কৃষ্ণদাস কবিরাজ শ্রীচৈতন্য-চরিতামৃতে রামানন্দমিলন বর্ণনে স্বরূপের কড়চার অনুসরণ করিয়াছেন। এই প্রসঙ্গে কবিরাজ গোস্বামী রামানন্দরচিত যে পদটি উদ্ধৃত করিয়াছেন তাহা স্বরূপ দামোদরের কড়চা হইতেই গৃহীত হইয়াছে। কবিকর্ণপুরের শ্রীচৈতন্যচরিত মহাকাব্যেও পদটি উদ্ধৃত আছে। পদটি ব্রজবুলিতে রচিত। রামানন্দ রায় এইরূপ আর কোন পদ রচনা করিয়াছিলেন বলিয়া জানা যায় না। তিনি জগন্নাথবল্লভে শ্রীজয়দেবের অনুসরণে সংস্কৃত ভাষায় কয়েকটি পদ লিখিয়াছেন। আমাদের উদ্দিষ্ট পদটি এই—

পহিলিহি •রাগ নয়ন ভঙ্গ্যা ভেল।

অনুদিন বাঢ়ল অবধি না গেল ॥

না সো রমণ না হাম রমণী।

হুঁহু মন মনোভব পেশল জানি ॥

পদাবলী-পরিচয়

এ সখি সো সব প্রেম কাহিনী ।
 কান্ন ঠাম কহবি বিছুরহ জনি ॥
 না খোজলু দূতি না খোজলু আন ।
 হুঁহক মিলনে মথ্যত পাঁচবাণ ॥
 অব সোই বিরাগ তুঁহ ভেলি দূতি ।
 সুপুরুষ প্রেমক ঐছন রীতি ॥
 বর্ধন রুদ্র নরাধিপ মান ।
 রায় রামানন্দ কবি ভাণ ॥

এই পদের রাগ, নয়ন প্রভৃতি অধিকাংশ শব্দই তৎসম শব্দ । ভেল ভেলি, গেল, বাঢ়ল প্রভৃতি শব্দ চর্যাপদ, এবং কৃষ্ণ-কীর্তনেও পাওয়া যায় । অসমীয়া উড়িয়া ও বাঙ্গালা একই ভাষা-গোষ্ঠীর অন্তর্ভুক্ত বলিয়া মনে হয় ।

বৈষ্ণব কবিগণ অনেকেই সুপণ্ডিত ছিলেন । সংস্কৃত এবং প্রাকৃত ভাষার তাঁহাদের বিশেষ অভিজ্ঞতা ছিল । ভাব ও ভাষার দিক্ দিয়া যেমন, ছন্দ সম্বন্ধেও তেমনই সংস্কৃত এবং প্রাকৃতের অক্ষরন্ত ভাণ্ডার হইতে তাঁহারা অজস্র উপকরণ গ্রহণ করিয়াছেন ; সংস্কৃত ও প্রাকৃতের মূল ছন্দ অবিকল অনুকরণ করিয়াছেন, আবার বিবিধ ছন্দের মিশ্রণে কয়েকটি নূতন ছন্দেরও সৃষ্টি করিয়াছেন । কবি জয়দেবের শ্রীগীতগোবিন্দ অনেকেই আদর্শ গ্রন্থ ছিল । শ্রীগীতগোবিন্দের বহু ছন্দ পরবর্তী পদাবলীতে ব্যবহৃত হইয়াছে ।

পদাবলীর ছন্দ মাত্রাবৃত্ত, অক্ষরবৃত্ত এবং মিশ্র । মাত্রাবৃত্তে অক্ষরের গুরু লঘু মাত্রাই প্রধান বিচার্য্য, অক্ষরবৃত্তে অক্ষরসংখ্যাই প্রধান অবলম্বন । মিশ্র ছন্দে গুরু লঘু মাত্রা ও অক্ষরসংখ্যা উভয়েরই মিশ্রণ ঘটিয়াছে ।

মাত্রাবৃত্ত ছন্দে আট, বার ও বোল মাত্রার সম ও বিষম লঘু চতুষ্পদী—
ভঙ্গ পয়ার, পয়ার, একাবলী প্রভৃতি, তেইশ, পঁচিশ, আটাইশ মাত্রার লঘু
ত্রিপদী, দীর্ঘ ত্রিপদী এবং সাতচল্লিশ ও একাদশ মাত্রার দীর্ঘ চতুষ্পদী
ছন্দের প্রাচুর্য লক্ষণীয়। অক্ষরবৃত্ত ছন্দেও এইরূপ চৌদ্দ অক্ষরের
পয়ার, আট, দশ, বার অক্ষরের ভঙ্গ পয়ার, একাদশ অক্ষরের একাবলী
কুড়ি অক্ষরের লঘু ত্রিপদী, ছাব্বিশ অক্ষরের দীর্ঘ ত্রিপদী, মিশ্র পয়ার,
মিশ্র ত্রিপদী, আটত্রিশ ও পঁয়তাল্লিশ অক্ষরের দীর্ঘ চতুষ্পদী এবং ধামালী
প্রভৃতি ছন্দ পাওয়া যায়।

বৈষ্ণব কবিগণ প্রায় সকলেই অলঙ্কারপ্রিয় ছিলেন। তাঁহারা যেমন
অতি যত্নে ভাবানুরূপ শব্দ চয়ন করিয়াছেন, তেমনই ব্যঞ্জনাময় ভাবায়
রচিত কবিতা-সুন্দরীকে মনোহর অলঙ্কারেও সাজাইয়াছেন। ব্যতিক্রম
আছে, কেহ কেহ হয়তো অলঙ্কারের গুরুভারে কবিতার স্বভাব-সৌন্দর্যের
বিকৃতি ঘটাইয়াছেন, কিন্তু অনেকেরই এই বিষয়ে সামঞ্জস্য জ্ঞান আমাদের
বিস্ময়োৎপাদন করে। পদাবলীতে অনুপ্রাণ যমকাদি শব্দালঙ্কারের ও
উপমা রূপকাদি অর্থালঙ্কারের যথাযোগ্য সূচু প্রয়োগ আজিও অনবদ্য
কবিতার উদাহরণ হইয়া রহিয়াছে।

বৈষ্ণব কবিতা গীতি কবিতা। কিন্তু এই কবিতা আবৃত্তির জন্ম নহে,
প্রধানতঃ গাহিবার জন্মই রচিত হইয়াছিল। সুগায়ক রসজ্ঞ কীর্তনীয়ার
মুখে না শুনিলে পদাবলীর মাধুর্য্য অনুভূত হয় না; সৌন্দর্য্য প্রত্যক্ষ করা
যায় না। কীর্তনের আসরে গায়কগণ এবং শ্রোতৃবৃন্দ যেন একাত্মতা
প্রাপ্ত হন। তাঁহাদের চক্ষুর সম্মুখে অতীতের বৃন্দাবনলীলা যেন
বর্তমানের রূপ ধরিয়া বাস্তবে জীবন্ত হইয়া উঠে। মর্শ্মোচ্ছলিত রসভাব
প্রেম-ভক্তির সাক্ষ্যে শ্রীধাধারকৃষ্ণের যুগল বিগ্রহে আকার পরিগ্রহ করে।
অন্তর বাহির একাকার হইয়া যায়।

বৈষ্ণব কবিগণ অনেকেই প্রকৃত কবি—দ্রষ্টা এবং শ্রষ্টা। ইঁহারা শ্রীধাম বৃন্দাবনের নিভৃত নিকুঞ্জে বৃন্দাদেবীর অন্তেবাসী। কেহ কেহ অন্তরালের সজ্জা-গৃহের প্রবোধক, নেপথ্য-বিধানের বিধায়ক। ইঁহারা লীলাসঙ্গী, লীলা যেমন দেখিয়াছেন, যেমন আশ্বাদন করিয়াছেন, ছন্দে শ্লোকে তাহারই কথঞ্চিৎ আভাব দিয়াছেন। সুগভীর রসানুভূতি, সুনিবিড় ভাব-সম্ভূতি, অকৃত্রিম আকৃতি এবং প্রকাশভঙ্গীর স্বচ্ছন্দ স্ফুর্তি বৈষ্ণব কবি-গোষ্ঠীর সহজাত সম্পদ।

আত্মগত সাধনায় এবং ধ্যান তন্ময়তায় তাঁহারা জগৎ এবং জীবনকে আত্মসাৎ করিয়াছিলেন। তাই একের সুখ দুঃখ আশা আকাঙ্ক্ষা অনেকের সুখ দুঃখ আশা আকাঙ্ক্ষায় রূপান্তরিত হইয়াছিল। ব্যষ্টির সঙ্গে সমষ্টির সমন্বয় ঘটিয়াছিল। তাই বৈষ্ণব কবিতায় লৌকিক অলৌকিকের সীমারেখা মুছিয়া গিয়াছে। তাই ব্যক্তির বেদনা জাতির চিরন্তন আশ্বাদনের বস্তু হইয়া আছে।

অনেকের মতে ধর্ম্মমূলক কবিতা কবিতা হয় না। বৈষ্ণব কবিগণ এই মত ব্রান্ত প্রতিপন্ন করিয়াছেন। মূলে বৈষ্ণব কবিতা ধর্ম্মমূলক কবিতা, আমরা এইভাবে লইয়াই বৈষ্ণব কবিতা পাঠ করিয়া থাকি। বৈষ্ণব কবিগণের ধর্ম্ম—প্রেমধর্ম্ম। যে প্রেমের কোন হেতু নাই, যে প্রেম কোন বাধা মানে না, যে প্রেম কোন প্রতিদান চাহে না, যে প্রেমে আত্মমুখের পর্য্যন্ত কোন কামনা নাই, যে প্রেম ইন্দ্রিয় ঐশ্বর্যকেও তুচ্ছ জ্ঞান করে, বৈষ্ণবকবিগণের প্রেম সেই প্রেম। এই প্রেমের ঘনীভূত বিগ্রহকে তাঁহারা প্রত্যক্ষ করিয়াছিলেন। এই প্রেম তাঁহাদের বাস্তব বস্তু। এই প্রেমই তাঁহাদের জগৎ, প্রেমই তাঁহাদের জীবন। তাই তাঁহাদের কবিতা ধর্ম্মমূলক হইয়াও কবিতা হইয়াছে।

বৈষ্ণব কবিতা পদাবলী, সুর তাল সংযোগে গীত হয়। ইহা পাঠ

করিয়া যে আনন্দ পাওয়া যায়, কীর্তনীয়ার কণ্ঠে শুনিয়া তাহার শত গুণ আনন্দ লাভ হয়। পদাবলীর একটি “পদ” বিহঙ্গম, ভাব তাহার দেহ, রস তাহার প্রাণ, আর কথা ও সুর তাহার দুইটি পাখা। কীর্তনীয়ার গানে শ্রোতার মন এই পাখায় ভর করিয়া বিহগের সঙ্গে আনন্দের শাস্বত কল্ললোকে উধাও হইয়া যায়। কীর্তন কি বস্তু না শুনিলে তাহা বুঝা যায় না। পদাবলীর ভাষা বাঙ্গালা ও মৈথিল মিশ্রিত এক কৃত্রিমভাষা, পদাবলীর ছন্দ সংস্কৃত, প্রাকৃত ও বাঙ্গালার লোক-সঙ্গীত হইতে গৃহীত। তথাপি এই ভাষা, এই ছন্দ সেকালের বাঙ্গালা সাহিত্যে, দোহা ও মঙ্গলকাব্যের রাজ্যে একেবারে অভিনব, সম্পূর্ণ নূতন। বিষয়বস্তু পুরাতন হইলেও বলিবার ভঙ্গীতে ভাষা ও ছন্দের গুণে তাহা চিরনূতন হইয়া আছে।

বলিয়াছি বৈষ্ণব কবিগণের প্রেমই ধর্ম। এই প্রেম ভক্তিরই পরিণতি, ইহা আনন্দ চিরময় রস। তাই এই প্রেমের কবিতা প্রাকৃত জগতের ভাষায় কথা কহিয়াও অপ্রাকৃত জগতের বার্তা বহন করিয়া আনিয়াছে; আজিও এই মর জড়ের ধূলি-স্তরে অমরলোকের অমৃতবৃষ্টি করিতেছে। তাই পদাবলী বৈষ্ণব সাধকের ধ্যানমগ্ন, উপাসনার অবলম্বন। যদিও সাহিত্যের রস এবং যোগী, জ্ঞানী ও ভক্ত সম্প্রদায়ের অশ্বেষণীয় বেদান্ত-প্রতিপাদিত রস মূলে এক, তথাপি পদাবলীর একটি বৈশিষ্ট্য আছে। এই বৈশিষ্ট্যের প্রতি পাঠক ও শ্রোতৃগণের দৃষ্টি আকর্ষণ জন্ত ইহার সঙ্গে “গৌরচন্দ্রিকা” সংযুক্ত করা হইয়াছে। পূর্বরাগাদি যে বিভাগের পদ পাঠ বা শ্রবণ করি, সঙ্গে সঙ্গে তদ্ভাবভাবিত সেই আদর্শ সন্ন্যাসী—সেই প্রেম-বিগ্রহ—সেই অভিনব জঙ্গম হেমকল্পতরু শ্রীগৌরচন্দ্রকে বন্দন ও স্মরণ মনন করিয়া পাঠের বা শ্রবণের জন্ত চিত্তকে প্রস্তুত করিয়া লই। তাঁহার জীবন-ভাষ্য দিয়া পদাবলীর অর্থ গ্রহণে সচেষ্ট হই। পদাবলী গীতি কবিতা, পদাবলী সঙ্গীত,

কিন্তু পদাবলী ভগবৎজনের অত্যন্ত শ্রেষ্ঠ অবলম্বন, এ কথাটি ভুলিলে চলিবে না। পাঠক ও শ্রোতৃগণের প্রতি মহাজনগণের ইহাই নির্দেশ, আমাদের ইহাই অনুরোধ। পদাবলীর অল্প নাম মহাজন-পদাবলী। অর্থ—মহাজনগণের দ্বারা রচিত, মহাজনগণের দ্বারা আশ্রয়িত। সাধারণভাবে পাঠ করিবার জন্য তো বহু কবিতা আছে, শুনিবার বহু সঙ্গীত আছে। পদাবলী না হয় একটু স্বতন্ত্র ইহাই থাকুক। পদাবলী পাঠ করিতে বাধা নাই, শুনিতে বাধা নাই, মাত্র ভক্তিপূতচিত্তে পাঠ করিতে, নিষ্ঠা ভক্তি লইয়া শ্রবণ করিতে অনুরোধ করিতেছি। উপসংহারে এই অনুরোধের সমর্থনে আমি অপর সম্প্রদায়ের একজন মহাজন—স্বনামধন্য প্রাচীন আচার্য্য অভিনব গুপ্তের মহাবানী উদ্ধৃত করিতেছি। সুপ্রসিদ্ধ আলঙ্কারিক আনন্দ বর্দ্ধনের ধ্বন্যালোকের টীকা রচনা সমাপ্তিশেষে অভিনব গুপ্ত বলিতেছেন :

যা ব্যাপারবতী রসান্ রসয়িতুং দৃষ্টিঃ কবীনাং নবা

দৃষ্টি য়া পরমার্থবস্ত বিষয়োন্মেষা চ বৈপশ্চিতী ।

তে হে অপালম্ব্য বিশ্বমখিলং নির্বৰ্ণয়ন্তো বয়ম্

শ্রান্তা নৈব তু লব্ধমক্শিয়নত্বভক্তিতুল্যং সুখম্ ॥

রসসমূহের আশ্রয়দানের ব্যাপারবতী যে নব কবিদৃষ্টি এবং পরমার্থ বস্তু প্রকাশে সমর্থ যে বিদ্বৎ-দৃষ্টি—এই দুইরূপ দর্শনের সহায়তায় আমরা অখিল বিশ্বকে বর্ণন করিতে গিয়া শ্রান্ত হইয়া পড়িয়াছি। কিন্তু হে অর্ণবশাস্ত্রী তোমার ভক্তিতুল্য সুখ আমরা এখনো লাভ করিতে পারি নাই।

পদাবলী-সাহিত্যের ভূমিকা

শ্রীকৃষ্ণলীলা ও গোরলীলা—বিশেষ করিয়া শ্রীরাধাকৃষ্ণের লীলাকথাই পদাবলীর বিষয়বস্তু। পদাবলীর মধ্যে সখ্য ও বাৎসল্য রসের পদ সংখ্যায় বেশী নহে। শ্রীরাধাকৃষ্ণের জন্ম ও বাল্যলীলার পদের সংখ্যাও কম। পদাবলীতে মধুর রসের—শ্রীরাধাকৃষ্ণের লীলারসের পদের সংখ্যা প্রচুর। শ্রীরাধাকৃষ্ণের বয়ঃসন্ধি, রাধাকৃষ্ণের পূর্বরাগ হইতে আরম্ভ করিয়া মাথুরলীলা পর্যন্ত অবলম্বনে শত শত কবি সহস্র সহস্র পদ রচনা করিয়া গিয়াছেন। রাধাকৃষ্ণ-লীলাকথা লইয়া কবিতা ও গীতি-কবিতা রচনার আজিও বিরাম নাই। পদাবলীতে শ্রীগোরাঙ্গের লীলাকথা লইয়া রচিত পদের সংখ্যাও প্রচুর।

শ্রীরাধাকৃষ্ণ-লীলাকথা কতদিনের পুরাতন, কেহ জানে না। পুরাণের বয়স লইয়া নানা জনে নানা কথা বলিয়াছেন। অন্ধ-ভূত্যবংশীয় নরপতি হালের সঙ্কলিত গাথা-সপ্তশতীর মধ্যে প্রাকৃত ভাষায় রচিত কবিতায় 'রাই, কান্ন ও গোপীগণের কথা আছে। গাথা-সপ্তশতী কমবেশী প্রায় দুই হাজার বৎসর পূর্বে সঙ্কলিত হইয়াছিল। পরবর্তী বহু কবির রচিত খণ্ড-কবিতায়, কাব্য-নাটকের নান্দীশ্লোকে শ্রীরাধাকৃষ্ণ-লীলাকথা গ্রথিত রহিয়াছে। কাশ্মীরের সুপ্রসিদ্ধ আলঙ্কারিক আনন্দবর্দ্ধন প্রায় বার শত বৎসর পূর্বে তাঁহার অমর গ্রন্থ 'ধ্বতালোক' সঙ্কলন করিয়াছিলেন। এই গ্রন্থে তিনি রাধাকৃষ্ণ-লীলায় দুইটি প্রাচীন শ্লোক উদ্ধৃত করিয়াছেন। একটি শ্লোকে দ্বারকা-লীলার ইঙ্গিত আছে। শ্লোকটি এই—

তেষাং গোপবধুবিলাসসুহৃদাং রাধারহঃসাক্ষিণাং
ক্ষেমং ভদ্র কলিন্দশৈলতনয়া-তীরে লতাবেশ্বনাম্।

বিচ্ছিন্নে স্মরতল্লকল্লনমৃদুচ্ছেদোপযোগেহুনা-

তে জানে জরী ভবন্তি বিগললীলদ্বিঃ পল্লাবাঃ ॥

শ্রীকৃষ্ণ দ্বারকায় আছেন। মথুরা হইতে দূত গিয়াছে দ্বারকার। শ্রীকৃষ্ণ জিজ্ঞাসা করিতেছেন—ওগো ভদ্র, গোপবধূগণের বিলাসসুহৃদ, রাধার নিৰ্জ্জন কেলির সাক্ষী সেই যমুনাতীরবর্তী লতাকুঞ্জগুলির কুশল তো? (পরে নিজেই স্বগতোক্তি করিতেছেন,—কুশলই বা কি করিয়া বলি) বিলাসশয্যা-রচনার প্রয়োজন তো আর নাই, তাই তমাল-কিশলয় চয়নের প্রয়োজনও ফুরাইয়াছে, সূতরাং সেগুলি ঝরিয়া পড়িয়া শুকাইয়া যাইতেছে।

ক্ষেমেন্দ্রের দশাবতার-চরিতে রাধাকৃষ্ণের লীলা বর্ণিত আছে। ইনি জয়দেবের পূর্ববর্তী কবি। তাঁহার রচিত গোপীদের এই বিরহ-গান জয়দেবের কথা স্মরণ করাইয়া দেয় —

ললিত-বিলাস-কলা-সুখ-খেলন-ললনা-লোভন-শোভন-যৌবন-

মানিত-নবমদনে ।

অলিকুল-কোকিল-কুবলয়-কজ্জল-কাল-কলিন্দসুতামিব লজ্জন-

কালিয়কুল দমনে ॥

কেশি-কিশোর-মহাসুর-মারণ-দারুণ-গোকুল-দূরিত-বিদারণ-

গোবর্দ্ধন-ধরণে ।

কস্ত ন নয়নযুগং রতিসঙ্গে মজ্জতি মনসিজ-তরল-তরঙ্গে

বররমণী-রমণে ॥

জয়দেবের জীবদ্দশায় অথবা তাঁহার তিরোধানের অব্যবহিত পরে সম্রাট লক্ষণ সেনের মহাসামন্ত বটুদাসের পুত্র শ্রীধরদাস 'সদুক্তি-কর্ণামৃত' নাম দিয়া প্রাচীন ও সমসাময়িক কবিগণের রচিত স্মৃতিস্মৃতিবলী সংগ্রহ করেন। ইহারই কিছু পূর্বে বা পরে আর একখানি গ্রন্থও বাঙ্গালাতেই সংকলিত হয়, তাহার নাম 'কবীন্দ্রবচন-সমুচ্চয়'। সংগ্রহ দুইখানির

পদাবলী-সাহিত্যের ভূমিকা

১৯

মধ্যে বাঙ্গালী ও অ-বাঙ্গালী বহু কবির রচিত শ্রীকৃষ্ণলীলা তথা শ্রীরাধাকৃষ্ণ-
লীলাস্নক শ্লোক আছে। পরবর্তী বৈষ্ণব কবিগণ এই গ্রন্থ দুইখানি এবং
শ্রীমদ্ভাগবতের সমসাময়িক কবি শ্রীল রূপ গোস্বামীর সঙ্কলিত অনুরূপ গ্রন্থ
পদাবলী হইতে বহু সাহায্য পাইয়াছিলেন। বৃহদ্বাক্যপুৰাণ গ্রন্থখানি
সম্পূর্ণ বা অংশত জয়দেবের পরে রচিত হইয়াছিল বলিয়া অনুমিত হয়।
এই গ্রন্থে দুইটি পদাংশ পাওয়া যায় :

॥ রাগ গান্ধার ॥

কেশব কমলমুখী কমলম্

কমলনরনকলয়াতুল্যমলম্ ॥

কুঞ্জগেহে বিজনেহতিবিমলম্ ॥ ৫ ॥

সুরচিত্রিহেমলতামবলম্ব্য তরণতরুং

ভগবন্তম্ ।

জগদবলম্বনমবলম্বিতুমমুকলয়তি

স। তু ভবন্তম্ ॥

॥ রাগিনী শ্রী ॥

রসিকেশ কেশব হে ॥

রসসরসীমিব মামুপযোজয় রসময় রসনিবহে ॥

শ্রীরাধাকৃষ্ণলীলাকথা লইয়া শকাব্দার চতুর্দশ শতকে যে খণ্ড-কবিতা
ও কাব্য রচিত হইতেছিল, এই কবিতা দুইটি এবং “হরিচরিত” কাব্য
তাহার অন্ততম প্রমাণ। দুর্দান্ত হাবসীরা যেদিন রাজ্যাবরোধের
শুদ্ধান্তকক্ষে রাজমুণ্ড লইয়া গেণ্ডুয়া খেলায় প্রমত্ত ছিল, সমগ্র গোড়
রাজধানী ছিল সমস্ত, সেদিন ঐ রাজধানীরই কোন নির্জন গৃহে বসিয়া
কবি চতুর্ভুজ হরিচরিত রচনা করিয়াছিলেন। হাবসী-বিগ্ৰহ দমনে
সাহায্য করিয়া বাঙ্গালী প্রজাগণ ষে-বৎসর হুসেনশাহকে গোড়-

সিংহাসনে অভিষিক্ত করেন, সেই বৎসরে ১৪১৫ শকাব্দায় হরিচরিত রচনা সমাপ্ত হয়। চতুর্ভূজ পণ্ডিতবংশের সন্তান, তাঁহার পূর্বপুরুষ স্বর্ণরেখ বাঙ্গালার সম্রাট ধর্মপালের নিকট হইতে করঞ্জ গ্রাম দান-প্রাপ্ত হন। রাজের কুলীনগ্রাম-নিবাসী মালাধর বসু ১৪০২ শকাব্দায় শ্রীমদ্ভাগবতের আংশিক অনুবাদ ‘শ্রীকৃষ্ণবিজয়’ রচনা করেন। পদাবলী-সাহিত্যের ইতিহাসে এই সমস্ত গ্রন্থের মূল্য স্বীকৃত হইয়াছে। মালাধর বসু, শ্রীখণ্ডের দামোদর, কবিরঞ্জন, যশোরাজ খান প্রভৃতি অনেকেই গোড়রাজদরবারের সঙ্গে সম্বন্ধ ছিল। মিথিলার বিদ্যাপতির পদ বাঙ্গালার ধীরে ধীরে একটা নূতন ভাষার ও নবীন কবিগোষ্ঠীর অবলম্বন হইয়া উঠিতেছিল। চণ্ডীদাসের রচিত কৃষ্ণলীলার পদ—বিশেষ করিয়া দানখণ্ড ও নোকাখণ্ড বাঙ্গালার কবিগণকে তথা রসিক-সমাজকে অল্পপ্রাণিত করিয়াছিল।

শ্রীখণ্ডের কবি রামগোপাল দাস রসকল্পবল্লী গ্রন্থে লিখিয়াছেন :

শ্রীকবিরঞ্জন দামোদর মহাকবি।

যশোরাজ খান আদি সবে রাজ-সেবি ॥

নব জাতীয়তাবোধে উদ্বুদ্ধ দূরদর্শী কীর্ত্তিমান গোড়েশ্বর হিন্দুকুলতিলক মহারাজা দত্তজমর্দন দেবের (রাজা গণেশ) সহৃদয় সহায়তায় বাঙ্গালা-ভাষা : রাজসভায়, সুপ্রতিষ্ঠিত হইয়াছিল। বাঙ্গালী কবি রাজসম্মান প্রাপ্ত হইয়াছিলেন।

পরবর্তী গোড়েশ্বরগণ বিশেষতঃ সদাশয় হুসেন শাহ রাজা গণেশের পদাঙ্ক অনুসরণ করিয়াছিলেন। আমার মনে হয় শ্রীকৃষ্ণবিজয়-রচয়িতা মালাধর বসুকে “গুণরাজ খান” উপাধি গোড়েশ্বর হুসেনশাহই দিয়াছিলেন। তাঁহার পূর্ববর্তী কয়েকজন নরপতি হাবসী বিদ্রোহে বিব্রত ছিলেন। কাহারো কাহারো ভাগ্যে রাজ-সিংহাসন ছই তিন বৎসরের বেশী স্থায়ী হয় নাই। স্বল্পকালস্থায়ী রাজত্ব ও অশান্তির মধ্যে এইরূপ গুণ গ্রহণ ও

উপাধিদান সম্ভবপর বলিয়া মনে হয় না। ১৪০২ শকাব্দায় শ্রীকৃষ্ণবিজয় সমাপ্ত হয়। ১৪১৫ শকাব্দায় হুসেন শাহ সিংহাসনে আরোহণ করেন। গ্রন্থ রচনার চৌদ্দ পনের বৎসর পরে অথবা প্রজাসাধারণের আনুকূল্যে সিংহাসন প্রাপ্ত হইয়া রাজ্যারোহণ বৎসরেই উৎসব উপলক্ষ্যে হয়ত এই উপাধি প্রদত্ত হইয়াছিল। সেকালে মুদ্রাবয় ছিল না। উপাধি-প্রাপ্তির পর হাতে লেখা পুঁথিতে উপাধি যোগ করিয়া দেওয়া হয়। নকল কারকগণ তদনুরূপ নকল করিয়া লন। হুসেনশাহের দরবারেই মালাধর ভিন্ন আরো কয়েকজন বাঙ্গালী গুণী ব্যক্তি এইরূপ উপাধি পাইয়াছিলেন। ইহাদের একজন শ্রীধরের কবি যশোরাজ খান। যশোরাজ খান রাজদত্ত উপাধি, ইহার নাম জানি না। অল্পজন মালাধরের পুত্র লক্ষ্মীকান্ত বসু। ইনি উপাধি পাইয়াছিলেন “সত্যরাজ খান”। যশোরাজ খানের রচিত একটা পদ পাওয়া গিয়াছে। শ্রীচৈতন্য সমকালীন পদ-রচয়িতাগণের ইনিই অগ্রদূত।

শ্রীচৈতন্যের সমসাময়িক পদরচয়িতাগণের মধ্যে কবিরঞ্জন, রায়শেখর এবং গোবিন্দ আচার্যের নাম উল্লেখযোগ্য। দেবকীনন্দন ও মাধবের বৈষ্ণব-বন্দনার এবং কবিকর্ণপুরের গৌরগণোদ্দেশ-দীপিকায় গোবিন্দ আচার্য্য রাখাক্ষ-লীলা-কাব্য রচয়িতা এবং গীত-পঞ্চকারকরূপে উল্লিখিত হইয়াছেন। রামগোপাল দাসের রসকল্পবলীতে “অথ টামালী কৃষ্ণপ্রিয়াণাম্” উল্লেখ গোবিন্দ আচার্যের পঞ্চাংশ উদ্ধৃত হইয়াছে। ইহার ভাষাও ব্রজবুলি-মিশ্রিত।

কবিরঞ্জন এবং রায়শেখর পদকর্তাগণের মধ্যে অন্যতম শ্রেষ্ঠ কবি। কবিরঞ্জনের নাম ছিল রঞ্জন, উপাধি ছিল ছোট বিদ্যাপতি। ইহার এবং রায়শেখরের কয়েকটা পদ মিথিলার বিদ্যাপতির নামে চলিতেছিল, আমি সেগুলি চিহ্নিত করিয়া দিয়াছি। উদাহরণস্বরূপ কবিরঞ্জনের—“নমুয়া-বদনী ধনী বচন কহসি হসি” এবং “উদসল কুন্তল ভারা” আর রায়শেখরের “এ ভরা বাদর মাহ ভাদর শুন মন্দির মোর” এবং “গগনে অবধন মেহ দারুণ

সম্মানে দামিনী ঝলকই” প্রভৃতি পদের উল্লেখ করিতেছি। ইহাদের ব্রজবুলি-রচিত পদের তুলনা পদাবলী সাহিত্যেও খুব কমই পাওয়া যায়। কবিশেখর, রায়শেখর একজনেরই উপাধি। ইহার নাম দৈবকীনন্দন সিংহ। ইনি সংস্কৃতে গোপাল-চরিত মহাকাব্য, গোপীনাথ-বিজয় নাটক, বাঙ্গালার গোপাল-কীর্তনামৃত (রাধাকৃষ্ণলীলা পদাবলী) এবং গোপাল-বিজয় পাঁচালী রচনা করেন। রায়শেখর শ্রীখণ্ডের রঘুনন্দন ঠাকুরের শিষ্য। ইহার রচিত “দণ্ডাঙ্গিকা পদাবলী” শ্রীরাধাকৃষ্ণের অষ্টকালীয় লীলাবিলাস, বৈষ্ণব সাধকগণের নিত্য উপাসনার অবলম্বন। ইনি অসাধারণ কবিশ্বের অধিকারী ছিলেন।

ইহাদের সমসাময়িক কবিগোষ্ঠীর মধ্যে নরহরি সরকার ঠাকুর, বাসু-ঘোষ, গোবিন্দ ঘোষ, মাধব ঘোষ, জ্ঞানদাস, লোচন দাস, বৃন্দাবন দাস, কবি কর্ণপুর প্রভৃতির নাম উল্লেখযোগ্য। শ্রীগোরাঙ্গ-লীলার পদ রচনার বাসু ঘোষের নাম স্মরণীয় হইয়া আছে। শ্রীখণ্ডের শ্রীল নরহরি সরকার ঠাকুর এই ধারার আদি কবি। কিন্তু ইহারা সকলেই শ্রীঅদ্বৈত আচার্য্য প্রভুর নিকট ঋণী, আচার্য্য প্রভুই ইহাদের প্রেরণাদাতা। প্রধানতঃ তাঁহার আবাহনেই শ্রীগোরাঙ্গদেব মর্ত্যে অবতীর্ণ হইয়াছিলেন। গোরাঙ্গ-বন্দনার পদ-রচনারও তিনিই প্রবর্তক।

শ্রীচৈতন্য-ভাগবত, অন্ত্যখণ্ডে বর্ণিত আছে :

একদিন অদ্বৈত সকল ভক্ত প্রতি ।

বলিলা পরমানন্দে মত্ত হই অতি ॥

শুন ভাই সব এক কর সমবায় ।

মুখভরি গাই আজ শ্রীচৈতন্য রায় ॥

আজি আর কোন অবতার গাওয়া নাই ।

সর্ব অবতারময় চৈতন্য গোসাঞী ॥

পদাবলী-সাহিত্যের ভূমিকা

২৩

যে প্রভু করিল সর্বজগত উদ্ধার ।
 আমা' সব লাগি যে গৌরাঙ্গ অবতার ॥
 সর্বত্র আমরা যার প্রসাদে পূজিত ।
 সংকীৰ্ত্তন হেন ধন যে কৈল বিদিত ॥
 নাচি আমি তোমরা চৈতন্ত বশ গাও ।
 সিংহ হই গাই পাছে মনে ভর পাও ॥
 প্রভু যে আপনা লুকায়েন নিরন্তর ।
 ত্রুঙ্ক পাছে হয়েন সবার এই ডর ॥
 তথাপি অদ্বৈত বাক্য অলঙ্ঘ্য সবার ।
 গাইতে লাগিল চৈতন্ত অবতার ॥
 নাচেন অদ্বৈত সিংহ পরম বিহ্বল ।
 চতুর্দিকে গায় সব চৈতন্ত-মঙ্গল ॥
 নব অবতারের গুনিয়া নাম বশ ।
 সকল বৈষ্ণব হৈল আনন্দে বিবশ ॥
 আপনে অদ্বৈত চৈতন্তের গীত করি ।
 বলিয়া নাচেন প্রভু জগত নিস্তারি ॥

“শ্রীচৈতন্ত নারায়ণ করুণাসাগর ।

হৃৎখিতের বন্ধু প্রভু মোরে দয়া কর ॥”

—এই দুইটি পংক্তি আমি শ্রীচৈতন্ত সম্বন্ধে প্রথম পদ বলিয়া মনে করি ।
 এই সময় পুরীধামে বাঙ্গালার বহু ভক্ত উপস্থিত ছিলেন, অনেকেই কীৰ্ত্তনে
 যোগ দিয়াছিলেন । এতদিন ষাঁহারা শ্রীচৈতন্যলীলা লইয়া পদ রচনার
 ইচ্ছা মনে মনে পোষণ করিতেন, আজ তাঁহাদের মনস্কামনা পূর্ণ হইবার
 সুযোগ উপস্থিত হইল ; তাঁহারা মহা আনন্দিত হইলেন । আমার মনে

হয় শ্রীচৈতন্য-চরিত লইয়া কাব্য রচনার প্রেরণাও কবিগণ এই সূত্র হইতেই পাইয়াছিলেন। এই কীর্তনে শ্রীচৈতন্যদেব উপস্থিত হইয়াছিলেন। তিনি মনে করিয়াছিলেন, যেমন প্রতিদিন শ্রীকৃষ্ণকীর্তন হয়, আজিও বুঝি তাহাই হইতেছে। কিন্তু আসিয়া বখন শুনিলেন সকলে পরমানন্দে তাঁহারই নাম গুণ গান করিতেছে, তখন তিনি ক্লম্ব হইয়া গম্ভীরায় প্রত্যাবর্তন করিলেন এবং বিষয়টিতে শয়ন করিয়া রহিলেন। কীর্তনান্তে ভক্তগণ প্রভুকে দর্শন করিতে আসিলেন। গোবিন্দ প্রভুকে ভক্তগণের আগমন সংবাদ দিলেন, মহাপ্রভু সকলকে কাছে আসিতে বলিলেন। তাহার পর জিজ্ঞাসা করিলেন—আজি তোমরা কি কীর্তন করিতেছিলে-?

“ছাড়িয়া কৃষ্ণের নাম কৃষ্ণের কীর্তন। কি গাইলা আমারে তা বুঝাই এখন ॥” শ্রীবাস বলিলেন, জীবের কোন স্বতন্ত্র শক্তি নাই, ঈশ্বর বাহা বলাইয়াছেন, তাহাই বলিয়াছি। হস্ত দ্বারা কি সূর্য আচ্ছাদন করা যায়?

এমন সময় ত্রিপুরা, চট্টগ্রাম, শ্রীহট্ট প্রভৃতি নানা স্থানের ব্যক্তিগণ বাহারা অগম্যাথ দেখিতে আসিয়াছিলেন, সকলেই শ্রীচৈতন্যের গুণগান করিতে করিতে শ্রীচৈতন্য-সমীপে আসিয়া উপস্থিত হইলেন। তাঁহারা গাহিতে লাগিলেন—

জয় জয় শ্রীকৃষ্ণ-চৈতন্য বনমালী ।

জয় জয় নিজ ভক্তি রস কুতূহলী ॥

জয় জয় পরম সন্ন্যাসী রূপধারী ।

জয় জয় সংকীৰ্তন-লম্পট মুরারী ॥

জয় জয় দ্বিজরাজ বৈকুণ্ঠ-বিহারী ।

জয় জয় সর্বজগতের উপকারী ॥

জয় কৃষ্ণ-চৈতন্য শচীর নন্দন ।

এই মত গাই নাচে শত সংখ্য জন ॥

পদাবলী-সাহিত্যের ভূমিকা

২৫

অধ্যাপক ডক্টর শ্রীমান্ সুকুমার সেন তাঁহার গ্রন্থ “বাঙ্গলা সাহিত্যের ইতিহাসে” সংস্কৃত ও প্রাকৃত সাহিত্য হইতে কয়েকটি উদাহরণ উদ্ধৃত করিয়া পদাবলীর পূর্বরূপের আভাস দিয়াছেন। এই সুলিখিত গ্রন্থ-খানিতে বিজ্ঞানসম্মত রীতিতে তিনি অপভ্রংশ ও অবহট্ট কবিতা এবং চর্যাগীতিকা প্রভৃতির আলোচনার বাঙ্গলা-সাহিত্যের তথা বৈষ্ণব-পদাবলীর ক্রমবিকাশের এক সুন্দর ঐতিহ্য রচনা করিয়াছেন। ইহা হইতে জানিতে পারি শকাব্দ ত্রয়োদশ এবং চতুর্দশ শতকের বাঙ্গালীর জাতীয়-সাধনার কল্পধারা শকাব্দার পঞ্চদশ শতকে কেমন কলনাদিনী তটিনীর নটনভঙ্গীতে এক আকুল আবেগে উচ্ছ্বসিত হইয়া উঠিয়াছিল। বাঙ্গালীর মানস-শতদল শকাব্দার পঞ্চদশ শতকে কেমন শোভায়, সৌন্দর্য্যে রূপে, রসে, অলিকুলগানের অভিনন্দনে এক পরিপূর্ণরূপে বিকাশ লাভ করিয়াছিল। “বাঙ্গলা সাহিত্যের ইতিহাস” হইতে আমি কয়েকটি উদাহরণ উদ্ধৃত করিতেছি।

শ্রীরাধাকৃষ্ণের প্রণয়লীলার মধুময়ী স্মৃতি শকাব্দার একাদশ শতকেরও পূর্বে বাঙ্গালীর কবিচিন্তে কি আনন্দলোকের সৃষ্টি করিত, কবীন্দ্র-বচন-সমুচ্চয়ে তাহার উদাহরণ :

কোহরং দ্বারি হরিঃ প্রবাহ্যপবনং শাখামৃগেণাত্র কিং
কৃষ্ণোহহং দম্বিতে বিভেমি স্মতরাং কৃষ্ণঃ কথং বানরঃ ।
মুগ্ধেহহং মধুসূদনো ব্রজলতাং তামেব পুষ্পাসবাম্
ইখং নির্বচনীকৃতো দম্বিতয়া হ্রী নো হরিঃ পাতু বঃ ॥

“দ্বারে ও কে?” “হরি”, (অর্থাস্তরে বানর) “উপবনে যাও”,
“শাখামৃগের এখানে কি?” “প্রিয়ে আমি কৃষ্ণ।” “তাহা হইলে আরো
ভয়ের কথা, বানর কি কালো হয়?” “মুগ্ধে আমি মধুসূদন” (অর্থাস্তরে

২৬

পদাবলী-পরিচয়

মধুকর) “ফুলফোটা লতার কাছে যাও তবে ।” এইরূপে প্রিয়া কর্তৃক
নিরন্তর লজ্জিত হরি তোমাঙ্গিকে রক্ষা করুন ।

সাগর নদীর “নাটক-লক্ষণ-রত্নকোশে” বাক্বেলীর উদাহরণ :

কস্বং কৃষ্ণোহস্মি, বর্ণং তে নাহং পৃচ্ছামি নাম কিম্ ?

কেশবোহং, চিরান্নকং কুর্যাং ত্বাং খলু কেশবম্ ॥

কে তুমি ? আমি কৃষ্ণ । তোমার গায়ের রং জিজ্ঞাসা করিতেছি
না । নাম কি ? আমি কেশব । অনেক দিন পরে পাইয়াছি । তোমাকে
কেশব করিতেছি । (মারিয়া ফেলিয়া জলে ভাসাইতেছি ।)

শ্রীপাদ রূপ গোস্বামীর পদাবলীতে শ্রীরাধাকৃষ্ণের উত্তর প্রত্যুত্তরমূলক
এইরূপ কয়েকটি শ্লোক আছে । ২৮২, ২৮৩, ২৮৪, ২৮৫ সংখ্যক এই
চারিটি শ্লোক তুলনীয় । দুইটির রচয়িতার নাম নাই । একটি চক্রপাণির,
অষ্টটি হরিহরের ।

এই সমস্ত শ্লোকের সঙ্গে তুলনীয় পদ—পদকল্পতরু, ২য় শাখা ৩৫০-
পদ—

কো ইহ পুন পুন করত হকার ।

হরি হাম জানি না কর পরচার ॥

পরিহরি সো গিরি-কন্দর মাঝ ।

মন্দিরে কাহে আওব মৃগরাজ ॥

সো নহ ধনি মধুন্দন হাম ।

চলু কমলালয় মধুকরী ঠাম ॥

শ্রাম মুরতি হাম তু’হঁ কি না জান ।

তারা-পতি ভয়ে বুঝি অনুমান ॥

ঘরহঁ রতন দীপ উজ্জয়ার

কৈছনে পৈঠব ঘন আন্ধিয়ার ॥

পদাবলী-সাহিত্যের ভূমিকা

২৭

রাধারমণ হাম কহি পরচার ।

রাকা-রঞ্জনি নহ ঘন আন্ধিরার ॥

পরিচয় পদ হবে সব ভেল আন ।

তবহি পরাভব মানল কান ॥

তৈখনে উপজল মনমথ সুর ।

অব ঘনশ্রাম মনোরথ পুর ॥

বর্ষা রাত্রে শ্রীকৃষ্ণ কুঞ্জে আসিয়া দেখিলেন, দ্বার অর্গলবদ্ধ। শ্রীরাধা পূর্বেই আসিয়া কুঞ্জের দ্বার রুদ্ধ করিয়া বসিয়াছিলেন। শ্রীকৃষ্ণ কুঞ্জদ্বারে পুনঃ পুনঃ করাঘাত করিয়া জিজ্ঞাসা করিতেছিলেন—কে দ্বার রুদ্ধ করিয়াছে? তাই শ্রীরাধা বলিলেন, কে এখানে বারবার চীৎকার করিতেছে? শ্রীকৃষ্ণ বলিলেন, আমি হরি। শ্রীরাধা হরি শব্দে সিংহ অর্থ ধরিয়া বলিলেন, গিরিকন্দর পরিহার করিয়া কুঞ্জমন্দিরে মৃগরাজ কেন? শ্রীকৃষ্ণ বলিলেন, আমি মধুসূদন। শ্রীরাধা বলিলেন, (মধুসূদন) ভ্রমর, কমলিনীর নিকট যাও। শ্রীকৃষ্ণ বলিলেন, আমি শ্রাম। শ্রীরাধা শ্রাম অর্থে অন্ধকার ধরিয়া বলিলেন, চন্দের ভয়ে বুঝি, তা মন্দিরে তো রত্নদীপ জলিতেছে। শ্রীকৃষ্ণ বলিলেন, আমি রাধারমণ। শ্রীরাধা রাধা শব্দে অনুরাধা নক্ষত্র এবং তাহার নায়ক পূর্ণিমার চন্দ্র—এই অর্থ করিয়া বলিলেন, এ তো জ্যোৎস্না রাত্রি নহে, অন্ধকার রাত্রে পূর্ণিমার চন্দ্র কিরূপে উদ্ভিত হইবে। পরিচয় বুঝা হইল, শ্রীকৃষ্ণ পরাভব স্বীকার করিলেন। এদিকে অন্ধকার রাত্রি হইলেও মনমথ-সূর্য্য উদ্ভিত হইয়া হৃদয় আলোকিত করিল। ঘনশ্রামের (এক অর্থে শ্রীকৃষ্ণ অথ অর্থে পদকর্তা) মনোরথ পূর্ণ হইল। শ্রীকৃষ্ণের মনোরথ পূর্ণ হইল, তিনি শ্রীরাধার সঙ্গলাভ করিলেন। পদকর্তার মনোরথ পূর্ণ হইল, তিনি শ্রীরাধাকৃষ্ণের মিলন দর্শন করিলেন।

কবীন্দ্র-বচন-সমুচ্চয়ে—

ধ্বস্তং কেন বিলেপনং কুচযুগে কেনাজনং নেত্রয়োঃ ।

রাগঃ কেন তবাধরে প্রমথিতাঃ কেশেষু কেন শ্রজঃ ।

তোনা (শেবজ) নৌষকঅবমুখা নীলাজভাষা সখি

কিং কৃষ্ণেন ন বায়ুনেন পরস্যা কৃষ্ণান্নরাগস্তব ॥

কে কুচযুগের বিলেপন মুছিয়া দিল । কে চোখের কাজল ঘুচাইল ।
কে তোমার অঙ্গরাগপ্রমথিত করিল । কবরীতে মালা নাই কেন ? সখি,
(এ কাজ হইয়াছে) সেই অশেষ জনসমূহের মালিষ্ঠ-বিধবংসী নীলপদ্ম-
কান্তির দ্বারা । কি কৃষ্ণের দ্বারা । না যমুনার জলে । তোমার কৃষ্ণ
বর্ণেই অনুরাগ ।

তুলনা করিতেছি না, কিছু সাদৃশ্য আছে বলিয়া পদাবলী হইতে একটা
পদ উদ্ধৃত করিতেছি—

অবহ রভস রস কমলহি ধাধস ঝামর ছফর বেলি ।

উলটল কবরি অম্বর নাহি সম্বরি কহ কেবা গারি বা দেলি ॥

সখি কোন এতহ দুখ দেল ।

বিকচ কমল ফুল লোচন ছল ছল অব কাহে মুদিত ভেল ॥

তাম্বুল অধর মধুর বিশ্বফল কির দংশন কিবা দেল ।

কুচ ছিরিফল পর বিহগ কিরে বৈঠল তাহে অরুণ রেখ ভেল ॥

কাজর কপোল লোল অমিয়ফল সিন্দুর স্নন্দর বয়ানে ।

জ্ঞানদাস কহ চলহ চলহ সখি রাইক মিলাহ সিনানে ॥

কবীন্দ্র-বচন-সমুচ্চয়ে অভিসার সাধনার এই শ্লোকটি আছে :

মার্গে পঙ্কিনি তোরদাকৃতমসে নিঃশব্দসঞ্চারকং

গন্তব্যা দয়িতস্ত মেহস্ত বসতিমুপ্তেতি কৃত্বা মতিম্ ।

পদাবলী-সাহিত্যের ভূমিকা

২৯

আজ্ঞাহুকৃতনুপুরা করতলে নাচ্ছাও নেত্রে ভূষণ

কুচ্ছাল্লকপদস্থিতিঃ স্বভবনে পস্থানমভ্যশ্রুতি ॥

পদাবলীতে ইহার অনুরূপ পদ :—

কণ্টক গাড়ি কমল সম পদতল মঞ্জীর চীরহি বাঁপি ।

গাগরি-বারি টারি করি পীছল চলতহি অঙ্গুলী চাপি ॥

...হরি অভিসারকি লাগি ।

দূতর পঙ্খ-গমন ধনী সাধরে মন্দিরে বামিনী জাগি ॥

করযুগে নয়ন মুদি চলু ভামিনী তিমির পরানকি আশে ।

কর কঙ্কণ পণ ফণীমুখ বন্ধন শিখই ভুজগ গুরু পাশে ॥

গুরুজন বচন বধির সম মানই আন শুনই কহ আন ।

পরিজন-বচনে মুগধি সম হাসই গোবিন্দদাস পরমাণ ॥

ডক্টর সুকুমার সেনের “বাঙ্গলা সাহিত্যের ইতিহাসে” ত্রীপাদ রূপ-গোবিন্দীর পদাবলী হইতে কয়েকজন বাঙ্গালী কবির রচিত শ্রীরাধাকৃষ্ণ-লীলার শ্লোক উদ্ধৃত হইয়াছে। এই শ্লোকগুলি হইতেও বাঙ্গালার বৈষ্ণব পদাবলীর পূর্বরূপের পরিচয় পাওয়া যায়। সর্ববিদ্যাবিনোদের এই শ্লোকে দ্বিতী শ্রীরাধাকে শ্রীকৃষ্ণের অবস্থিতির সঙ্কেত জানাইতেছেন :—

পস্থাঃ ক্ষেমমরোহস্ত তে পরিহর প্রত্যাহসস্তাবনাম্

এতন্মাত্রমথারি সুন্দরী ময়া নেত্রপ্রণালীপথে ।

নীরে নীলসরোজমুজ্জলগুণং তীরে তমালাঙ্কুরঃ

কুঞ্জে কোহপি কলিন্দশৈলহৃদিতুঃ পুংস্কোকিলঃ খেলতি ॥

তোমার পথ মঙ্গলময় হউক। বিয়ের লেশমাত্র আশঙ্কা করিও না। সুন্দরি, আমি এইমাত্র দেখিয়া আসিলাম, কালিন্দী-নীরে একটি উজ্জল নীলপদ্ম, তীরে একটি নবীন তমালতরু, এবং কুঞ্জে একটি পুং-কোকিল খেলা করিতেছে।

গোবিন্দ ভট্ট কৃষ্ণের বেগুধ্বনির মোহিনী শক্তির বর্ণনা করিতেছেন :

সত্যং জল্পসি হৃঃসহাঃ খলগিরঃ সত্যং কুলং নির্মলং
সত্যং নিষ্করণোহপ্যয়ং সহচরঃ সত্যং স্তদূরে সরিং ।
তং সর্বং সখি বিন্মরামি ঝাটিতি শ্রোত্রাতিথি জায়তে
চেহ্নাদ-মুকুন্দ-মঞ্জু-মুরলীনিঃস্বান-বাগোদগতিঃ ॥

সখি, তুমি যথার্থই বলিতেছ খলবাক্য হৃঃসহ, ইহাও সত্য যে আমার
কুল নিষ্কলঙ্ক, ইহাও সত্য এই সহচর নির্ভর, এবং যমুনাতীর অনেক দূর !
তথাপি সখি, এ সমস্তই আমি তখনই ভুলিয়া বাই, যে মুহূর্তে মুকুন্দের মধুর
মুরলী-নিঃসৃত উদ্দাম রাগিনী আমার কর্ণে প্রবেশ করে ।

কেশব ভট্টাচার্য্য মাথুর-বিরহের পদ রচনা করিয়াছেন । শ্রীরাধা
উদ্ধবকে বলিতেছেন :

আস্তাং তাবদ্ বচনরচনাভাজনত্বং বিদুরে
দূরে চাস্তাং তব তনুপরীরন্তসম্ভাবনাপি ॥
ভুরো ভুয়ঃ প্রগতিভিরিদং কিস্ত বাচে বিথেরা
স্মারং স্মারং স্বজনগণনে কাপি রেখা মমাপি ॥

সাক্ষাতে পরস্পর বাক্যালাপের অবকাশ দূরে থাকুক, তোমার তনু
স্পর্শলাভের সম্ভাবনা স্তদূর হউক, কেবল বার বার প্রগতি করিয়া
এই প্রার্থনা করিতেছি—তুমি স্বজন-গণনার কালে আমার নামেও একটি
রেখাপাত করিও ।

শ্রীপাদ রূপ গোস্বামীর উদ্ধব-সন্দেশ হইতে একটি শ্লোক উদ্ধার করিয়া
দিলাম—

কারুণ্যাকৌ ক্ষিপসি জগতীং হা কিমেভির্বিলাপৈঃ
যেহি স্বেৰ্য্যং মনসি যদভূরধ্বগে বদ্ধরাগা

স্বস্তা বাণীমপি যদি নিজাং স ব্রজং নাজিহীতে

ধূর্তোহস্মাকং ত্রিজগতি ততস্তদ্বি নির্দোষতা ভুং ॥

আহা কেন তুমি এইরূপ বিলাপ করিয়া সকলকে কাঁদাইতেছ। পথিককে মন সমর্পণ করিয়াছিলে এই ভাবিয়া স্থির হও। সে ধূর্ত যদি নিজের কথা না রাখে, ব্রজে না-ই আসে, ত্রিজগতে তো আমাদের দোষ-হীনতা প্রমাণিত হইল।

দানখণ্ড এবং নোকাখণ্ড, লীলাকীর্তনের অত্যন্ত বিষয়বস্তু। বড় চণ্ডীদাসের শ্রীকৃষ্ণ-কীর্তনে দানখণ্ড ও নোকাখণ্ডের দুইটি বৃহৎ পালা পাওয়া যায়। তাঁহার পরবর্তী বৈষ্ণব কবিগণ জ্ঞানদাস, গোবিন্দদাস প্রভৃতি পদাবলী-রচয়িতা এবং মাধবাচার্য্য প্রভৃতি মঙ্গলকাব্য-প্রণেতৃগণ সকলেই এই দুইটি লীলা লইয়া পদ ও কবিতা রচনা করিয়াছেন। কৃষ্ণকীর্তনে এই দুইটি পালা ভিন্ন ভারখণ্ড, ছত্রখণ্ড প্রভৃতি আরো কয়েকটি পালা আছে। প্রাচীন কবিগণের রচনার এবং ব্রহ্মাণ্ডপুরাণ উপপুরাণ ও রাধাতন্ত্রে নোকাখণ্ডাদি কয়েকটি লীলার মূল পাওয়া যায়।

দানখণ্ডের বিষয় লইল বড়ারির সঙ্গে সখীগণকে লইয়া শ্রীরাধা মথুরার হাটে দধি, দুগ্ধ, ঘৃত, ঘোলাদি বিক্রয় করিতে বাইতেছেন। পথিমধ্যে শ্রীকৃষ্ণ ঘাটোয়াল পরিচয়ে পথরোধ করিয়াছেন। দানঘাটের রাজকর লইয়াই কৃষ্ণের সঙ্গে গোপীগণের বিবাদ। কৃষ্ণের প্রার্থিত রাজকর অর্থ নহে, দধি ঘৃতাদিও নহে, গোপীগণের অঙ্গপ্রত্যঙ্গ, সৌন্দর্য্য এবং কণ্ঠ-হারাদিই রাজকর। ইহাতেই গোপীগণের আপত্তি। আচার্য্যগণের মতে গর্গের জামাতা ভাগুরি রামকৃষ্ণের মঙ্গল-কামনার বস্তু করিতেছিলেন। সেই যজ্ঞে শ্রীরাধা সখীগণসহ দুগ্ধ, ঘৃত দান করিতে গিয়াছিলেন। পথে শ্রীকৃষ্ণ দানলীলা করেন। পদাবলীতে এইরূপ পদও আছে।

রাধাপ্রেমামৃত বা গোপালচরিত নামে একখানি ক্ষুদ্র গ্রন্থে বজ্রহরণ

খণ্ড, ভারখণ্ড, নোকাখণ্ড ও দানখণ্ড লীলার সংক্ষিপ্ত বর্ণনা আছে। সামান্য পাঠান্তরে এই গ্রন্থের কয়েকটি শ্লোক পদাবলীতে পাওয়া যাইতেছে। স্মৃতরাং গ্রন্থখানি মহাপ্রভুর পূর্বে রচিত বা সংকলিত হইয়াছিল, এইরূপ অনুমিত হয়। ঐতিহ্য দানখণ্ডের অপর কোন পৌরাণিক মূল পাওয়া যায় না। শ্রীমদ্ভাগবতের রাসপঞ্চাধ্যায়ের “এবং শশাংকাস্তবিরাজিতা নিশা” শ্লোকের কাব্য শব্দের ব্যাখ্যায় বৃহত্তোষণী টীকার শ্রীপাদ সনাতন গোস্বামী চণ্ডীদাসের দানখণ্ড নোকাখণ্ডের উল্লেখ করিয়াছেন। শ্রীচৈতন্য ভাগবতে গদাধর দাসের গৃহে শ্রীনিত্যানন্দের দানলীলার উল্লেখ আছে। শ্রীনিত্যানন্দ গদাধরের গৃহে আসিয়া দেখিলেন গদাধর দাস মাথায় গঙ্গাজলের কলসী লইয়া—“কে ছুঙ্ক কিনিবে” বলিয়া গোপীভাবে মত্ত হইয়া আছেন। আর—

দানখণ্ড গায়েন মাধবানন্দ বোষ।

শুনি অবধূত সিংহ পরম সন্তোষ ॥

ইহা হইতে স্পষ্ট প্রমাণিত হয় যে সময় দানখণ্ড গান প্রচলিত ছিল। ইহা চণ্ডীদাসের দানখণ্ডও হইতে পারে। শ্রীপাদ রূপ গোস্বামী দানলীলা লইয়া “দানকেলিকৌমুদী” নাম দিয়া একখানি ভাণিকা রচনা করিয়াছিলেন।

পদাবলীতে দৈত্যারি পণ্ডিত-রচিত শ্রীরাধা কর্তৃক শ্রীকৃষ্ণের বংশী চুরির শ্লোক (সংখ্যা ২৫৪) আছে ; নোকাখণ্ড লীলাও বহু প্রাচীন। প্রাকৃত পৈঙ্গলে নোকা বিলাসের কবিতা :

অরে-রে বাহিহি কাঙ্ক নাব

ছোড়ি ডগমগ কুগই ৭ দেহি।

তুঁহ এখণই সম্ভার দেই

জো চাহসি সো লেহি ॥

পদাবলী-সাহিত্যের ভূমিকা

৩৩

ওরে রে কৃষ্ণ (ভূমি) নোকা বাহিতেছ । ডগমগ (নোকা টলানো) ছাড়,
ছুরবছা করিও না । তুমি এখনই পার করিয়া দাও, বা চাও তাই লও ।

পদাবলীস্থত শ্লোক (সংখ্যা ২৭৫) রচয়িতা মনোহর :

পয়ঃপূরৈঃ পূর্ণা সপদি গতবুর্ণা চ পবনৈঃ

গভীরে কালিন্দীপয়সি তরিরেবা প্রবিশতি ।

অহো মে হৃদৈবং পরমকুতুকাক্রান্তহৃদয়ো

হরিবীরস্বারং তদপি করতালিং রচয়তি ॥

“এই জলপূর্ণা তরলী পবনে ঘূর্ণিতা হইয়া গভীর যমুনাজলে প্রবেশ
করিতেছে । হায় আমার একি হৃদৈব, তথাপি হরি পরম কোতুহলে
বারস্বার করতালি দিতেছেন” । রাধাপ্রেমামৃত বা গোপাল-চরিতে ইহার
অনুরূপ শ্লোক পাওয়া যায় । রাধাতন্ত্রে শ্রীকৃষ্ণের নোকাবিলাস লীলার বর্ণনা
আছে । ব্রহ্মাণ্ডপুরাণ নামে একখানি উপপুরাণ আছে । পূর্ব খণ্ডের
নাম “রামহৃদয়”, উত্তর খণ্ডের নাম “রাধাহৃদয়” । রাধাহৃদয়ে ভারতখণ্ডের বর্ণনা
পাইতেছি । শ্রীকৃষ্ণকীর্তন ভিন্ন পদাবলীর মধ্যে ভারতখণ্ড লীলার কোন
পদ পাওয়া যায় না । ঢাকা বিশ্ববিদ্যালয়ের ১১৫৫ সংখ্যক পুঁথির ১০ (খ)
পৃষ্ঠায় এই ভগিতাহীন পদটি আছে :

রাধার গিরিতে মন মজাইতে নিজ কান্ধে লয়া ভার ।

মথুরা বাইতে ছুত্তর তরীতে নাইয়া হইয়া করি পার ।

এত লঘু কাজ করি ব্রজ মাঝ কিছুই না ভাবি দুখ ।

মোরে রসবতি ভালবাসে অতি এই মনে বড় সুখ ॥

প্রসিদ্ধ যাত্রাওয়ালা গোবিন্দ অধিকারী যাত্রাগানে মান, মাথুর, কলঙ্ক-
ভঞ্জনর সঙ্গে ‘নোকাবিলাস’ গান করিতেন । গোবিন্দের যাত্রার দলের
চলতি দেখিয়া হুগলী শ্রীরামপুরের রাধাকৃষ্ণ দাস যাত্রার দল করেন ।
তিনি “দানখণ্ড” পালা গাহিতেন । ইহা প্রায় একশত বৎসর পূর্বের কথা ।

রাঢ়দেশে “পটুয়া” নামে একটি সম্প্রদায় আছে। অতি প্রাচীনকালে ইহারা “যমপট্টক” নামে পরিচিত ছিল। আজিও ইহাদের প্রত্যেক ‘পটের’ শেষে যমরাজ ও চিত্রগুপ্তের এবং নরক ও যমদূতের ছবি দেখিতে পাই। বর্তমানে ইহাদের বংশ প্রায় লোপ পাইতে বসিয়াছে। মুর্শিদাবাদ জেলার আউগাঁ হইতে শ্রীতিস্থ চিত্রকর নামে একজন পটুয়া আমাদের বীরভূমে “পট” দেখাইতে আসিত। তাহার নিকট কৃষ্ণলীলার বঙ্গহরণ, দানখণ্ড, নোকাখণ্ড, ও ভারখণ্ডের একখানি পুরাণো পট ছিল। ভারখণ্ডের পটে—আগে শ্রীরাধা, তাহার পিছনে বড়াই, মাঝখানে ভারকান্ধে শ্রীকৃষ্ণ এবং সর্বপশ্চাতে পসরা মাথায় তিন জন সখীর ছবি আছে। তিহু গাহিত :

সব স্রবনের (সুবর্ণের ?) বাঁক খানি বিব পটের শিকা ।

কৃষ্ণ নিলেন দধির ভাঙ চলিলা রাধিকা ॥

আগে যায় সুন্দরী পিছনে বড়াই ।

মধ্যখানে যায় শ্রীনন্দের কানাই ॥

নোকাখণ্ডের পট দেখাইয়া তিহু গান করিত—(গোপীগণ বলিতেছে)

পার কর হে ধীবর মাঝি বেলাপানে চেয়ে ।

দধি ছদ্ধ নষ্ট হলো বিকী গেল বয়ে ॥

(কৃষ্ণ) সব সখীকে পার করিতে লব আনা আনা ।

শ্রীরাধাকে পার করিতে লব কানের সোনা ॥

রাঢ়ের পল্লীগ্রামের বহু রমণীর মুখে আজিও এই ছড়া শুনিতে পাই ।

বহু প্রাকৃত কবিতায়, জৈন, বৌদ্ধ এবং মধ্যযুগীয় সন্তগণের সাধন-সঙ্গীতে ও কবিতায়, এবং মরমিয়া স্মৃতি সম্প্রদায়ের গানে বৈষ্ণব কবিতার ভাব-সাদৃশ্য দৃষ্টি আকর্ষণ করে। সাধন-পদ্ধতির পার্থক্য থাকিলেও ভাবের প্রভাব অস্বীকার করিবার উপায় নাই। বাঙ্গালায় জৈন বৌদ্ধগণ

পদাবলী-সাহিত্যের ভূমিকা

৩৫

প্রায় দুই হাজার বৎসরের অধিবাসী। শকাব্দার সপ্তম শতক হইতেই মুকীগণ এদেশে আসিতে আরম্ভ করিয়াছিলেন। মহাপ্রভুর পরবর্তী কালেও এই অভিযান অব্যাহত ছিল। তীর্থ-পর্যটন ও বিদ্যালভের জন্য উত্তর, দক্ষিণ ও পশ্চিম ভারতে বাঙ্গালীর যাতায়াতের ঐতিহাসিক প্রমাণ আছে। সুতরাং ভাবের আদান-প্রদানে কোন বাধা ছিল না। আমি বাঙ্গালা সাহিত্যের ইতিহাস হইতে কয়েকটি কবিতা ও অনুবাদ তুলিয়া দিতেছি। প্রাকৃত পৈঙ্গলের কবিতা—

সো মহ কস্তা, দূর দিগন্তা । পাউস আএ, চেউ চলায়ে ॥

সেই মোর কান্ত, (এখন) দূর দিগন্তে । প্রাবৃষ আসে, চিত্র হয় চঞ্চলিত ।

গজ্জই মেহ কি অম্বর সামর । ফুল্লই নীব কি বুল্লই ভামর ॥

একল জীঅ পরাহিণ অম্মহ । কীলউ পাউস কীলউ মম্মহ ॥

মেঘ গর্জন করিতেছে, অম্বর শ্রামল, নীপ ফুটিয়াছে, ভ্রমর বুলিতেছে ।

আমার একলা জীবন পরাধীন ; প্রাবৃষ ক্রীড়া করুক, মন্থও ক্রীড়া করুক ।

ফুল্লিঅ কেন্ন চন্দ তহ পঅলিঅ

মঞ্জরি তেজ্জই চুআ ।

দক্খিন বাঅ সীঅ ভই পবহই

কম্প বিওইনি হীআ ॥

কেঅলি-ধুলি সব দিস্ পসরিঅ

পীঅর সবউ ভাসে ।

আই বসন্ত কাই সহি করিহই

কস্ত ন থক্খই পাসে ॥

কিংগুক প্রক্ষুটিত, চন্দ্রও প্রবল, চূতমঞ্জরী প্রকাশ পায়। দক্ষিণ বায়ু শীতল হইয়া প্রবাহিত হয়। বিরোগিনীর হৃদয় কাঁপে, কেতকীর

শূলি সব দিকে প্রসারিত, সব কিছু পীত বর্ণে রঞ্জিত, বসন্ত আগত ।
সখি কি করি, কান্ত যে পাশে থাকে না ।

জৈন কবির দোহা :

জই কেঁবই পাবীসু পিউ অঙ্কই কোডি করীসু ॥

পাণিউ গবই সরাবি জিব সবংগে পইসীসু ॥

যদি কোনমতে প্রিয়কে পাই (তবে উহাকে) গাঢ় আলিঙ্গন করি,
এবং নূতন শরায় জলের মত সর্বদা শুষ্কতা নাই ।

বৌদ্ধ-সাধকগণের কবিতা—

উঠ ভড়ারো করুণমণু পেক্খসি মহ পরিণাব ।

মহাসুহ জোএ কাম মহ ইচ্ছ সুগ্গ সহাব ॥

তোমহা বিহুণে মরমি হউ উঠহি তুহু হেবজ্জ ।

ছাড় হি সুগ্গ সহাবতা সবরিত্ত সীরাউ কজ্জ ॥

লোঅ নিমত্তিত্ত সুত্তপ্প পহু সুগ্গ অচ্ছসি কীস ।

হউ চণ্ডালী বিত্ত গমি তই বিণু উহমি ন দিস ॥

ইন্দী আলো তুট্ট তুহু হউ জানমি তুহ চিত্ত ।

অম্হে ডোষী ছেঅমণু মা কর করুণ বিছিত্ত ॥

উঠ স্বামি করুণমনা, আমার পরিণাম তুমি দেখ । মহাসুখবোগে
কামমধু ইচ্ছা কর হে শূন্যস্বভাব । তোমা বিহনে আমি মরি, হেবজ্জ
তুমি উঠ, শূন্য স্বভাব ছাড় । শবরীর কার্য সিদ্ধ হউক । লোক নিমন্ত্রণ
করিয়া হে সুরতপ্রভু, কেন শূন্য রহিয়াছ । আমি চণ্ডালী, বিত্ত নই ।
তোমা বিনা দিশা পাই না । ইন্দ্রজাল তোড় তুমি, আমি
জানি তোমার চিত্ত । আমি ডোষী বিরহকাতরা, করুণা বিক্ষিপ্ত
করিও না ।

পদাবলী-সাহিত্যের ভূমিকা

৩৭

সুফী কবিতা (শাহ ফরিদুদ্দীন) । ডাঃ শ্রীমুনীতিকুমার চট্টোপাধ্যায়ের
সংগ্রহ ।—

তপি তপি লুপি লুপি হাথ মরোড়উ ।
 বাঙলী হোই সো শহ লোরউ ॥
 তই সহি মন মহি কীয়া রোষ ।
 মুঝ অগগণ সহি (তাস) নাহি দোষ ॥
 তই সাহিব কী মই সার ন জানী ।
 জোবন খোই পাছই পছতানী ॥ ৬ ॥
 কালী কোইল তু কিতগুণ কালী ।
 অপনে প্রীতমকে (হউ) বিরহই জালী ॥
 পির হি বিহুন কতহি সুখ পায়ে ।
 জো হোই কুপাল তা প্রভু মিলায়ে ॥
 বিদগ্ধ খুহী মুক্ক ইকেলি ।
 না কো সাথী না কো বেলী ॥
 করি কিরপা প্রভু সাধসঙ্গ মেলী ।
 জা ফিরি দেখা তা (মেরা) অল্লাহ বেলী ॥
 বাটা হমারী খরীউ ডানী ।
 থমি অহ তিখী বহত পিঙ্গনী ॥
 উস উপর হই মারগ মেরা ।
 শেখ করীদা পহু সম্হারি সবেরা ॥

(বিরহ) অরে পুড়িয়া পুড়িয়া আমি হাত জোড় করিতেছি, বাউলী
 হইয়া আমি সেই স্বামীকে খুঁজিতেছি । সখি, সে মনের মধ্যে রোষ
 করিয়াছে, আমারি গুণহীনতা, সখি, তাহার দোষ নাই । সেই স্বামীর
 আমি সার (মর্শ্ব) জানিলাম না, যোবন খোয়াইয়া শেষে অনুতাপ (ভোগ)

করিতেছি। কালো কোকিল, তুই কত গুণ কালো। আমার প্রিয়তমের বিরহে আমি জলিতেছি। (বিরহ) পীড়া বিহীন (কোকিল) কত সুখ পায়। যে রূপালু হয় সে প্রভুর সঙ্গে (আমাকে) মিলাইয়া দেয়। হৃৎখের কুপে আমি একেলা নারী। না আছে কোন সাথী, না আছে কোন সাহায্যকারী। রূপা করিয়া প্রভু সাধুসঙ্গ মিলাইয়াছেন। (কিন্তু) যখন (ঘরে) ফিরিয়া দেখি তখন ঈশ্বরই আমার সহায়। পথ আমার দুর্গম, দুর্ভাগ্য, খড়্গের মত তীক্ষ্ণ ও অত্যন্ত সঙ্গীর্ণ। তাহারই উপর দিয়া আমার পথ। শেখ করিও, বেলাবেলি-পথ চিনিয়া লইতে হইবে।

মহাপ্রভুর সম-সাময়িক ধর্মপ্রচারক সাধু কবীরের রচিত এই ভাবের বহু কবিতা আছে। কবীর, চণ্ডীদাস বিজ্ঞাপতির পরবর্তী। চণ্ডীদাস বিজ্ঞাপতির কবিতায় কবিগণের জ্ঞাত বা অজ্ঞাতসারে বুদ্ধ, জৈন বা সুফী প্রভাবের আভাস, অথবা পরবর্তী বৈষ্ণব কবিগণের কবিতায় কবীর প্রভূতি সঙ্গগণের কবিতার ভাবের সাদৃশ্য যদি কেহ লক্ষ্য করিয়া থাকেন, আমাদের তাহাতে লজ্জার কোন কারণ নাই। শ্রীচৈতন্য-পরবর্তী কবিগণের প্রেরণার উৎস ছিলেন শ্রীচৈতন্যদেব। তবে এই কবিগণের অনেকেই সংস্কৃত ও প্রাকৃত সাহিত্যের সঙ্গে পরিচিত ছিলেন। সুতরাং প্রভাব থাকা আশ্চর্যের বিষয় নহে। তথাপি একথা অস্বীকার করিবার উপায় নাই যে, প্রকাশ-ভঙ্গীতে ও বিষয়-গোরবে বৈষ্ণব-পদাবলী সম্পূর্ণ মৌলিক রচনা এবং ভারতের প্রাদেশিক সাহিত্যে নূতন।

সংস্কৃত কাব্যে এবং খণ্ড কবিতায়, প্রাকৃত কবিতায় ও লোকসঙ্গীতে যে ভাবধারা কোথাও বা সিকতাতলবাহী ক্ষুধারার মত, কোথাও বা গিরিবক্ষ-বিলম্বিত নির্ঝরিত্রীর ছায় সমাজবক্ষে প্রবাহিত হইত, বৈষ্ণব-পদাবলীরূপে তাহাই একদিন বিপুল প্লাবনে উৎসারিত হইয়াছিল। বৈষ্ণব কবিতাই বাঙ্গালা সাহিত্যের অতীত এবং বর্তমানের সংযোগস্থল।

৩

শ্রীগৌরচন্দ্র

তুর্কী আসিয়া বাঙ্গালা অধিকার করিল। আচারে, অনুষ্ঠানে, অশনে-বসনে, সম্পূর্ণ বিপরীতধর্মী এক বিজ্ঞাতীয় সম্প্রদায় দেশের অধীশ্বর হইয়া বসিল। ইহাদের শাসনে শোষণে, বিজ্ঞেতার ঔদ্ধত্যপূর্ণ আচরণে দেশবাসী সজ্জন্ত হইয়া উঠিল। ইহাদের বিলাস-ব্যসনের উদ্দাম শ্রোতে বহু নরনারী ভাসিয়া গেল। ইহাদের পরধর্মে অসহিষ্ণুতা, স্বধর্ম প্রচারে হিংস্র নির্ভরতা দেশকে বিপন্ন করিয়া তুলিল। হিন্দু সহজে পরাধীনতা স্বীকার করে নাই। মাঝে মাঝে বিদ্রোহী হইয়াছে, দেশকে স্বাধীন করিবার চেষ্টা করিয়াছে। কিন্তু বিদ্রোহ সার্থক হয় নাই, চেষ্টা সফলতা লাভ করে নাই। রাজনীতির খেলায় বাঙ্গালী হারিয়া গিয়াছে। কোন কোন নরনাথের দেশদ্রোহিতাই এই পরাজয়ের প্রধান কারণ। কর্ম-বিমুখতা, বিলাসিতা, সম্ভবদ্ধতার অভাব, পরশ্রীকাতরতা প্রভৃতি অনুসঙ্গে আরো কারণ ছিল। বাঙ্গালী প্রধান কেহ কেহ তখন অস্ত্র পথ ধরিলেন, তাঁহারা রাজার জাতির সঙ্গে অসহযোগ অবলম্বন করিলেন। সমাজ-পতিগণ স্বজাতিকে কমঠ বৃত্তি গ্রহণের বিধান দিলেন। কুর্ষ যেমন নিজের কঠিন পৃষ্ঠাবরণে সমস্ত অঙ্গ-প্রত্যঙ্গ লুকাইয়া রাখে, তেমনই কঠোর আচার নিয়মের বিধি-বিধানের দুর্লভ্য অন্তরালে জাতিকে আবদ্ধ রাখিবার চেষ্টা করিলেন। কিন্তু তাহার ফল শুভ হইল না। জাতির জীবনশ্রোত রুদ্ধ হইয়া গেল। ক্রমে তাহা শ্বাসরোধী বিষ-বাষ্পপূর্ণ দুর্গন্ধময় বদ্ধজ্বালার পরিণত হইল। একদিকে অশনে বসনে অনুকরণপ্রিয় রাজানুগ্রহপুষ্ট কর্মচারী, জায়গীরদার, এবং নিয়োগী চৌধুরী সরঞ্জে

তরফদারের দল। সাধারণের সঙ্গে সম্পর্কহীন, সাধারণের সুখ-দুঃখে উদাসীন, ঐশ্বর্য ও ক্ষমতা-মদমত্ত এই সম্প্রদায় সাধারণকে কুপার চক্ষে দেখিতে লাগিল। অতীতকে জাতিলোপ-ভয়ে সম্ভ্রান্ত, ভীকু, শুষ্ক আচার-নিয়মের কঙ্কালসিকনে নিষ্পিষ্ট, রুদ্ধশ্বাস বদ্ধজ্বলার অধিবাসী মণ্ডুকবর্গ ! এতটুকু ক্রটিবিচ্যুতি দেখিলেই মানুষকে ঠেলিয়া ফেলিয়া দিতেছে, মানুষ দলে দলে ধর্মাস্তুর পরিগ্রহ করিতেছে, ইহাদের ভ্রক্ষেপ নাই। বাঙ্গালীর সর্বনাশের উপক্রম ঘটিল, বাঙ্গালী জাতিটাই বিলুপ্ত হইয়া বাইবে, এমন আশঙ্কা ঘনীভূত হইয়া উঠিল। এই হৃদ্যিনে বাঙ্গালীকে রক্ষা করিবার জন্য যাহারা অগ্রবর্তী হইয়াছিলেন, শান্তিপুরের শ্রীল অদ্বৈত আচার্য্য তাঁহাদের মধ্যে সর্বপ্রধান। ইহারই তপস্যায় বাঙ্গালার ভাগ্যাকাশ প্রসন্ন ও নির্মল হইয়াছিল; এবং সেই আকাশে শ্রীগোরচন্দ্র উদ্ভিত হইয়াছিলেন।

আমরা দায়বদ্ধ জীব। পূর্বাচার্য্যগণ অবশ্য-পরিশোধ্য আমাদের তিনটি সহজাত ঋণের দায় দিয়া গিয়াছেন। এই তিনটি ঋণ—ঋষি-ঋণ, পিতৃ-ঋণ এবং দেব-ঋণ। ইহাই ত্রিবর্গ;—ইহার অপর নাম ধর্ম, কাম, অর্থ, অথবা শিক্ষা, স্বাস্থ্য, জীবিকা। বিদ্যারম্ভের পর বালককে গুরুগৃহে বাস করিয়া বিদ্যাশিক্ষা করিতে হইত। গুরু শিক্ষার্থীকে বিদ্যাদান করিতেন। এখন বিদ্যা কেহ দান করে না, বিদ্যা ক্রয় করিতে হয়। এখনকার বিদ্যালয়, বিদ্যা-বিপণি। তথাপি এই ঋণ অবশ্য পরিশোধ্য। আমি কিনিলাম, কিন্তু অপরকে দান করিব, যতদিন এই মনোভাব না আসিবে, ততদিন দেশের কল্যাণ নাই। এই বিদ্যার ঋণ পরিশোধ করিতে হয়, না করিলে প্রত্যবায় ঘটে। শিক্ষাই ধর্ম, ধর্মই শিক্ষা। মানব ধর্মের, মহত্ত্বের সাধনাই শিক্ষার মূল উদ্দেশ্য। এই শিক্ষা গ্রহণ করিতে হইবে। পরে দেশের নিরক্ষরতা দূরীকরণে, জনসাধারণের মধ্যে

শ্রীগৌরচন্দ্র

৪১

শিক্ষা-বিস্তারে সাহায্যদানপূর্বক এই শিক্ষার ঋণ—ঋণ-ঋণ পরিশোধ করিতে হইবে। ইহা ব্রত, এই ব্রত প্রত্যেক শিক্ষার্থীকে গ্রহণ করিতে হইবে। শিক্ষালয় প্রতিষ্ঠাও এই ব্রতের অঙ্গ।

দ্বিতীয় ঋণ পিতৃঋণ—ইহাই কাম, ইহার অপর নাম স্বাস্থ্য। বিদ্যা-শিক্ষা সমাপনান্তে দারপরিগ্রহ করিতে হইবে। সমাজ বাহাতে সবল সুস্থ উত্তরাধিকারী প্রাপ্ত হয়,—তজ্জন্ত নিজের এবং পত্নীর স্বাস্থ্য রক্ষা অবশ্য প্রয়োজনীয়, তিলেকের তরেও একথা ভুলিলে চলিবে না। এই দেহ ভগবানের মন্দির, তাঁহার বিহারভূমি। এই দেহকে সুস্থ ও পবিত্র রাখিতে হইবে। সংযমী হও, মিতাচারী ও মিতাহারী হও, তবেই তোমার পিতৃ-ঋণ পরিশোধের যোগ্যতা জন্মিবে। তুমি যে ভাবধারার ধারক ও বাহক, তোমার স্থলাভিষিক্তের হস্তে বতঙ্গণ সেই ভাবধারার আধার ব্রহ্মকমণ্ডলু গ্রস্ত না করিতেছ, ততঙ্গণ তুমি ঋণী হইরা থাকিবে। ঔষধ পথ্য বিতরণ, সেবা, এই ঋণ পরিশোধের অন্ত্যতম পন্থা।

তৃতীয় ঋণ—দেব-ঋণ, ইহাকেই আমরা ত্রিবর্গের অন্ত্যতম অর্থ বা জীবিকা বলিয়া অভিহিত করিয়াছি। যজ্ঞই এই দেব-ঋণ পরিশোধের প্রকৃষ্ট উপায়। দেবোদ্দেশ্যে দ্রব্য ত্যাগের নাম যজ্ঞ। পরার্থে আত্মোৎসর্গের নামই যজ্ঞ। এই জীবনটাই যজ্ঞ, “দেবান্ ভাবয়তানেন তে দেবা ভাবয়ন্ত বঃ”—এই পরম্পর ভাবনার সেতু হইল যজ্ঞ। যজ্ঞের দ্বারাই জীবিকা অর্জন করিতে হইবে—“তেন ত্যক্তেন ভুঞ্জীথাঃ”। অজরামরবৎ বিদ্যা ও অর্থের চিন্তা করিবে, সংপথে থাকিয়া অর্থ উপার্জন করিবে, এবং সেই অর্থে সমাজের কল্যাণে, দেশের কল্যাণে ইষ্টাপূর্ত্তের অনুষ্ঠান করিবে। পঞ্চ যজ্ঞ আমাদের নিত্য অনুষ্ঠেয়।

এ পর্য্যন্ত আচার্য্যগণ খুব সুন্দর সুন্দর কথা বলিয়াছেন। এই সমস্ত কথায় তাঁহাদের সঙ্গে কাহারো বিরোধ নাই। কিন্তু অপর একটা ঋণের

কথা তাঁহাদের মনেই হয় নাই। অথচ এইটাই প্রধান ঋণ, এমন কি আসল ঋণ। অপর তিনটি ঋণের সঙ্গেও এ ঋণের সম্বন্ধ আছে। এই ঋণের কথা বিস্মৃত হইয়া অপর তিনটি ঋণ পরিশোধ করিতে যাওয়া প্রায় “হস্তিমানবুথৈব তৎ”। প্রাচীন ঋষি দুই চারিজন এই ঋণের কথা বলিয়াছেন। সনৎকুমার নারদকে ইহার কথা স্মরণ করাইয়া দিয়াছেন। এই ঋণ আনন্দের ঋণ, মাধুর্যের ঋণ।

উপনিষদ্ বলিয়াছেন—“আনন্দাচ্চৈব খৰ্ব্বিমানি ভূতানি জায়ন্তে। আনন্দেন জাতানি জীবন্তি। আনন্দেন প্রস্তুত্যভিসংবিশন্তি” ॥ যাহারা ব্রহ্মকে—মধু বলিয়া, রস বলিয়া, আনন্দ বলিয়া, ভূমা বলিয়া জানিয়াছেন—তাঁহারাি শ্রেষ্ঠ ঋষি, উত্তম দ্রষ্টা, প্রকৃত রসিক এবং ভাবুক। তাঁহারা বলিয়াছেন—শ্রীভগবান্ রসস্বরূপ, তিনি সচ্চিদানন্দময়। আনন্দ হইতেই ভূত সকল জন্মগ্রহণ করিয়াছে, আনন্দেই বাঁচিয়া আছে, শেষে আনন্দেই লয় পাইবে। ঋষি বলিয়াছেন—“আনন্দং ব্রহ্মণো বিদ্বান্ ন বিভেতি কুতশ্চন”। আনন্দই অমৃত, এই অমৃতের আশ্বাদনে—মানবের কোন ভয়ই থাকে না, এমন কি মৃত্যুভয় পর্যন্ত তুচ্ছ হইয়া যায়।

এই আনন্দের কথা মানুষ ভুলিয়াছিল। এককথায় সে আত্মবিস্মৃত হইয়াছিল, আপন অস্তিত্বের কথাই তাহার স্মৃতি হইতে লুপ্ত হইয়া গিয়াছিল। “স্মৃতিভ্রংশাৎ বুদ্ধিনাশো বুদ্ধিনাশাৎ প্রণশ্ৰুতি” স্মৃতি ভ্রংশে বুদ্ধিনাশ ঘটে, বুদ্ধিনাশে বিনাশ অবশ্যজ্ঞাবী। অখিল জগতের যখন এই ছরবহা, সেই সময় সমগ্র বিশ্বের, সমস্ত মানবজাতির ঋণভার গ্রহণ-পূর্বক সেই ঋণ পরিশোধের জন্তু যিনি আবির্ভূত হইলেন, তিনি বাঙ্গালীর প্রাণ-বিগ্রহ শ্রীচৈতন্যদেব, শ্রীগৌরচন্দ্র। এই আনন্দের ঋণ, প্রেমের ঋণই রাখা-ঋণ। শ্রীচৈতন্যদেব এই ঋণ পরিশোধ করিতে আসিয়া, এই ঋণের কথা স্মরণ করাইয়া দিয়া, সারা পৃথিবীকে ঋণী করিয়া গিয়াছেন।

আনন্দই অমৃত, নিরানন্দই মৃত্যু। আনন্দিতে মৃত্যু নাই। তাই তো বলিয়াছি পূর্বের যে তিনটা ঋণ, তাহাও যদি আনন্দের সঙ্গে পরিশোধ করিতে না পার, তবে তোমার ঋণ অপরিশোধ্যই থাকিবে। কর্ম শুধু নিষ্কাম হইলেই চলিবে না। মহাপ্রভু কর্মফল পরিত্যাগকেও “এহ বাহু” বলিয়াছেন। সর্বকর্ম তাঁহারই পদপ্রান্তে সমর্পণপূর্বক আনন্দের সঙ্গে যুক্ত হইয়া সাংসারভাবে তাঁহারই জ্ঞাত কর্মের অনুষ্ঠান করিতেছি, এই সাধনাই প্রকৃত সাধনা। আনন্দই সত্যবস্তু, আনন্দকে জ্ঞান, আনন্দের আশ্বাদন কর—রসো হেবায়ং লব্ধ্বানন্দীভবতি”। আপনি আশ্বাদন করিয়া সেই আনন্দ অপরকে দান কর, ইহাই আনন্দের ঋণ পরিশোধের উপায়।

আনন্দকে কেমন করিয়া জানিতে হয়, কেমন করিয়া আনন্দের আশ্বাদন করিতে হয়, জগৎকে আনন্দ দান করিতে হয়, ব্রজগোপীগণ আপনি আচরি তাহা জগতের জীবকে শিখাইয়া গিয়াছেন। এই গোপীগণের মধ্যে প্রধানা হইলেন শ্রীমতী রাধা ঠাকুরাণী। আনন্দদানের পথ-প্রদর্শনে তিনি ত্রিভুবনধাতা, ত্রিভুবনের অগ্রগণ্যা। তাই তাঁহারই ভাবকান্তি অঙ্গীকারপূর্বক রাধাভাব-দ্যুতি-স্ববলিত-তনু শ্রীগৌরচন্দ্রের অভ্যুদয়।

আনন্দ দান করিতে হইলে, আনন্দের আশ্বাদন করিতে হইলে জগতকে ভালবাসিতে হইবে। জগদীশ্বরকে ভাল না বাসিলে জগতকে ভালবাসা যায় না। কেমন করিয়া সর্বস্ব দিয়া আপনা বিলাইয়া—তাঁহার জ্ঞানই তাঁহাকে ভালবাসিতে হয়,—সমগ্র জীবনব্যাপী সাধনার শ্রীমতী রাধারাণীই তাহা দেখাইয়া গিয়াছেন। শ্রীরাধার ভালবাসার ঋণী হইয়া স্বয়ং আনন্দময়ই তাঁহার ঋণ স্বীকার করিয়াছেন। এই ঋণ পরিশোধের জন্যই সচ্চিদানন্দময় শ্রীচৈতন্যচন্দ্রের অবতার গ্রহণ। এ ঋণ আজিও

পরিশোধিত হয় নাই। তোমাকে, আমাকে, জগতের প্রত্যেক নর নারীকে এই ঋণ শোধ করিতে হইবে। বর্তমান ও ভবিষ্য মানবের ইহাই সর্বোৎকৃষ্ট এবং সর্বাপ্রগণ্য দায়।

আনন্দই মানবের চরম এবং পরম কাম্য। জানিয়া না জানিয়া মানুষ এই আনন্দের অনুসন্ধানই প্রাণপাত করিতেছে। আনন্দের স্বরূপ না জানিয়া মরীচিকার পিছনে ছুটিয়া বেড়াইতেছে। শ্রীমন্ মহাপ্রভুই প্রকৃত আনন্দলোকের বার্তা বহন করিয়া আনিলেন। মানবকে প্রকৃত আনন্দের সন্ধান দান করিলেন। বলিলেন—আত্মেন্দ্রিয় প্রীতিবাহ্যায় আনন্দ নাই, শ্রীকৃষ্ণেন্দ্রিয়প্রীতিবাহ্যাই আনন্দের প্রকৃত স্বরূপ। তিনি মানুষকে আনন্দাস্বাদনের পথ প্রদর্শন করিলেন।

শ্রীগৌরাঙ্গের আরো কয়েকটি নাম ছিল,—একটি নাম নিমাই, আর একটি বিশ্বম্ভর। দেহের বর্ণ স্বর্ণ জিনিয়া উজ্জ্বল গৌর ছিল বলিয়া লোকে তাঁহাকে গৌরাচাঁদ, গৌরাঙ্গ বলিয়া ডাকিত। নিমাইএর পিতার নাম শ্রীজগন্নাথ মিশ্র, মাতার নাম শ্রীশচী দেবী। নিমাই দুইবার দার-পরিগ্রহ করিয়াছিলেন। প্রথমা পত্নী শ্রীলক্ষ্মী ঠাকুরাণী মর্ত্যলোক পরিত্যাগ করিলে তিনি শ্রীবিষ্ণুপ্রিয়াকে বিবাহ করেন। যে সন্ন্যাসি-সম্প্রদায় শ্রীপাদ মাধবেন্দ্র পুরীকে অগ্রবর্তী করিয়া মানবদুঃখ দূরীকরণে বাঙ্গালাকে কর্মক্ষেত্র বাছিয়া লইয়াছিলেন, নিমাই সেই শ্রীমাধবেন্দ্র-শিষ্য শ্রীপাদ ঈশ্বর পুরীর নিকট দীক্ষা গ্রহণ করিয়াছিলেন। শ্রীপাদ কেশব ভারতী তাঁহাকে সন্ন্যাস দান করেন। শ্রীঈশ্বরপুরী, শ্রীকেশব ভারতী দুইজনই বাঙ্গালী ব্রাহ্মণ। সন্ন্যাসাশ্রমে নিমাইএর নাম হয় শ্রীকৃষ্ণচৈতন্য ভারতী। তখন তাঁহার বয়স চব্বিশ বৎসর।

শ্রীগৌরাঙ্গ সন্ন্যাসী হইলেন। রাজনীতিকে অন্তরালে রাখিয়া, তাহারই সমান্তরালে, বাঙ্গালায় তিনি এক নূতন আন্দোলন গড়িয়া তুলিলেন।

তিনি বলিলেন, শ্রীভগবান্ আছেন। তিনি করুণাময়, আনন্দময়। জগৎ জীবের জন্ত—জগতের স্বাবর জঙ্গম জড় চেতনের জন্ত তাঁহার করুণার অন্ত নাই। আনন্দ বিতরণের জন্য তিনি ব্যাকুল। তিনি নন্দনন্দন, তিনি নন্দযশোদার ছালাল, ব্রজরাখালগণের বন্ধু, ব্রজ-গোপলনাগণের প্রিয় দয়িত। তিনি ভালবাসার কান্দাল, তিনিই সত্যবস্ত, তাঁহাকেই ভালবাসিতে হইবে। প্রেমই পঞ্চম পুরুষার্থ, প্রেমই একমাত্র কাম্য বস্তু। এই প্রেম দিয়াই প্রেমময়ের উপাসনা মানবের চরম এবং পরম সাধন।

শ্রীচৈতন্যদেব বলিলেন—“জীব কৃষ্ণ-নিত্যদাস”। মানুষে মানুষে কোন পার্থক্য নাই। চরিত্রই মানুষের মেরুদণ্ড, প্রেমই জগতের প্রাণ, এই প্রেমই মানুষ চিনিবার নিকষ পাষণ। প্রেমিক যে সেই দ্বিজোত্তম, সেই জগতের শ্রেষ্ঠ মানুষ। এই প্রেম আনন্দ চিন্ময়রস, এই প্রেম নিত্য-সিদ্ধ বস্তু। কোন সাধনায় এ প্রেম পাওয়া যায় না। অকপটে শ্রীভগবানের নাম, লীলা, গুণ গান করিলে, একান্তভাবে তাঁহার শরণ গ্রহণ করিলে, তাঁহার ভক্তগণের সঙ্গলাভ ঘটে। ভক্তগণের কৃপা হইলেই প্রেমলাভ হয়। তাই তিনি শ্রীভগবানের নাম—শ্রীহরিনাম প্রচার করিয়াছিলেন, প্রচারে উপদেশ দিয়াছিলেন, প্রচারের ব্যবস্থা করিয়াছিলেন। তিনি গৃহস্থশ্রমে থাকিতে নবদ্বীপেই ইহার শুভারম্ভ হয়, সেই হইতেই বাঙ্গালার সংকীর্ণনের অভ্যুদয়।

শ্রীগৌরঙ্গ সন্ন্যাস গ্রহণ করিলেন। মানুষ তাঁহাকে দেখিল, কবিত্ব-কাঞ্চন-কান্তি, অশ্রুযৌত প্রেম-বিগ্রহ, করুণার অবতার। মানুষ দলে দলে আসিয়া তাঁহার চরণকমলে শরণ গ্রহণ করিল। ক্ষমতার তুঙ্গশিখরে সমাসীন পদবীধারী রাজবল্লভ, আভিজাত্যের প্রাকার-বেষ্টনে আবদ্ধ ঐশ্বর্যশালীর আদরের ছালাল, পাণ্ডিত্যের গর্ভ-গৌরবে ক্ষীত অধ্যাপক,

বিন্ধ্যবান্ কুলপতি, বিজ্ঞানদোক্ত ছাত্র, সহায়-সম্বলহীন কদলীপত্র-বিক্রেতা, পরিচয়হীন ভিক্ষুক, সমাজে অবহেলিত অস্পৃশ্য—সব একসঙ্গে মিলিয়া সমাজের অভিনব সমতলে আসিয়া দাঁড়াইল। প্রবীণ ব্রাহ্মণ, আচারে পাণ্ডিত্যে মর্যাদায় সমাজের যিনি শিরোমণি ছিলেন, শীর্ষদেশ হইতে নামিয়া আসিয়া ভগবদ্ভক্ত যুবক শূদ্রের চরণ বন্দনা করিলেন। ভূইয়ালী মোহান্ত পদবীতে উন্নীত হইলেন, সৎগোপ আচার্য্যের আসনে আসিয়া বসিলেন। যবন হরিদাস বেদজ্ঞ ব্রাহ্মণের বন্দনীয় হইয়া উঠিলেন। এমন কি, মত্তপ লম্পট ব্লেচ্ছাচারী জগাই মাধাই প্রকৃত সাধুরূপে পুনরায় দ্বিজত্ব লাভ করিলেন। বাঙ্গালী নব জন্মগ্রহণ করিল।

শ্রীপাদ স্বরূপ দামোদর, শ্রীমন্ মহাপ্রভুর অবতারের কারণ বর্ণনা করিয়াছেন। স্বরূপ বলিয়াছেন—“শ্রীরাধার প্রণয়-মহিমা কিরূপ, আমার যে মাধুর্য্য শ্রীরাধাকে মুগ্ধ করে, সেই মাধুর্য্য কিরূপ, আর সেই মাধুর্য্য আনন্দ দান করিয়া শ্রীরাধা যে আনন্দ লাভ করেন, সেই আনন্দই বা কিরূপ, এই তিন বাঞ্ছা পূর্ণ করিবার জন্ত স্বয়ং ভগবান্ শ্রীকৃষ্ণ শ্রীগৌরাঙ্গরূপে অবতীর্ণ হইয়াছেন।” শ্রীভগবানের বহুত্রে বিলাসের দুইটা ভূমি,—একটা নিখিল বিশ্ব, অপরটা শ্রীমহারাসমণ্ডল। রাস—ভাবের আধারে রসের হিলোল। ভাবের মিলনে রসের বিলাস। এই রাসমণ্ডলেই মহাভাবময়ী শ্রীরাধার নিকট শ্রীভগবান্ ঋণী হইয়াছিলেন। এই ঋণ পরিশোধের জন্তই তাঁহাকে শ্রীরাধার ভাব ও কান্তি অঙ্গীকার করিতে হইয়াছে। এই কথাই আর এক দিক দিয়া বলা যায়;—মাছুষ তাঁহাকে কেমনভাবে ভালবাসে, কিসের জন্ত ভালবাসে, ভালবাসিয়া কি সুখ পায় ইহাই জানিবার জন্ত, জানাইবার জন্তই তাঁহার আবির্ভাব। শ্রীভগবান্ রসস্বরূপ, ভাবের দ্বারা সেই রসকে আনন্দ দান করা যায়। ভাবই রসকে প্রকাশ করে, রসের বিকাশ ঘটায়। তাই রসহীন ভাব থাকে না,

ভাবহীন রস থাকে না। রসে ভাবে মাখামাখি। ইহাই শ্রীগৌরান্বয়ের স্বরূপ।

সাহিত্য,—যাহা একজনের সঙ্গে আর একজনকে মিলাইয়া দেয়— তাহাও রস ভাবের সমন্বয়ে রচিত। আচার্য্যগণ শ্রীগৌরান্বকে রস-ভাবের মিলিত মূর্তি বলিয়াছেন। তিনি আপনার প্রেমধর্ম প্রচারে এই রস-ভাবকেই গ্রহণ করিয়াছিলেন। রস এবং ভাবই তাঁহার ধর্মের দিব্য এবং আশ্রয়। শ্রীমন্ মহাপ্রভু সন্ন্যাস-গ্রহণের পর ছয় বৎসর দক্ষিণ, উত্তর ও পশ্চিম ভারতে পর্য্যটন করেন। অধ্যাপক-জীবনে তিনি পূর্ববঙ্গ ভ্রমণ করিয়া আসিয়াছিলেন। অষ্টাদশ বৎসর কাল শ্রীমহাপ্রভু পুরীধামে অবস্থান করিয়াছিলেন। পুরীধামে রাজগুরু কাশী মিশ্রের প্রদত্ত আবাসবাটী গম্ভীরার গোপন কক্ষে—

চণ্ডিদাস বিজ্ঞাপতি রায়ের নাটক-গীতি কর্ণামৃত শ্রীগীত-গোবিন্দ।

স্বরূপ রামানন্দ সনে মহাপ্রভু রাজ্যদিনে গায় শুনে পরম আনন্দ ॥

(শ্রীচৈতন্য-চরিতামৃত)

এই ধারা অনুসরণ করিয়াই বাঙ্গালায় নাম কীর্তনের সঙ্গে সঙ্গে লীলা কীর্তন বা রসকীর্তনের অনুষ্ঠান প্রবর্তিত হয়। কীর্তনে রস এবং ভাবই প্রধান। এই দিক দিয়া আলোচনা করিলে বলিতে হয় শ্রীমন্ মহাপ্রভু শ্রীনাম ও লীলা-কীর্তনের ঘনীভূত বিগ্রহ। উড়িষ্যার কবি সদানন্দ মহাপ্রভুর নাম দিয়াছিলেন “হরিনাম-মূর্তি”! আমরা বলি তাঁহার জীবন একখানি পরিপূর্ণ সাহিত্য—সুন্দর এবং মনোহর মহাকাব্য।

দুগ্ধমর্দন (রাজা গণেশ) দেবের অভ্যুদয়, তাঁহার গোড়-সিংহাসন অধিকার, নিজ নামে যুদ্ধা প্রচলন, স্থিতির নূতন নিবন্ধ প্রণয়ন জন্ত বৃহস্পতি মিশ্রকে নিয়োগ, জলানউদ্দীন কর্তৃক পিতৃপদাঙ্ক অনুসরণ, বৃহস্পতিকে রায়মুকুট উপাধিদান—বঙ্গেশ্বররূপে বাঙ্গালা ভাবাকে সমাদরে

গ্রহণ, বাঙ্গালার ইতিহাসে **বৃহত্তর ঘটনা**। কিন্তু বাঙ্গালীর এই জাতীর অভ্যুত্থান স্থায়িত্ব লাভ করে নাই। রাজধানী হইতে দূর পল্লীতে এই ভাব-প্রবাহ ব্যাপকভাবে প্রসারলাভ করিয়াছিল কিনা, সে বিষয়েও সন্দেহ আছে। তথাপি ইহা ব্যর্থ হয় নাই। এই ঘটনায় বাঙ্গালী আপনাকে চিনিয়াছিল। বাঙ্গালী প্রধানগণের হৃদয়ে তীব্র দুঃখবোধ জাগ্রত হইয়াছিল। কয়েকজন বাঙ্গালী সন্ন্যাসী এই জাগরণকে এক নবভাবে উদ্ভূত করিয়াছিলেন। শ্রীপদ মাধবেন্দ্রপুরী ইহার সূত্রধার। শ্রীঈশ্বরপুরী, শ্রীলক্ষ্মীপতিপুরী, শ্রীকেশব ভারতী প্রভৃতি সন্ন্যাসিগণ তাঁহার অনুগামী হইয়াছিলেন। চট্টগ্রাম, শ্রীহট্ট এবং রাঢ় বঙ্গের বহু মনীষী ইহাদের শিষ্যত্ব গ্রহণ করেন।

মাধবেন্দ্র শিষ্য আচার্য্য অদ্বৈতকে কেন্দ্র করিয়া নবদ্বীপে ধীরে ধীরে একটি গণ-আন্দোলন গড়িয়া উঠিল। জাতির বেদনা, জাতির হৃদয়বেগ, আশা, আকাঙ্ক্ষা, অভাব-বোধ, অবিলম্বে এক **মহত্তর আবির্ভাবে** কেন্দ্রীভূত হইল। “বাঙ্গালীর হিয়া অমিয় মথিয়া” শ্রীচৈতন্যচন্দ্র অভিযুক্ত হইলেন। অপ্রাকৃত প্রেম, অমায়িক করুণা, অলৌকিক চরিত্র, অসাধারণ শাস্ত্রার্থজ্ঞান, অপরিসীম ত্যাগ, অনুপম রূপ এক অপরূপ লাবণ্যবল্লরীর লীলায়িত বন্ধনে বন্দী হইয়া বাঙ্গালার মুক্তি পরিগ্রহ করিল। তিনি আপনাকে বিলাইবার জন্ত :—

ঘনরসময়ী গভীর বক্রিমহুভগোপজীবিতা কবিভিঃ।

অবগাঢ়া চ পুনীতে গঙ্গা বঙ্গাল বাণী চ ॥

ঘনরসময়ী গভীর, বক্রোক্তির (অর্থান্তরে বক্রিম প্রবাহের) জন্ত সুন্দর, কবিদের দ্বারা আত্মাদিতা, অবগাহনে কৃতার্থতাদায়িনী, সুরধুনী-সদৃশ পবিত্রা বঙ্গবাণীকেই গ্রহণ করিলেন। জয়দেব হইতে চণ্ডীদাস, বিষ্ণুমঙ্গল হইতে বিদ্যাপতি, তাঁহার মধ্যে আসিয়া আশ্রয় প্রাপ্ত হইলেন। বসন্তের অরূপণ দান যেমন তরু-তৃণ-লতা-পুষ্পকে শোভায় ও সৌন্দর্য্যে

কীর্তন

৪৯

একটি স্বতন্ত্র মহিমার মণ্ডিত করে, বর্ষার ধারা-বর্ষণ যেমন প্রকৃতিকে
 শ্রাম সমারোহে কাস্ত, কোমল ও সমুজ্জ্বল করে, পিক ও পাণিয়ার গানে
 স্বর্গ মর্ত্য একাকার করিয়া দেয়, ত্রীচৈতন্ত্যের সুনির্মল প্রীতি ও সুগভীর
 করুণা, তেমনই বাঙ্গালী হৃদয়কে সুন্দর শ্রামল ও সঙ্গীতময় করিয়া
 তুলিল। ত্যাগে, তপস্যায়, দুঃখ-বরণে সহিষ্ণুতায়, সংযমে ও গুচিতায়
 বাঙ্গালীর নব-জাতীয়তা গড়িয়া উঠিল। কত নাম না জানা ফুল, কত
 নাম না জানা পাখী, কত অশ্রুতপূর্ব সঙ্গীত, বাঙ্গালা জুড়িয়া উৎসব!
 ধনী, দরিদ্র, পণ্ডিত, মুখ, দীনদুঃখী, অধম, পতিত, দুর্গত, অসুস্থ, কবি
 গায়ক, দলে দলে আসিয়া সে উৎসবে যোগদান করিলেন।

৪

কীর্তন

শ্রবণং কীর্তনং বিমোহঃ স্বরণং পাদসেবনম্।

অর্চনং বন্দনং দাস্তং সখ্যাম্বনিবেদনম্ ॥

ইতি পুংসার্পিতা বিমোহা ভক্তিশ্চেন্নবলক্ষণা।

ক্রিয়ৈত ভগবত্যঙ্ক তন্মাত্রেহধীতমুত্তমম্ ॥

—শ্রীমদ্ভাগবত।

শ্রীমান্ প্রহ্লাদকে কৃষ্ণনাম ভুলানো গেল না। হিরণ্যকশিপু, ষণ্ড ও
 অমরক নামক ভ্রাতৃদ্বয়কে তাঁহার শিক্ষক নিযুক্ত করিয়া আদেশ দিলেন—

প্রহ্লাদকে কৃষ্ণবিমুখ কর। কিছুদিন গত হইল; তিনি ষণ্ড ও অমর্ককে বলিলেন, পুত্রকে লইয়া আইস, কেমন অধ্যয়ন করিতেছে দেখি। অধ্যাপকদ্বয় শিষ্যকে লইয়া আসিলেন। সম্রাট পুত্রকে কোলে লইয়া আদরপূর্বক জিজ্ঞাসা করিলেন, বলতো বৎস, কেমন অধ্যয়ন করিতেছ? উদ্ধৃত শ্লোকে প্রহ্লাদ উত্তর দিলেন—“বিষ্ণুর নাম-গুণ-লীলা শ্রবণ, কীর্তন, শ্রবণ, বিষ্ণুর পাদসেবন, অর্চন, বন্দন, দাস্য, সখ্য এবং বিষ্ণুকে আশ্র-নিবেদন, এই নবলক্ষণা ভক্তি তাঁহাকে সাক্ষাৎ ভাবে অর্পণ করিয়া তাহারই অনুষ্ঠান, আমি পুরুষের উত্তম অধ্যয়ন বলিয়া মনে করি। শ্রীমদ্ভাগবতে ও অন্যান্য পুরাণে কীর্তনের উল্লেখ আছে। শ্রীমদ্ভাগবত অন্ত্র জাতানুরাগ ভক্তের কথায় বলিয়াছেন—

এবং ব্রতঃ স্বপ্রিয়নামকীর্ত্য জাতানুরাগো দ্রুতচিত্ত উচৈঃ ।

হস্যত্যাগো রোদিতি রোতি গায়ত্বান্মাদবন্ নৃত্যতি লোকবাহুঃ ॥

অতি প্রাচীন কাল হইতে ভগবানের নাম, গুণ, লীলা উচ্চৈঃস্বরে কীর্তনের প্রথা ভারতের সর্বত্র প্রচলিত রহিয়াছে। কিন্তু বাঙ্গালার কীর্তন একটি বিশেষ অর্থে অভিহিত হয়। কীর্তন বলিতে একজনের গান বুঝায় না। কয়েকজনে মিলিয়া নির্দিষ্ট সুর তাল লয়ে গীত এক স্বতন্ত্র পদ্ধতিতে শ্রীভগবানের নাম-গুণ-লীলাস্বক যে গান, বাঙ্গালার তাহাকেই কীর্তন বলে। মহারাষ্ট্রীয় সাধু তুকারামের অভঙ্গের নাম কীর্তন, কিন্তু তাহার সঙ্গে বাঙ্গালার কীর্তনের কোন সম্বন্ধ নাই। পশ্চিমাঞ্চলে শ্রীভগবানের নামগুণাদি গানকে ভজন-সঙ্গীত বলে। বাঙ্গালার বৈষ্ণব-পদাবলি গানই কীর্তন নামে পরিচিত। কালী-কীর্তন পরবর্তী কালে রচিত।

শ্রীপাদ রূপ গোস্বামী ভক্তিরসামৃতসিদ্ধিতে বলিয়াছেন,—শ্রীভগবানের “নামলীলাগুণাদীনা উচ্চৈর্ভাষা তু কীর্তনম্” ।

কীর্তন

৫১

নাম লীলা ও গুণাবলীর উচ্চভাষণকে কীর্তন বলে। কীর্তনের দুই রূপ—নামকীর্তন ও লীলাকীর্তন। বেদাদি শাস্ত্রে এবং বিবিধ পুরাণে শ্রীভগবানের নাম-গুণ-লীলা কীর্তনের মাহাত্ম্য বর্ণিত হইয়াছে। বিশেষতঃ কলিতে শ্রীভগবন্নামকীর্তন একমাত্র ধর্ম।

সত্যে যদ্‌ ধ্যায়তে বিষ্ণুং ত্রেতায়াং যজ্ঞতে মথৈঃ।

দ্বাপরে পরিচর্য্যায়াং কলৌ তদ্ধরিকীর্তনাং ॥

সত্যযুগে ধ্যানে—ত্রেতায় যজ্ঞে, দ্বাপরে পরিচর্য্যায় এবং কলিতে হরিকীর্তনে বিষ্ণুর আরাধনা করিবে।

হরেন্নাম হরেন্নাম হরেন্নামৈব কেবলম্।

কলৌ নাস্ত্যেব নাস্ত্যেব নাস্ত্যেব গতিরন্তথা ॥

নাম করিতে গেলেই নামীর কথা আসিয়া পড়ে। তাঁহার রূপের কথা, তাঁহার গুণের কথা, তাঁহার বিবিধ লীলার কথা স্মৃতিপথে আসিয়া উদ্ভূত হয়। নিষ্ঠাপূর্বক নাম গান করিলেই সর্বসিদ্ধি হইবে, ইহাই শাস্ত্রের নির্দেশ। নাম-গুণ-লীলার মধ্যে রূপের কথা মাথামাখি হইয়া আছে, তাই পৃথকভাবে রূপের উল্লেখ করা হয় নাই।

লীলা-গানের কথায় শ্রীপ্রহ্লাদ বলিয়াছেন—

সোহং প্রিয়ন্ত সুহৃদঃ পরদেবতায়।

লীলাকথাস্তব নৃসিংহ বিরঞ্চগীতাঃ।

অঙ্গস্তিত্যনুগুণং গুণবিপ্রযুক্তে।

দুর্গাণি তে পদযুগালয়হংসসঙ্গঃ ॥—শ্রীমদ্ভাগবত।

হে নৃসিংহ, তোমার চরণযুগল আশ্রয়কারী, মহাজ্ঞানী ভক্তগণের সঙ্গ-বলে, রাগাদি পরিহারপূর্বক প্রিয় সুহৃদ ও পরদেবতাস্বরূপ তোমার বিরঞ্চি-গীত মহিমময়ী লীলাকথা কীর্তন করিয়া আমি সমস্ত দুঃখ তৃণের স্রাব্য তুচ্ছজ্ঞানে অতিক্রম করিব।

টীকাকার শ্রীধর স্বামী বিরুদ্ধিগীত অর্থে বলিয়াছেন—“বিরুদ্ধি হইতেই সম্প্রদায় প্রবর্তিত হইয়াছে।” ভাগবতধর্মোৎসেধন, সঙ্গীতেও তেমনি—ব্রহ্মা পুত্র নারদকেই শিষ্যরূপে গ্রহণ করিয়াছিলেন। নারদ হইতেই ভাগবতধর্ম এবংমার্গ সঙ্গীত তথা ভগবানের নাম, গুণ ও লীলা গান-মর্ত্যলোকে প্রচারিত হইয়াছে। নাম, গুণ ও লীলা গানের দুইটি ধারা—একটি শুক-কীর্তন, অষ্টটি নারদ-কীর্তন। নারদের শিষ্য মহর্ষি কৃষ্ণ-দ্বৈপায়ন-বেদব্যাস, ব্যাসশিষ্য (পুত্র) শুকদেব। শুকদেব শ্রীভগবানের নাম, লীলা ও গুণ-কীর্তনের (শ্রীমদ্ভাগবত তথা পুরাণ-কথনের) পৃথক ধারার প্রবর্তক। শুক-কীর্তনে কাল বিচার নাই। পুরাণ-পাঠক দিবাভাগে শ্রীরাসলীলা ও রাত্রে গোষ্ঠলীলা কীর্তন করিতে পারেন। কিন্তু নারদ-কীর্তন লীলাকীর্তনে কীর্তন-গায়ক দিবার রাস ও রাত্রে গোষ্ঠ গান করিতে পারেন না। প্রাচীনকালে মার্গসঙ্গীতেও রাগ-রাগিনী আলাপের সময় নির্দিষ্ট ছিল। কোন এক সময়ে কোন কোন রাগের আলাপ নিষিদ্ধ ছিল। স্বরের বৈচিত্র্য ও রঞ্জকতা অনুসারে রাগের সময় নির্দিষ্ট হইয়াছিল। রাগ-তরঙ্গিনী-প্রণেতা লোচন বলিয়াছেন—

‘বথাকালে সমারন্ধং গীতং ভবতি রঞ্জকম্।

অতঃ স্বরশ্চ নিরুমাৎ রাগোহপি নিরুমঃ কৃতঃ’ ॥

অবশ্য লোচন ইহাও বলিয়াছেন—

“রঙ্গভূমৌ নৃপাজ্জারাং কালদোষো ন বিদ্বতে”।

রঙ্গমঞ্চে এবং রাজসভায় গানের কালদোষ নাই। তত্ত্বিরত্নাকরে নরহরি চক্রবর্তী লিখিয়াছেন—

এসব রাগের যে যে কালে গুণযুক্ত।

সে সকল সময় সঙ্গীত শাস্ত্রে উক্ত ॥

কীর্তন

৫৩

অসময় গানে গায়কের দোষ হয় ।

গুর্জরী রাগাদি গানে সে দোষ নাশয় ॥ ১

সময়োল্লভনং গানে সর্বনাশাকরং ধ্রুবঃ ।

শ্রেণীবন্ধে নৃপাজ্জরাং রঙ্গভূমৌ ন দোষদম্ ॥

লোভান্মোহাশ্চ বে কেচিদ্গায়ন্তি চ বিরোগতঃ ।

স্বরসা গুর্জরী তস্ত দোষং হন্তীতি কথ্যতে ॥

বসন্ত রামকেরী গুর্জরী এই ত্রেয় ।

সর্বকাল গানে কোন দোষ না জন্মরে ॥

বসন্তো রামকেরী চ গুর্জরী স্বরসাপি চ ।

সর্বস্মিন্ গীয়তে কালে নৈব দোষোহভিজারতে ॥

নারদ ব্যবস্থা দিয়াছেন—

দশদণ্ডাং পরে রাত্রৌ সর্বেষাং গানমীরিতম্ ।

যদিও নারদ বলিয়াছেন, রাত্রি দশ দণ্ডের পর সমস্ত সুরেরই গান করা চলিবে, তথাপি কীর্তনীয়াগণ এ বিষয়ে কঠোর নিয়ম মানিয়া চলেন। কারণ ইহার মধ্যে ভোরে ভৈরবী, সন্ধ্যার পুরবী, এইরূপ রাগ-রাগিনী আলাপের প্রশ্নই নাই, ইহার মধ্যে শ্রীরাধাকৃষ্ণের লীলাপর্যায়ের সময়ের প্রশ্নও আছে। যে সময়ে যে লীলা অনুষ্ঠিত হইরাছিল, সে লীলা সেই সময়েই গাহিতে হইবে।

কুলন, নন্দোৎসব, দোল, কুলদোল প্রভৃতি তন্ত্ৰ পৰ্বদিন ভিন্ন গাহিবার উপায় নাই। দিনে রাস, রাত্রে গোষ্ঠ গান নিষিদ্ধ। উত্তর-গোষ্ঠ অপরাহ্নেই গাহিতে হইবে। কুঞ্জভঙ্গ ও খণ্ডিতা সকাল ভিন্ন গাওয়া চলিবে না। মান, কলহাস্তরিতা বৈকালের গান নহে। এই সমস্ত গানে রাগ-রাগিনী সংযোজনে যেমন বিষয়বস্তু ও ভাব-রসের দিকে লক্ষ্য রাখা হইরাছে, তেমনই সময়েরও বিচার করা হইরাছে।

আরো কয়েক শ্রেণীর গান আছে। যেমন প্রার্থনা গান, ইহা প্রায় নামকীর্তনেরই অন্তর্ভুক্ত। আত্মনিবেদনও প্রার্থনার পর্যায়ভুক্ত। সূচক গান—শোক সঙ্গীত। শ্রীপাদ রূপাদির তিরোভাবে রচিত এই সমস্ত গান তত্ত্ব মহাজনগণের তিরোভাব তিথি ভিন্ন অল্প সময় গাহিবার রীতি নাই।

আমরা শ্রীচৈতন্য-ভাগবত ও শ্রীচৈতন্য-চরিতামৃত হইতে কীর্তনের বিষয় কিছু কিছু জানিতে পারি। শ্রীচৈতন্য-ভাগবত সম্পূর্ণ নূতন ধরণের গ্রন্থ। ইতিপূর্বে দেব-কাহিনী লইয়া মঙ্গলকাব্য রচিত হইয়াছে। যেমন কৃষ্ণিবাসের 'রামমঙ্গল', গুণরাজ খানের 'শ্রীকৃষ্ণ-বিজয়'। দেবতা ও মানুষের কাহিনী লইয়া কয়েকজন কবি ধর্ম্মমঙ্গল, মনসামঙ্গল ও চণ্ডীমঙ্গল রচনা করিয়াছেন। মানুষের কাহিনী লইয়া খণ্ড খণ্ড গীতও রচিত হইয়াছে, যেমন বোঙ্গাপাল-গীত ইত্যাদি। কিন্তু একজন মানুষকে কেন্দ্র করিয়া তাঁহার মহত্তম আবির্ভাবের ঘোষণা প্রচারের জন্য মহাকাব্য রচনা এই প্রথম। বাঁহারা শ্রীচৈতন্য-ভাগবত পাঠ করিয়াছেন, তাঁহারাই একবাক্যে স্বীকার করিবেন, কবি বৃন্দাবন দাসের এই প্রথম প্রচেষ্টা সম্পূর্ণ সার্থকতা লাভ করিয়াছে। শৈলী পৃথক হইলেও শ্রীচৈতন্য-ভাগবত আসলে মঙ্গলকাব্য। কারণ কবি ইহার নাম রাখিয়াছিলেন শ্রীচৈতন্যমঙ্গল, শ্রীচৈতন্য-চরিতামৃতও এই নামের উল্লেখ আছে। পরে বৃন্দাবনের গোস্বামিগণ ইহার নাম রাখেন—শ্রীচৈতন্য-ভাগবত। এই চৈতন্য-ভাগবতে শ্রীচৈতন্য ও শ্রীনিত্যানন্দের বন্দনা এইরূপ—

আজ্ঞামূলস্থিতভুজো কনকাবদার্তো
সংকীর্ণনৈকপিতরো কমলান্তার্কো।
বিশ্বস্তরো দ্বিজবরো মুগ্ধধর্ম্মপালো
বন্দে জগৎপ্রিয়করো করুণাবতারো ॥

“যাঁহাদের ভুজযুগল আজানুলম্বিত, কান্তি কনকের মত নির্মল, নয়ন কমলায়ত, যাঁহারা সংকীৰ্তন-প্রবর্তক, যুগধৰ্ম-পালক ও প্রেমভক্তি দ্বারা বিশ্বপোষক, সেই দ্বিজকুলশ্রেষ্ঠ জগৎমঙ্গলকারক, করুণাবতার শ্রীচৈতন্য ও শ্রীনিত্যানন্দকে বন্দনা করি”। সংকীৰ্তনের পিতা, সংকীৰ্তন-প্রবর্তক শ্রীচৈতন্য ও শ্রীনিত্যানন্দ, ইহা সত্য কথা। কিন্তু এই অবতার-যুগলের আবির্ভাবের পূর্বেও দেশে কীর্তন ছিল। কীর্তন ছিল—তবে এমন সমবেতভাবে, সমাজের এমন অভিনব সমতলে, ব্রাহ্মণ-চণ্ডালে মিলিয়া কীর্তন গানের প্রথা বা পদ্ধতি ছিল না। শ্রীচৈতন্য-নিত্যানন্দের পূর্বে সম্ভবদ্বাৰে শ্রীভগবান্নাম কীর্তনের প্রচার কেহ করেন নাই। কীর্তনকে এমনভাবে জাতিগঠনের কাজে কেহ প্রয়োগ করেন নাই। স্মৃতরাং কবি সার্থক বিশেষণ দিয়াছেন “সংকীৰ্তনৈকপিতরৌ।”

শ্রীচৈতন্য-ভাগবতেই মঙ্গলচণ্ডী গানের উল্লেখ আছে। বোগিপাল ভোগিপাল মহীপালের গানের কথা আছে। বৌদ্ধধর্মাবলম্বী সহজিয়া সাধকগণ গান গাহিয়া ধর্মপ্রচার করিয়া বেড়াইতেন। সেই সমস্ত চর্যা-গানের কতকগুলি পাওয়া গিয়াছে। তাহাতে রাগ তালের উল্লেখ আছে। কীর্তন গানে এই রাগ তাল আজিও ব্যবহৃত হয়। কবি জন্নদেবের অনুসরণে মিথিলায় কবি বিদ্যাপতি এবং বাঙ্গালার বীরভূম নাহুরের কবি চণ্ডীদাস যে সমস্ত পদ রচনা করিয়াছিলেন, তাহাও সুর-সংযোগে গীত হইত।

শ্রীমন্ মহাপ্রভু পুরীধামে অন্তরঙ্গ ভক্ত স্বরূপ দামোদর এবং রায় রামানন্দের সহিত শ্রীগীতগোবিন্দ, শ্রীজগন্নাথবল্লভ নাটক ও শ্রীকৃষ্ণ-কর্ণামৃতের সঙ্গে চণ্ডীদাস বিদ্যাপতির পদাবলীও আশ্বাদন করিতেন। শ্রীপাদ স্বরূপ সুপণ্ডিত, সুরসিক, ভক্ত ও মধুকণ্ঠ সুগায়ক ছিলেন। মহাপ্রভুর নিত্যসঙ্গী মুকুন্দ দত্ত, গোবিন্দ দত্ত, গোবিন্দ,

আরো করেক শ্রেণীর গান আছে। যেমন প্রার্থনা গান, ইহা প্রায় নামকীর্তনেরই অন্তর্ভুক্ত। আত্মনিবেদনও প্রার্থনার পর্যায়ভুক্ত। হৃচক গান—শোক সঙ্গীত। শ্রীপাদ রূপাদির তিরোভাবে রচিত এই সমস্ত গান তত্ত্ব মহাজনগণের তিরোভাব তিথি ভিন্ন অল্প সময় গাহিবার রীতি নাই।

আমরা শ্রীচৈতন্য-ভাগবত ও শ্রীচৈতন্য-চরিতামৃত হইতে কীর্তনের বিষয় কিছু কিছু জানিতে পারি। শ্রীচৈতন্য-ভাগবত সম্পূর্ণ নূতন ধরণের গ্রন্থ। ইতিপূর্বে দেব-কাহিনী লইয়া মঙ্গলকাব্য রচিত হইয়াছে। যেমন কৃষ্ণিবাসের 'রামমঙ্গল', গুণরাজ খানের 'শ্রীকৃষ্ণ-বিজয়'। দেবতা ও মানুষের কাহিনী লইয়া করেকজন কবি ধর্মমঙ্গল, মনসামঙ্গল ও চণ্ডীমঙ্গল রচনা করিয়াছেন। মানুষের কাহিনী লইয়া খণ্ড খণ্ড গীতও রচিত হইয়াছে, যেমন বোঙ্গাপাল-গীত ইত্যাদি। কিন্তু একজন মানুষকে কেন্দ্র করিয়া তাঁহার মহত্তম আবির্ভাবের বোষণা প্রচারের জন্য মহাকাব্য রচনা এই প্রথম। বাহারা শ্রীচৈতন্য-ভাগবত পাঠ করিয়াছেন, তাঁহারাই একবাক্যে স্বীকার করিবেন, কবি বৃন্দাবন দাসের এই প্রথম প্রচেষ্টা সম্পূর্ণ সার্থকতা লাভ করিয়াছে। শৈলী পৃথক হইলেও শ্রীচৈতন্য-ভাগবত আসলে মঙ্গলকাব্য। কারণ কবি ইহার নাম রাখিয়াছিলেন শ্রীচৈতন্যমঙ্গল, শ্রীচৈতন্য-চরিতামৃতও এই নামের উল্লেখ আছে। পরে বৃন্দাবনের গোস্বামিগণ ইহার নাম রাখেন—শ্রীচৈতন্য-ভাগবত। এই চৈতন্য-ভাগবতে শ্রীচৈতন্য ও শ্রীনিত্যানন্দের বন্দনা এইরূপ—

আজ্ঞানুলম্বিতভুজো কনকাবদার্তো
সংকীর্তনৈকপিতরৌ কমলায়তাক্ষৌ ।
বিশ্বমুরৌ দ্বিজবরৌ যুগধর্মপালৌ
বন্দে জগৎপ্রিয়করৌ করুণাবতারৌ ॥

“যাঁহাদের ভুজযুগল আজানুলগ্নিত, কান্তি কনকের মত নির্মল, নরন কমলায়ত, যাঁহারা সংকীৰ্তন-প্রবর্তক, যুগধৰ্ম্ম-পালক ও প্রেমভক্তি দ্বারা বিশ্বপোষক, সেই দ্বিজকুলশ্রেষ্ঠ জগৎমঙ্গলকারক, করুণাবতার শ্রীচৈতন্য ও শ্রীনিত্যানন্দকে বন্দনা করি”। সংকীৰ্তনের পিতা, সংকীৰ্তন-প্রবর্তক শ্রীচৈতন্য ও শ্রীনিত্যানন্দ, ইহা সত্য কথা। কিন্তু এই অবতার-যুগলের আবির্ভাবের পূর্বেও দেশে কীর্তন ছিল। কীর্তন ছিল—তবে এমন সমবেতভাবে, সমাজের এমন অভিনব সমতলে, ব্রাহ্মণ-চণ্ডালে মিলিয়া কীর্তন গানের প্রথা বা পদ্ধতি ছিল না। শ্রীচৈতন্য-নিত্যানন্দের পূর্বে সম্ভবত্বাবে শ্রীভগবন্নাম কীর্তনের প্রচার কেহ করেন নাই। কীর্তনকে এমনভাবে জাতিগঠনের কাজে কেহ প্রয়োগ করেন নাই। স্মৃতরাং কবি সার্থক বিশেষণ দিয়াছেন “সংকীৰ্তনৈকপিতরৌ।”

শ্রীচৈতন্য-ভাগবতেই মঙ্গলচণ্ডী গানের উল্লেখ আছে। বোগিপাল, ভোগিপাল মহীপালের গানের কথা আছে। বৌদ্ধধৰ্ম্মাবলম্বী সহজিয়া সাধকগণ গান গাহিয়া ধৰ্ম্মপ্রচার করিয়া বেড়াইতেন। সেই সমস্ত চর্যা-গানের কতকগুলি পাওয়া গিয়াছে। তাহাতে রাগ তালের উল্লেখ আছে। কীর্তন গানে এই রাগ তাল আজিও ব্যবহৃত হয়। কবি জয়দেবের অনুসরণে মিথিলায় কবি বিজাপতি এবং বাঙ্গালায় বীরভূম নাহুরের কবি চণ্ডীদাস যে সমস্ত পদ রচনা করিয়াছিলেন, তাহাও সুর-সংযোগে গীত হইত।

শ্রীমন্ মহাপ্রভু পুরীধামে অন্তরঙ্গ ভক্ত স্বরূপ দামোদর এবং রায় রামানন্দের সহিত শ্রীগীতগোবিন্দ, শ্রীজগন্নাথবল্লভ নাটক ও শ্রীকৃষ্ণ-কর্ণামৃতের সঙ্গে চণ্ডীদাস বিজাপতির পদাবলীও আশ্বাদন করিতেন। শ্রীপাদ স্বরূপ সুপণ্ডিত, সুরসিক, ভক্ত ও মধুকণ্ঠ সুগায়ক ছিলেন। মহাপ্রভুর নিত্যসঙ্গী মুকুন্দ দত্ত, গোবিন্দ দত্ত, গোবিন্দ,

মাধব, বাসু ঘোষ, গোবিন্দাচার্য প্রভৃতি ভক্তগণের সঙ্গীতে সবিশেষ
পারদর্শিতা ছিল। সুতরাং শ্রীমদ্রাবন দাস প্রধানতঃ নাম-সংকীৰ্তনের
কথা স্মরণ করিয়াই শ্রীচৈতন্য ও শ্রীনিত্যানন্দকে ‘সংকীৰ্তনকপিতরৌ’
এবং ‘মুগধর্ষপাল’ বলিয়াছিলেন, ইহাই অনুমিত হয়। অবশ্য
একথাও অস্বীকার করিবার উপায় নাই যে, শ্রীল নরোত্তম ঠাকুর লীলা-
কীৰ্তনকে যে বিজ্ঞান-সম্মত সঙ্গীত-রীতিতে সুনিয়ন্ত্রিত ও প্রণালীবদ্ধ
করিয়াছিলেন, শ্রীমন্ মহাপ্রভুর হস্তেই তাহার ভিত্তি স্থগঠিত হইয়াছিল।

সংসারাশ্রমে থাকিবার সময় কেমন করিয়া অধ্যাপক নিমাই আপন
ছাত্রগণকে কীৰ্তন শিখাইয়াছিলেন, শ্রীচৈতন্য-ভাগবতে তাহার বর্ণনা
আছে—

“শিষ্যগণ বলেন কেমন সংকীৰ্তন।

আপনে শিখায় প্রভু শ্রীশচীনন্দন ॥

হরি হরয়ে নম কৃষ্ণ যাদবায় নমঃ।

গোপাল গোবিন্দ রাম শ্রীমধুসূদন ॥

দিশা দেখাইয়া প্রভু হাততালি দিয়া।

আপনে কীৰ্তন করে শিষ্যগণ লইয়া ॥”

(মধ্যখণ্ড)

একদিন শ্রীবাস-অঙ্গনে কীৰ্তনের সময় শ্রীমহাপ্রভু তিনটি সম্প্রদায়
গঠন করিয়া গাহিয়াছিলেন এবং নাচিয়াছিলেন। (শ্রীচৈতন্য-ভাগবত,
মধ্যখণ্ড)

শ্রীহরিবাসরে হরিকীৰ্তন বিধান।

নৃত্য আরস্তিলা প্রভু জগতের প্রাণ ॥

পুণ্যবন্ত শ্রীবাস-অঙ্গনে শুভারম্ভ।

উঠিল কীৰ্তন-ধ্বনি গোপাল গোবিন্দ ॥

উষাকাল হৈতে নৃত্য করে বিশ্বস্তর ।
 যুখে যুখে হৈল যত গায়ক সুন্দর ॥
 শ্রীবাস পণ্ডিত লঞা এক সম্প্রদায় ।
 মুকুন্দ লইয়া আর জন কত গায় ॥
 লইয়া গোবিন্দ দত্ত আর কতজন ।
 গৌরচন্দ্র নৃত্যে সবে করেন কীর্তন ॥

বৃন্দাবন দাস এই নৃত্যের সংক্ষিপ্ত বর্ণনা দিয়াছেন । এই পদাংশ
 বোধ হয় তাঁহারই রচিত ।

চৌদিকে আনন্দধ্বনি শচীর নন্দন নাচে রঙ্গে ।
 বিহ্বল হইয়া সব পারিষদ সঙ্গে ॥
 হরি ও রাম ॥ ৫ ॥

কাজি-দলনের দিনেও অদ্বৈত আচার্য্য, হরিদাস এবং শ্রীবাসকে লইয়া
 প্রধান তিনটি সম্প্রদায় গঠিত হইয়াছিল । এ দিনের কীর্তনে এই পদ গীত
 হইয়াছিল—

তুরা চরণে মন লাগুহ' রে ।
 সারঙ্গধর (শাঙ্গধর ?) তুরা চরণে মন লাগুহ' রে ॥

বৃন্দাবন দাস বলিয়াছেন—

চৈতন্যচন্দ্রের এই আদি সংকীর্তন ।
 ভক্তগণ গায় নাচে শ্রীশচীনন্দন ॥

শ্রীমহাপ্রভুর এই কীর্তনাভিযানের বর্ণনায় তিনি লিখিয়াছেন—

বিজয় হইলা হরি নন্দঘোষের বালা ।
 হাতে মোহন বাঁশী গলে দোলে বনমালা ॥

এই দুই ছত্র উপমা মাত্র, অথবা স্বরূপ বর্ণনা । কেহ কেহ এই দুই
 ছত্রকে পদাংশ বলিয়া মনে করেন । শ্রীচৈতন্য-ভাগবতে অত্র একটি পদাংশ

আছে, অনেকে ইহার ব্যাখ্যায় ভ্রমে পড়িয়াছেন। নিয়ে পদ ও ব্যাখ্যা তুলিয়া দিলাম। (আদিখণ্ড)

শ্রীরাগ :

নাগ বলিয়া চলি যায় সিদ্ধ তরিবারে ।
বশের সিদ্ধ না দেয় কুল অধিক অধিক বাড়ে ॥
কি আরে রামগোপালে বাদ লাগিয়াছে ।
ব্রহ্মা রুদ্র সুরসিদ্ধ মুনীশ্বর আনন্দে দেখিছে ॥

শ্রীহৃন্দাবন দাস শ্রীনিত্যানন্দ-মহিমা বর্ণনা-প্রসঙ্গে-বলিতেছেন, অনন্ত-
রূপী শ্রীনিত্যানন্দ সহস্র বদনে নিরন্তর কৃষ্ণবশ গান করিতেছেন ।

গায়েন অনন্ত শ্রীবশের নাহি অন্ত ।
জয়ভঙ্গ নাহি কার দোহে বলবন্ত ॥

এই কথাটি উদ্ধৃত পদাংশে পুনরায় বলিতেছেন—“নাগ (অনন্তদেব সহস্র মুখে) শ্রীকৃষ্ণ-মহিমা বলিয়া বলিয়া মহিমাসিদ্ধ উত্তীর্ণ হইবার জন্ত চলিয়া বান । কিন্তু কৃষ্ণের বশের সিদ্ধ কুল দেয় না । মহিমা-সমুদ্রের সীমা পাওয়া যায় না । মহিমা-সমুদ্র আরো উত্তাল হইয়া উঠে, অধিক অধিক বাড়ে । কি আশা, রাম (বলরাম—অনন্তদেব) এবং গোপালে (শ্রীকৃষ্ণে) এই মহিমা-কথন ও মহিমা-সিদ্ধের আধিক্য-বৃদ্ধিরূপ বিবাদ বাধিয়াছে । ব্রহ্মা, রুদ্র এবং অপরাপর দেবতা, সিদ্ধ ও মুনীশ্বরগণ এই (বশ বর্ণন ও বশোরাশি বৃদ্ধি) বিবাদ আনন্দে দেখিতেছেন ।

শ্রীচৈতন্য-চরিতামৃতেও কীর্তনের বর্ণনা আছে ।

শ্রীমন্ মহাপ্রভু দাক্ষিণাত্য হইতে পুরীধামে প্রত্যাবর্তন করিয়াছেন । সংবাদ পাইয়া বাঙ্গালার ভক্তগণ পুরীধামে গিয়াছেন । তাঁহাদের দেব-দর্শন ও প্রসাদ-গ্রহণের পর—

কীর্তন

৫৯

সবা লঞা গেল প্রভু জগন্নাথালয় ।
 কীর্তন আরম্ভ তাঁহা কৈল মহাশয় ॥
 সন্ধ্যাধূপ দেখি আরম্ভিলা সংকীর্তন ।
 পড়িছা আনি দিল সবারে মালা চন্দন ॥
 চারিদিকে চারিসম্প্রদায় করে সংকীর্তন ।
 মধ্যে নৃত্য করে প্রভু শচীর নন্দন ॥
 অষ্ট মৃদঙ্গ বাজে বত্রিশ করতাল ।
 হরিশ্রবনি করে বৈষ্ণব কহে ভাল ভাল ॥
 কীর্তনের মহামঙ্গল ধ্বনি যে উঠিল ।
 চতুর্দশ লোকে ভরি ব্রহ্মাণ্ড ভেদিল ॥
 পুরুষোত্তমবাসী লোকে আইল দেখিবারে ।
 কীর্তন দেখি উড়িয়া লোক হৈল চমৎকারে ॥
 তবে প্রভু জগন্নাথের মন্দির বেড়িয়া ।
 প্রদক্ষিণ করি বলে নর্তন করিঞা ॥
 আগে পাছে গান করে চারি সম্প্রদায় ।
 আছাড়ের কালে ধরে নিত্যানন্দ রায় ॥
 অশ্রু পুলক কম্প প্রস্বেদ হৃদয় ।
 প্রেমের বিকার দেখি লোক চমৎকার ॥
 পিচকারির ধারা বেন অশ্রু নয়নে ।
 চারিদিগের লোক সব করয়ে সিনানে ॥
 বেড়ানৃত্য মহাপ্রভু করি কতঙ্গণ ।
 মন্দিরের পাছে রহি করেন কীর্তন ॥
 চারিদিকে চারি সম্প্রদায় উচ্চৈঃস্বরে গায় ।
 মধ্যে তাণ্ডব নৃত্য করে গৌর রায় ॥

পদাবলী-পরিচয়

বহুক্ষণ নৃত্য করি প্রভু স্থির হইলা ।
 চারি মহাস্তরে তবে নাচিতে আঞ্জা দিলা ॥
 অদ্বৈত আচার্য্য নাচে এক সম্প্রদায় ।
 আর সম্প্রদায়ে নাচে নিত্যানন্দ রায় ॥
 আর সম্প্রদায়ে নাচে পণ্ডিত বক্রেশ্বর ।
 শ্রীবাস নাচেন আর সম্প্রদায় ভিতর ॥
 মধ্যে রহি মহাপ্রভু করেন দর্শন ।
 তাহাঁ এক ঐশ্বর্য্য তাঁর হৈল প্রকটন ॥
 চারি দিকে নৃত্য গীত করে বত জন ।
 সবে দেখে করে প্রভু আমারে দর্শন ॥
 চারি জনের নৃত্য প্রভুর দেখিতে অভিলাষ ।
 সেই অভিলাষে করে ঐশ্বর্য্য প্রকাশ ॥

—শ্রীচৈতন্যচরিতামৃত, মধ্যলীলা—একাদশ পরিচ্ছেদ ॥

শ্রীজগন্নাথদেবের রথযাত্রার সময়—সাত সম্প্রদায় কীর্ত্তনীয়া গান করিয়াছিলেন ।

তবে মহাপ্রভু সব লঞা নিজগণ ।
 স্বহস্তে পরাইলা সবারে মালা চন্দন ॥
 পরমানন্দ পুরী আর ভারতী ব্রহ্মানন্দ ।
 শ্রীহস্তে চন্দন পাঞা বাড়িল আনন্দ ॥
 অদ্বৈত আচার্য্য আর প্রভু নিত্যানন্দ ।
 শ্রীহস্ত-স্পর্শে দুইয়ে হইলা আনন্দ ॥
 কীর্ত্তনীয়াগণে দিলা মালা চন্দন ।
 স্বরূপ শ্রীবাস তার মুখ্য দুইজন ॥

চারি সম্প্রদায় হৈল চব্বিশ গায়ন ।
 দুই দুই মাদ্ধঙ্গিক হৈল অষ্টজন ॥
 তবে মহাপ্রভু মনে বিচার করিঞা ।
 চারি সম্প্রদায় কৈল গায়ন বাঁটিঞা ॥
 নিত্যানন্দ অদ্বৈত হরিদাস বক্রেশ্বরে ।
 চারিজন আঞ্জা দিল নৃত্য করিবারে ॥
 প্রথম সম্প্রদায় কৈল স্বরূপপ্রধান ।
 আর পঞ্চজন দিল তার পালি গান ॥
 দামোদর নারায়ণ দত্ত গোবিন্দ ।
 রাঘব পণ্ডিত আর শ্রীগোবিন্দানন্দ ॥
 অদ্বৈত আচার্য্য তাঁহা নৃত্য করিতে দিল ।
 শ্রীবাস প্রধান আর সম্প্রদায় কৈল ॥
 গঙ্গাদাস হরিদাস শ্রীমান্ শুভানন্দ ।
 শ্রীরামপণ্ডিত তাঁহা নাচে নিত্যানন্দ ॥
 বাসুদেব গোপীনাথ মুরারি য়াঁহা গায় ।
 মুকুন্দ প্রধান কৈল আর সম্প্রদায় ॥
 শ্রীকান্ত বল্লভ সেন আর দুইজন ।
 হরিদাস ঠাকুর তাঁহা করেন নর্তন ॥
 গোবিন্দ ঘোষ প্রধান কৈল আর সম্প্রদায় ।
 হরিদাস বিষ্ণুদাস রাঘব য়াঁহা গায় ॥
 মাধব বাসুদেব আর দুই সহোদর ।
 নৃত্য করেন তাঁহা পণ্ডিত বক্রেশ্বর ॥
 কুলীনগ্রামের এক, কীর্তনীয়া-সমাজ ॥
 তাই নৃত্য করে রামানন্দ সত্যরাজ ॥

পদাবলী-পরিচয়

শান্তিপুত্র আচার্যের এক সম্প্রদায় ।
 অচ্যুতানন্দ নাচে তাঁহা আর সব গায় ॥
 খণ্ডের সম্প্রদায় করে অস্ত্র কীর্তন ।
 নরহরি নাচে তাঁহা শ্রীরঘুনন্দন ॥
 জগন্নাথ আগে চারি সম্প্রদায় গায় ।
 দুই পার্শ্বে দুই পাছে এক সম্প্রদায় ॥
 সাত সম্প্রদায়ে বাজে চৌদ্দ মাদল ।
 বার ধ্বনি শুনি বৈষ্ণব হইল পাগল ॥
 শ্রীবৈষ্ণব ঘট মেঘে হইল বাদল ।
 সংকীর্ণনামৃত সহ বর্ষে নেত্রজল ॥
 জিভুবন ভরি ওঠে সংকীর্ণনের ধ্বনি ।
 অস্ত্র বাণাদির ধ্বনি কিছুই না শুনি ॥
 সাত ঠাণ্ডি বলে প্রভু হরি হরি বলি ।
 জয় জয় জগন্নাথ কহে হাত তুলি ॥
 আর এক শক্তি প্রভু করিলা প্রকাশ ।
 এক কালে সাত ঠাণ্ডি করেন বিলাস ॥
 সবে কহে প্রভু আছে এই সম্প্রদায় ।
 • অস্ত্র ঠাণ্ডি নাহি যায় আমার দ্বায়ে ॥

—শ্রীচৈতন্য-চরিতামৃত, মধ্যলীলা—ত্রয়োদশ পরিচ্ছেদ ।

শ্রীমন্ মহাপ্রভুর তিরোধানের পর শ্রীনিত্যানন্দপুত্র বীরচন্দ্রের কর্তৃত্বে
 যে তিনজন আচার্য্য বৈষ্ণব-সমাজের নেতৃত্ব গ্রহণ করেন, তাঁহাদের
 নাম শ্রীল শ্রীনিবাস আচার্য্য, শ্রীল নরোত্তম ঠাকুর এবং শ্রীল শ্রীমানন্দ ।
 উক্ত বঙ্গের খেতরীর ভূস্বামী শ্রীকৃষ্ণানন্দ দত্তের পুত্র শ্রীনরোত্তম শ্রীধাম
 বৃন্দাবনে গিয়া শ্রীলোকনাথ গোস্বামীর শিষ্যত্ব গ্রহণ এবং শ্রীপাদ

শ্রীজীব গোস্বামীর নিকট ব্যাকরণ ও বৈষ্ণব গ্রন্থাদি অধ্যয়ন করেন। শ্রীরঘুনাথ দাস গোস্বামী শ্রীশ্বরূপ দামোদরের অন্তরঙ্গ শিষ্য; তিনি দামোদরের নিকট সঙ্গীতও শিক্ষা করিয়াছিলেন। মহাপ্রভুর বিরহকাতর, দেহত্যাগে কৃতসঙ্কল্প দাস গোস্বামী, উম্মাদের মত বৃন্দাবনে চলিয়া আসেন। কৃষ্ণদাস কবিরাজ তাঁহার অন্তরঙ্গ সেবক। কবিরাজ গোস্বামী শ্রীরঘুনাথের নিকট শ্রীচৈতন্য-চরিতামৃতের বহু উপাদান সংগ্রহ করিয়াছিলেন।

শ্রীবৃন্দাবনে এই সময় সঙ্গীতের যথেষ্ট চর্চা ছিল। সঙ্গীতাচার্য্য তানসেনের গুরুদেব অদ্বিতীয় সঙ্গীতসাধক শ্রীহরিদাস স্বামী এই সময় শ্রীধামে বর্তমান ছিলেন। তাঁহার নিকট অথবা তাঁহার কোন শিষ্যের নিকট নরোত্তম যে সঙ্গীত শিক্ষা প্রাপ্ত হন এ বিষয়ে কোন সন্দেহ নাই। নরোত্তম বৃন্দাবন হইতে জন্মভূমি দর্শন করিতে আসিয়া পিতৃব্যপুত্র সন্তোষের অনুরোধে খেতরীতে কুটীর বাঁধিয়া বাস করেন, সংসারাত্মমে প্রবেশ করেন নাই। কয়েকটা বিগ্রহ প্রতিষ্ঠা উপলক্ষ্যে তিনি খেতরীতে একটা বৈষ্ণব-সম্মেলনের অনুষ্ঠান করিলে শ্রীসন্তোষ এই উৎসবের সমস্ত ব্যয়ভার বহন করিয়াছিলেন। এই উৎসবে তৎসাময়িক সমস্ত খ্যাতনামা বৈষ্ণব, সুপণ্ডিত সাধক, গায়ক ও বাদক উপস্থিত হইয়াছিলেন। এই উৎসবের অধিনেত্রী ছিলেন শ্রীনিত্যানন্দ প্রভুর প্রথমা পত্নী শ্রীজাহ্নবী দেবী। এই সম্মেলনে নরোত্তম কীর্তন গানের—রস-কীর্তনের যে পদ্ধতি প্রবর্তন করেন, তাহা সমগ্র বৈষ্ণবমণ্ডলী কর্তৃক অনুমোদিত হইয়াছিল। এই সম্মেলনেই প্রথম প্রণালীবদ্ধভাবে গৌরচন্দ্রিকা গানের পর লীলা-কীর্তন গানের প্রথা প্রবর্তিত হয়। দেখিতেছি এই সম্মেলনে নিজে কীর্তন গাহিবার জ্ঞান নরোত্তম বিশেষভাবে প্রস্তুত হইয়াছিলেন, এবং একটা সুশিক্ষিত সম্প্রদায় গঠন করিয়াছিলেন। নরোত্তম যে সুরে রস-কীর্তন গান করিয়াছিলেন,

খেতরী গড়েরহাট পরগণার অন্তর্গত বলিয়া পরগণার নামে সেই সুরের নাম হয় গড়েরহাট বা গড়ানহাট। নরোত্তমের প্রধান বাদক দুই জনের নাম শ্রীগোরাঙ্গদাস ও শ্রীদেবীদাস। প্রধান দোহার গায়ক দুইজনের নাম—শ্রীদাস ও গোকুলানন্দ। প্রাচীন বৈষ্ণব সমাজে জনশ্রুতি শুনিরাছি, ইহারা চারিজনে পুরীধামে গিয়া শ্রীপাদ স্বরূপ দামোদরের নিকট গীত ও বাজ্ঞ শিক্ষা করিয়া আসিয়াছিলেন। খেতরীর মহোৎসবে—

শ্রীঠাকুর মহাশয় মনের উল্লাসে ।
 সুসজ্জ হইতে আজ্ঞা দিল দেবীদাসে ।
 দেবীদাস গায়ক বাদকগণ লইয়া ।
 আইলেন গোরাঙ্গ প্রাঙ্গণে হর্ষ হইয়া ॥

* * * *

শ্রীগোরাঙ্গ দাস তাল পাট আরম্ভয়ে ।
 প্রথমেই মন্দ মন্দ বাজ্ঞ প্রকাশয়ে ।

* * *

এথা সর্ব মোহান্ত কহয়ে পরস্পরে ।
 প্রভুর অদ্ভুত সৃষ্টি নরোত্তম দ্বারে ॥

—নরোত্তম-বিলাস ।

ভক্তিরস্বাকরে—

প্রথমেই দেবীদাস মর্দল বামেতে ।
 করে হস্তাঘাত প্রেমময় শব্দ তাতে ॥
 অমৃত অঙ্গুর প্রায় বাজ্ঞ সঞ্চারয়ে ।
 শ্রীবল্লব দাসাদি সহিত বিস্তারয়ে ॥

কীর্তন

৬৫

শ্রীগোরাঙ্গ দাসাদিক মনের উল্লাসে ।

বায় কাংশ্র, তালাদি প্রভেদ পরকাশে ॥

অনিবদ্ধ নিবদ্ধ গীতের ভেদ দ্বয়ে ।

অনিবদ্ধ গীত গোকুলাদি আলাপয়ে ॥

অনিবদ্ধ গীতে বর্ণস্থাস স্বরালাপ ।

আলাপে গোকুল কণ্ঠধ্বনি নাশে তাপ ॥

রাঢ়দেশ সঙ্গীতের পীঠভূমি । রাঢ়দেশ অতি প্রাচীনকাল হইতেই জৈন, বৌদ্ধ, সৌর, শৈব, শাক্ত ও বৈষ্ণব সম্প্রদায়ের সাধনক্ষেত্র । জৈন, বৌদ্ধ প্রভৃতি সম্প্রদায়ের সাধকগণের অনেক গীত রাঢ়েই রচিত হইয়াছিল । অতি পূর্ব হইতেই রাঢ়ের সঙ্গীতের একটি নিজস্ব ধারা ছিল । উত্তরে রাজমহল হইতে দক্ষিণে মেদিনীপুর পর্যন্ত রাঢ়ের বিস্তীর্ণ সীমায় সভ্যতা ও সংস্কৃতির ক্ষুদ্র ক্ষুদ্র কেন্দ্র ছিল । শ্রীমহাপ্রভুর আবির্ভাবের পর বৈষ্ণবগণ এই সমস্ত কেন্দ্রে এবং বহু নূতন প্রতিষ্ঠিত কেন্দ্রে শাস্ত্র ও সঙ্গীতাদির শিক্ষালয় স্থাপন করিয়াছিলেন । এইরূপ দুইটা পুরাতনকেন্দ্র শ্রীখণ্ড ও কান্দরা, এবং একটি নূতন কেন্দ্র ময়নাডাল । তিনটাই বীরভূমে ছিল । প্রায় ৭৫ বৎসর পূর্বে শ্রীখণ্ড ও কান্দরা বর্ধমানের অন্তর্ভুক্ত হইয়াছে । খেতরীর উৎসব হইতে ফিরিয়া জ্ঞানদাস, বন্ধু মনোহর, কান্দরার মঙ্গল ঠাকুরের পৌত্র বদন, শ্রীখণ্ডের রঘুনন্দন ও ময়নাডালের মঙ্গল ঠাকুরের শিষ্য নৃসিংহ মিত্র ঠাকুরকে লইয়া রাঢ়ের প্রাচীন সঙ্গীতধারার সংস্কার সাধন করেন । কান্দরা মনোহরসাহী পরগণার অন্তর্গত বলিয়া এই ধারার নাম হয় মনোহরসাহী । কান্দরা, ময়নাডাল, শ্রীখণ্ড মনোহরসাহী কীর্তনের তিন প্রধান কেন্দ্র । ময়নাডালের চতুষ্পাঠী কীর্তনের সঙ্গীত ও বাস্তব শিক্ষা, এবং শ্রীখণ্ডের চতুষ্পাঠী ব্যাকরণ, অলঙ্কার, কাব্য, দর্শন, সঙ্গীত ও বাস্তব শিক্ষাদানের জ্ঞান প্রসিদ্ধিলাভ করিয়াছিল ।

কীর্তন-গানের অপর একটি প্রসিদ্ধ ধারার নাম রাণীহাটী বা রেণেটী। বর্দ্ধমান জেলার সাতগাছিয়া থানায় রেণেটী এখন একটি ক্ষুদ্র গ্রাম। ইহা পরগণে রাণীহাটীর অন্তর্গত। রেণেটীর নিকটবর্তী দেবীপুর-নিবাসী বিখ্যাত পদকর্তা বিপ্রদাস ঘোষ রেণেটী পরগণার নামে একটি সুরের নামকরণ করেন 'রেণেটী'। কীর্তনের অগ্র একটি সুর মন্দারিণী, সরকার মন্দারণের নামে ইহার নামকরণ হয়। ইহা রাড়ের প্রাচীন সুর, মঙ্গলকাব্যের গানের সুর। কৃষ্ণমঙ্গল, চৈতন্য-মঙ্গল এই সুরে গীত হয়। প্রাচীনকালে ধর্মমঙ্গল, চণ্ডীমঙ্গল, মনসা-মঙ্গলও এই সুরেই গাওয়া হইত, এখনও হয়। মন্দারিণীতে নয়টা তাল ব্যবহৃত হয়। কীর্তনের আর একটি সুর আছে ঝাড়খণ্ডী। ইহাও রাড়ের প্রাচীন সুর, লোক-সঙ্গীতের সুর।

“পঞ্চকোট সেরগড়বাসী শ্রীগোকুল।

পূর্ববাস কড়ই কবীন্দ্র ভক্তাতুল ॥ (ভক্তি-রত্নাকর)

কড়ই-নিবাসী কবীন্দ্র গোকুল সেরগড় পরগণায় আসিয়া বাস করেন। সেরগড় ঝাড়খণ্ডের অন্তর্গত। পূর্বে বীরভূমের বক্রেশ্বর পর্য্যন্ত ঝাড়খণ্ডের অন্তর্গত ছিল। কবীন্দ্র গোকুল এই সুরের কিছু সংস্কার সাধন করেন। এই সুর এখন লুপ্ত হইয়াছে।

সুরের গতি আপন পরিমিত কালের মধ্যে আদৃত সমভাবে স্থায়িত্বলাভ করিলে তাহাই লয় নামে অভিহিত হয়। এই লয় প্রদর্শনের নামই তাল। সঙ্গীতশাস্ত্রে তালই ছন্দ। ছন্দ আবার কতিপয় সমানু-পাতিক ক্ষুদ্র ক্ষুদ্র অংশে বিভক্ত। এই ক্ষুদ্র ক্ষুদ্র অংশগুলির নাম মাত্রা।

গড়েরহাটী—বিলম্বিত লয়, দীর্ঘ ছন্দ, মাত্রার সারল্য ও প্রসাদ-গুণযুক্ত। মার্গসঙ্গীতে রূপদের সঙ্গে তুলনীয়। তালের সংখ্যা একশত আট।

মনোহরমাহী—লয় ও ছন্দ অপেক্ষাকৃত সংক্ষিপ্ত, সুরের কারিগরী

কীর্তন

৬৭

ও মাত্রার জটিলতায় সমৃদ্ধ। মার্গসঙ্গীতে খেয়ালের সমতুল্য। চুয়ান তালের গান।

গড়েরহাটি ও মনোহরসাহী সুরে কীর্তনে আখরের পরিপাটি বিশেষ লক্ষণীয়।

রেণেটি—লয় ও ছন্দ সংক্ষিপ্ত। তরল সুর। আখর কম। ইহাকে চুয়ানীর সঙ্গে তুলনা করা চলে। কিন্তু বাহার বন্দীপুরনিবাসী আখরিয়া গোপালের ভাগিনের (হুগলী) বাসুদেবপুরের বেণী দাস কীর্তনীয়ার, রেণেটি সুরের কীর্তন শুনিয়াছিলেন, এইরূপ বহু প্রসিদ্ধ কীর্তনীয়া নিত্যধামগত গণেশ দাস প্রভৃতির মুখে শুনিয়াছি যে, রেণেটির মাধুর্য্য মনোহরসাহী অপেক্ষা কোন অংশে কম নহে। তাগ ছাব্বিশ।

কীর্তনের এই পাঁচটি অঙ্গ—কথা, দৌহা, আখর, তুক ও ছুট।

কথা—সঙ্গীতশাস্ত্রেও লক্ষ্য লক্ষণের সমাবেশ আছে। লক্ষ্য অর্থে গান, (কথা) লক্ষণ তাহার শাস্ত্র (রাগ ও নিরুমাতি)। কথার অল্প অর্থও আছে। শ্রীকৃষ্ণ, রাধার, বড়াইয়ের ও সখীগণের উক্তি প্রত্যুক্তি, এক গান হইতে অল্প গানের বোগসুত্র, গানের কোন একটি পংক্তির অর্থ গায়ককে কথা কহিয়া বিশদ করিয়া দিতে হয়। কীর্তনে ইহাকেও কথা বলে।

দৌহা—ছন্দে বদ্ধ দুই-চারি চরণে স্তত্রাকারে অভিব্যক্ত বিষয়। বৌদ্ধদের রচিত হাজার বছরের পুরানো দৌহা-কোষ পাওয়া গিয়াছে। দৌহা হইতে দোহার ‘কথার উৎপত্তি’ কিনা কে বলিবে? অনেকে বলেন, মূল গায়কের গাহিবার পর গান দুই হারো—দুইবার গাহে বলিয়া ইহাদের নাম দোহার। দৌহা শব্দে উভয় বুঝায়, দুই পার্শ্বের গাহিবার সঙ্গী; হয়তো এইজন্ত বলে দোহার। ইহাদের গান দোহারী। সঙ্গীতে গানের স্তত্র ধরাইয়া দেওয়া, গানে মূল গায়কের অনুসরণ ও সহায়তা করা এবং

আসরে সুরের রেশ জমাইয়া রাখা দোহারের কাজ। চরিতামৃত প্রভৃতি গ্রন্থের পয়ার বা ত্রিপদীর দুই-এক চরণ, হিন্দী কবির রচিত দোহা, 'উজ্জল-নীলমণি' প্রভৃতি গ্রন্থের শ্লোকাংশ কীর্তনে দোহা নামে পরিচিত।

আখর—কবীন্দ্র রবীন্দ্রনাথ বলিয়াছিলেন,—“কীর্তনের আখর কথার তান।” মহাকবির যোগ্য ব্যাখ্যা। “আখর” কীর্তনের আসরে শুনিয়া বুঝিতে হয়। ইহাকে কীর্তন গানের সর্বপ্রধান বৈশিষ্ট্য বলিতে পারি। কীর্তনের মাধুর্য-আস্বাদনে আখর প্রধান সহায়। পদকর্তাগণের বিনা সত্যায় গীতা মালার রহস্যগ্রন্থি উন্মোচনে আখর-ই একমাত্র উপায়। ইহার সেরে ভাঙার অনর্গল করিবার মন্ত্র, উন্মোচনের কুক্ষিকা। ব্যাখ্যা বিশ্লেষণের বার্তিক।

তুক—অল্পপ্রাসবহুল ছন্দোময়, মিলাত্মক-গীতা তুক আখ্যায় অভিহিত। কোন কোন তুকে গানের মত কয়েকটি “কলি” থাকে। এগুলি সাধারণতঃ তুক বা তুক-গান নামে পরিচিত। তুক-কীর্তন গায়কগণের গুরু-পরম্পরাক্রমে সৃষ্ট। অনেক অজ্ঞাত পদ-কর্তার ক্ষুদ্র ক্ষুদ্র (ভগিতাহীন) পদ বা পদাংশ তুক বা তুক নামে চলিতেছে।

ছুট—বড় তালের গান গাহিতে গাহিতে তরল তাল-ফেরতা (ছোট তাল) দেওয়ার নাম ছুট। ছুট গানও আছে।

কীর্তনের আর একটি অঙ্গ “ঝুমর।” ঝুমর বা ঝুমরী একটি সুর। পদাবলীতে পাই—“ঝুমরী গাইছে শ্যাম বাঁশী বাজাইয়া।” ভক্তি-রত্নাকরে ঝুমরীর উল্লেখ আছে। কিন্তু “ঝুমর” অত্র অর্থেও ব্যবহৃত হয়। কীর্তনে পালা গান গাহিয়া মিলন গাহিতে হয়। কিন্তু দুই-তিনজন কীর্তনীয়া একই আসরে পরপর যেখানে একই রসের পালা গান গাহিয়া থাকেন, সেখানে মিলন গাওয়া চলে না। সেখানে দুই ছত্র “ঝুমর” গাহিয়া কীর্তনীয়াকে আসর রাখিতে হয়। শেষের গায়ক মিলন গাহিয়া কীর্তন সমাপ্ত করেন।

নীলা-কীর্তন বা রস-কীর্তন চৌষটি রসের গান বলিয়া বিখ্যাত। শ্রীপাদ রূপ গোস্বামী ভক্তি-রসামৃতসিদ্ধি এবং উজ্জল-নীলমণি গ্রন্থ প্রণয়ন করিয়া বৈষ্ণব সমাজের মহত্বপূর্ণ সাধন করিয়া গিয়াছেন। সঙ্গে সঙ্গে সংস্কৃত সাহিত্য-ভাণ্ডারকে সমৃদ্ধ করিয়াছেন। উজ্জল-নীলমণি না পাঠ করিলে কীর্তন-গায়ক এবং শ্রোতা উভয় পক্ষকেই অসুবিধায় পড়িতে হয়। উজ্জল-নীলমণি রস-পর্যায় ও নায়ক-নায়িকা-লক্ষণের অপূর্ণ গ্রন্থ। উজ্জল রস, আদি রস বা শৃঙ্গার রস প্রধানতঃ দুই ভাগে বিভক্ত। এই দুই ভাগ—বিপ্রলম্ব ও সন্তোগ। অমুরক্ত যুবক-যুবতীর প্রগাঢ় রতি অসমাগমে উৎকণ্ঠতাপ্রাপ্ত হইয়াছে, অভীষ্টসিদ্ধি করিতে পারিতেছে না—এই অবস্থার নাম বিপ্রলম্ব। আর নায়ক-নায়িকার পরস্পর মিলনে যে উল্লাস, তাহার নাম সন্তোগ। বিপ্রলম্ব—পূর্বরাগ, মান, প্রেম-বৈচিত্র্য ও প্রবাস—এই চারি ভাগে, এবং সন্তোগ—সংক্ষিপ্ত সন্তোগ, সঙ্কীর্ণ সন্তোগ, সম্পন্ন সন্তোগ ও সমৃদ্ধিমান সন্তোগ—এই চারিভাগে বিভক্ত। এই আটটি রসের প্রত্যেকের আবার আট-আট করিয়া ভাগ আছে। একুনে মোট চৌষটি রস। চৌষটি রসের নায়িকার অপর যে প্রভেদ, পরে তাহার উল্লেখ করিব।

“বিপ্রলম্ব”

পূর্বরাগ—নায়ক-নায়িকা উভয়েরই পূর্বরাগ হয়। কিন্তু এখানে নায়িকার পূর্বরাগের কথাই বলিতেছেন। ১ সাক্ষাৎ দর্শন, ২ চিত্রপটে দর্শন, ৩ স্বপ্নে দর্শন, ৪ বন্দী বা ভাটমুখে শ্রবণ, ৫ দূতীমুখে শ্রবণ, ৬ সখীমুখে শ্রবণ, ৭ গুণীজনের গানে শ্রবণ, ৮ বংশীধ্বনি শ্রবণ।

মান—মানও উভয়ের হয়। এখানে নায়িকার মানের বর্ণনা— ১ সখীমুখে শ্রবণ, ২ শুকমুখে শ্রবণ, ৩ মুরলীধ্বনি শ্রবণ, ৪ নায়কের দেহে

ভোগ-চিহ্ন দর্শন, ৫ প্রতিপক্ষ নাগিকার সঙ্গে ভোগ-চিহ্ন দর্শন, ৬ গোত্র-
স্থলন, (নাগক কর্তৃক ভ্রমক্রমে বা স্বপ্নে অগ্না নাগিকার নাম কখন) ৭
স্বপ্নে দর্শন, ৮ অগ্না নাগিকার সঙ্গে দর্শন ।

প্রেম-বৈচিত্র্য—নাগক-নাগিকা দুইজনেই “হুঁহু কোড়ে দৌছে কান্দে
বিচ্ছেদ ভাবিরা”—ইহারই নাম প্রেম-বৈচিত্র্য । কিন্তু এখানে নাগিকার
আক্ষেপানুরাগকেই প্রেম-বৈচিত্র্য বলা হইয়াছে । প্রেমের বিচিত্রতা !
ইহার মধ্যে বিরহের সুর আছে । ১ শ্রীকৃষ্ণের প্রতি আক্ষেপ, ২ মুরলীর
প্রতি, ৩ নিজের প্রতি, ৪ সখীর প্রতি, ৫ দূতীর প্রতি, ৬ বিধাতার প্রতি,
৭ কন্দর্পের প্রতি, ৮ গুরুজনের প্রতি আক্ষেপ ।

প্রবাস—নাগকের দূরে গমনে নাগিকার বিরহ । নিকট প্রবাস ও
দূর প্রবাস । নিকট প্রবাস—১ কালীয় দমন, ২ গো-চারণ, ৩ নন্দমোক্ষণ,
৪ কার্য্যানুরোধে, ৫ রাসে অন্তর্ধানে সাময়িক অদর্শনজনিত বিরহ ।
দূর প্রবাস—১ ভাবি, (প্রবাস গমনের বার্তা শুনিয়া) ২ মথুরা গমন ও
৩ দ্বারকা গমন । (ভবন্—বর্তমান বিরহ এবং ভূত—অতীতস্মরণ) ।

“সন্তোগ”

সংক্ষিপ্ত—১ বাল্যাবস্থায় মিলন, ২ গোষ্ঠে গমন, ৩ গো-দোহন,
৪ অকস্মাৎ চূষন, ৫ হস্তাকর্ষণ, ৬ বস্ত্রাকর্ষণ, ৭ বস্ত্রারোহন, ৮ রতি ভোগ ।

সঙ্গীর্ণ—১ মহারাস, ২ জলক্রীড়া, ৩ কুঞ্জলীলা, ৪ দানলীলা, ৫ বংশী-
চুরি, ৬ নোকাবিলাস, ৭ মধুপান, ৮ সূর্য্যপূজা ।

সম্পন্ন—১ সূদূর দর্শন, ২ ঝুলন, ৩ হোলি, ৪ প্রহেলিকা, ৫ পাশা-
খেলা, ৬ নর্ত্তকরাস, ৭ রসালস, ৮ কপটনিদ্রা ।

সম্বন্ধিমান —১ স্বপ্নে বিলাস, ২ কুরুক্ষেত্র-মিলন, ৩ ভাবোল্লাস,

৪ ব্রজাগমন, ৫ বিপরীত সন্তোগ, ৬ ভোজন-কৌতুক, ৭ একত্র নিদ্রা, ৮ স্বাধীনভর্তৃকা।

শ্রীরাধার প্রতি শ্রীকৃষ্ণের পূর্বরাগের সাক্ষাৎ দর্শনাদি প্রথম সাতটি হেতু গ্রহণীয়। শ্রীরাধার বংশী নাই। মান দুই প্রকার—সহেতু ও নিহেতু। শ্রীকৃষ্ণের সহেতু মান অসম্ভব। তাঁহার মান নিহেতু। শ্রীকৃষ্ণের আক্ষেপানুরাগের কোন সম্ভাবনা ঘটে না। শ্রীরাধার অদর্শনে শ্রীকৃষ্ণের বিরহ আছে। কিন্তু শ্রীরাধার স্থানান্তরে গমন নাই। সন্তোগেরও প্রকার-ভেদ আছে। যেমন মুখ্য সন্তোগ ও গৌণ সন্তোগ। মুখ্য সন্তোগ প্রচ্ছন্ন ও প্রকাশ ভেদে দুই প্রকার। গৌণ সন্তোগ—স্বপ্ন-সন্তোগ। সম্পন্ন সন্তোগ—আগতি ও প্রাত্তর্ভাব ভেদে দ্বিবিধ। লৌকিক ব্যবহার দ্বারা আগমন আগতি, আর প্রেম সংরম্ভে অকস্মাৎ আগমন প্রাত্তর্ভাব, যেমন রাসমণ্ডলে আবির্ভাব। উজ্জ্বল-নীলমণিতে পূর্বরাগাদি বিষয়ের সুবিস্তৃত বিশ্লেষণ আছে।

কীর্তনীয়গণ বিপ্রলম্ব ও সন্তোগের চৌষটি বিভাগের কীর্তনকেই চৌষটি রসের গান বলিয়া থাকেন। ইহার মধ্যে মানের পর্যায়ে অভিসারিকাদির স্থান রহিয়াছে। নিম্নে নারিকার অভিসারিকাদি অষ্টাবস্থার ও তাহার আট আট চৌষটি ভেদের বিবরণ দিলাম।

(১) **অভিসারিকা** (যিনি স্বয়ং অভিসার করেন, অথবা নায়কেকে অভিসার করান) ;—

জ্যোৎস্নাভিসারিকা, তামসাভিসারিকা, বর্ষাভিসারিকা, দিবাভিসারিকা, কুঞ্জ ঝটিকাভিসারিকা, তীর্থযাত্রাভিসারিকা (গ্রহণাদি উপলক্ষ্যে স্নান হলে, দেবদর্শন হলে অভিসার), উন্নতাভিসারিকা (বংশীধ্বনি শ্রবণে), অসমঞ্জসাভিসারিকা (যাহার বেশ বাস অসম্মত)।

(২) **বাসকমজ্জা** (কান্তের আগমন প্রতীক্ষায় কুঞ্জ সাজাইয়া এবং নিজে সাজিয়া অপেক্ষমাণ) ;—

মোহিনী (স্ববেশকারিণী), জাগ্রতিকা (প্রতীক্ষায় জাগ্রতা), রোদিতা (রোদনপরায়ণা), মধ্যোক্তিকা (কান্ত আসিয়া প্রিয়বাক্য বলিবেন এইরূপ চিন্তা ও আলাপযুক্তা), স্তম্ভিকা (কপটনিদ্রায় নিদ্রিতা), চকিতা (নিজাপছারায় কৃষ্ণভ্রমতন্তা), সুরসা (সঙ্গীতপরায়ণা), উদ্দেশা (দূতী-প্রেরণকারিণী)।

(৩) উৎকর্ষিতা (কান্তের আগমনে বিলম্ব দেখিয়া উৎকর্ষায়ুক্তা)।

দুর্ঘতি (কেন খেলের বাক্যে বিশ্বাস করিলাম, এই চিন্তায় অনুতপ্তা);—

বিকলা (পরিতাপযুক্তা), স্তম্ভা (চিন্তিতা), উচ্চকিতা (পত্রপতনে, পক্ষীর পক্ষ-সঞ্চালনে কান্ত আসিতেছেন, এই আশায় চকিতা), অচেতনা (দুঃখাভিভূতা), সুখোৎকর্ষিতা (কৃষ্ণ ধ্যান-মুগ্ধা, কৃষ্ণগুণকথননিরতা) মুখরা (দূতীর সঙ্গে কলহপরায়ণা) নির্বন্ধা (আমারি কর্ণদোষে তিনি আসিলেন না, আমি বাঁচিব না— এইরূপ খেদযুক্তা)।

(৪) বিপ্রলক্কা (সঙ্কেত করিয়াও প্রিয় কেন আসিলেন না, এই চিন্তায় নির্বেদযুক্তা);—

বিকলা (কান্ত আসিলেন না, সমস্ত বিকল হইল, এইরূপ খেদাঘ্রিতা), প্রেমমত্তা (অত্যা নায়িকার সঙ্গে কান্তের মিলন হইয়াছে এইরূপ আশ্চর্য্যঘ্রিতা), ক্লেশা (বাঁহার সব বিষময় মনে হইতেছে), বিনীতা (বিলাপযুক্তা), নির্দয়া (কান্ত নির্দয় ইত্যাদি বাক্যে খেদযুক্তা), প্রথরা (শয্যা এবং বেশ ভূষণাদি অগ্নিতে অথবা ঘুনার বিসর্জন করিব, এইরূপ সঙ্কল্পযুক্তা), দূতাদরা (দূতীকে আদরকারিণী), ভীতা (প্রভাত হইতে দেখিয়া ভয়যুক্তা)।

(৫) খণ্ডিতা (অত্যা নায়িকার সন্তোগ-চিহ্ন-যুক্ত নায়ককে দেখিয়া কুপিতা);—

নিন্দা (কান্তকে নিন্দাকারিণী), ক্রোধা (অনুনয়রত কান্তকে তিরস্কারকারিণী), ভয়ানকা (কান্তকে সিন্দূর-কজ্জলে মণ্ডিত দেখিয়া ভীতা), প্রগল্ভা (কান্তের সঙ্গে কলহপরায়ণা), মধ্যা (অত্যা নারিকার সম্ভোগ-চিহ্নে লজ্জাশ্রিতা), মুগ্ধা (রোষবাস্প-মোনা), কম্পিতা (অমর্যবশে রোদনপরায়ণা), সন্তপ্তা (কান্তের সঙ্গে ভোগ-চিহ্ন দর্শনে তাপযুক্তা) ।

(৬) **কলহাস্তরিতা** (প্রত্যাখ্যাত নায়ক চলিয়া গেলে পশ্চাত্তাপযুক্তা) ;—

আগ্রহা (আগ্রহযুক্ত নায়ককে কেন ত্যাগ করিলাম), ক্ষুদ্রা (পাদ পতিত নায়ককে কেন ছুঁকাক্য বলিলাম), ধীরা (পাদপতিত কান্তকে কেন দেখি নাই), অধীরা (সখী তিরস্কৃত), কুপিতা (কান্তের মিথ্যা ভাষণ স্মরণে কোপযুক্তা), সমা (কান্তের একা দোষ নাই, দ্বিতীয় দোষ, সময়ের দোষ এবং আমার নিজের দোষেই আমি ক্লেশ পাইলাম), মৃদুলা (পরিতাপে রোদন পরায়ণা), বিধুরা (সখীর প্রবোধ দানে আশ্বস্তা) ।

(৭) **প্রোষিতভর্তৃকা** (পতি বাহার প্রবাসে) ;—

ভাবি (কান্ত প্রবাসে বাইবেন এই সংবাদে কাতরা), ভবন্ (বর্তমান বিরহ), ভূত (কান্ত মথুরার), (দশদশা (চিন্তা, জাগরণ, উদ্বেগ, ক্রুশতা, জড়তা, প্রলাপ, ব্যাধি, উন্মাদ, মোহ, মৃত্যু), দূত-সংবাদ (উদ্ধবাদি মুখে), বিলাপা (বিলাপপরায়ণা), সখ্যুক্তিকা (বাহার সখী কান্তের নিকট গিয়া বিরহ-বেদনা নিবেদন করেন), ভাবোল্লাসা (ভাব-সম্মিলনে উল্লসিতা) ।

(৮) **স্বাধীনভর্তৃকা** (নায়ক বাহার সদা বশীভূত) ;—

কোপনা (বিলাসে বাহ রোষযুক্তা), মানিনী (নায়ক সঙ্গে নিজকৃত বিলাসচিহ্ন দর্শনে), মুগ্ধা (নায়ক বাহার বেশবিভাষাদি করেন), মধ্যা

(নায়ক বাহার নিকটতন্ত্র), সমুজ্জিকা (সমীচীন উক্তি-বৃত্ত), সোলাসা (কান্তের ব্যবহারে উল্লসিতা), অনুকূলা (নায়ক বাহার অনুকূল) অভিজিতা (অভিষেকপূর্বক নায়ক বাহাকে চামর ব্যজনাদি করেন) ।

মিথিলার কবি ভানুদত্ত রসমঞ্জরী গ্রন্থে ‘অনুশয়ানা’ নারিকার বর্ণনা করিয়াছেন । সঙ্কেতস্থানের বিনাশে সন্তুপ্তা নারিকার নাম অনুশয়ানা । বর্তমান স্থান নাশে ছঃখিতা, ভাবিস্থান নাশে ছঃখিতা, এবং সংকেত স্থানে বাইতে না পারিয়া ছঃখিতা—এই তিন প্রকার অনুশয়ানা । সঙ্কেত স্থানে অ-গমন হেতু অনুশয়ানার উদাহরণ—

রসাল মুকুলরাজি ছলিছে শ্রবণে

পাণ্ডুর বরণ গণ্ড পরাগ-নিকরে ।

এ হেন মাধবে রাখা হেরিয়া নয়নে

বরষে বে অশ্রুজল অবিরলধারে ॥

(৬সতীশচন্দ্র রায়ের অনুবাদ)

শ্রীকৃষ্ণ আশ্রকুঞ্জে মিলনের সঙ্কেত করিয়াছিলেন । শ্রীরাধা অনিবার্য কারণে সেখানে বাইতে পারেন নাই । শ্রীকৃষ্ণ যে আশ্রকুঞ্জে গিয়াছিলেন এবং শ্রীরাধার দর্শন না পাইয়া ফিরিয়া আসিয়াছেন, ইহা জানাইবার জন্য শ্রীকৃষ্ণ রসালমঞ্জরী কর্ণে ধারণ করিয়া শ্রীরাধাকে দেখা দিয়াছেন । শ্রীকৃষ্ণ ইঙ্গিতে বুঝাইতেছেন—রসালকুঞ্জে তোমার গমনের কথা কানেই শুনিয়াছি, অদৃষ্টে দর্শন ঘটে নাই । আমি যে সেখানে গিয়াছিলাম, এই রসালমঞ্জরী তাহারই নিদর্শন । শ্রীকৃষ্ণের এই অনুযোগে আপনার পরাধীনতার কথা স্মরণে শ্রীরাধা কাঁদিয়াছেন ।

বাল্মীকির চপ কীর্তন নামে কীর্তনের একটি ধারার সৃষ্টি হইয়াছে । যশোরের মধুসূদন কান এই ধারার প্রবর্তক । ইনি কীর্তনে স্বরচিত পদও গান করিতেন । এই গান কমবেশী প্রায় শতখানেক বৎসর চলিত

হইয়াছে। এক সময় ইহা সারা বাঙ্গালায় প্রসারলাভ করিয়াছিল। প্রধানতঃ পণ্ডা রমণীগগই এই গান শিখিয়া কীর্তনের ব্যবসায় করিত। ইহারা কীর্তন-ওয়ালী নামে পরিচিতা ছিল। অনেক গায়কও এই গান আয়ত্ত করিয়া ব্যবসায় চালাইতেন। এক সময় কলিকাতায় ধনী ও মধ্যবিত্ত-গৃহে, এমন কি, মফঃস্বলের কোন কোন বড়লোক বাড়ীর শ্রাদ্ধ-বাসরেও টপ গানের, বিশেষতঃ কীর্তনওয়ালীর সমাদর ছিল। আজকাল টপ গানের চলন কমিয়াছে।

গড়েরহাটি ও মনোহরসাহী কীর্তনের প্রাচীন ধারাও প্রায় লোপ পাইতে বসিয়াছে। দক্ষিণখণ্ডের (মুর্শিদাবাদ) শ্রীরাধাশ্রাম দাস কীর্তন-রসসাগর এবং ছপুখুরিয়া বাজারের (মুর্শিদাবাদ) শ্রীনন্দকিশোর দাস লীলা-গীতিসুধাকর প্রভৃতি ছই-চারিজন মাত্র এই প্রাচীন ধারা রক্ষা করিতেছেন। কাঁদরার অবস্থা নিতান্ত শোচনীয়। শ্রীখণ্ড ও ময়নাডাল কোনরূপে আত্মরক্ষা করিয়া চলিতেছে। প্রাচীন কীর্তনাচার্য-গণের মধ্যে শ্রীবৃন্দাবনের প্রভুপাদ শ্রীগৌরগোপাল ভাগবতভূষণ (ইনি বর্তমানে হাবড়ার অধিবাসী) এবং শ্রীখণ্ডের শ্রীল গৌরগুণানন্দ ঠাকুর বর্তমান আছেন। মুর্শিদাবাদ-কান্দীর দামোদর কুণ্ডু, পাঁচখুপীর কৃষ্ণদয়াল চন্দ, (বৃন্দাবনের খ্যাতনামা সঙ্গীতাচার্য্য অদ্বৈত দাস পণ্ডিত বাবাজী এই চন্দ বা চাঁদজীর' নিকটেই গান শিক্ষা করিয়াছিলেন), কাটোয়ার নিকটস্থ মেরেলার হারাধন স্ত্রজধর, বীরভূম ইলামবাজারের নিমাই চক্রবর্তী, দীনদয়াল ও মনোহর চক্রবর্তী, ময়নাডালের রসিকানন্দ মিত্র ঠাকুর ও বৈকুণ্ঠ মিত্র ঠাকুর, তাঁতিপাড়ার নন্দ দাস, কান্দরার শ্রামানন্দ ঠাকুর প্রভৃতির মত গড়েরহাটি ও মনোহরসাহী সুরের কীর্তন-গায়ক বাঙ্গালার গৌরব ছিলেন। এই সেদিনও দক্ষিণখণ্ডের রসিক দাস, বারুইপাড়ার গণেশ দাস, চাকটা আনখোনার অবধূত বন্দ্যোপাধ্যায়, হাসনপুরের ফটিক

চৌধুরী, ময়নাডালের রাসবিহারী মিত্র ঠাকুর—বাঙ্গালার মুখরক্ষা করিয়া গিয়াছেন। কিন্তু আজিকার দিনে নাম করিবার মত কয়জন আছেন ?

কীর্তনের পালা গানে একজন কবির রচিত পদ লইয়াই পালা সাজানো নাই। কয়েকজন বিভিন্ন পদকর্তার একই রসের পদ লইয়া এক একটি পালা গঠিত হইয়াছে। খেতরীর মহোৎসবে এইরূপে সাজানো পালা গানই গাওয়া হইয়াছিল। অনুমিত হয় শ্রীবিষ্বনাথ চক্রবর্তী মহাশয়ের “ক্ষণদা-গীতচিন্তামণি” এইরূপ পালাগানের প্রথম সংকলন গ্রন্থ। এই গ্রন্থে শ্রীশ্রীরাধাকৃষ্ণের কালামুরূপ লীলা স্মরণ-মনন-শ্রবণ-কীর্তনের উপযোগী পদগুলি সাজানো আছে। শ্রীল রাধামোহন ঠাকুরের পদামৃতসমুদ্র এবং বৈষ্ণবদাসের পদকল্পতরু এই শ্রেণীর অত্যন্ত উল্লেখযোগ্য গ্রন্থ।

কীর্তনের সাজানো পালাগানগুলি এক একটি খণ্ডকাব্য। রসে, ভাবে, ভাষায়, ছন্দে, অলঙ্কারে, বঙ্কারে এক একটি পদ আপন মাধুর্য্য-মহিমায় আপনি উজ্জ্বল হইয়া আছে। কীর্তন-গায়ককে এই পদের নিভুল পাঠ ও ব্যাখ্যা জানিয়া লইতে হইবে। পালা-গানের রস, ভাবের মর্ম উপলব্ধি করিতে হইবে। গানের ব্যাখ্যায় বা আখরে রসাতাস না হয় সেদিকে লক্ষ্য রাখিতে হইবে। এইজন্য তাহার সামান্য ব্যাকরণ-জ্ঞান ও বাঙ্গালা সাহিত্যে প্রবেশ আবশ্যক। তাহার পর তিনি যদি উজ্জ্বল-নীলমণি খানি অধিগত করেন, তাহা হইলে সোনার সোহাগা হয়। কীর্তন-গানের স্বরলিপি না থাকায় শিক্ষার্থীকে গুরুর নিকট প্রাচীন দ্বারায় শিক্ষা লাভ করিতে হয়। এই সঙ্গে গায়কের মার্গসঙ্গীতের রাগ-তালাদিতে জ্ঞানসঞ্চয় প্রয়োজন। কীর্তন গান মাধুর্য্যপ্রধান, তাহাতে ঐশ্বর্য্যের স্থান নাই। এইজন্য আখরে, ব্যাখ্যায় কীর্তনীয়াকে বিশেষ সতর্কতা অবলম্বন করিতে হয়। আধ্যাত্মিক ব্যাখ্যায় হয়তো সামান্য

নাম-কীর্তন ও লীলা-কীর্তন

৭৭

প্রয়োজন আছে, তবে তাহা রূপকে রূপান্তরিত করিলে চলিবে না। অনেক স্থলে শ্রীরাধাকৃষ্ণের সখীগণের, বিশেষতঃ শ্রীরাধার প্রতি শ্রীকৃষ্ণের এবং কৃষ্ণের প্রতি রাধার কোন কোন উক্তি সাধক ভক্তের আবেদনের রূপ ধারণ করে। সাবধানে রসোদ্বেক ও ভাব সঞ্চার করিতে পারিলে তত্তৎক্ষেত্রে প্রোতুমণ্ডলী “ন বাহুং ন বেদনাস্তরং” অবস্থা প্রাপ্ত হন। ইহাই কীর্তন-গানের সর্বশ্রেষ্ঠ সার্থকতা। যে রস স্বপ্রকাশ, যে রস আনন্দচিন্ময়, বেত্তাস্তরম্পর্শশূন্য, ব্রহ্মাস্বাদসহোদর, সেই রস কীর্তন গানে পূর্ণ ব্রহ্ম রসস্বরূপ স্বয়ং ভগবান শ্রীকৃষ্ণের ও তাঁহার পূর্ণশক্তি মহাভাব-স্বরূপিণী শ্রীরাধার লীলা-তরঙ্গে মূর্ত হইয়া উঠে।

৫

নাম-কীর্তন ও লীলা-কীর্তন

বাঙ্গালা পদাবলী বৈষ্ণব সাধকের উপাসনার অবলম্বন হইয়াছে, ধ্যানের মন্ত্র হইয়াছে। শ্রীমন্ মহাপ্রভু শ্রীপাদ সনাতনকে বলিয়াছেন—

নিত্য সিদ্ধ কৃষ্ণপ্রেম সাধ্য কভু নয়।

শ্রবণাদি শুদ্ধচিত্তে করয়ে উদয় ॥

এই ত সাধন হয় দুই ত প্রকার।

এক বৈধী ভক্তি রাগানুগা ভক্তি আর ॥

রাগহীন জন ভঞ্জে শাস্ত্রের আজ্ঞায়।

বৈধী ভক্তি বলি তারে সর্বশাস্ত্রে গায় ॥

সাধন ভক্তির চতুঃষষ্ঠী অঙ্গ। এই চতুঃষষ্ঠী অঙ্গের মধ্যে—

এক অঙ্গ সাধে কেহ সাধে বহু অঙ্গ।

নিষ্ঠা হৈলে উপজয়ে প্রেমের তরঙ্গ

পদাবলী-পরিচয়

* * *

বৈধি ভক্তি সাধনের কহিল বিবরণ ।
 রাগানুগা ভক্তির লক্ষণ শুন সনাতন ॥
 রাগাঙ্গিকা ভক্তি মুখ্যা ব্রজবাসী জনে ।
 তার অনুগত ভক্তির রাগানুগা নামে ॥
 ইষ্টে গাঢ় তৃষ্ণা রাগ স্বরূপ লক্ষণ ।
 ইষ্টে আবিষ্টতা তটস্থ লক্ষণ কখন ॥
 রাগময়ী ভক্তির হয় রাগাঙ্গিকা নাম ।
 তাহা শুনি লুপ্ত হয় কোন ভাগ্যবান্ ॥
 লোভে ব্রজবাসীর ভাবে করে অনুগতি ।
 শাস্ত্র যুক্তি নাহি মানে রাগানুগার প্রকৃতি ॥
 বাহ্য অন্তর ইহার দুই ত সাধন ।
 বাহ্যে সাধক দেহে করে শ্রবণ কীর্তন ॥
 মনে নিজ সিদ্ধ দেহ করিয়া ভাবন ।
 রাত্রি দিনে করে ব্রজে কৃষ্ণের সেবন ॥
 দাস সখা পিত্রাদি প্রেমসীর গণ ।
 রাগমার্গে নিজ নিজ ভাবের গণন ॥
 এই মত করে যেবা রাগানুগা ভক্তি ।
 কৃষ্ণের চরণে তার উপভয়ে রতি ॥

—শ্রীচৈতন্য-চরিতামৃত, মধ্য—২২ পরিচ্ছেদ ।

শ্রবণকীর্তনে শ্রীমন্ মহাপ্রভু নাম-শ্রবণ ও নাম-কীর্তনের বিশেষ
 প্রশংসা করিয়াছেন । কিন্তু অন্তর সাধনে—মনে নিজ সিদ্ধ দেহ ভাবনা করিয়া
 ব্রজে রাত্রি দিনে শ্রীকৃষ্ণ-সেবনে লীলা-গান শ্রবণ, লীলা-কীর্তনই প্রধানতম
 অবলম্বন । সুতরাং নাম ও লীলাকীর্তন উভয়ই সাধকের ধ্যানমন্ত্র ।

নাম-কীর্তন ও লীলা-কীর্তন

৯৭

নাম-কীর্তনের বিষয়ে শ্রীমহাপ্রভুর উক্তি—গম্ভীরায়—

স্বরূপ রামানন্দ এই দুইজন সনে ।
 রাত্রি দিনে করে রস গীত আশ্বাদনে ॥
 নানাভাব উঠে প্রভুর হর্ষ শোক রোষ ।
 দৈন্ত উদ্বেগ আদি উৎকর্ষা সন্তোষ ॥
 সেই সেই ভাবে নিজে শ্লোক পড়িয়া ।
 শ্লোকের অর্থ আশ্বাদয়ে দুই বন্ধু লইয়া ॥
 কোনদিন কোন ভাবের শ্লোক পঠন ।
 সেই শ্লোক আশ্বাদিতে রাত্রি জাগরণ ॥
 হর্ষে প্রভু কহে শুন স্বরূপ রাম রায় ।
 নাম সংকীর্তন কলির পরম উপায় ॥
 সংকীর্তন যজ্ঞে কর্ণো কৃষ্ণ আরাধন ।
 সেই ত সুরম্যা পায় কৃষ্ণের চরণ ॥
 নাম-সংকীর্তন হইতে সর্বানর্থনাশ ।
 সর্বশুভোদয় কৃষ্ণে পরম উল্লাস ॥
 সংকীর্তন হইতে পাপ সংসার নাশন ।
 চিত্তশুদ্ধি সর্বভক্তি সাধন উদগম ॥
 কৃষ্ণ প্রেমোদগম প্রেমামৃত আশ্বাদন ।
 কৃষ্ণপ্রাপ্তি সেবামৃত সমুদ্রে-মজ্জন ॥

* * *

অনেক লোকের বাঞ্ছা অনেক প্রকার ।
 রূপাতে করিল অনেক নামের প্রচার ॥
 থাইতে শুইতে যথা তথা নাম লয় ।
 কাল দেশ নিরম নাহি সর্বসিদ্ধি হয় ॥

পদাবলী-পরিচয়

সর্বশক্তি নামে দিল করিয়া বিভাগ ।

আমার হৃদেব নামে নাহি অনুরাগ ॥

—শ্রীচৈতন্য-চরিতামৃত, অন্ত্য—২০ পরিচ্ছেদ ।

নাম-কীর্তনের উদাহরণ—

চৈতন্য কল্পতরু অদ্বৈত বেষাখা গুরু কীর্তন কুন্ডম পরকাশ ।

ভকত ভ্রমরগণ মধুলোভে অনুক্ষণ হরি বলি ফিরে চারি পাশ ॥

গদাধর মহাপাত্র শীতল অভয় ছত্র গোলোক অধিক সুখ তায় ।

তিন যুগে জীব বত প্রেমবিনু উতপত তার তলে বসিয়া জুড়ায় ॥

নিত্যানন্দ নাম ফল প্রেমরসে ঢল ঢল খাইতে অধিক লাগে মীঠ ।

শ্রীশুকদেব মনে ফলের মহিমা জানে এ উদ্ধব দাস তাহে কীট ॥

নাম-কীর্তনের অপর একটি পদ :—

ভজহুঁ রে মন নন্দনন্দন অভয় চরণাবিন্দ রে ।

ছলহ মানুব জনম সত সঙ্গে তরহ এ ভব সিঙ্ঘ রে ॥

শীত আতপ বাত বরিখন এ দিন বামিনী জাগি রে ।

বিফলে সেবিনু কুপণ ছুরজন চপল সুখলব লাগি রে ॥

এ খন যৌবন পুত্র পরিজন ইথে কি আছে পরতীত রে ।

কমলদল জল জীবন টলমল ভজহুঁ হরিপদ নীত রে ॥

শ্রবণ কীর্তন স্রবণ বন্দন পাদ সেবন দাসী রে ।

পূজন সখীজন আশ্রনিবেদন গোবিন্দ দাস অভিলাষী রে ॥

পদকল্পতরু চতুর্থ শাখায় নাম-সংকীর্তনের পদ আছে । শ্রীল.
নরোত্তম ঠাকুরের অমর গ্রন্থ “নরোত্তমের প্রার্থনা” নাম-কীর্তনের পর্যায়ে
পড়ে । এই গ্রন্থখানি সকলেরই পাঠ করা কর্তব্য ।

নাম-কীর্তন ও লীলা-কীর্তন

৮১

লীলা-কীর্তন

লীলা-কীর্তনে সখ্য ও বাৎসল্য রসের পদ আছে, সেগুলি সংখ্যায় অল্প। শ্রীরাধাকৃষ্ণের, শ্রীগোরাঙ্গ-নিত্যানন্দের জন্ম-লীলাদির পদ আছে, তাহারও সংখ্যা বেশী নহে। বাৎসল্য-রসের পদের মধ্যে শ্রীকৃষ্ণের জন্মলীলা, নন্দোৎসব, ফলক্রম-লীলা, নবনীহরণ, শ্রীকৃষ্ণ-বলরামের গোষ্ঠাষ্টমী-লীলা, শ্রীকৃষ্ণের বৎস-চারণাদি লীলা, শ্রীরাধার জন্মলীলা আদি উল্লেখযোগ্য। সখ্যরসের পদের মধ্যে গোষ্ঠ ও উত্তর গোষ্ঠ, যজ্ঞপত্নীগণের অন্ন-ভোজন, শ্রীকৃষ্ণের সখাগণ সঙ্গে বনবিহারের পদ পাওয়া যায়। গোষ্ঠ-লীলার মধ্যেও মধুর রসের পদ আছে, কারণ গোষ্ঠেও শ্রীরাধাকৃষ্ণের মিলন ঘটরাছে। দান ও নোকাখণ্ডের কথা পূর্বে উল্লেখ করিয়াছি। দানের যেমন দুইটি পালা—একটি শ্রীরাধা ও গোপীগণের মথুরায় দক্ষি হস্ত বিক্রয়, অপরটি ভাগুরি মূনির যজ্ঞে দ্ব্যত দান। নোকা-বিনাসেরও তেমনই দুইটি পালা—একটি মথুরাবাতা-পথে যমুনায় নোকা-বিহার, অপরটি শ্রীকৃষ্ণাবনেই মানসগঙ্গায় নোকা-বিহার। গোবর্দ্ধন-ধারণ-লীলারও পদ আছে। বুলন ও দোল মধুরসের পর্যায়ভুক্ত। শ্রীকৃষ্ণের বয়ঃসন্ধির পদ নাই। শ্রীরাধার বয়ঃসন্ধির পদ সুপরিচিত। শ্রীখণ্ডের নয়নানন্দ কবিরাজ-রচিত শ্রীরাধার বয়ঃসন্ধির পদ পাওয়া গিয়াছে। বিজ্ঞাপতি ও জ্ঞানদাসের রচিত বয়ঃসন্ধির পদই প্রচলিত।

বিজ্ঞাপতির রচিত বয়ঃসন্ধির পদ—

থেনে থেনে নয়ন কোণে অনুসরই।

থেনে থেনে বসনধূলি তনু ভরই ॥

থেনে থেনে দশন ছটাছটি হাস।

থেনে থেনে অধর আগে করু বাস ॥

চৌঙকি চলয়ে-থেনে থেনে চলু মন্দ ।

মনমথ পাঠ পহিল অনুবন্ধ ॥

হৃদয়ঙ্গ মুকুলিত হেরি হেরি থোর ।

থেনে আঁচর দেই থেনে হরে ভোর ॥

বালা শৈশব তারুণ ভোট ।

লখই না পারিয়ে ঞ্চেঠ কণেঠ ॥

বিত্যাপতি কহে শুন বর কান ।

তরুণিম শৈশব চিহ্নই না জান ॥

শ্রীধণ্ডের রামগোপাল দাসের শাখা-নির্ণয় গ্রন্থ হইতে নয়নানন্দ কবিরাজের বয়ঃসন্ধির পদের সংবাদ পাওয়া যায় । হেতমপুর রাজবাটীর বীরভূম-অনুসন্ধান-সমিতির সংগৃহীত পুঁথি হইতে নয়নানন্দের বয়ঃসন্ধির গৌরচন্দ্র ও একটি পদ পাইয়াছিলাম । উদ্ধৃত করিয়া দিলাম ।

॥ গৌরচন্দ্র ॥ ॥ স্মৃহই ॥

বিমল সুরধুনী-তীর । কালিন্দী ভরমে অবীর ॥

বিহরই গৌর কিশোর । পূর্ব পিরিতি-রসে ভোর ॥

রাজপথে নরহরি সঙ্গে । থেনে হেরি গঙ্গ-তরঙ্গে ॥

গদাধর লাঞ্জে তেজে পাশ । মুরারীয়ে করু পরিহাস ॥

কৈশোর যৌবন সন্ধি । নয়নানন্দ চিরবন্দী ॥

॥ পদ ॥ ॥ ধানসী ॥

মাধব পেখলুঁ সো নব বালা । বরজ রাজপথ চাঁদ উজালা ॥

অধরক হাস নয়ন যুগ মেলি । হেম কমলপর চঞ্চরী খেলি ॥

হেরি তরুণী কোই করু পরিহাস । অন্তরে সমুঝয়ে বাহিরে উদাস ॥

ওনিয়া না শুনে জুহু রস পরসঙ্গ । চরণ চলন গতি মরাল সুরঙ্গ ॥

বক্ষ জঘন গুরু কটি ভেল খীন । নয়নানন্দ দরশ শুভ দিন ॥

৬

বিপ্রলম্ভ

॥ বিপ্রলম্ভ ॥ ত্রীপাদ রূপ গোস্বামী বলিয়াছেন—“ন বিনা বিপ্রলম্ভেন সন্তোগঃ পুষ্টিমধ্বতে”। বিপ্রলম্ভ বিনা সন্তোগ পুষ্টিলাভ করে না। মিলনের পূর্বে অথবা পরে পরস্পর অল্পরক্ত নারক-নারিকার চুম্বন আলিঙ্গনাদির অপ্রাপ্তিতে যে ভাব, তাহাই বিপ্রলম্ভ।

পূর্বরাগ—

রতিয়া সঙ্গমাৎ পূর্বং দর্শন-শ্রবণাদিজ্ঞা।

তয়োরুন্মীলতি প্রাক্তৈঃ পূর্বরাগঃ স উচ্যতে ॥

* * *

* * *

অপি মাধবরাগস্ত প্রাথম্যে সম্ভবত্যপি।

আদৌ রাগে মৃগাক্ষীগাং প্রোক্তা শ্রাচ্চারুতাধিকা ॥

—উজ্জলনীলমণি।

যে রতি মিলনের পূর্বে দর্শন ও শ্রবণাদির দ্বারা উৎপন্ন হইয়া নারক-নারিকা উভয়ের হৃদয়কে উন্মিলিত করে, তাহারই নাম পূর্বরাগ। যদিও মাধবের রাগই প্রথমে সমুৎপন্ন হয়, তথাপি মৃগাক্ষীগণের প্রথম রাগেই চারুতার আধিক্য কথিত হইয়া থাকে।

ব্রজদেবীগণের ললনানিষ্ঠ রতিতে দেখিবার, শুনিবার অপেক্ষা থাকে না। রূপ না দেখিয়া, গুণের কথা না শুনিয়াও ত্রীকূষে রতি স্বয়ং উদ্বোধিত হয়, এবং অতি দ্রুত বুদ্ধি প্রাপ্ত হয়। তথাপি দর্শন-শ্রবণাদিরও প্রসিদ্ধি আছে। ত্রীমহাভাগবতে বর্ণিত আছে—কালীরদমন-দিনে

গোপীগণকে দেখিয়া শ্রীকৃষ্ণের পূর্বরাগের উদয় হইরাছিল। ধেনুকবধের দিনে শ্রীকৃষ্ণকে দেখিয়া গোপীগণের পূর্বরাগের উদয় হয়। যদিও লীলা-পর্য্যয়ে কালীয়দমন-লীলাই পূর্বে অনুষ্ঠিত হইরাছিল, তথাপি লীলা-বর্ণন করিবার সময় শ্রীপাদ শুকদেব গোস্বামী ধেনুক-বধই পূর্বে বর্ণনা করিয়াছেন। আচার্য্যগণ বলেন, শ্রীকৃষ্ণলীলারস-ভাবিত চিত্তের আবেশ-বশতঃ লীলার পৌরোপর্য্য রক্ষিত হয় নাই। আমাদের মনে হয়, তিনি লীলার চারুতা সম্পাদনের জন্তই, গোপীগণের পূর্বরাগ পূর্বে বর্ণন করিবার অভিপ্রায়েই অগ্রে ধেনুকবধ-লীলাই প্রকাশ করিয়াছেন। জ্ঞানদাস—“ধেনুকবধের দিনে আঁখিতে পড়িয়া গেল মোর” বলিয়া শ্রীরাধার পূর্বরাগের পদে ধেনুকবধের প্রসঙ্গ তুলিয়াছেন। শ্রীকৃষ্ণের পূর্বরাগের পদে গোবিন্দ-দাস বলিয়াছেন—“কালি-দমন দিন মাহ। কালিন্দীতীর কদম্বক ছাহ। কতশত ব্রজ নব বালা। পেখলুঁ জম্বু থির বিজুরিক মালা ॥ তঁহি ধনী মণি ছই চারি। তঁহি মনোমোহিনী একু নারি ॥ সো অব মঝু মন পৈঠে। মনসিজ ধুমহে ঘুম নাহি দিঠে ॥”

সাক্ষাৎ দর্শনের গৌরচন্দ্র—

মরমে লাগিল গোরা না বায় পাসরা।
 নয়নে অঞ্জন হৈল লাগি রৈল পারা ॥
 জলের ভিতরে ডুবি সেথা দেখি গোরা।
 ত্রিভুবন ময় গোরাচান্দ হৈল পারা ॥
 তেঁঞি বলি গোরারূপ অমিয়া পাথার।
 ডুবিল তরুণীর মন না জানে সঁতার ॥
 বাসুদেব ঘোষ কহে নব অনুরাগে।
 সোণার বরণ গোরাচাঁদ হিয়ার মাঝে জাগে ॥

ত্রিরাধার পূর্বরাগে সাক্ষাৎ দর্শনের একটা পদ—

সজনি কি হেরিলু যমুনার কূলে ।

ব্রজকুল নন্দন, হরিল আমার মন, ত্রিভঙ্গ দাঁড়ারে তরুণুলে ॥
গোকুল নগরী মাঝে, আর কত নারী আছে, তাহে কোন না পড়িল বাধা ।
নিরমল কুলখানি, বতনে রেখেছি আমি, বাঁশী কেন বলে রাখা রাখা ॥
মল্লিকা চম্পকদামে, চূড়ার টালনি বামে, তাহে শোভে ময়ূরের পাখে ।
আশে পাশে ধেরে ধেরে, সুন্দর সৌরভ পেয়ে, অলি উড়ে পড়ে লাখে লাখে ॥
সে কি রে চূড়ার ঠাম, কেবল যেমন কাম, নানাছান্দে বান্ধে পাক মোড়া ।
শির বেড়া বেনানী জালে, নবগুঞ্জা মণিমালে, চঞ্চল চাঁদ উপরে জোড়া ॥
পায়ের উপর থুয়ে পা কদম্বে হিলন গা, গলে শোভে মালতীর মালা ।
বড় চণ্ডীদাসে কয়, না হইল পরিচয়, রসের নাগর বড় কালা ॥

নাগরিকা-ভেদে পূর্বরাগের প্রকারভেদ আছে । মুক্তা, মধ্য ও প্রগল্ভার পূর্বরাগ একরূপ নহে । “অভিযোগ” পূর্বরাগের অপরিহার্য অঙ্গ । স্বপ্নেই হউক আর চিত্রপটেই হউক, কিংবা সাক্ষাদর্শনেই হউক বাহাকে দেখিয়াছি, দেখিয়া ভালবাসিয়াছি, সখীমুখে, দূতীমুখে, ভাটমুখে অথবা গুণিজনের গানে বাহার গুণের কথা শুনিয়া মুগ্ধ হইয়াছি, বাহার বংশী-ধ্বনি আমাকে আত্মবিস্মৃত করিয়াছে, তাহার দৃষ্টি আকর্ষণের জগ্ন (নাগরিকার) যে বিবিধ প্রচেষ্টা, তাহারই নাম অভিযোগ । অভিযোগে নায়কও বিশেষ পটু । নায়কেরও শ্রেণীভেদ আছে, কিন্তু অভিযোগ প্রয়োগে বোধ হয় সকল নায়কই সমান । কিশলয়-দংশনাদি ইহার উদাহরণ । এই অভিযোগ স্বভাবজ হইলে তাহার নাম অনুভাব, আর চেষ্টাকৃত হইলে তাহাকে স্বাভিযোগ বলে । মিলনের পরও অভিযোগ অন্তর্হিত হয় না, তবে তখন অনুভাবেরই প্রাচুর্য ঘটে, স্বাভিযোগের প্রায় প্রয়োজন থাকে না ।

অভিযোগ তিন প্রকার—বাচিক, আঙ্গিক ও চাক্ষুষ।

বাচিক। সাক্ষাৎ ও ব্যপদেশ-ভেদে দুই প্রকার। সাক্ষাৎ—গৰ্ভ, আক্ষেপ ও বাচ্ঞাদি-ভেদে বহু প্রকার হয়। গৰ্ভ ও আক্ষেপাদিতে শব্দোৎপাদ্য ও অর্থোৎপাদ্য আছে। সাক্ষাৎ শ্রীকৃষ্ণকেই বলিতেছেন, 'কিন্তু সেই বলিবার ভঙ্গিতে শব্দগত ও অর্থগত ব্যঞ্জনায় অপর একটা গূঢ়ার্থ প্রকাশিত হইতেছে। বাচ্ঞাও দুই প্রকার—আত্মার্থে বাচ্ঞা ও পরার্থে বাচ্ঞা। ছলপূর্বক বলার নাম ব্যপদেশ, অর্থাৎ অত্ৰ বর্ণনায় স্বাভিলাষ প্রকাশ। ব্যপদেশও দুইরূপ—শব্দোদ্ভব ব্যঙ্গ ব্যপদেশ, অর্থোদ্ভব ব্যঙ্গ ব্যপদেশ। পূর্বরাগে বাচিকের প্রয়োগ প্রায়ঃদেখা যায় না, মিলনের পরেই ইহার আবির্ভাব স্বাভাবিক। উজ্জলনীলমণিতে বাচিকের উদাহরণ আছে, উজ্জল-চন্দ্রিকা হইতে তাহার একটীর অলুবাদ দিলাম।

আক্ষেপ হেতু অর্থোৎপাদ্য —(শ্রীকৃষ্ণের প্রতি শ্রামার উক্তি)

আমার আঁচলে মল্লিকার ফুল কেমনে দেখিলে তুমি?

নিকটে আসিয়া কাড়িয়া নইলে কি করিতে পারি আমি ॥

যে দেখি তোমার বিপরীত রীত কাছে আসি কোন ছলে।

আমার গলার মুকুতার হার কাড়িয়া নইবে বলে ॥

গহন কাননে নাহি কোন জন অতি দূরে মোর ঘর।

কাহার শরণ নইব এখন হৃদয়ে লাগিছে ডর ॥

ইহার ব্যঞ্জনা—একেতো এই গহন বন, নিকটেও কেহ কোথাও নাই, আমার ঘরও অনেক দূর। এই সুযোগে তুমি যাহা ইচ্ছা হয় করিতে পার। পূর্বরাগে এ অভিযোগের স্থান নাই।

আঙ্গিক।

অঙ্গুলি ফোটান ছলে অঙ্গ সম্বরণ।

চরণে পৃথিবী লেখে কর্ণ কণ্ডুয়ন ॥

নাসায় তিলক করে বেশ বিভূষণ ।
 ভুঞ্জয় নর্তন আর সখি আলিঙ্গন ॥
 সখীর তাড়ন করে অধর দংশন ।
 হারাদি গাঁথয়ে আর ভূষণের স্বন ॥
 কৃষ্ণ আগে ভুজমূল প্রকাশিয়া রাখে ।
 চিন্তামণি হইয়া কৃষ্ণের নাম লেখে ॥
 তরুর অঙ্গে লতা দিয়া করায় মিলন ।
 আঙ্গিক বলিয়া তাহে কহে কবিগণ ॥

পূর্বরাগে মুক্তার পক্ষে চরণে পৃথিবী লিখনাদি অনুভাবরূপে গৃহীত
 হইতে পারে। অপর কয়েকটি উদাহরণ মধ্য ও প্রগল্ভার পক্ষে
 স্বাভাবিক ও চেষ্টাকৃত—উভয় রূপেই দেখিতে পাওয়া যায়। অনভিজ্ঞা
 গ্রাম্য রমণীগণের মধ্যেও এইরূপ দুই চারিটি আঙ্গিকের অসম্ভাব নাই।
 ইহা কোথাও বা চেষ্টাকৃত কোথাও বা স্বাভাবিক ভাবেই ঘটিয়া থাকে।
 রসকল্পবল্লী গ্রন্থে গোপাল দাস একটা স্বরচিত পদে আঙ্গিকের উদাহরণ
 দিয়াছেন। ইহার মধ্যে চাক্ষুষও আছে।

খির বিজুরি বরণ গৌরি পেখলু ঘাটের কুলে ॥
 কানড়া ছান্দে কবরী বান্দে নবমল্লিকার ফুলে ॥
 সেই মরম কহিয়ে তোরে ।
 আড় নয়নে ঈষৎ হাসনে ব্যাকুল করিল মোরে ॥
 ফুলের গেড়ুয়া ধরয়ে লুকিয়া সঘনে দেখায় পাশ ।
 উচ কুচ যুগে বসন ঘুচে মুচকি মুচকি হাস ॥
 চরণ যুগল মল্ল তোড়ল সুন্দর যাবক রেখা ।
 গোপাল দাস কয় পাবে পরিচয় পালটা হইলে দেখা ॥

চাক্ষুষ। নেত্রের হাশু, নেত্রের অর্কমুদ্রা, নেত্রান্তর্ভূত, নেত্রান্তর
সঙ্কেচ, বক্রদৃষ্টি, বাম চক্ষুর দ্বারা অবলোকন এবং কটাক্ষাদির নাম চাক্ষুষ।

শ্রীপাদ রূপ গোস্বামী কটাক্ষের ব্যাখ্যা করিয়াছেন—

যদ্ গতাগতিবিশ্রান্তির্বেচিত্র্যেণ বিবর্তনম্।

তারকায়াঃ কলাভিজ্ঞান্তং কটাক্ষং প্রচক্ষতে ॥

নেত্রতারকার যে গতাগতিবিশ্রান্তি, অর্থাৎ লক্ষ্য পর্য্যন্ত গমন, তথা
হইতে পুনরাগমন এবং গতাগতি মধ্যে লক্ষ্য সহ যে অল্পকাল স্থিতি
ইত্যাদির চমৎকারিত্বরূপ বিবর্তন, রসজ্ঞেরা তাহাকে কটাক্ষ বলেন।
নাগরীগণ কটাক্ষবিক্ষেপ শিক্ষা করিয়া থাকেন। কবি কলিদাস ক্রবিলাস
অনভিজ্ঞা জনপদবধুগণের উল্লেখ করিয়া গিয়াছেন। পূর্ব্বরাগে “চাক্ষুষ”
চেষ্টাকৃত এবং নেত্রস্নিগ্ধাদি কোন কোনটা স্বাভাবিকও হইতে পারে।

“কামলেশ” — অমুরাগ-জ্ঞাপক পত্র নায়ক নারিকা উভর পক্ষ হইতেই
প্রেরিত হইতে পারে। বাৎস্তায়নের কামসূত্রে ‘নায়কের’ পক্ষ হইতে
কামাচার-মূলক উপায়ন প্রেরণের উল্লেখ আছে। বড়ু চণ্ডীদাসের শ্রীকৃষ্ণ
বড়াইএর হাত দিয়া শ্রীরাধার নিকট “পান ফুল” পাঠাইয়াছিলেন।

পূর্ব্বরাগে অপ্রাপ্তিতে ব্যাধি, শঙ্কা, অশ্রু, শ্রম, ক্লম, নির্বেদ, ঔৎসুক্য,
দৈন্ত, চিন্তা, নিদ্রা, প্রবোধ, বৈয়থ্য, জড়তা উন্মাদ, মোহ, মৃত্যু পর্য্যন্ত
সঞ্চারী ভাব-সকলের উদয় হয়। এই রতি সাধারণী, সমঞ্জসা ও সমর্থা-
ভেদে তিন প্রকার।

সাধারণী—ভৃশক্তি—অমুরাক্রান্ত-পৃথিবী কুজা। তিনি মথুরার সাধারণী
রমণী, কংসের মাল্যোপজীবিনীরূপে বন্দিনী। কিন্তু যে মুহূর্ত্তে মথুরার
রাজপথে তিনি শ্রীকৃষ্ণকে দেখিলেন—তৎক্ষণাৎ কংসের ভয়াবহ রাজশক্তিকে
উপেক্ষা করিয়া কৃষ্ণকেই প্রার্থনা করিলেন—বলিলেন আমি তোমার,—
‘তশ্চৈবাহং’, আমার গ্রহণ কর। কুজার আত্মস্বথের কামনা,—কিন্তু অত্নকে

নহে,—কৃষ্ণকেই প্রার্থনা। তাই এই রতি সাধারণী। অত্যা পণ্য নারীকে নারিকা রূপে গ্রহণ করা চলে না। কারণ অর্থের সঙ্গেই তাহার সম্বন্ধ। পণ্যার প্রেম কোথায়? কিন্তু কুজার আত্মস্থখের সম্বন্ধ থাকিলেও কৃষ্ণ ভিন্ন অত্যা পুরুষ তো কাম্য নহে। তাই এই রতি অত্যা ভাগ্যবতীরও হইতে পারে। ইহাতে পূর্বকথিত ব্যাধি হইতে মৃত্যুর পরিবর্তে বিলাপ পর্যন্ত বোলটা ভাবের উদয় হইয়া থাকে, কিন্তু এই ভাবসমূহ তেমন গাঢ়তা প্রাপ্ত হয় না।

সমঞ্জসা—শ্রীশক্তি—শ্রীকৃষ্ণিণী এবং লক্ষ্মীকৃপা অপরা মহিবীৰ্গ। আমি যে কুলে জন্মগ্রহণ করিয়াছি, সেই কুলধর্ম রক্ষা করিয়াও তোমাকেই চাই। তুমি আমার, ‘মমৈবার্শো’,—আমার গ্রহণ কর। এই সামঞ্জস্যের জন্তই ইহার নাম সমঞ্জসা। কৃষ্ণিণী দ্বারকার পত্র লিখিলেন—“আমি ক্ষত্রিয়কুমারী রাজকন্যা। পাপ শিশুপাল আমাকে বিবাহ করিতে আসিয়াছে। তুমি আসিয়া আমার উদ্ধার কর, যেন সিংহের ভোগ্য শৃগালে স্পর্শ না করে। ‘ওগো অজিত, তুমি গুপ্তভাবে বিদর্ভে এস। এস, কিন্তু একাকী নহে, এস তোমার অপরাজের যাদব সৈন্য এবং সেনাপতিগণকে সঙ্গে লইয়া। এস, আসিয়া শিশুপাল ও অরাসন্ধের সৈন্যবল মথিত করিয়া বীৰ্য্যশুদ্ধা আমি, আমাকে রাক্ষসবিধি অনুসারে বিবাহ কর।”

ইহারা পরিণীতা পত্নী। সমঞ্জসা রতিতে—পূর্বরাগে অভিলাষ, চিন্তা, স্মৃতি, গুণকীৰ্ত্তন, উদ্বেগ, বিলাপ, উন্মাদ, ব্যাধি এবং জড়তা প্রভৃতি ক্রমশঃ উৎপন্ন হয়। সমঞ্জসা নারিকার অভিসারাদি নাই।

সমর্থ্য—নীলাশক্তি, শ্রীমতী রাধা ঠাকুরাণী। শ্রীকৃষ্ণ একমাত্র তাহারই। কৃষ্ণকে দান করিতে অপর কাহারো শক্তি নাই। তিনিই কৃষ্ণের প্রেমসী-শ্রেষ্ঠা। নারীধর্ম, কুলধর্ম, সমাজধর্ম, গৃহধর্ম, দেহধর্ম—এক কথার সর্বধর্ম পরিত্যাগপূর্বক তিনি এবং তাঁহার অংশস্বরূপা অনুগামিনী, গোপীগণ

কৃষ্ণের অন্তর্হই কৃষ্ণকে ভালবাসিয়াছিলেন। এই রতিই রাগাঙ্গিকা রতি।
 নায়িকা-শিরোমণি মহাভাব-স্বরূপিণীতেই সমস্ত ভাবের পর্য্যবসান।
 ইহারই অপর নাম প্রৌঢ়রতি। ইহাতে লালসা, উদ্বেগ, জাগর্য্যা, তানব,
 জড়তা, বৈয়গ্র্য, ব্যাধি, উন্মাদ, মোহ ও মৃত্যু এই দশ দশা।

লালসা—অভিষ্টপ্রাপ্তির প্রগাঢ় অকাঙ্ক্ষা,—ঔৎসুক্য, চাপলা, ঘৃণা
 খালাদি ইহার লক্ষণ।

উদ্বেগ—মনের চঞ্চল্য, দীর্ঘনিশ্বাস, স্তব্ধতা, চিন্তা, অশ্রু, বৈবর্ণ্য, ঘর্ম্ম
 আদি ইহার লক্ষণ।

জাগর্য্যা—নিদ্রাহীনতা, ইহাতে স্তম্ভ, শোষ, রোগাদি উৎপন্ন হয়।

তানব—শরীরের কুশতা, দৌর্বল্য ও ভ্রমাদির জনক।

জড়তা—ইষ্টানিষ্টজ্ঞানহীনতা, প্রপন্ন করিলে নিরন্তর, দর্শন ও শ্রবণ
 শক্তির অভাব। হৃদ্ধার, স্তব্ধতা, শ্বাস, ভ্রমাদি লক্ষণ।

বৈয়গ্র্য—ভাবের অতলস্পর্শতা প্রযুক্ত অসহনীয় বিকোভ। ইহা
 অবিবেক, নির্বেদ, খেদ, অস্থি আদির জননিত।

শ্রীপাদ রূপ গোস্বামী বিদগ্ধ-মাধবে উদাহরণ দিয়াছেন—নান্দীমুখী
 পৌর্ণমাসীকে বলিতেছেন—

প্রত্যাহৃত্য মুনিঃ ক্ষণং বিষয়তো বস্মিন্ননো ধিৎসতে

বালাসৌ বিষয়েষু ধিৎসতি ততঃ প্রত্যাহরন্তী মনঃ।

বস্ত্র মূর্চ্ছিতবায় হস্ত হৃদয়ে বোগীশমুৎকর্ষতে

মুচ্ছেয়ং বত তস্ত পশু হৃদয়ান্নিক্রান্তিমাকাঙ্ক্ষতি ॥

দেবি, আশ্চর্য্য দেখ, মুনিগণ বিষয় হইতে প্রত্যাহরণপূর্ব্বক যে কৃষ্ণে
 মনঃসংযোগের বাসনা করেন, এই বাল (শ্রীরাধা) কিনা সেই শ্রীকৃষ্ণে
 অমনোযোগী হইয়া বিষয়ে অভিনিবেশের চেষ্টা করিতেছে। হৃদয়ে যাইর মুহূর্ত্ত

মাত্র ক্ষুণ্ণের জন্ত, বোগীশ্বরগণ সমুৎকৃষ্ট হন, এই মুখা (শ্রীরাধা) সেই
শ্রীকৃষ্ণকে হৃদয় হইতে বিতাড়নের জন্ত বন্ধ করিতেছে।

ব্যাধি—অভীষ্টের অলাভে দেহের যে বৈবর্ণ্য ও গ্লানি। ইহার লক্ষণ—
শীত, স্ফূহা, মোহ, নিঃশ্বাসপতনাদি।

উন্মাদ—সর্বাবস্থায় সর্বত্র তন্ময়ত্বতা হেতু—ইহা তাহা নহে, এইরূপ
ভ্রান্তি। ইহার লক্ষণ—“অত্রেষ্ঠদেব-নিশ্বাস : নিমেষঃ বিরহাদয়ঃ।”

মোহ—চিন্তের বৈপরীত্য। ইহাতে নিশ্চলতা ও পতনাদি ঘটে।

মৃত্যু—দুর্ভাগ্য-প্রেরণাদিতেও যদি কাস্ত না আসেন, তাহা হইলে মরণের
উত্তম ঘটে। বরজাগণের প্রতি প্রিয়বস্ত্র সমর্পণ ও ভূঙ্গ, মন্দ পবন,
জ্যোৎস্না ও কদম্বাদির অনুভব ইহার লক্ষণ।

পদাবলীর মধ্যে, এই দশটি দশারই পৃথক পৃথক গৌরচন্দ্র ও পৃথক-
পৃথক পদ আছে। কাহারো কাহারো মতে পূর্বরাগে প্রথমে নয়নপ্রীতি
—চারি চক্ষুর মিলন, পরে চিন্তা, আসক্তি, সঙ্কল্প, নিদ্রাহীনতা, তনুতা,
বিশ্বনিবৃত্তি, লজ্জাহীনতা, উন্মত্ততা, মূর্ছা ও মৃত্যু এই দশ দশা ঘটিয়া
থাকে। শ্রীকৃষ্ণের পূর্বরাগেরও এই ক্রম।

শ্রীকৃষ্ণের পূর্বরাগ—দ্বিজ চণ্ডীদাস যেমন কৃষ্ণনাম শুনাইয়াই রাধার
পূর্বরাগের উদ্রেক করিয়াছেন—“সখি, কেবা শুনাইল শ্রামনাম”, তেমনি
বড় চণ্ডীদাস বড়াইএর মুখে রাধার রূপের কথা শুনাইয়াই কৃষ্ণের
পূর্বরাগ উদ্রিক্ত করিয়াছেন—

“তোর মুখে রাধিকার রূপ কথা শুনি। ধরিবারে না পারোঁ পরাণি ॥

দারুণ কুসুম শর স্তম্ভিত সন্ধানে। অতিশয় মোর মনে হানে ॥”

সাক্ষাদর্শনের পদ—

যব গোমূলি সময় বেলি, ধনি মন্দির বাহির ভেলি।

নব জলধর বিজুরি রেহা দন্দ পসারিয় গেলি ॥

ধনি অলপবয়সী বালা, জন্ম গাথনি পছপ-মালা ।
 খোরি দরশনে, আশ না পূরল, বাঢ়ল মদনজালা ॥
 গোরি কলেবর নূনা, জন্ম আঁচরে উজোর সোনা ।
 কেশরি জিনি, মাঝারি থিনি, ছলহ লোচন কোণা ॥
 ঈশত হাসনি সনে, মুখে হানল নয়ন বাণে ।
 চিরজীব রহ পঞ্চ গোড়েশ্বর, ত্রীকবিরঞ্জন ভণে ॥

পূর্বের বলিয়াছি—পূর্বরাগে নায়ক নায়িকা—উভয়েরই অভিযোগ আছে, দূতী-প্রেরণ আছে । শ্রীরাধা ও শ্রীকৃষ্ণ উভয়েরই আশুদূতী আছেন । পূর্বরাগেও শ্রীকৃষ্ণের স্বয়ং দোত্য আছে । যেমন দীন চণ্ডীদাসের বাজীকর । অবশ্য মানের পর শ্রীকৃষ্ণের স্বয়ং দোত্যের পদই প্রসিদ্ধ । মিলনের পর প্রেম প্রগাঢ় হইলে শ্রীরাধাও স্বয়ং দোত্যে অগ্রসর হইয়াছেন । বনস্থলীতে উভয়ের স্বয়ং দোত্যে পরস্পরের উত্তর প্রত্যুত্তর পদাবলীর বৈচিত্র্যেরই পরিচায়ক । মিলনের পূর্বে সখা-শিক্ষা, পরে সখা কর্তৃক শ্রীরাধাকে শ্রীকৃষ্ণের করে সমর্পণ । নবোঢ়া মিলনের পর রসালস ও রসোদ্গার ।

নবোঢ়া মিলন :—

পহিলহি রাধা মাধব মেলি ।
 পরিচয় ছলহ দূরে রহ কেলি ॥
 অনুন্নয় করহিতে অবনতবয়সী ।
 চকিত বিলোকনে নখে লিখু ধরনী ॥
 অঞ্চল পরসিতে চঞ্চল কান ।
 রাই করল পদ আধ পন্নান ॥
 বিদগধ নাগর অনুভব জানি ।
 রাইক চরণে পসারল পাণি ॥

বিপ্রলভ

৯৩

করে কর বারিতে উপজল প্রেম ।

দারিদ্র ঘট ভরি পাওল হেম ॥

হাসি দরশি মুখ অগোরল গোরি ।

দেই রতন পুন লেললি চোরি ॥

ঐছন নিরুপম পহিল বিলাস ।

আনন্দে হেরত গোবিন্দ দাস ॥

রসোদ্গার :—কাজর ভর তিমির জন্ম তম্বুটি নিবসই কুঞ্জকুটীর ।

বাশি নিশাসে মধুর বিষ উগরই গতি অতি কুটিল অধীর ॥

সজনি কান্ন সে বরজ ভুজঙ্গ ।

সো মঝু হৃদয় চন্দনরুহে লাগল ভাগল ধরম বিহঙ্গ ॥

লোচন-কোণে পড়ত যব নাগরি রহই না পারই ধীর ।

কুঞ্চিত অরুণ অধরে ধরি পিবই কুলবতি বরত সমীর ॥

এক অপরূপ নয়ন বিষ তাকর মেটয়ে দর্শনক দংশে ।

ও বিষ ঔষধ বিষ অবধারল গোবিন্দ দাস পরশংসে ॥

ইহা নবোদার রসোদ্গার নহে ।

রসোদ্গারের অপর একটি বিচিত্র পদ—

আধকি আধ আধ দিঠি অঞ্চলে যব ধরি পেখলু কান ।

তব ধরি কোটি কুসুম শরে জর জর রহত কি যাত পরাণ ॥

সখি জানলু বিহি মোরে বাম ।

ছুই নয়ন ভরি বো হরি হেরয়ে তছু পায়ে মঝু পরণাম ॥

স্বনয়নি কহত কান্ন যন শ্রামর মোহে বিজুরি সম লাগি ।

রসবতি তাক পরশ রসে ভাসত মঝু হৃদয়ে জলু আগি ॥

প্রেমবতি প্রেম লাগি জীউ তেজই চপল জীবনে মঝু আশ ।

গোবিন্দদাস ভণে শ্রীবল্লভ জানে রসবতী রস-মরিজাদ ॥

মান

স্নেহস্বত্বকৃষ্টতা ব্যাপ্তা মাধুর্য্য মানসমবন্ম ।

যো ধারয়ত্যদাক্ষিণ্যং স মান ইতি কীর্ত্যতে ॥

—উজ্জলনীলমণি

স্নেহের উৎকর্ষে হয় মাধুর্য্য নূতন ।

তাথে অদাক্ষিণ্যে মান কহে বৃথগণ ॥

—উজ্জলচন্দ্রিকা ।

পরস্পর অনুরক্ত ও একত্রে অবস্থিত নায়ক-নায়িকার দর্শন আলিঙ্গনাদি নিরোধক—মান। পৃথক অবস্থানেও মান সম্ভব হয়। যেখানে প্রণয়, সেইখানেই মান। মানের কারণ ঈর্ষা। ইহা সহেতু। নিহেতু মানও হয়। নির্বেদ, শঙ্কা, ক্রোধ, চাপলা, গর্ভ, অহুয়া, ভাব গোপন, মানি, চিন্তা, মানের পরিচায়ক।

নায়িকার মান সহেতু। সহেতু মান দুই প্রকার, উদাত্ত ও ললিত। উদাত্ত—দাক্ষিণ্যোদাত্ত ও বাম্যগন্ধোদাত্ত, এবং ললিত—কৌটিল্য ললিত ও নর্মললিত, দুই দুই চারি প্রকার। নিহেতু মান নায়ক-নায়িকা উভয়েরই হয়। শ্রীকৃষ্ণের বক্ষঃস্থিত কৌস্তভমণিতে আপন প্রতিবিম্ব দেখিয়া অন্না নায়িকা ভ্রমে শ্রীরাধা মানিনী হইয়াছিলেন। প্রণয়কলহে উভয়ের মান হইতে পারে। প্রেমদাস শ্রীরাধার লাবণ্য-তরঙ্গে আপন প্রতিবিম্ব দেখিয়া শ্রীকৃষ্ণের মানের পদ লিখিয়াছেন। রায়শেখর বিম্বিত হইয়া বলিতেছেন—

বড় অপক্লপ পথলুঁ হাম ।

কি লাগিয়া হুঁহে কয়ল মান ॥

বিবরি কহিবে সজনি হে ।
 এ কথা শুনিলে আউলার দে ॥
 এত অদভূত কোথা না শুনি ।
 নাগরী উপরে নাগর মানি ॥
 এহো অপরূপ কোথা না দেখি ।
 হেন প্রেম হুঁহু শেখর শাখী ॥

সহেতু মানে অত্যা নাগিকার সঙ্গ দর্শন অপেক্ষা প্রিয়গাত্রে ভোগ-
 চিহ্ন দর্শনের পদই সংখ্যায় বেশী । সহেতু মান আবার সাধারণ মান ও
 হুজুর মান—এই দুই ভাগে বিভক্ত ।

মানের প্রসঙ্গে অভিসারিকাদির সংক্ষিপ্ত পরিচয় এইরূপ :—বিনি
 নিজে অভিসার করেন, অথবা নায়ককে অভিসার করান, তিনিই
 অভিসারিকা নামে পরিচিতা । নায়কের সঙ্কেতানুসারে নাগিকা
 অভিসার করিয়াছেন । তাহার পর বাসকসম্ভার—কুঞ্জ সাআইয়া নিজে
 সজ্জিতা হইয়া কান্তের আগমন আশায় প্রতীক্ষা করিতেছেন । কান্তের
 আগমনে বিলম্ব দেখিয়া উৎকণ্ঠিতা হইয়াছেন । সঙ্কেত করিয়াও কান্ত
 কেন আসিলেন না, এই চিন্তায় বিপ্রলদ্ধা খেদ করিতেছেন । রাত্রি
 প্রভাত হইয়া গেল, চন্দ্রাবলীর কুঞ্জে রজনী জাগিয়া, বিলাস-চিহ্ন-অঙ্গে
 প্রভাতে আসিয়া শ্রাম শ্রীরাধার কুঞ্জে দর্শন দিলেন । শ্রীরাধার তখন
 খণ্ডিতা অবস্থা । তিনি কলহ করিয়া শ্রীকৃষ্ণকে কুঞ্জ হইতে বাইতে
 বলিলেন । শ্রীকৃষ্ণ চলিয়া গেলেন । এই অবস্থায় নাগিকার নাম
 কলহাস্তরিতা । অতঃপর মান উপশমনের উপায় চিন্তা । শ্রীরাধা অনুতপ্তা
 হইয়াছেন, সখীগণ তিরস্কার করিয়াছেন, আত্মাসও দিয়াছেন । শ্রীকৃষ্ণ সাম,
 ভেদ, দান, নতি, উপেক্ষা, রসান্তর এই ষড়্‌বিধ উপায়ে মান-ভঞ্জনের চেষ্টা
 করিয়াছেন । হাসি ও অশ্রু মানোপশমের লক্ষণ । বিনয় বাক্যের নাম

সাম। ভেদ দুই রূপ, স্বমাহাদ্ব্য-খ্যাপন (কৃষ্ণকীর্তনে প্রচুর) ও সখীদ্বারা ভৎসন। দান—ছল করিয়া বসন ভূষণ দান। নতি, পাদপতন। উপেক্ষা—মোনতা, অথবা সাধ্য-সাধনা ছাড়িয়া অস্ত্রের সঙ্গে আলাপ, অস্ত্র বাক্য কথন। রসান্তর—আকস্মিক ভয়াদি। ইহা দুই প্রকার দৈবাগত ও বুদ্ধি-পূর্ব্বক। মানে শ্রীকৃষ্ণের স্বয়ং দোত্যের পদ প্রসিদ্ধ। বিদেশিনী-বেশে, বীণা-বাদিনী বেশে, নাপিতানী বেশে, বণিকিনী-বেশে, যোগী-বেশে, গ্রহাচার্য্য বেশে, বাজীকর-বেশে, আরও বহুবিধ-বেশে মিলনের পদ প্রচুর। শ্রীজয়দেবের মান-ভঞ্জনের পদ চিরপ্রসিদ্ধ। দুর্জয় মান পাদ-পতনেও উপশমিত হয় না, তখনই অস্ত্র উপায়ের অনুসন্ধান করিতে হয়। দুর্জয়-মানে উদ্ধব দাস-রচিত শ্রীকৃষ্ণ কর্তৃক সর্পদংশন-ছলনার পদ আছে। পদাবলীতে অভিসারিকা হইতে কলহাস্তরিতা পর্য্যন্ত প্রত্যেক পর্য্যায়ের পদ পাওয়া যায়। অষ্ট নায়িকার অপর দুইটা নায়িকা প্রোষিতভর্তৃকা ও স্বাধীনভর্তৃকার পদেরও অপ্রতুল নাই।

শ্রীকৃষ্ণের অভিসার—

জানল ঘর পর নিন্দে ভেল ভোর।

শেজ তেজি উঠয়ি নন্দকিশোর ॥

সঘনে গগনে হেরি নখতর পাঁতি।

অবধি না পাওল ছুটল রাতি ॥

জলধর রুচিহর শ্রামর কাঁতি।

যুবতি মোহন বেশ ধরু কত ভাঁতি ॥

ধনি অনুরাগিণী জানি সুজ্ঞান।

ঘোর আন্ধিয়ারে করল পন্নান ॥

পরনারী পিরিতিক ঐছন রীত।

চললি নিভৃত পথে না মানয়ে ভীত ॥

কুসুমিত কানন কালিন্দীতীর ।

তঁাহা চলি আঁওল গোকুল-বীর ॥

শেখর পদ্মপত্র মিলল যাই ।

আপনি নাগর ভেটলি রাই ॥

শ্রীরাধার বর্ষাভিসার, সখী নিষেধ করিতেছেন—

মন্দির বাহির কঠিন কবাট ।

চলইতে শঙ্কিল পঙ্কিল বাট ॥

তঁহি অতি হ্রতর বাদর দোল ।

বারি কি বারই নীল নিচোল ॥

সুন্দরি কৈছে করবি অভিসার ।

হরি রহ মানস সুরধুনী পার ॥

ঘন ঘন বন বন বজর নিপাত ।

শুনইতে শ্রবণ মরম জরি যাত ॥

ইথে যদি সুন্দরি তেজবি গেহ ।

প্রেমক লাগি উপেক্ষবি দেহ ॥

গোবিন্দ দাস কহ ইথে কি বিচার ।

ছুটল বাণ কিরে যতনে নিবার ॥

কলহাস্তুরিতার গৌরচন্দ্রিকা—

মান বিরহভরে পঁহ ভেল ভোর ।

ও রাঙ্গা নয়নে বহে তপতহি লোর ॥

আরে মোর আরে মোর গৌরাজ চাঁদ ।

অখিল জীবের মন লোচন-সাঁদ ॥

প্রেমজ্বলে ডুবু ডুবু লোচন তারা ।

প্রলাপ সস্তাপ আদি ভাব রসে ভোরা ॥

কান্দিয়া কহয়ে পুন খিক মোর বুদ্ধি ।
 অভিমানে উপেখলু কানু গুণনিধি ॥
 হইল মনের দুখ কি বলিব কায় ।
 মনু মন জীবন কৈছে জুড়ায় ॥
 এইরূপে উদ্ধারিলা সব নর নারী ।
 রাখামোহন কহে কছু নহিল হামারি ॥

মানের প্রসঙ্গে একটি বিশেষ কথা আছে । অনেকের চক্ষে খণ্ডিতার পদগুলি অশ্লীল । এমন কি, রবীন্দ্রনাথ পর্য্যন্ত বলিয়াছেন—“বৈষ্ণব কাব্যে প্রেমের নানা বৈচিত্র্যের মধ্যে রাখার খণ্ডিতা অবস্থার বর্ণনা আছে । আধ্যাত্মিক অর্থে ইহার কোন বিশেষ গৌরব থাকিতে পারে, কিন্তু সাহিত্য-হিসাবে শ্রীকৃষ্ণের এই কামুক ছলনার দ্বারা কৃষ্ণ রাখার প্রেমকাব্যের সৌন্দর্য্যও খণ্ডিত হইয়াছে, তাহাতে সন্দেহ নাই । রাখিকার এই অবমাননার মধ্যে কাব্য-শ্রী অবমানিত হইয়াছে” ।

বৈষ্ণব পদাবলীকে তাহার অধিষ্ঠানভূমি হইতে, শ্রীরাধাকৃষ্ণের তত্ত্ব, বৈষ্ণব দর্শন এবং বৈষ্ণব সাধনার ঐতিহ্য হইতে পৃথক করিয়া, মাত্র সাহিত্য-হিসাবে ইহার বিচার কতখানি নিরাপদ বলিতে পারি না । তথাপি যদি সাহিত্য-হিসাবেই পদাবলীর আলোচনা করিতে হয়, তাহা হইলেও খণ্ডিতার মধ্যে শ্রীকৃষ্ণের তথাকথিত কামুক ছলনার কোন পরিচয় পাওয়া যায় না । বৈষ্ণব-সাহিত্য আলোচনা করিলে বুঝিতে কষ্ট হয় না যে, চন্দ্রাবলীর কুঞ্জে গমন শ্রীকৃষ্ণের ইচ্ছাকৃত নহে । চন্দ্রাবলীর অকপট প্রেমে আকৃষ্ট হইয়া তাঁহাকে বাধ্য হইয়াই চন্দ্রাবলীর কুঞ্জে নিশি যাপন করিতে হইয়াছিল । ইহা কামুক ছলনা হইলে শ্রীকৃষ্ণ কখনো এমনভাবে প্রভাতে আসিয়া শ্রীরাধার নিকট আত্মসমর্পণ করিতে পারিতেন না । এই ঘটনায় শ্রীরাধার মর্যাদা বহু

শুণে বর্দ্ধিত হইয়াছে, কোনরূপ অবমাননার প্রসঙ্গই উঠিতে পারে না। শ্রীকৃষ্ণ নানারূপে সাধিয়া, শেষে পারে ধরিয়া শ্রীরাধার মান ভাঙ্গাইয়াছেন, তাহার জন্ত তাঁহাকে চন্দ্রাবলীর নিকট কোনরূপ কৈফিয়ৎ দিতে হয় নাই, অথবা সেজন্ত চন্দ্রাবলী তাঁহাকে কোনরূপ তিরস্কারও করেন নাই। আর ঘটনাটী যদি শ্রীকৃষ্ণের ইচ্ছাকৃতই হয়, তাহা হইলে বুঝিতে হইবে নারিকাগণ মধ্যে, সখী-সমাজে শ্রীরাধার মান-বর্দ্ধনের জন্ত, মহিমা-খ্যাপনের জন্তই তিনি চন্দ্রাবলীর কুঞ্জে নিশি বাপন করিয়াছিলেন। সমগ্র পদাবলী-সাহিত্য রাধা-প্রেমের উৎকর্ষ বর্ণনে পূর্ণ। শ্রীরাধার মাহাত্ম্য-প্রতিষ্ঠার জন্তই চন্দ্রাবলীর অবতারণা। সুতরাং শ্রীরাধার তথা কাব্য-শ্রীর অবমাননা—আমাদের বিশ্বাস করিতে প্রবৃত্তি হয় না। আমরা “প্রবাস” লীলার এই শ্রীরাধা ও চন্দ্রাবলীর সম্বন্ধের আলোচনা করিয়াছি।

আমি বাল্যকাল হইতেই খণ্ডিতা গান শুনিয়া আসিতেছি। হুইজন সিদ্ধ গায়কের খণ্ডিতা ও কুঞ্জভঙ্গ আমার বহুবার শুনিবার সৌভাগ্য হইয়াছে। আমি রসিকদাস ও অবধূত বন্দ্যোপাধ্যায়ের কথা বলিতেছি। আসরে শিক্ষিত অশিক্ষিত বহু নরনারীর মেলা, কিন্তু চোখের জলে বুক ভাসে নাই, এমন কম লোকই দেখিয়াছি। রসিকদাস এবং অবধূত বন্দ্যোপাধ্যায় মহাশয় গান করিতেন—

ভাল হইল আরে বঁধু আইলা সকালে।

প্রভাতে দেখিলাম মুখ দিন বাবে ভালে ॥

আখর দিয়া ব্যাখ্যা করিতেন—

“এলে বন্ধু, এই সকালে এলে। কুঞ্জ সাজাইয়া, মালা গাঁথিয়া, ফুলশেজ বিছাইয়া, তোমার সেবার বহুবিধ উপকরণ লইয়া রাত্রি জাগিলাম, কত কান্দিলাম, তুমিতো আসিলে না। তাই এইমাত্র সেই গাঁথা মালা, সেই কুসুমশয্যা, সেই সেবার উপকরণ, সুবাসিত তাম্বুল সমস্তই যমুনার জলে

ভাসাইয়া দিয়া আসিয়াছি। তবু ভাল যে এই সকালে আসিলে।
 যদি জানিতে পারি, তুমি এমনই সকালেই আসিবে, এমনই কুঞ্জ
 সাজাইয়া, মালা গাঁথিয়া, সেবার উপকরণ লইয়া আমরা নিতুই জাগিব,
 নিতুই কান্দিব”! নরনারী এক অকথিত বেদনায় অস্থির হইত,
 জীবনের নিষ্ফল প্রতীক্ষার কথা স্মরণ করিয়া কান্দিয়া উঠিত। এইরূপ
 গান ও আখরের সঙ্গে ইহাদের শ্লেষ ব্যঙ্গ এক অপূৰ্ণ ব্যঙ্গনায়
 মুখরিত হইত। রসিক দাস যখন গাহিতেন—

“রাখে জয় রাজপুত্রি মম জীবনদয়িতে!”

আর আমার কেউ নাই, এইবার আমায় দয়া কর। আসরের সমগ্র
 শ্রোতৃবৃন্দের হৃদয় উচ্ছ্বসিত আবেগে উদ্বেল হইয়া উঠিত। রসিকের মধুর
 উচ্চ কণ্ঠস্বর, প্রকাশের ব্যাকুলতা ও স্নাতীত আকৃতি, আসরে বিদ্যুৎ-তরঙ্গের
 সৃষ্টি করিত। কণ্ঠকের জন্ত হইলেও আপনার অসহায়তা স্মরণ করিয়া
 নরনারী যেন কাহার করুণা প্রার্থনায় ব্যাকুল হইত।

মানের একটা রহস্য আছে—কবিরাজ গোস্বামীর শ্রীচৈতন্য-চরিতামৃতে
 শ্রীভগবানের উক্তি—

“প্রিয়া যদি মান করি করয়ে ভৎসন।

বেদ স্তুতি হৈতে তাহা হরে মোর মন ॥’

প্রিয়া মান করেন—বলেন, তুমি শঠ, এত কপট কেন? আমি তো
 তোমাকে সর্বস্ব সমর্পণ করিয়াছি, তথাপি কি তোমার তৃপ্তি হয় নাই?
 কিসে তোমার তৃপ্তি হয় তাহাও তো বল না। কেমন করিয়া সেবা
 করিলে সুখ পাও, তাহাও তো জানাইয়া দাও না। আমাকে তোমার
 মনের কথা বল না কেন? প্রিয়ার অভিমানের ইহাই কারণ। শ্রীচৈতন্য-
 চরিতামৃতে এই কবিতায় শ্রীরাধার অন্তরের অভিপ্রায় ব্যক্ত হইয়াছে
 কবিতাটী শ্রীমন্ মহাপ্রভুর—

আগ্নিষ্য বা পাদরতাং পিনষ্টু মামদর্শনান্মর্থহতাং করৌতু বা ।

যথা তথা বা বিদধাতু লম্পটো মংপ্রাণনাথস্ত্ব স এব নাপরঃ ॥

এই শ্লোকের মৰ্ম্মানুবাদ—

আমি কৃষ্ণপদদাসী তিহো রসসুখরাশি আলিঙ্গিয়া করে আত্মসাথ ।

কিবা না দেন দরশন জারেন মোর তনুমন তবু তিহো মোর প্রাণনাথ ॥

সখি হে শুন মোর মনের নিশ্চয় ।

কিবা অনুরাগ করে কিবা হুঃখ দিয়া মারে, মোর প্রাণেশ্বর কৃষ্ণ, অশ্রু নয় ॥

ছাড়ি অশ্রু নারীগণ মোর বশ অনুক্ষণ মোর সৌভাগ্য প্রকট করিয়া ।

তাঁ সবারে দিয়া পীড়া আশা সনে করে ক্রীড়া সেই নারীগণে দেখাইয়া ॥

কিবা তিহো লম্পট শঠ ধুষ্ট সকপট অশ্রু নারীগণ করি সাথ ।

মোরে দিতে মনঃপীড়া মোর আগে করে ক্রীড়া তবু তিহো মোর প্রাণনাথ ॥

না গণি আপন হুঃখ সবে বাঙ্খি তাঁর সুখ তাঁর সুখে আমার তাৎপর্য ।

মোরে যদি দিলে হুঃখ তাঁর হইল মহাসুখ সেই হুঃখ মোর সুখবর্ষ্য ॥

যে নারীকে বাঞ্ছে কৃষ্ণ তার রূপে সতৃষ্ণ তারে না পাঞা কাহে হর হুঃখী ।

মুঞি তার পায় পড়ি লঞা বাঙ হাতে ধরি ক্রীড়া করাঞা তাঁরে কর সুখী ॥

কান্তা কৃষ্ণে করে রোষ কৃষ্ণ পায় সন্তোষ সুখ পায় তাড়ন ভংসনে ।

যথাযোগ্য করে মান কৃষ্ণ তাতে সুখ পান ছাড়ে মান অলপ সাধনে ॥

সেই নারী জীয়ে কেনে কৃষ্ণের মৰ্ম্ম নাহি জানে তবু কৃষ্ণে করে গাঢ় রোষ ।

নিজ সুখে মানে কাজ পড়ুক তার শিরে বাজ কৃষ্ণের মাত্র চাহিয়ে সন্তোষ ॥

যে গোপী মোর করে ঘেবে কৃষ্ণের করে সন্তোষে কৃষ্ণ বারে করে অভিলাষ ।

মুঞি তার ঘরে যাঞা তারে সেবো দাসী হঞা তবে মোর সুখের উল্লাস ॥

প্রেম-বৈচিত্র্য

প্রিয়ন্ত সন্নিকর্ষেহপি প্রেমোৎকর্ষ স্বভাবতঃ ।

বা বিল্লম্বধিয়ার্তিস্তং প্রেমবৈচিত্র্যমুচ্যতে ॥

প্রিয়ের নিকটে রহে প্রেমের স্বভাবে ।

প্রেম-বৈচিত্র্য হেতু বিরহ করি ভাবে ॥

সুপ্রসিদ্ধ বৈয়াকরণ বোপদেব-প্রণীত ‘মুক্তাকল’ গ্রন্থে পট্টমহিবীর্ণগণের গানে ইহার সুন্দর উদাহরণ আছে । পদাবলীতে ইহার উদাহরণ—

সজ্জন প্রেমকি কহবি বিশেষ ।

কান্নক কোরে কলাবতী কাতর কহত কান্ন পরদেশ ॥

চাঁদক হেরি সুরজ করি ভাথয়ে দিনহি রজ্জন করি মান ।

বিলগই তাপে তাপায়ত অন্তর প্রিয়ক বিরহ করি ভান ॥

কব আওব হরি হরি সঞে পুছই হসই রোয়ই খেনে ভোরি ।

সো গুণ গাই স্বাস খেনে কাটই খণহি খণহি তনু মোড়ি ॥

বিধুমুখী বদন কান্ন যব মোছল নিজ পরিচয় কত ভাতি ।

অনুভবি মদন কান্ত কিরে ভাবিনি বল্লভ দাস স্নেহে মাতি ॥

প্রেমের প্রাণাচ্ছতায় অনুরাগে প্রিয়কে যখন নিত্য নূতন বলিয়া মনে হয়—তখনই প্রীতির পরমোৎকর্ষে—

পরম্পরবশীভাবঃ প্রেমবৈচিত্র্যকং তথা ।

অপ্রাণিত্বপি জন্মাত্যৈ লালসাত্তর উন্নতঃ ॥

পরম্পর বশীভাব, প্রেমবৈচিত্র্য, অপ্রাণীমধ্যেও জন্মলাভের অতিশয় লালসা এবং বিশ্রলস্তে ত্রীকৃষ্ণের ক্ষুধা ইত্যাদি অনুভাব ইহা থাকে ।

প্রেম-বৈচিত্র্য

১০৩

তপস্তামঃ ক্ষামোদরি বরয়িতুং বেণুশু ভনু-
বরেণ্যং মত্তোথা সখি তদখিলানাং স্নজ্জহুবাং ।
তপস্তোমে নোচ্চৈৰ্বদিয়মুররীকৃত্য মুরলী
মুরারীতেবিস্বাধর মধুরিমাণং রময়তি ॥

—দানকেলিকৌমুদী ।

শ্রীরাধা ললিতাকে কহিলেন—সখি, আমরা বেণু জাতিতে জন্ম প্রার্থনার নিমিত্ত তপস্তা করিব। অখিলে যত উৎকৃষ্ট জন্ম আছে, তন্মধ্যে বেণুজন্মই শ্রেষ্ঠ। কারণ এই মুরলী বহু তপস্তার ফলে মুরারীর বিস্বাধর-মাধুর্য্য আশ্বাদন করিতেছে।

প্রেম-বৈচিত্র্য—প্রেমের বিচিত্রতা, ইহার মধ্যে-বিরহের সুর আছে। প্রিয়তমের দর্শন না পাইলে ক্ষণমাত্রকে যুগ বলিয়া মনে হয়, আবার মিলন হইলে সন্দেহ হয় পাইয়াছি তো? অভাগীর অদৃষ্টে এ সুখ স্থায়ী হইবে তো? হয় তো এখনই হারাইব! মিলনের দীর্ঘ সময়কেও পল বলিয়া মনে হয়, মনে হয় এই তো এখনই ফুরাইয়া গেল। সাংসারে কেহ আপনার নাই, অপরে পরের ভাল দেখিতে পারে না। বিধাতাও বিক্রপ, আর সব ছাড়িয়া বাহাকে আপনার বলিয়াছিলাম—আজ 'সে বাসয়ে পর'। তাহার ছায়াও দেখিতে পাই না। আমার যৌবন, এই বৃন্দাবন, অই যমুনা, অই কদম্বকানন, অই বংশীধ্বনি—আর সর্বোপরি স্নন্দর শ্রাম! সখি, আমি আপনা খাইয়া সর্বস্ব হারাইলাম। ব্রজে আরো তো যুবতী আছে। যমুনায় জল আনিতে কে যায় না, মুকুন্দ মুখারবিন্দ কে দেখে না, বংশীধ্বনি কে শোনে না—কিন্তু কার এত জালা! বাঁশী কেন আমারই নাম ধরিয়া ডাকে? ইহাই প্রেমবৈচিত্র্যের অপর একটা দিক্। জীবনের ইহাও একটা অন্তর্নিহিত সুর। পদাবলী-সাহিত্যে কবি বিজ্ঞাপতি ও চণ্ডীদাস ইহাতে ইহার সূচনা। কৃষ্ণ-কীর্তনে ইহার সুস্পষ্ট পরিচয় আছে।

কৃষ্ণ কীর্তনের—

কে না বাঁশী বাএ বড়াগি কালিনী নই কুলে ।
 কে না বাঁশী বাএ বড়াগি এ গোঠ গোকুলে ॥
 আকুল শরীর মোর বেরাকুল মন ।
 বাঁশীর শব্দে মো আউলাইলোঁ রান্ধন ॥
 কে না বাঁশী বাএ বড়াগি সে না কোন্ জনা ।
 দাসী হউ তার পাএ নিশিবোঁ আপনা ॥
 কে না বাঁশী বাএ বড়াগি চিত্তের হরিষে ।
 তার পাএ বড়াগি মো কৈল কোন দোষে ॥
 অঝর ঝরয়ে মোর নয়নের পানি ।
 বাঁশীর শব্দে বড়াগি হারাগিলোঁ পরাণী ॥
 আকুল করিতে কিবা আশ্কার মন ।
 বাজাএ সুর বাঁশী নান্দের নন্দন ॥
 পাখি নহোঁ তার ঠাই উড়ী পড়ি জাঁও ।
 মেদিনী বিদার দেউ পসিআ লুকাঙ ॥
 বন পোড়ে আগ বড়াগি জগজনে জানী ।
 মোর মন পোড়ে বেহু কুম্ভারের পনী ॥
 আস্তুর স্রুথায় মোর কারু অভিলাসে ।
 বাসলী শিরে বন্দী গাইল চণ্ডিদাসে ॥

এই অপূৰ্ণ কবিত্বপূর্ণ পদ আক্ষেপাহুরাগেরই পদ । চণ্ডীদাসের—

‘বড়াগি গো কত হুথ কহিব কাহিনী ।
 দহ বুলি ঝাঁপ দিলোঁ সে মোর শুধাইল লো’
 মুক্তি নারী বড় অভাগিনী ॥

প্রেম-বৈচিত্র্য

১০৫

এই সুর পদাবলী-সাহিত্যে ওতঃপ্রোতভাবে মিশিরা আছে। চণ্ডীদাস বলিয়াছেন—‘সুখ দুখ পাঁচ কথা কহিতে না পাইলোঁ।’

ঝালিয়ার জল বেন তখনই পলাইলোঁ।’’

এই তো সেই সুর; বাহার প্রতিধ্বনি পাই দ্বিজ চণ্ডীদাসেরই অপর পদে—

একে কাল হৈল মোরে নহলি যৌবন ।

আর কাল হৈল মোর বাস বৃন্দাবন ॥

আর কাল হৈল মোরে কদম্বের তল ।

আর কাল হৈল মোরে যমুনার জল ॥

আর কাল হৈল মোর রতন ভূষণ ।

আর কাল হৈল মোরে গিরি গোবর্দ্ধন ।

এত কাল সনে আমি থাকি একাকিনী ।

এমন বেথিত নাই শুনে যে কাহিনী ॥

দ্বিজ চণ্ডীদাসে কহে না কহ এমন ।

কারু কোন দোষ নাই সবে একজন ॥

কৃষ্ণের প্রতি, মুরলীর প্রতি, আপনার প্রতি, সখীর প্রতি, দূতীর প্রতি, বিধাতার প্রতি, কন্দর্পের প্রতি, গুরুগণের প্রতি,—আক্ষেপ কাহার প্রতি নাই? কেহ যে আপনার হইল না। এমন কি আমিও বেন আমার নই, আমার ইন্দ্রিয়গণ পর্য্যন্ত আমার বশীভূত নয়।

মানের দিনে কবি গোবিন্দদাস শ্রীরাধাকে গঞ্জনা দিয়াছিলেন—

শুনইতে কান্ন মুরলীরব মাধুরী শ্রবণে নিবারলুঁ তোর ।

হেরইতে রূপ নয়নযুগ ঝাঁপলু তব মোহে রোখলি ভোর ॥

সখি তৈখনে কহলম তোর ।

ভরমহি তা সঞে নেহা বাঢ়ায়লি জনম গৌরায়বি রোয় ॥

বিনিমুগ্ন পরশি পরধ স্মৃথ লালসে কাহে সোঁপলি নিজ দেহা ।

দিনে দিনে খোঁয়ায়লি ইহ রূপ লাগি জীবইতে ভেল সন্দেহা ॥

বো তুঁহু হৃদয়ে প্রেমতরু রোঁপলি শ্রাম জলদ-রস আশে ।

সোঁ অব নয়ন-যন-নীরে সিঞ্চহু কহঁতঁহি গোবিন্দদাসে ॥

দ্বিজ চণ্ডীদাসের পদে ইহার উত্তর আছে,—চণ্ডীদাস বলিতেছেন,—

এ পাপ নয়ন মোর ফিরানু না যার ।

আন পথে ধাই পদ কানু পথে ধার ॥

এ ছার রসনা মোর হইল কি বাম ।

যার নাম না লইব লয় তার নাম ॥

এ ছার নাসিকা মুঞি কত কর বন্ধ ।

তথাপি দারুণ নাসা পায় শ্রামগন্ধ ॥

যার কথা না শুনিব করি অনুমান ।

পরসঙ্গ শুনিতে আপনি যার কান ॥

ধিক রহু এছার ইন্দ্রিয়গণ সব ।

সদা সে কালির কানু হয় অনুভব ॥

চণ্ডীদাস কহে রাই ভাল ভাবে আছ ।

মনের মরম কথা কারে জানি পুছ ॥

মানের দিনে গোবিন্দদাসের স্ত্রীরাধা বড় ছুখেই বলিয়াছেন—কুলবতী
কেহ যেন নয়ন মেলিয়া পরপুরুষকে দেখে না । যদি দেখে, যেন কানুকে
দেখে না । যদি কানুকেই দেখে, যেন তাহার সঙ্গে প্রেম করে না ।
আর প্রেমই যদি করে, কখনো যেন কানুর উপর মানিনী হয় না ।

প্রতি উত্তরে—জ্ঞানদাস বলিতেছেন—

শুনিয়া দেখিলুঁ দেখিয়া ভুলিলুঁ ভুলিয়া পিরিতি কৈলুঁ,

পিরিতি বিচ্ছেদে না রহে পরাণ ঝুরিয়া ঝুরিয়া মৈলুঁ ॥

প্রেম-বৈচিত্র্য

১০৭

সই পিরিতি দোসর খাতা ।

বিধির বিধান সব করে আন না শুনে ধরম কথা ॥

পিরিতি মিরিতি (মৃত্যু) তুলে তোলাইলু পিরিতি গুরুনা ভার ।

পিরিতি বেয়াধি যার উপজরে সে বুঝে না বুঝে আর ॥

সভাই কহয়ে পিরিতি কাহিনী কে বলে পিরিতি ভাল ।

কানুর পিরিতি ভাবিতে ভাবিতে পাঁজর ধসিয়া গেল ॥

জীবনে মরণে পিরিতি বেয়াধি হইল যাহার সঙ্গ ।

জ্ঞানদাস কহ কানুর পিরিতি নিতি নৌতুন রঙ্গ ॥

দ্বিজ চণ্ডীদাসও বলিয়াছেন “কানুর পিরিতি মরণ অধিক” ।

চণ্ডীদাস বলিয়াছেন—

এক জালা ঘর হৈল আর জালা কানু ।

জালায় জলিল দে সারা হৈল তনু ॥

বলিয়াছেন—

কি বুকে দারুণ ব্যথা ।

সে দেশে বাইব যে দেশে না শুনি পাপ পিরিতির কথা ॥

বড় দুঃখেই বলিয়াছেন—

হইতে হইতে অধিক হৈল সহিতে সহিতে মনু ।

কহিতে কহিতে তনু জর জর পাগলী হৈয়া গেহু ॥

আক্ষেপানুরাগের এমন অনেক পদ আছে, যে পদে একজনকে গঞ্জনা দিতে গিয়া আর একজনের কথা আসিয়া পড়িয়াছে, ইহা স্বাভাবিক । কানুর কথা বলিতে গিয়া বাঁশির কথা উঠে, গুরুজনের কথা উঠে, আপনার নিরুপায় অসহায়তার কথা উঠে, ননদীর কথা উঠে । এইরূপ পদগুলিকে কোন নির্দিষ্ট গণ্ডিতে আবদ্ধ করা চলে না ।

রুকের প্রতি আক্ষেপের একটা পদ—

বাঁশি বাজান জান না।

অসময়ে বাজাও বাঁশী পরাণ মানে না ॥

বখন আমি বৈসা থাকি গুরুজনার মাঝে।

তুমি—নাম ধৈরা বাজাও বাঁশি, আমি মইরি লাজে ॥

ওপার হইতে বাজাও বাঁশী এপার হইতে শুনি।

বিরহিনী নারী হাম হে সাঁতার নাহি জানি ॥

যে ঝাড়ের বাঁশের বাঁশি সে ঝাড়ের লাগি পাঁও।

ডালে মূলে উপাড়িয়া সাগরে ভাসাও।

চাঁদকাজি বলে বাঁশি শুনে বুঝে মরি।

জীমুনা জীমুনা আমি না দেখিলে হরি ॥

নিম্নের পদটি অনুরাগের পদ। সুর আক্ষেপানুরাগের—

সখি হে ফিরিয়া আপন ঘরে যাও।

জীমুন্তে মরিয়া যে আপনা খাইয়াছে তারে তুমি কি আর বুঝাও ॥

নয়ন পুতলী করি লইয়াছি মোহন রূপ হিয়ার মাঝারে করি প্রাণ।

পিরিতি আগুন জালি সকলি পুড়াইয়াছি জাতি কুল শীল অভিমান ॥

না জানিয়া মুচলোকে কি জানি কি বলে মোকে না করিয়ে শ্রবণগোচরে।

শ্রোত বিথার জলে এ তনু ভাসিয়েছি কি করিবে কুলের কুকুরে ॥

খাইতে শুইতে রইতে আন নাহি লয় চিতে বন্ধু বিনে আন নাহি ভায়।

মুরারী গুপতে কহে পিরিতি এমতি হইলে তার বশ তিন লোকে গায় ॥

পদাবলীর মধ্যে পূর্বরাগে রূপের পদ আছে। রূপ দেখিয়া পূর্বরাগের সঞ্চার হইয়াছে, কিন্তু তখনও প্রেম গাঢ় হয় নাই—তাই রূপের কথাই বলিয়াছেন। এই রূপ আমাকে মুগ্ধ করিয়াছে, অন্তরে আকাজক্ষা জাগাইয়াছে—অতি গোপনে অত্যন্ত সঙ্কোচের সঙ্গে সখীর

কানে কানে এ কথাও বলিয়াছেন। তাহার অধিক, বলিবার ভাষা ছিল না, সাহস ছিল না, কিন্তু রূপানুরাগের অবস্থা অতরূপ। এখন আর বলিতে লজ্জা নাই যে—

রূপ দেগি আঁখি বুকে গুণে মন ভোর।
প্রতি অঙ্গ নাগি কান্দে প্রতি অঙ্গ মোর ॥

এখন এমন হইরাছে—

কিবা রাত্তি কিবা দিন কিছুই না জানি।
জাগিতে স্বপনে দেখি কালারূপখানি ॥
আপনার নাম মোর নাহি পড়ে মনে।
পরান হরিলে রাজা নয়ন নাচনে ॥

স্মিরাধা বলিয়াছেন—

রূপে ভরল দিঠি সোঙরি পরশ মিঠি পুলক না তেজই অঙ্গ।
মধুর মুরলীরবে শ্রুতি পরিপুল না গুনে আন পরসঙ্গ ॥

সেই স্মর, ইহার সঙ্গে আক্ষেপানুরাগের পার্থক্য খুব কম। কিন্তু পূর্বরূপের সঙ্গে ইহার পার্থক্য সহজেই অনুভূত হয়। পদ-কল্পতরুর মধ্যে রূপানুরাগ পৃথকরূপে বর্ণিত হইরাছে।

প্রবাস

পূর্বসঙ্গতরোযু নোৰ্ভবেদেশান্তরাদিভিঃ ।

ব্যবধানস্ত যৎ প্রাক্তে: স প্রবাস ইতীৰ্য্যতে ॥ —উজ্জলনীলমণি ।

পূর্বসঙ্গিলিত নায়ক-নারিকার যে দেশ গ্রাম বনাদি স্থানান্তরের ব্যবধান, পণ্ডিতগণ তাহাকেই প্রবাস বলেন। পদাবলী-সাহিত্যে নায়কেরই প্রবাস বর্ণিত হইয়াছে।

প্রবাস দুইরূপ,—বুদ্ধি-পূর্বক ও অবুদ্ধি-পূর্বক। কার্য্যানুরোধে দূরে গমনের নাম বুদ্ধি-পূর্বক। বুদ্ধি-পূর্বক প্রবাস দুই প্রকার—অদূর প্রবাস ও সুদূর প্রবাস। অদূর প্রবাস—কালিয়দমন, গোচারণ, নন্দ-মোক্ষণ ও রাসে অন্তর্ধান। শ্রীকৃষ্ণ কালিয় সর্পকে দমন করিবার জন্ত যমুনার কালিয় হ্রদে ঝাঁপ দিয়াছিলেন। গোপীগণ কৃষ্ণঅদর্শনে ব্যাকুলা হইয়াছিলেন। শ্রীকৃষ্ণ গোচারণে গেলে গোপীগণ কৃষ্ণবিরহে কাতরা হইয়া শ্রীকৃষ্ণের আশাপথ চাহিয়া থাকিতেন। গোপরাজ নন্দ অরুণোদয়ের পূর্ববর্তী আশুরী বেলায় অবগাহন জন্ত যমুনায় অবতরণ করিয়াছিলেন। এইজন্ত বরুণের কোন অশুর কিঙ্কর গোপরাজকে বলপূর্বক বরুণের নিকট লইয়া গিয়াছিলেন। শ্রীকৃষ্ণ তাঁহাকে বরুণালয় হইতে উদ্ধার করেন। কৃষ্ণের বরুণালয় গমন-জনিত অদর্শনে গোপীগণ বিরহাতুরা হইয়াছিলেন। মহারাসমণ্ডল হইতে শ্রীকৃষ্ণ শ্রীরাধাকে লইয়া অন্তর্হিত হন। পরে মান-গর্বে গর্বিভতা দেখিয়া শ্রীরাধাকেও পরিত্যাগ করেন। গোপীগণ শ্রীকৃষ্ণকে অন্বেষণ করিতে করিতে শ্রীরাধার দর্শন প্রাপ্ত হন। তখন বিরহব্যাকুলা শ্রীরাধা ও গোপীগণ সকলে মিলিয়া শ্রীকৃষ্ণান্বেষণে বনে বনে

ভ্রমণ করেন। অতঃপর শ্রীকৃষ্ণ তাঁহাদিগকে দর্শন দেন। এই কালিন্দ-
দমন, নন্দমোক্ষণ, রাসে অন্তর্দ্বান বৈষ্ণব-আচার্য্যগণের নিকট অদূর প্রবাস
নামে পরিচিত। এই অদূর প্রবাস করুণাখ্য বিপ্রলম্বরূপেও ব্যাখ্যাত হইতে
পারে। প্রাচীন আচার্য্যগণ বিপ্রলম্বকে চারিভাগে বিভক্ত করিয়াছেন।
পূর্বরাগ, মান, প্রবাস ও করুণ। করুণের অর্থ “বুনোরেকতরশ্চিন্ গতবতি
লোকান্তরং পুনর্লভ্যে”। যুবক যুবতীর দুইজনের একজন লোকান্তরিত
হওয়ার পর পুনরায় যদি সেই দেহে মিলন ঘটে, তবে তাহাকে করুণাখ্য
বিপ্রলম্ব বলে। লোকান্তর অর্থে স্থানান্তর। চন্দ্রাপীড় লোকান্তরিত
হইয়াছিলেন, লৌকিকদৃষ্টিতে তাঁহার মৃত্যু হইলেও দেহ বর্তমান ও অবিকৃত
ছিল। কাদম্বরীর সঙ্গে চন্দ্রাপীড়ের সেই দেহেই মিলন ঘটিয়াছিল।
শকুন্তলাকে অম্বরাতীর্থ হইতে অপহরণ করিয়া মেনকা কণ্যাপাশ্রমে
রাখেন; ইহা লোকান্তর। সেখানে দুয়ন্তের সঙ্গে শকুন্তলার পুনর্মিলন
ঘটে। এইগুলি করুণাখ্য বিপ্রলম্বের উদাহরণ। কালিন্দ-দমন, নন্দ-
মোক্ষণ, রাসে অন্তর্দ্বান এবং পুনরায় সেই দেহে শ্রীকৃষ্ণের গোপীগণের সঙ্গে
মিলন, ইহাও রসশাস্ত্রের নিয়মে করুণাখ্য বিপ্রলম্ব। বড়ু চণ্ডীদাস শ্রীকৃষ্ণ-
কীর্তনে করুণাখ্য বিপ্রলম্ব গ্রহণ করিয়াছেন। বাণথণ্ডে শ্রীকৃষ্ণের মদন-
শর নিক্ষেপে শ্রীরাধা মুচ্ছিতা হইয়াছেন। এই মুচ্ছাই মৃত্যু! ইহাই
নায়িকার লোকান্তর। শ্রীকৃষ্ণ মত্ত পড়িয়া তাঁহার জীবন দান করিয়াছিলেন।
পুনরায় শ্রীরাধাকৃষ্ণের মিলন ঘটিয়াছে। বড়ু চণ্ডীদাস ভিন্ন সম-সাময়িক
বা পরবর্তী অপর কাহারো রচনার করুণের উদাহরণ নাই। শ্রীমদভাগবতে
পূর্বরাগ, মান, প্রবাস ও করুণ—বিপ্রলম্বের এই চারি বিভাগেরই পরিচয়
আছে। তবে মানের প্রসঙ্গ নামমাত্র। রাসে অন্তর্হিত শ্রীকৃষ্ণ পুনরায়
গোপীগণকে দর্শন দিলে একজন গোপী—“একা ব্রহ্মটীমাবদ্ধা সন্দষ্ট-
দশনচ্ছদা” তাঁহার দিকে দৃষ্টি নিক্ষেপ করিয়াছিলেন। বৈষ্ণব-আচার্য্যগণ

বলেন, এই গোপীই শ্রীরাধা। কিন্তু এই মান ক্ষণমাত্রও স্থায়ী হয় নাই।
কবি জয়দেব এবং পদাবলী-রচয়িতাগণ এই অভাব পূর্ণ করিয়াছেন।

সুদূর প্রবাস ॥ “সুদূর প্রবাস হয় তিন প্রকার। ভাবী, ভবন, ভূত
এই ভেদ তার” ॥ ভাবী, ভবিষ্যতে—অদূর ভবিষ্যতে, ক্ষণ পরে ঘটবে।
অত্রুর শ্রীবৃন্দাবনে আসিয়াছেন। গোপরাজ নন্দের সারথি পথে পথে
বোষণা করিতেছে, কলা প্রাতে সকলকে মথুরা বাইতে হইবে। সখি
আমার দক্ষিণ অঁধি স্পন্দিত হইতেছে, অস্থির অন্তর বিদীর্ণ হইয়া পড়িবে।
জানি না অদৃষ্টে কি আছে?

ভবন বিরহ ॥ বর্তমানে—বাহ। ঘটতেছে। শ্রীকৃষ্ণ মথুরায়
বাইতেছেন। ঐ দেখ, সূর্য্যোদয়ের সঙ্গে সঙ্গে গান্ধিনীনন্দন অত্রুর
শ্রীকৃষ্ণকে আহ্বান-পূর্ব্বক বাত্রামঙ্গল পাঠ করিতেছেন। ওরে কঠিন প্রাণ,
শ্রীকৃষ্ণের রথারোহণের পূর্ব্বকই আমাকে ত্যাগ করিয়া পলায়ন কর। অত্থায়
এখনই মথুরাগামী রথের অশ্বক্ষুরাঘাতেই তুমি ক্ষত বিক্ষত হইবে।

ভূত বিরহ ॥ শ্রীকৃষ্ণ মথুরায় গিয়াছেন, আসিব বলিয়া গিয়াছেন,
আজিও প্রত্যাবর্তন করেন নাই। সুকুন্দ-পদভূষিত এই সরিং, শৈল, বন-
দেশ, কান্নর বেণুগীতি প্রতিধ্বনিত এই ব্রজভূমি, প্রতিপদে শ্রীকৃষ্ণস্মৃতি
জাগরিত করে। শ্রীকৃষ্ণের সেই ভূবনমোহন রূপ, সেই আপনা ভুলানো
হাসি, তুলিতে পারি কই। শুধু কি নন্দ মহারাজ, জননী যশোমতী,
কেবল কি রাখালগণ, শুধুই কি শ্রীমতী রাধারাণী এবং ব্রজসুবতীবৃন্দ,—
পশু-পক্ষী তরু-লতা কীট-পতঙ্গ পর্য্যন্ত শ্রীকৃষ্ণ-বিরহে মরণাতুর হইয়াছে।

শ্রীকৃষ্ণ-বিরহেরও দশ দশা—

দশ দশা হয় তাহে চিন্তা আগরণ।

উদ্বেগ তানব মলিনাঙ্গ প্রলাপন ॥

ব্যাধি উন্মাদ হয় মোহ অনুক্ষণ।

মৃত্যু এই দশ দশা কহে কবিগণ ॥

বৈষ্ণব কবিগণকে বিরহের কবি বলিলেও অতুক্তি হয় না। পূর্বরাগে বিরহ, মিলনেও বিরহ। গোপী-বিরহের অনুধ্যান বৈষ্ণব কবিগণের অত্যন্ত অবলম্বন। বহু বৈষ্ণব সাধক সিদ্ধদেহে অষ্টকালীয় নিত্যলীলা স্বরণ করেন। অনেকেই মাথুর বিরহ শ্রবণ কীর্তন করেন না, ইহাদের কথা স্বতন্ত্র। এতদ্ভিন্ন শত শত সাধকের এই মাথুর বিরহই উপজীব্য।

কয়েক দিনের জন্ত দেখা দিয়া সেই যে অন্তর্হিত হইয়াছে, এত সাধ্য-সাধনা করিতেছি, এত ব্যাকুলভাবে ডাকিতেছি, কই আর তো বারেকের জন্তও কাছে আসিয়া আমার এই সরণার্থিক ছুঃখ দূর কর না। আমার ছুঃখ দেখিয়া কি তোমার সুখ হয়? অপূর্ণ মামবজীবনে এই বিরহের অনুভূতিই একান্ত আপনার। মিলনের আনন্দ কল্পনের ভাগ্যে ঘটে। মিলন তো ক্ষণস্থায়ী। সুখের হাট ভাঙ্গিয়া যায় নাই, এমন মানুষ জগতে কল্পন আছে। তাই এই গোপী-বিরহ যেমন মানুষের অন্তর স্পর্শ করে, এমন বোধ হয় আর কিছুতে করে না। এমন যে কবি বিদ্যাপতি—বাহার রাধা সদা হাস্তময়ী, সদা চঞ্চলা, ছুঃখের ছায়াও বাহাকে স্পর্শ করিতে পারে না, তিনিও বিরহে ভাঙ্গিয়া পড়িয়াছেন। রাধার সেই কলহাস্ত, সেই গীতি-চাঞ্চল্য স্তব্ধ লইয়া গিয়াছে। বিদ্যাপতির রাধার কৃষ্ণকে দেখিবার ভঙ্গী যেমন মধুর, দেখা দিবার ভঙ্গীও তেমনই মনোহারী। নব বোবনের তরঙ্গ-হিল্লোলে এই উৎসবময়ী কিশোরী গিরিবঙ্গ-বিহারিণী নির্ঝরিলীর মত নৃত্য-চপলা, আবেগ চঞ্চলা। কিন্তু যে মুহূর্ত্তে শ্রামসুন্দর বৃন্দাবন পরিত্যাগ করিলেন—তাহার গতিবেগ অবরুদ্ধ হইল, সমস্ত সঙ্গীত, সমস্ত চাঞ্চল্য পলকে থামিয়া গেল। মিলনে বাধা ঘটান বলিয়া বাহার স্পর্শ-লালসায় “চীর চন্দন উরে হার না দেলা।”

বক্ষে হার পরি নাই, চন্দন মাখি নাই, এমন কি কঙ্কলিকা। দুয়ের কথা বসন পর্যন্ত অপসারিত করিয়াছিলাম—তাহার আমার মধ্যে আজ গিরি-নদীর ছস্তর ব্যবধান। “সো অব গিরি নদী আঁতর ভেলা” ॥

বড়ু চণ্ডীদাসের রাখা মুখরা গ্রাম্য গোপবালা। না জানে সরস সস্তাষণ, না জানে নাগরীজনমুলত ব্যবহার-চাতুরী। মঙ্গলকাব্যের দেবতা যেমন অগস্ত্যবীরের পূজা পাইয়াও পরিতৃপ্ত নন, উদ্ভিষ্ট বিরুদ্ধ-ভাবাপন্ন উপাসকের পূজা না পাইলে যেমন তাহার কিছুতেই তৃপ্তি হয় না। তেমনই শ্রীকৃষ্ণকীর্তনের কৃষ্ণ; শ্রীরাধাকে না পাইলে তাঁহার জীবনই বিফল। মঙ্গলকাব্যের ধারা অনুসরণ করিয়া বড়ু চণ্ডীদাসের শ্রীকৃষ্ণও আপন ঐশ্বর্য্যের পরিচয় দিয়াছেন, তিনিই যে সর্বাধিকার শিরোমণি দেবরাজ, সুস্পষ্ট ভাষায় সে কথা বলিয়াছেন। রাখার কিন্তু কিছুতেই বিশ্বাস হয় না। রাখার প্রেম লাভের অজ্ঞাববশেবে শ্রীকৃষ্ণ দানী সাজিয়াছেন, নোকা বাহিয়াছেন,—ভার বহিয়াছেন, রাখার মাথায় ছাতা ধরিয়াছেন। অনেক সাধ্যসাধনার—অনেক কৌশলে শ্রীরাধার সঙ্গে তাঁহার মিলন ঘটাইয়াছে। কিন্তু সেই কয়েকবার মাত্র, তাহার পর আর শ্রীরাধার সাক্ষাৎ নাই। এমন যে অজ্ঞাত-বোঁবনা, মিলন-ভয়-চকিতা কিশোরী, তিনিও শ্রীকৃষ্ণ-বিরহে বিজ্ঞা-পতির রাখার মতই বলিয়াছেন—

ওপারে বন্ধুর ঘর বৈসে গুণনিধি।

পাখী হঞা উড়ি বাঙ পাখা না দেয় বিধি ॥

দ্বিজ চণ্ডীদাস-ভণিতার পদগুলি বাঁহারা অভিনিবেশসহকারে পাঠ করিয়াছেন, তাহাঁরাই জানেন—দ্বিজ চণ্ডীদাস বড়ু চণ্ডীদাসেরই অভিনব সংস্করণ। শ্রীমন্ মহাপ্রভুর করুণামানে জাতির যেমন জন্মান্তর ঘটাইয়াছে, বড়ু ও তেমনই দ্বিজদ্ব্য লাভ করিয়াছেন। সেই ছন্দ, সেই সুর,

পার্থক্য—দৃষ্টিভঙ্গীর। বড়ু চণ্ডীদাস শ্রীরাধার একটা দিক দেখিরাছেন। দ্বিজ চণ্ডীদাস শ্রীমহাপ্রভুর রূপায় নূতন দৃষ্টি লাভে সেই মহাভাব-ময়ীর আর একটা দিক দেখিবার সৌভাগ্য প্রাপ্ত হইরাছেন। দুইজন একই গোষ্ঠীর কবি। দুইজনের নারিকাই অজ্ঞাতবোবনা। দ্বিজ চণ্ডীদাসের রাধাও শ্রীকৃষ্ণকে দেখিরা বলিয়াছেন—“পাসরিব করি মনে পাসরা না যায় গো, কি করিব কি হবে উপায়”। এই মুগ্ধা—এই ভাব প্রকাশে অক্ষমাও বিরহে হাহাকার করিয়া উঠিয়াছেন। তাঁহার অন্তরনিরুদ্ধ বিরহ-বেদনা শত উৎসে উৎসারিত হইয়াছে।

কবিগণের মধ্যে বাহাঁরাই বিরহের গীতি গাহিয়াছেন, তাহাঁরাই বর্ষার কথা কহিয়াছেন। অধিকাংশ বৈষ্ণব কবিই বিরহের কবি এবং বর্ষার কবি। বর্ষার নিকষ কাল নবীন মেঘ বেদিন আকাশ ছাইয়া নিবিড় হইয়া আসে, মেঘের অঙ্গন নয়নে আসিরা লাগে,—বিশ্ব দৃশ্য বিলুপ্ত হইরা যায়। রুদ্ধ ছয়াতে নির্জ্ঞন কণ্ঠে আপনাকে একান্ত একাকী মনে হয়,—মেঘের গুরু গরজনে অন্তর গুমরিয়া উঠে। বাহিরের বাদল অঁাখিতে আসিরা আশ্রয় লয়। সে দিন তো আর কাহারো কথা, আর কোন কথা মনে পড়ে না। সে দিন শুধু তোমারই অগ্ন প্রাণ উতলা হয়। চিত্ত অস্থির হয়। বর্ষার মেঘ জয়দেবকেও চঞ্চল করিয়াছিল।

বড়ু চণ্ডীদাস বর্ষার কথার বিরহের চাতুর্মান্ত্র যাপন করিয়াছেন। মঙ্গলকাব্যের “বারমান্ত্রা”—বার মাসের দুঃখের কথা বহুপরিচিত। বড়ু চণ্ডীদাসের সম-কালীন কোন কবির বাঙ্গালা কাব্য বা কবিতা পাওয়া যায় নাই। বিরহের চাতুর্মান্ত্র বর্ণনায় চণ্ডীদাসকেই আদি কবি বলিয়া মনে হয়।

আষাঢ় মাসে নব মেঘ গরজএ।

মদন কদনে মোর নয়ন বুঝয়ে ॥

পাখীজাতী নহোঁ ষড়ারি উড়ী জাঁও তথা ।
 মোর প্রাণ নাথ কাহ্নাঞি বসে ষথাঁ ॥
 কেমনে বঞ্চিব রে বারিবা চারি মাস ।
 এ ভর যৌবনে কাহ্ন করিলে নিরাশ ॥ ঞ ॥
 শ্রাবণ মাসে ঘন ঘন বরিষে ।
 সেজাত স্মৃতিআঁ একসরী নিন্দ না আইসে ॥
 কত না সহিব রে কুম্মশরজালা ।
 হেন কালে বড়ারি কাহ্ন সমে কর মেলা ॥
 ভাদর মাসে অহোনিশি আন্ধকারে ।
 শিখি ভেক ডাহক করে কোলাহলে ॥
 তাত না দেখিবোঁ যবেঁ কাহ্নাঞির মুখ ।
 চিস্তিতে চিস্তিতে মোর ফুট জায়িবে বুক ॥
 আশ্বিন মাসের শেষে নিবড়ে বারিবা ।
 মেঘ বহিআঁ গেলেঁ ফুটিবেক কাশী ॥
 তবেঁ কাহ্ন বিনী হৈব নিফল জীবন ।
 গাইল বড়ু চণ্ডীদাস বাসলী গণ ॥

পদ কল্পতরু হইতে সিংহভূপতির চাতুর্শাস্ত্রের পদ উদ্ধৃত করিয়া
 দিলাম—

মোর বন বন শোর শুনত বাঢ়ত মনমথ-গীড় ।
 প্রথম ছার আষাঢ় আওল অবহঁ গগন গম্ভীর ॥
 দিবস রয়না আ-রি সখি কৈছে মোহন বিনে ষাওয়ে ॥ ঞ ॥
 আওয়ে শাওন বরিখে ভাঙন ঘন শোহায়ন বারি ।
 পঞ্চশর-শর ছুটত রে কৈছে জীয়ে বিরহিণী নারি ॥

আওয়ে ভাদো বেগর মাপো কাকো কহি ইহ তুখ ।

নিডরে ডর ডর ডাকে ডাহকি ছুটয়ে মদন-কন্দুক ॥

অছুহ আশিন গগন ভাখিণ ঘনন ঘন ঘন রোল ।

সিংহভূপতি ভগয়ে ঐছন চতুর মাসকি বোল ॥

পদাবলী-সাহিত্যে—শ্রীরাধার বসন্ত, গ্রীষ্ম, বর্ষা, শরৎ, হেমন্ত ও শীতকালোচিত বিরহের পৃথক পৃথক বর্ণনা আছে। কল্লেকজন কবি দ্বাদশ মাসিক বিরহের বর্ণন করিয়াছেন। শ্রীমন্ মহাপ্রভু “চব্বিশ বৎসর শেষে যেই মাঘমাস। তার শুক্লপক্ষে প্রভু করিলা সন্ন্যাস”। যে মাঘ মাসে চব্বিশ বৎসর পূর্ণ হইয়াছে, সেই মাঘের পূর্ণিমায় শ্রীগোরাঙ্গ সন্ন্যাস গ্রহণ করেন। শচীনন্দন দাস মাঘ মাসে হইতে শ্রীমতী বিষ্ণুপ্রিয়া দেবীর বিরহের বারমাস্তা বর্ণনা করিয়াছেন। লোচন দাসের কান্তন হইতে এবং ভুবনমোহনের মাঘ হইতে বিরহ-গীতি আরম্ভ হইয়াছে।

শ্রীমন্তাগবতের দশম স্কন্ধের পঁয়তাল্লিশ অধ্যায়ের—

“নাস্তান্তো বুরয়োস্তাত নিত্যোৎকষ্ঠিতয়োঃপি” শ্লোকের লঘু তোষণী টীকায় শ্রীকৃষ্ণের বর্ষক্রম বিচারে নির্ণীত রহিয়াছে, তিনি দ্বাদশ বৎসরের গোণ কান্তন দ্বাদশীতে কেশীবধ করিয়া তৎপরদিসই মথুরা গমন করেন, এবং চতুর্দশীতে কংখ নিহত হয়। শ্রীকৃষ্ণ একাদশ বৎসর কল্লেকমাস শ্রীবৃন্দাবনে অবস্থিতি করিয়াছিলেন। অতঃপর মথুরাযাত্রা—মাথুরলীলা। পদকল্পতরুতে শ্রীরাধার দ্বাদশ-মাসিক বিরহের একটা পদ আছে। গোবিন্দ চক্রবর্তী মহাশয় পদের শেষে বলিয়াছেন—এই পদের প্রথম দুইমাসের বিরহ বিজ্ঞাপতির রচনা। চারিমাসের বিরহের কথা গোবিন্দ কবিরাজ বলিয়াছেন। বাকী ছয় মাসের কথা স্মরণ করিয়া আমি অভাগিয়া রোদন করিতেছি।

এই পদের আরম্ভ চৈত্রমাস হইতে—“গাবই সব মধুমাংস, তলুদেহ রিরহ হতাশ”। গোবিন্দ কবিরাজ স্বতন্ত্র একটা বারমাস্তার পদে অগ্রহারণ হইতে আরম্ভ করিয়াছেন। গোবিন্দ কবিরাজের পৌত্র ঘনশ্যাম দাস বলিয়াছেন—“দেখ পাপি আঘনামাস”। কালিদাস-বাক্যের সর্বশ্রেষ্ঠ গায়ক নীলকণ্ঠ মুখোপাধ্যায় মহাশয় মাথুর পানায় একটা ঝুমুর গাহিতেন—(আরম্ভ মাঘ মাস হইতে) ওরে নিঠুর কালিয়া অবলার ছুখ দিলিরে—(ধুয়া)

মাঘে মাঘব কেলা মথুরা গমন।

পিয়া বিনে শূন্য দেখি এ তিন ভুবন ॥

নীলকণ্ঠের মধুমাংস কণ্ঠে এই গান শুনিয়া পশুপাখীও কাঁদিত। বলরাম দাস অগ্রহারণ হইতে শ্রীকৃষ্ণের দ্বাদশ মাসিক বিরহ বর্ণন করিয়াছেন।

মহাভাবময়ী শ্রীরাধার ভাবের নাম অধিরূঢ় মহাভাব। ব্রজদেবীগণ রূঢ় মহাভাবের অধিষ্ঠাত্রী। অধিরূঢ় মহাভাবের দুই রূপ—মোদন বা মোহন এবং মাদন। মাদনাখ্য মহাভাব বিরহের অতীত, শ্রীরাধাই এই ভাবৈশ্বর্যের অধীশ্বরী। মোদনের বিরহাবস্থার নাম মোহন। মোহন শ্রীরাধার যুথ ভিন্ন অন্তত্ব পরিদৃষ্ট হয় না। মোহন কোন অনির্লক্ষণীয় বৃত্তি বিশেষে বৈচিত্র্য প্রাপ্ত হইলে “দিব্যোন্মাদ” নামে অভিহিত হয়। শ্রীগৌরাস্বরের গম্ভীরা নীলার এই দিব্যোন্মাদ মর্ত্য মানবের দৃষ্টিবিষয়ীভূত হইরাছিল। দিব্যোন্মাদে উদ্ঘূর্ণ ও চিত্রজ্ঞান আদি দশার প্রকাশ ঘটে। নানাবিধ বিলক্ষণ বৈবশ্ব চেষ্টার নাম উদ্ঘূর্ণ। শ্রীরাধা কখনো কুঞ্জে অভিসার করিতেছেন, কখনো কুঞ্জগৃহে গিয়া শয্যারচনা করিতেছেন, কখনো কুঞ্জভ্রমে নবজলধরকে তিরস্কার করিতেছেন। এই ভ্রমর চেষ্টা উদ্ঘূর্ণ।

প্রিয় দয়িতের কোন অন্তরঙ্গ সুস্থদের সঙ্গে সাক্ষাৎ হইলে গুটরোব বশতঃ যে ভূরিভাবময় জন্ম অর্থাৎ কখন, তাহার নাম চিত্রজন্ম। চিত্রজন্ম দশ প্রকার। শ্রীমদ্ভাগবতে দশম স্কন্ধে সাতচল্লিশ অধ্যায়ে ভ্রমর-গীতায় ইহার পূর্ণাঙ্গ প্রকাশ। চিত্রজন্মের মাধুর্য্য-চমৎকৃতির আশ্বাদন মানবকল্লনার অতীত। সে সুহৃন্তর ভাব ভাবায় প্রকাশিত হয় না। শ্রীপাদ রূপের রূপায় এই ভাবের কণিকা মানবের অনুভূতি-গম্য হইয়াছে।

প্রজন্ম ॥ অশ্রুয়া, ঈর্ষ্যা, এবং মদযুক্ত অবজ্ঞা মুদ্রা দ্বারা প্রিয় ব্যক্তির প্রতি যে অকৌশল কখন, তাহাই প্রজন্ম।

পরিজন্ম ॥ প্রভুর-নির্দয়তা শঠতা ও চাপল্যাদি দোষপ্রতিপাদন-পূর্ব্বক আপনার বিচক্ষণতা প্রকাশের নাম পরিজন্ম।

বিজন্ম ॥ গুট মানমুদ্রার অন্তরালে সুস্পষ্ট অশ্রুয়ার দ্বারা শ্রীকৃষ্ণের প্রতি যে কটাক্ষ, তাহাই বিজন্ম।

উজ্জন্ম ॥ গর্ব্বগর্ভ ঈর্ষ্যার সহিত শ্রীকৃষ্ণের কাঠিষ্ঠ কীর্তন ও অশ্রুয়া সহ আক্ষেপ প্রকাশ।

সংজন্ম ॥ ছরধিগম্য সোম্লুষ্ঠ আক্ষেপ দ্বারা শ্রীকৃষ্ণের প্রতি অকৃতজ্ঞতার আরোপ।

অবজন্ম ॥ শ্রীহরির কাঠিষ্ঠ, কামুকতা ও ধূর্ততার সহিত ভয় ও ঈর্ষ্যা হেতু আসক্তির অযোগ্যতা কখন।

অভিজন্ম ॥ শ্রীকৃষ্ণ বখন পক্ষীগণকেও খেদাঘিত করেন, তখন তাহাকে ত্যাগ করা উচিত।—ভঙ্গি দ্বারা এইরূপ অনুতাপ-বচনের নাম অভিজন্ম।

আজন্ম ॥ বাহাতে নির্বেদ হেতু শ্রীকৃষ্ণের কুটিলতা এবং দুখদাতৃত্ব বর্ণিত হয়।

প্রতিজ্ঞা ॥ শ্রীকৃষ্ণ দ্বন্দ্বভাব পরিত্যাগ করিবেন না, স্মৃতিরাজ কিরূপে
আমরা তাঁহাকে পাইব, দুতের সম্মানপূর্ব্বক এইরূপ উক্তি প্রতিজ্ঞা ।

স্বজন্ম ॥ বাহাতে সারল্য-নিবন্ধন গান্ধীর্ষ্য, দৈহ্য ও চাক্ষু্যের সহিত
শ্রীকৃষ্ণের সংবাদ জিজ্ঞাসা থাকে ।

পূর্ব্বে সম্পন্ন হিন্দুগৃহে শ্রাদ্ধ উপলক্ষ্যে নীলা-কীৰ্ত্তনের অনুষ্ঠান
হইত । আজিও কচিং কোথাও এ রীতি চলিত আছে । শ্রাদ্ধ
উপলক্ষ্যে কোন কোন কীৰ্ত্তনীয়া মাথুর গান করিতেন । অনেক স্থলে
গৃহকর্তার ইচ্ছানুসারেও মাথুর গান হইত । বীরভূম জেলার মঙ্গল-
ডিহি গ্রামের ঠাকুরবাড়ীতে শ্রাদ্ধবাসরে রসিকদাস কীৰ্ত্তনীয়া মাথুর
গান করিয়াছিলেন । বহু দিন পর্য্যন্ত এ গানের গল্প শুনিয়াছি ।
দিব্যোন্মাদ দশার গৌরচন্দ্রে গান আরম্ভ হইয়াছিল ।

গৌরচন্দ্র ॥ কি বলিব বিধাতারে এ দুখ সহায় ।

গোরাবুখ হেরি কেন পরাণ না যায় ॥

মলিন বদনে বসি আঁখি যুগ করে ।

আকাশগঙ্গার ধারা স্নেহরু-শিখরে ॥

ক্ষণে মুখ শির ঘসে ক্ষণে উঠি যায় ।

অতি দ্রবল ভূমে পড়ি মুরছায় ॥

নাসায় নাহিক শ্বাস দেখি সবে কান্দে ।

চৈতন্যদাসের হিয়া থির নাহি বান্ধে ॥

অতঃপর পুরুষোত্তম দাসের পদ—

নিজ গৃহ তেজি চলল বিরহিণি দারুণ বিরহ হতাশে ।

কালিন্দি পৈঠি পরাণ পরিতেজব এহি মরম অভিলাষে ॥

হরি হরি কি কহব ও দুখ ওর ।

ধাই সব সহচরি কাননে বাওল ললিতা লেওল কোর ॥

ঐছন বচন বৃন্দায়ুখে শুনইতে ভগবতি দ্রুত চলি গেলি ॥
 আপন কুঞ্জকুটির মাহা আনল সবহুঁ সখিগণ মেলি ॥
 সরসিজ-শেজে স্ত্যায়ল সহচরি চৌদিশে রহ মুখ চাই।
 অমুকুল প্রতিকুল সবহুঁ দঃমণীগণ শুনইতে আওল ধাই।
 দশমিক পহিল দশা হেরি আকুল রোয়ত অবনী লোটাই ॥
 আওব বচনে কোই পরবোধই পুরুষোত্তম মুখ চাই ॥

এক সখী গিয়া চন্দ্রাবলীকে সংবাদ দিল। ইঙ্গিতে বুঝাইল,—শ্রীরাধার দশমী দশা উপস্থিত। তিনি যদি অন্তর্হিতা হন, তোমার আর কোন আশঙ্কা থাকিবে না। শ্রীকৃষ্ণ তোমারই হইবেন। সংবাদ শুনিয়া চন্দ্রাবলী তাঁহাকে কত তিরস্কার করিলেন। বলিলেন—পুনরায় ওকথা বলিলে তোমার মুখ দর্শন করিব না। সকলে মিলিয়া শ্রীরাধাকে বাচাও। তিনি চলিয়া গেলে ব্রজের হাট ভাঙ্গিয়া বাইবে। কৃষ্ণ দর্শনের আশা চিরতরে অন্তর্হিত হইবে। নন্দনন্দন যদি কোন দিন বৃন্দাবনে আগমন করেন—সে আমাদের জ্ঞাত নয়, একমাত্র শ্রীরাধাকে দেখিবার জ্ঞাত, শ্রীরাধাকে দেখা দিবার জ্ঞাতই আসিবেন। চন্দ্রাবলী কাঁদিয়া আকুল হইলেন, ধূলার গড়াগড়ি দিয়া কাঁদিতে লাগিলেন।

রাইক দশমী দশা নিজ সখি মুখে শুনি চন্দ্রাবলী রোই।
 নিজ তলু চারি ধূলি গড়ি বাওত ভুতলে কুস্তল ফোই ॥
 রাইক প্রেমে পুনহি নন্দনন্দন আওব করি ছিল আশ।
 সো সব মনরথ বিহি কৈল আনমত এত দিনে ভেল নৈরাশ ॥
 এত কহি পুন পুন শিরে কর হানই মুরছিত হরল গেলান।
 পদ্মা দেবি কোর পর লেয়ল ঝর ঝর লোরে নয়ান ॥
 বহুখনে চেতন পাই মলিন মুখি বৈঠল ছোড়ি নিশ্বাস।
 রাইক নিয়ড়ে লেই চলু সহচরি কহ পুরুষোত্তম দাস ॥

এ যেন এক অশ্রুতপূর্ব্ব অদ্ভুত সম্মেলন। বাঁহারা কেহ কাহারো নাম শুনিতে চাহিতেন না, শ্রীকৃষ্ণবিরহ আজ তাহাদিগকে একত্রে সঙ্গিলিত করিয়াছে। সখী পদ্মাবতী চন্দ্রাবলীকে শ্রীরাধার নিকট লইয়া গেলেন। হই প্রতিদ্বন্দ্বিনী বৃথেশ্বরী, আশে পাশে স্বপক্ষা বিপক্ষা অনেকেই রহিয়াছেন। চন্দ্রাবলীর কোন দিকে ভ্রক্ষেপ নাই, কোনরূপ সঙ্কোচ নাই। একেবারে শ্রীরাধার নিকট গিয়া উপস্থিত হইলেন। শ্রীরাধাকে মুচ্ছিতা দেখিয়া কাদিতে লাগিলেন। ললিতাকে বলিলেন—শ্রীরাধা যদি বাঁচিয়া থাকেন, আবার ব্রজনাথ ব্রজে আসিবেন। শ্রীরাধা বাহাতে বাঁচেন, তাহারই উপায় রচনা কর।

যেখানে শুভিরা ধনী রাই। চন্দ্রাবলি তাহাঁ বাই ॥

রাইকে হেরি আগেরান। নিবরে বরে ছনয়ান ॥

কহয়ে ললিতা সঞে বাত। পুনহি আওব ব্রজনাথ ॥

অব বৈছে জীবয়ে রাই। ঐছন রচহ উপায় ॥

কেহ যদি শ্রামের নিকট গিয়া সংবাদ দেয়, শ্রীরাধার এই দশমী দশার কথা তাঁহার নিকট গিয়া নিবেদন করে—

কো যদি কহে তছু ঠাম। শুনইতে আওব শ্রাম ॥

এইবার চন্দ্রাবলীর মনে হইল, এই তো অপূর্ব্ব সুযোগ, শ্রীরাধার চরণ স্পর্শ করিতে হইবে। যে পদপল্লব শিরে ধারণ করিয়া শ্রীনন্দনন্দন ধৃত্য হইরাছেন, আমার কি এমন সৌভাগ্য হইবে, সেই পদযুগল বক্ষে ধারণ করিতে পাইব। মনে দৃঢ় সংকল্প পদস্পর্শ করিব। কিন্তু কোথায় যেন একটু সঙ্কোচ। সখীগণ সকলেই রহিয়াছেন, আপনার অজ্ঞাতসারে কোন্ অবচেতনের অন্তস্তল হইতে অত্যন্ত ধীরে কে যেন অগ্রসর হইতে বাধা দিতেছে। একজন আত্মীয়কে সঙ্কটাপন্ন পীড়ায় অচেতন থাকিতে দেখিয়া অগ্রজন আসিয়া কেমন আচরণ করে? চিকিৎসক না হইয়াও,

সেবক সেবিকা না হইয়াও অতি সন্তুর্পণে অঙ্গ স্পর্শ করিয়া দেখে—দেহে উত্তাপ আছে কিনা, এখনো আশা করিবার অতি ক্ষীণ স্রুতও পাওয়া যায় কিনা। চন্দ্রাবলী প্রথমেই গিয়া শ্রীরাধার বক্ষঃস্থল স্পর্শ করিলেন, ললাটে হাত রাখিয়া উত্তাপ পরীক্ষা করিয়া দেখিলেন। দেখিলেন, হস্তে এখনো উত্তাপ আছে কিনা। রসিক দাস আপনার অননুভবনীয় “আখেরে” এইরূপে চিত্রের পর চিত্র আঁকিয়া পদ গাহিলেন—

(চন্দ্রাবলী—) রাই ললাটে কর আপি। পরীখয়ে দেহক তাপি।

তুহিন শীতল হেরি গাত। পদযুগে রাখল হাত ॥

বক্ষ, ললাট, হস্ত উত্তাপহীন দেখিয়া চন্দ্রাবলী শ্রীরাধার পদ দুইটাতে হাত রাখিলেন। অকস্মাৎ পদ দুইটা আপনার বক্ষে চাপিয়া ধরিয়া চेतনা হারাইলেন।

পদকল্পভরুতে—এই পংক্তি চতুষ্টির পাওয়া যায় না। বহু অনুসন্ধান করিয়া কোন হস্তলিখিত পুঁথিতেও কলি চারিটা পাই নাই। ইহা “তুক” হইতে পারে। পদকল্পভরুতে “শুনইতে আওব খাম” এই ছত্রের পরে আছে—

“এত কহি কহই না পারি। মুরছি পড়ল তনু চারি”।

রসিকদাস গাহিয়াছিলেন—

“এত দুখ সহই না পারি। মুরছি পড়ল তনু চারি ॥

অতঃপর পাঠ আছে—ইহা রসিকদাসও গাহিয়াছিলেন—

ঐছন বত ব্রজনারী। রোয়ত কুন্তল কারি ॥

পুরুষোত্তম অনুরোধে। ভগবতী দেই পরবোধে ॥

ইহার পরবর্তী পদে পুরুষোত্তম দাস সুবল ও মধুমঙ্গলের কথা বলিয়াছেন। একেতো তাঁহারা শ্রীকৃষ্ণবিরহে উন্মাদ, ইহার উপর আবার শ্রীরাধার এই দশমী দশা। শ্রীরাধার অবস্থার কথা শুনিয়া সুবল মুচ্ছিত হইয়া পড়িলেন। মধুমঙ্গল তাঁহার কণ্ঠকুহরে উচ্চৈঃস্বরে

রাধা নাম উচ্চারণ করিতে লাগিলেন। সুবলের চেতনা হইল।
 দুইজন দুইজনের কণ্ঠ ধরিল। কত কাঁদিলেন। অতঃপর দুইজনেই
 শ্রীরাধার সমীপে আসিয়া উপস্থিত হইলেন। সমগ্র গোকুলের দুর্দশা
 অসহনীয় হইয়া উঠিল।

হরি হরি কি ভেল গোকুল মাহ।

স্বাবর জঙ্গম কীট পতঙ্গম বিরহ দহনে দহি বাহ ॥

তরুণকুল আকুল সঘনে ঝরয়ে জল তেজল কুসুম বিকাশ।

গলয়ে শৈলবর পৈঠে ধরণি পর স্থল জল, কমল ছতাশ ॥

শুক পিকু পাখি শাখি পর রোরহি রোরই কাননে হরিনী।

জঘুকি সহ অহি রহি রহি রোরহি লোরই পঙ্কিল ধরণী ॥

রাইক বিরহে বিরহি ব্রজমণ্ডল দাবদহন সমতুল।

ইহ পুরুষোত্তম কৈছনে জীবব টুটল প্রেমক মূল ॥

রসিক দাস ইহার পর মধুসূদন দাসের একটি এবং রাধামোহন
 ঠাকুরের একটি পদ গাহিয়া পালা শেষ করিয়াছিলেন।

রাধামোহন ঠাকুরের—

মথুরা সঞে হরি করি পথ চাতুরি মীলল নিরঞ্জন কুঞ্জে।

ক্রম পশু পাখিকুল বিরহে বেঙ্গাকুল পাণ্ডল আনন্দপুঞ্জে ॥

এই পদে শ্রীরাধাকৃষ্ণের মিলন বর্ণিত হইয়াছে। বাঙ্গালার একজন
 ইংরাজী শিক্ষিত মানুষ পদাবলীকে শাস্ত্রীয় মন্তরূপে গ্রহণ করিয়াছিলেন।
 ইনি অভয়ের কথা ও ঠাকুরাণীর কথার লেখক। শ্রীরাধাপ্রেমের উৎকর্ষ
 ব্যাপনে এই সাধক শাস্ত্রীয় প্রমাণের সঙ্গে—“রাইক দশমী দশা নিজ সখি
 মুখে” এবং “বেথানে শুতিয়া ধনি রাই” পুরুষোত্তমের এই পদ দুইটির
 সম্মার্থ প্রমাণরূপে উদ্ধৃত করিয়াছেন। একালেও দ্বন্দ্বের অভাব ঘটে নাই।

১০

সন্তোগ

দর্শনালিঙ্গনাদীনাশানুকূল্যামিষেবরা ।

যুনোরল্লাসমারোহন্ ভাবঃ সন্তোগ ঈর্ষ্যতে ॥

দর্শন ও আলিঙ্গনাদির আনুকূল্য হেতু নারক নারিকার বে ভাবোল্লাস তাহারই নাম সন্তোগ । মুখ্য ও গৌণভেদে ঐ সন্তোগ দুই প্রকার ।

জাগ্রতাবস্থার মুখ্য সন্তোগ চারি প্রকার । পূর্বরাগের পর মিলনে সংক্ষিপ্ত, মানের পর মিলনে সংকোর্ণ, কিঞ্চিদূর প্রবাসের পর মিলনে সম্পন্ন, ও সূদূর প্রবাসের পর মিলনে সমৃদ্ধিমান সন্তোগ নিম্ন হইবে ।

সংক্ষিপ্ত সন্তোগ ॥ যুবক-যুবতীর ভয়, লজ্জা ও অসহিষ্ণুতা হেতু ভোগের উপচার সংক্ষেপে গ্রহণ ।

অভিনব গোরি বসতি পতি-গেহ ।

ঘর সঞে করবয়ে নওল স্নেহ ॥

কি কহব রে সখি কহই না জান ।

পহিল সমাগমরাধা-কান ॥

যব ছ'ছ নয়ন নয়নে ভেল ভেট ।

সচকিত নয়নে বয়ন করু হেট ॥

সোপলু ববহি করহি কর আপি ।

সাধসে ধয়ল ছ'ছক তনু কাঁপি ॥

যব ছ'ছ পায়ল মদন শয়ান ।

না জানিয়ে কৈছে কয়ল পাঁচ বাণ ॥

গোবিন্দদাস কহ তুহঁ সে সেয়ানী ।

হরি করে সোঁপলি হরিগিন-নয়ানো ॥ ।

সংকীর্ণ সন্তোগ ॥ নারক কর্তৃক বিপক্ষগণ কোর্তন শ্রবণে ও স্ব-বন্ধনাদি অরণে নারিক। আলিঙ্গন চুম্বনাদিতে সম্পূর্ণ সঙ্গিলিতা না হইলে সন্তোগ সংকীর্ণ হয় ।

রাই যব হেরল হরিমুখ ওর ।

তৈখনে ছল ছল লোচন জোর ॥

ববহঁ কহল পঁহ লহ লহ বাত ।

তবহঁ কয়ল ধনি অবনত মাথ ॥

যব হরি ধয়লহি অঞ্চল পাশ ।

তৈখনে ঢর ঢর তলু পরকাশ ॥

যব পঁহ পরশল কঙ্কুক সঙ্গ ।

তৈখনে পুলকে পুরল সব অঙ্গ ॥

পুরল মনোরথ মদন উদেশ ।

রায় শেখর কহ পিরিতি-বিশেষ ॥

সম্পন্ন সন্তোগ ॥ অদূর প্রবাসপ্রত্যাগত কাস্তের মিলনে সম্পন্ন সন্তোগ নির্বাহ হয় । এই মিলন আগতি ও প্রাহুর্ভাব ভেদে দুইরূপ । লৌকিক ব্যবহারে আগমন আগতি এবং প্রেমসংরম্ভবিহ্বলা প্রিয়তম্যাগণের সম্মুখে অকস্মাৎ আগমন—প্রাহুর্ভাব ।

আগতি ॥

মা মন্দাক্ষর কুরু গুরুজনাদেহলীং গেহমব্যা-

দেহি ক্লান্তা দিবসমখিলং হস্ত বিপ্লবতোহসি ।

এব শ্বেরো মিলতি মুহূলে বল্লবী চিত্তহারী

হারী গুণাবলিভিরগিভির্লীঢ়গন্ধো মুকুন্দঃ ॥

—উদ্ধব-সনেশ

গুরুজনের ভয়ে লজ্জা করিও না। সমস্ত দিন কান্তকে না দেখিয়া ক্লান্ত হইয়া রহিয়াছ। সখি, গৃহমধ্য হইতে নিষ্ক্রান্ত হইয়া দেহলীপ্রান্তে আসিয়া দাঁড়াও। ঐ দেখ, অনিপুঞ্জগুঞ্জিত গুঞ্জামালা গলে বল্লবী চিত্তহারী মুকুন্দ হস্তবদনে গোষ্ঠ হইতে প্রত্যাগমন করিতেছেন।

প্রাত্তর্ভাব ॥

“তাসামাভিরভুং শৌরিঃ স্নগমানমুখাধ্বজঃ।

পীতাম্বরধরঃ শ্রবী সাক্ষান্নম্রধনম্রথঃ ॥ শ্রীমদ্ভাগবত, দশম ॥

শ্রীশুকদেব কহিলেন, রাজন! (গোপীগণের আর্তিতে অভিভূত হইয়া) পীতাম্বরধারী মাল্যালঙ্কৃত সখিতবদন সাক্ষাৎ স্নগম্রথেরও মন মগনকারী শৌরী তথায় আবির্ভূত হইলেন।

সমৃদ্ধিমান সন্তোগ ॥ পরাধীনতা-প্রযুক্ত নারক-নারিকার বিরোগ ষটিয়াছে, পরম্পরের দর্শনও দুর্লভ হইয়াছে, এই অবস্থার অবসান ষটিলে, উভয়ের মিলনে যে উপভোগাতিরেক, তাহাকেই সমৃদ্ধিমান সন্তোগ বলে। সমৃদ্ধিমান সন্তোগের চরম অবস্থা বিপরীত রতি। এই চারি প্রকার সন্তোগ আবার প্রচ্ছন্ন ও প্রকাশ ভেদে দুইপ্রকার হয়।

গৌণ-সন্তোগ ॥ স্বপ্নসন্তোগ, সামান্য ও বিশেষ ভেদে দুইরূপ। বিশ্ব, তৈজস, প্রাক্ত ও সমাধিরূপ চতুর্থ অবস্থার পরপারে অবস্থিত প্রেমময়ী গোপীগণের স্বপ্ন সম্ভব হয় না। তথাপি হরিভাবের বিলাস, অতি মনোহর আশ্চর্য্য স্বপ্নের উদয়ে অতিশায়িত শ্রীকৃষ্ণসঙ্গের হেতু হইয়া থাকে। বিশেষ গৌণসন্তোগ,—জাগ্রতস্বপ্ন,—জাগরান্ন-মানস্বপ্ন, স্বপ্নায়মান জাগরণ, ইহা অত্যন্ত অদ্ভুত। এই ভাবোৎকর্ষাময় স্বপ্নেরও সংক্ষিপ্ত, সংকীর্ণ, সম্পন্ন, সমৃদ্ধিমান চারি প্রকার ভেদ আছে। এই সংক্ষিপ্তাদিরও কতকগুলি বিশেষ অবস্থা আছে। বাহ্যার দ্বারা সন্তোগরতির স্পষ্ট অনুভূতি হয়।

দর্শন—পরম্পরের সাক্ষাৎ। জল্প—বাদানুবাদ। স্পর্শন—পথে
 যাইতে যাইতে অঙ্গ বা বসন স্পর্শ। বস্ত্ররোধন—নায়ক কর্তৃক
 নারিকার পথরোধ।

রাস ॥ কৃষ্ণ জিনি নবধন তড়িৎ যেন গোপীগণ তড়িতের মাঝে জলধর।

তড়িৎ মেঘের মাঝে সমলখ্য হয়। সাজে রাসলীলা অতি মনোহর ॥

—উজ্জলচন্দ্রিকা।

বৃন্দাবন ক্রীড়া ॥

স্থলপদ্ম বিকশিত তাথে ভ্রমরের গীত স্তুতি করে তোমার চরণে।

কুন্দকুল রাশি রাশি তোমার চরণে আসি দণ্ডবৎ করয়ে দশনে ॥

তোমার অধর দেখি বিশ্বকল হল দ্বুখী চেয়ে দেখ রম্য বৃন্দাবনে।

রাখিকারে সঙ্গে লয়। হরি বেড়ায় দেখাইয়া বিহরণে বড় সুখী মনে ॥—উ, চ।

যমুনা জলকেলি—শ্রীরাধা এবং সখীগণকে লইয়া। শ্রীকৃষ্ণের যমুনা-
 স্নানাদি ছলে বিহার।

নৌকাবিহার—

এই ত যমুনা বহে উৎকট তরঙ্গ তাহে ভাল নৌকা তাহা মোরা জানি।

চড়িবার ভয় করি আমরা যুবতী নারী খেরারী চঞ্চল শিরোমণি ॥—উ, চ।

লীলাচৌর্য।—লীলা চুরি কহি যেই বংশীর হরণ।

বস্ত্র পুষ্প আদি চুরি করয়ে কখন ॥ —উ, চ।

ঘটলীলা ॥ দানঘাটে ঘাটোয়াল রূপে এবং খেয়া ঘাটে নাবিকরূপে
 গোপীগণের ও শ্রীরাধার নিকট স্তম্ভ গ্রহণ ছলে দ্বন্দ্ব ও মিলন।

কুঞ্জাদি লীনতা। কুঞ্জে শ্রীরাধা অথবা শ্রীকৃষ্ণ লুকাইয়া আছেন,
 একজন আর একজনকে অন্বেষণ করিতেছেন। অথবা শ্রীকৃষ্ণ লুকাইয়া
 আছেন, শ্রীরাধা ছল করিয়া কোন সখাকে তথায় পাঠাইয়া দিতেছেন।
 ইত্যাদি।

মধুপান—কৃষ্ণের বদন-চন্দ্র মধুপাত্রে প্রতিবিম্ব দেখে রাধা স্তম্ভিরনয়নে ।

বাচয়ে নাগর রায় তবু মধু নাহি খায় চেয়ে রৈল প্রতিবিম্ব পানে ॥

—উ, চ, ।

বহুবেশ-ধারণ—মান ভান্ধাইবার জন্ত নাপিতানী, বিদেশিনী
প্রভৃতি বেশ ধারণ ।

কপটনিদ্রা—শ্রীরাধা অথবা শ্রীকৃষ্ণ নিদ্রার ভাণ করিয়া শুইয়া
আছেন, এই অবস্থায় পরস্পরের মিলন-কৌতুক ।

পাশক-ক্ৰীড়া—শ্রীরাধাকৃষ্ণ পাশা খেলিতেছেন, শ্রীরাধা জিতিলে
শ্রীকৃষ্ণের বংশী গ্রহণ করিবেন, আর শ্রীকৃষ্ণ জিতিলে শ্রীরাধাকে চুষন
বা তাঁহার কঙ্কণী গ্রহণ করিবেন । পরস্পর এইরূপ পণ রক্ষা করিয়াছেন ।

বস্ত্রাকর্ষণ—শ্রীকৃষ্ণ কর্তৃক নিকুঞ্জ লীলার শ্রীরাধার বস্ত্র আকর্ষণ
অথবা গ্রহণ ।

আলিঙ্গন—নায়ক কর্তৃক নায়িকা অথবা নায়ক-নায়িকা পরস্পরের
বাহুবন্ধনে আবদ্ধ হইয়াছেন ।

নথরেখা—শ্রীরাধার প্রতি শ্রামলা—

গতিতে কুঞ্জর জিনি তার কুম্ভ হরি আনি রাখিয়াছ আপন হৃদয়ে ।

শ্রীনাগদমন কৃত নখাঙ্ঘ্রুশিহ্ন বত প্রকাশিত হইয়া আছে ॥ —উ, চ, ।

অধরসুখ-পান । —পরস্পরকে চুষন ।

সম্প্রয়োগ—

রাখিকার স্বক্ক বেড়ি হস্ত প্রসারিলা হরি অধরের সুখ করে পান ।

রাধার হয় ভাবোদগম দৌহে অতি মনোরম ক্রীড়াগণের করয়ে নির্মাণ ॥

নির্জনে দ্বীপসম্ভোগ দুই প্রকার—সম্প্রয়োগ ও লীলাবিনাস ।
রসিক এবং ভাবুকগণ শ্রীরাধাকৃষ্ণের লীলাবিনাস আশ্বাদনেই কৃতার্থতা
লাভ করেন ।

পদাবলীর নায়ক

বর্হাগীড়ং নটবরবপুঃ কর্ণয়োঃ কর্ণিকারং

বিভ্রদ্বাসঃ কনককপিংগুং বৈজয়ন্তীঞ্চ মালাম্ ।

রজ্ঞান্ বেণোরথরসুবরা পূরয়ন্ গোপবৃন্দৈ-

বৃন্দারণ্যং স্বপদরমণং প্রাবিশদ্ গীতকীর্তিঃ ॥

গোপীগণ মনে বনে এক করিয়া জানিতেন । তাই সর্বদাই তাঁহাদের হৃদয়-বৃন্দাবনে শ্রীকৃষ্ণকে প্রত্যক্ষ করিতেন । দেখিতেন—মন্তকে ময়ূরপুচ্ছশোভিত চূড়া, কর্ণদ্বয়ে কর্ণিকার, পরিধানে স্বর্ণবর্ণ পীতবসন, এবং গলদেশে বৈজয়ন্তী মালা ধারণপূর্বক ব্রজবালকগণ কর্তৃক গীত-কীর্তি নটবর-বিগ্রহ শ্রীকৃষ্ণ অধরসুধার মুরলীরঙ্গ ধ্বনিত করিয়া স্বীয় পদচিহ্ন-পরিশোভিত বৃন্দারণ্যে প্রবেশ করিতেছেন ।

পদাবলীর নায়ক ষড়ৈশ্বর্যসম্পন্ন স্বয়ং ভগবান্ শ্রীকৃষ্ণ । অসমোঙ্ক তাঁহার রূপ গুণ ; অর্থাৎ পৃথিবীতে তাঁহার সমান বা অধিক রূপবান্ বা গুণবান্ কেহ নাই ।

শ্রীকৃষ্ণ সুরম্য, মধুর, সমস্ত সং-লক্ষণাক্রান্ত, বলিষ্ঠ, নবযৌবনান্বিত বক্তা, প্রিয়ভাষী, বুদ্ধিমান, সুপণ্ডিত, প্রতিভাশিত, ধীর, বিদগ্ধ, চতুর, সুখী, কৃতজ্ঞ, দক্ষিণ, প্রেমবন্ত, গম্ভীর, বলীয়ান্, কীর্ত্তিমান্, রমণীজনমনোহারী, নিত্যানুতন, অতুল্যকেনি-সৌন্দর্য্যমণ্ডিত, এবং বংশী-বাদনে সর্বশ্রেষ্ঠ । এতস্তিম তাঁহার অসংখ্য গুণাবলী বর্ণনাতীত ।

শ্রীকৃষ্ণের গুণ, নাম, চরিত্র, ভূষণ, গান, সঙ্গীত ও তটস্থ বিষয় হইতেই নায়িকাগণের প্রেম উদ্ভীষ্ট হয় । তেমনই নায়িকারও নামগুণাদিতে নায়কের প্রেমের আবির্ভাব ঘটে ।

গুণ—মানসিক, বাচিক ও কারিক ভেদে তিন প্রকার। করুণা, ক্রমা, কৃতজ্ঞতা দি মানসিক গুণ। বচন-শ্রবণে যদি আনন্দ উদ্ভিত হয়, তাহা বাচিক গুণ। কারিক গুণ সাতপ্রকার। বয়স, রূপ, লাবণ্য, সৌন্দর্য্য, অভিরূপতা, মাধুর্য্য ও মৃদুতা। এই সমস্ত গুণ নায়িকারও আছে।

বয়স—বয়ঃসন্ধি, নব্য বয়স, ব্যক্ত বয়স ও পূর্ণ বয়স। পোগণ্ড ও কৈশোরের সন্ধির নাম বয়ঃসন্ধি। প্রথম কৈশোর নব্য বয়স, মধ্য কৈশোর ব্যক্ত বয়স এবং শেষ কৈশোর পূর্ণ বয়স। শ্রীকৃষ্ণ চিরকিশোর।

রূপ—কোন ভূষণাদি না থাকিলেও যে গুণে অঙ্গসকল অলঙ্কৃত মনে হয়, তাহাই রূপ।

লাবণ্য—মুক্তা-কলাপের অভ্যন্তর হইতে যেমন জ্যোতিঃ বিচ্ছুরিত হয়, তেমনি দেহের যে অন্তর্নিহিত ঔজ্জ্বল্যে অঙ্গ-প্রত্যঙ্গ আভাময় হইয়া উঠে, তাহারই নাম লাবণ্য।

সৌন্দর্য্য—অঙ্গ-প্রত্যঙ্গের বথাবথ সন্নিবেশ এবং সন্ধিসকলের সুস্থ পেশলত্ব সৌন্দর্য্য।

অভিরূপতা—যে বস্তু নিজগুণের উৎকর্ষে সমীপস্থ অল্পবস্তুকে সারূপ্য দান করে, তাহারই নাম অভিরূপতা।

মাধুর্য্য—দেহের অনির্বচনীয় রূপ-মাধুর্য্য।

মাদ্ধব—কোমল বস্তুর সংস্পর্শ অসহিষ্ণুতার নাম মৃদুতা। ইহা উত্তম, মধ্যম ও অধম ভেদে ত্রিবিধ।

নাম—শ্রীকৃষ্ণের অসংখ্য নাম। তন্মধ্যে কয়েকটা নাম গোপীগণের অত্যন্ত প্রিয়।

চরিত্র—চরিত্র দুইপ্রকার লীলা ও অনুভাব। মহারাস, কন্দুক-ক্ৰীড়া দি শ্রীকৃষ্ণের চারু ক্ৰীড়া, নৃত্য, বংশীবাদন; গোঁদোহন, পর্বতস্ফারণ, দূর হইতে নিজ শব্দে ধেনুবৎসগণকে আহ্বান, শূদ্র গমন ইত্যাদি লীলা।

অনুভাব—অলঙ্কার, উদ্ভাস্বর ও বাচিক ভেদে ত্রিবিধ। রসের ভাবই শক্তি। বিভাব, অনুভাব ও সঞ্চারী ভাবের সংযোগে স্থায়ী ভাব দ্বারা রস নিপত্তি হয়। স্থায়ী ভাবের রসরূপত্ব লাভের শক্তি আছে। শ্রীকৃষ্ণ ও শ্রীরাধার চরিত্রের দুইটি দিক্, একটি অনুভাব, অপরটি লীলা। বিভাবের অপর অর্থ কারণ, অনুভাব কার্য। অনুভাব—অনুভবের কার্য, আন্বাদনের বহিঃপ্রকাশ। লীলারও অপর অর্থ তত্ত্ব বা ভাব। তত্ত্বের সাকার বহিঃপ্রকাশই লীলা। এই সমস্ত ইঙ্গিত হইতে শ্রীকৃষ্ণ ও শ্রীরাধার রসভাবময় বিগ্রহের কথঞ্চিৎ আভাস পাওয়া যায়।

(নায়িকা-প্রকরণে বর্ণিত হইয়াছে)

ভূষণ—বস্ত্র, অলঙ্কার, মালা ও বিলেপনাদি।

সম্বন্ধা—লগ্ন ও সন্নিহিত, এই দুইপ্রকার।

লগ্ন—আট প্রকার। বংশীরব, শৃঙ্গরব, গান, সোরভ, ভূষণধ্বনি, পদচিহ্ন, বীণাধ্বনি ও শিল্প-কোশলাদি।

সন্নিহিত—নিখালাদি, ময়ূরগুচ্ছ, গিরি-সৌন্দর্য, ধেনুবৎস, বেণু-বেত্র, শৃঙ্গ, গোক্ষুরধূলি, চারুদর্শন, গোবর্দ্ধন, রাসস্থলী, যমুনা, বৃন্দাবন ও বৃন্দাবনস্থ তরুলতা পক্ষী মৃগাদি।

তটস্থ—জ্যোৎস্না, মেঘ, বিদ্যুৎ, চন্দ্র, মলয় পবন, বসন্ত, শরৎ প্রভৃতি।

নায়ক চতুর্বিধ—ধীর ললিত, ধীর শান্ত, ধীরোদ্ধত, এবং ধীরোদাত্ত। শ্রীকৃষ্ণ প্রধানতঃ ধীরললিত হইলেও তিনি সর্বনায়কশিরোমণি। তাহাতে চতুর্বিধ নায়কের সমস্ত গুণই বর্তমান আছে। শ্রীকৃষ্ণই প্রকৃত নায়ক। “নী” ধাতু প্রাপণে। আপনাকে প্রাপ্তি করাইবার জন্তই তাঁহার নায়কত্ব। আপনাকে বিলাইবার জন্তই তিনি সদা ব্যগ্র।

ধীর ললিত—বিদগ্ধ, নব যুব, পরিহাস-বিশারদ ও বঞ্চনাহীন।

ইনি প্রায় প্রেমসীবশীভূত। কন্দর্প ইহার সাধারণ উদাহরণ। অপ্রাকৃত নবীন মদন—সাক্ষাৎসম্মতমম্মত শ্রীকৃষ্ণই সর্বশ্রেষ্ঠ ধীর ললিত নায়ক।

ধীর শাস্ত—শাস্ত, ক্রেশসহিষ্ণু, বিবেচক এবং বিনয়ী। যেমন যুধিষ্ঠির।—

ধীরোদ্ধত—অন্ত শুভদেবী, মায়াবী, অহঙ্কৃত, কোপন, চঞ্চল, এবং আত্মপ্লাবাপরায়ণ। উদাহরণ ভীমসেন।

ধীরোদাস্ত—গম্ভীর, বিনয়ী, ক্রমাশীল, দয়ালু, সুদৃঢ়ব্রত, শ্লাবারহিত, গুঢ়গর্ব এবং বলশালী। শ্রীকৃষ্ণ ধীরোদাস্ত নায়কেরও উদাহরণ।

এই চারিপ্রকার নায়ক আবার পতি এবং উপপতি-ভেদে দ্বিবিধ। ব্রজের বহু গোপকুমারী কার্তিক মাসে হবিষ্য গ্রহণপূর্বক কাত্যায়নী ব্রত করিয়াছিলেন। ইহারা প্রার্থনা করিয়াছিলেন—

কাত্যায়নি মহামারে মহাবোগিষ্ঠবীশ্বরী।

নন্দগোপসুতং দেবি পতিং মে কুরু তে নমঃ॥

নন্দনন্দন শ্রীকৃষ্ণ তাঁহাদের প্রার্থনা পূর্ণ করিয়াছিলেন। যিনি শাস্ত্রানুসারে কুমারীর পাণিগ্রহণ করিয়াছেন তিনিই পতি। মাধব-মহোৎসব গ্রন্থে বর্ণিত আছে—কৃষ্ণিণীর পাণিগ্রহণের পূর্বে শ্রীকৃষ্ণের সহিত ব্রজকুমারীগণের বিবাহ হইয়াছিল।

আসক্তিবশতঃ ধর্ম উল্লঙ্ঘনপূর্বক অর্থাৎ বিবাহ না করিয়াই যিনি কোন কুমারী বা অপরের বিবাহিতা রমণীতে অনুরাগী হন এবং এই রমণীর প্রেমই বাহার সর্বস্বরূপে পরিগণিত হয়, পণ্ডিতগণ তাঁহাকেই উপপতি বলিয়া নির্দেশ করেন। আচার্য্য ভরত বলিয়াছেন—যে রতি নিমিত্ত লোকত ধর্মত বহু নিবারণ, বাহাতে স্ত্রী পুরুষের প্রচ্ছন্ন কামুকতা, যে রতি পরম্পরের দুর্লভতাময়ী, তাহাকেই মন্থ-সম্বন্ধীয় পরমারতি বলা যায়।

উপপত্য সমাজ সংসারের সর্বনাশের হেতু, সুতরাং সর্বত্রই নিন্দনীয়। এইজন্য প্রাকৃত নায়ক-নারিকার পক্ষে ইহা সর্বথা বর্জনীয়। কিন্তু

অধোক্ষজ, আগুতাম, হৃদীকেশ শ্রীকৃষ্ণ সর্ব বিধি-নিষেধের অতীত ॥ সর্বদ্বন্দ্ব পরিত্যাগপূর্বক তাঁহার অত্মই তাঁহাকে সর্বদ্বন্দ্ব সমর্পণ, সংসারে সর্বশ্রেষ্ঠ ধর্ম। জগতের সমস্ত জলধারা যেমন ঋজু কুটিল নানা পথ পর্যটন করিয়া সাগরে গিয়া মিলিত হয়, তেমনই একমাত্র শ্রীভগবানের মাধুর্য্য এবং করুণা-পারাবারেই মানবের সর্বভাব-প্রবাহের পর্য্যবসান ঘটে। কৃষ্ণেন্দ্রিয় প্রীতি-বস্ত্রে বথাসর্বদ্ব আছতি দিয়া গোপীগণ ইহ-পরজগতে ত্যাগের যে আদর্শ প্রতিষ্ঠা করিয়াছেন, আজিও তাহাই সর্বলোকের বরণীয়, গ্রহণীয়, ও স্মরণীয় হইয়া আছে। এইজন্তই পরমহংস পদবীরূঢ় আশ্চর্য্যাম সুনিগণ,—এমন কি উদ্ধবাদি কৃষ্ণভক্তগণও গোপীপ্রেমের কামনা করিয়া থাকেন।

পতি ও উপপতির বৃত্তিভেদে নায়কের অনুকূল, দক্ষিণ, শঠ ও ঋষ্ট এই চারি প্রকার ভেদ হয়। যে নায়ক অত্ম ললনাস্পৃহা পরিত্যাগ-পূর্বক এক রমণীতেই অতিশয় আসক্ত থাকেন, তাহাকেই অনুকূল বলে। শ্রীকৃষ্ণের শ্রীরাধাতেই অনুকূলতা সুপ্রসিদ্ধ। যে ব্যক্তি অগ্রে এক রমণীতে আসক্ত হইয়া পরে কদাচিৎ অত্ম রমণীতে অনুরাগী হয়, অথচ পূর্বপ্রণয়িনীর গোরব, ভয়, ও দাক্ষিণ্যাদি পরিত্যাগ করে না, তাহাকে দক্ষিণ বলা যায়। অনেক নায়িকাতে বাহার তুল্যভাব, তিনিও দক্ষিণ নামে অভিহিত হন। সম্মুখে প্রিয়ভাষী, পশ্চাতে অপ্রিয় আচরণকারী এবং গুরুতর অপরাধে অপরাধী নায়ককে পণ্ডিতগণ শঠ বলিয়া নির্দেশ করেন। অত্ম নায়িকার ভোগচিহ্ন সকল অভিব্যক্ত হইলেও যে ব্যক্তি নির্ভয় এবং মিত্যা বচন-দক্ষ, তিনিই ঋষ্ট।

ধীর ললিতাদিভেদে নায়ক চতুর্বিধ। ইহার প্রত্যেকে পূর্ণ, পূর্ণতর ও পূর্ণতম ভেদে দ্বাদশ প্রকার। ঐ দ্বাদশ নায়কের পতি ও

উপপত্তিভেদে চব্বিশ সংখ্যা হয়। পুনশ্চ অনুকূল, দক্ষিণ, শঠ ও ধৃষ্ট ভেদে উক্ত চব্বিশ প্রকার নায়কের সংখ্যা হয় ছিয়ানব্বই। ত্রীপাদ রূপ গোস্বামী মহামুনি ভরতের অনুসরণে নায়ক-প্রকরণে ধূর্তাদি ভেদ-উপেক্ষা করিয়াছেন।

নায়ক-সহায়—চেট, বিট, বিদূষক, পীঠমর্দ ও প্রিয়নর্গসখ—এই পঞ্চ শ্রেণী নায়কের সহায় বলিয়া পরিচিত। ইহারা পরিহাস কথনে নিপুণ, সর্বদা গাঢ় অনুরাগী দেশকালে অভিজ্ঞ, গোপীগণ রুষ্ট হইলে তাঁহাদের প্রসন্নতা-সাধনে পটু, এবং নিগূঢ় মন্ত্যাদাতা।

চেট—সন্ধান-বিষয়ে চতুর, গূঢ়কর্মী, প্রগল্ভ-বুদ্ধি। গোকুলে ভাস্কর, ভৃঙ্গার প্রভৃতি।

বিট—বেশরচনাপটু, শুশ্রূষানিপুণ, ধূর্ত। স্ত্রীবশীকরণে মস্তৌষধি-বিশেষজ্ঞ। পরিবারবর্গ ইহাদের আদেশ লঙ্ঘন করিতে পারে না। কড়ার ভারতীবন্ধ প্রভৃতি শ্রীকৃষ্ণের বিট ছিলেন।

বিদূষক—ভোজন-লোলুপ, কলহপ্রিয়, দেহ, বেশ ও বাক্যের বিকৃতিতে হাস্যোদ্রেককারী। কৃষ্ণের বিদূষকগণের মধ্যে মধুমঙ্গল প্রসিদ্ধ। বসস্তাদি গোপগণও বিদূষক।

পীঠমর্দ—নায়কতুল্য গুণবান্ এবং নায়কের অনুবৃত্তিকারী। সখাগণের মধ্যে শ্রীদাম পীঠমর্দরূপে পরিচিত।

প্রিয়নর্গসখা—অতিশয় রহস্যজ্ঞ, সখীভাবাশ্রিত এবং প্রণয়িগণের অত্যন্ত প্রিয়। গোকুলে সুবল, দ্বারকায় উদ্ধব, ইন্দ্রপ্রস্থে অর্জুন প্রভৃতি।

চেটকের কিল্লরত্ন ও পীঠমর্দের বীররসে সাহায্যকারীত্ব প্রসিদ্ধ।

দূতী

দূতী দুই প্রকার, স্বয়ংদূতি ও আশুদূতী। শ্রীকৃষ্ণের স্বয়ংদূতী কটাক্ষ ও বংশীধ্বনি। বীরা, বৃন্দা প্রভৃতি শ্রীকৃষ্ণের আশুদূতী।

বীরার প্রত্যুৎপন্নমতিত্ব অর্থাৎ নিত্য নূতন প্রস্তাব রচনার শক্তি, এবং বন্দার মনোজ্ঞ চাটু বচন রচনে পটুতার প্রসিদ্ধি সর্বজনবিদিত। এতদ্বিন্ন শিরকারিণী, দৈবজ্ঞা, লিঙ্গিনী (তাপসী) প্রভৃতি শ্রীকৃষ্ণের সাধারণী দূতী আছেন।

(নায়িকা-প্রকরণে দূতী বিষয়ক আলোচনা দ্রষ্টব্য)

১২

পদাবলীর নায়িকা

কৃষ্ণবল্লভা

প্রণমামি তাঃ পরমমাধুরীভূতাঃ

কৃতপুণ্যপুঞ্জরমণীশিরোমণীঃ।

উপসন্নবোবনগুরোরধীত্য নাঃ

অরকেলি-কৌশলমুদাহরন হরৌ ॥

বঁাহারা বোবনগুরুসমীপে অরকেলি-কৌশল অধ্যয়নপূর্বক শ্রীকৃষ্ণের প্রতি উদাহরণ করেন, সেই ভূরি-পুণ্যকারিণী রমণীকুলের শিরোমণি পরম মাধুর্য্যসম্পন্না কৃষ্ণবল্লভাগণের চরণে প্রণাম করি। রূপে গুণে বঁাহারা কৃষ্ণতুল্যা, বঁাহারা অপরিসীম প্রেম ও মাধুর্য্য-সম্পদে সর্বদেশে সর্বকালে দেব মানবের অগ্রবর্তিনী, তাহাঁরাই কৃষ্ণবল্লভা। ইহাদের দুই শ্রেণী—স্বকীয়া এবং পরকীয়া।

স্বকীয়া—পাণিগ্রহণ-বিধি অনুসারে গৃহীতা, পতির আজ্ঞানুবর্তিনী,

পাতিব্রত ধর্ম্মে সুস্থিতা রমণীগণ স্বকীয়া । দারকাপুরীমধ্যে শ্রীকৃষ্ণের স্বকীয়া মহিষী বোল হাজার একশত আট । - সখীগণে মহিষী তুল্যা গুণ-শালিনী, দাসীগণ তদপেক্ষা কিঞ্চিন্নুনা । মহিষীগণ মধ্যে রুস্বিনী, সত্যভামা, জাহ্নবতী, কালিন্দী, শৈব্যা, ভদ্রা, কোশল্যা এবং মাদ্রী এই আটজন প্রধানা । ইহাদের মধ্যে রুস্বিনী ও সত্যভামা সৌভাগ্যে বরণীয়া । ব্রজধামে কাত্যারনীর-ব্রতপরা গোপকুমারীগণ শ্রীকৃষ্ণকে গান্ধর্ব্ব-বিধানে পতিত্বে বরণ করিয়াছিলেন, এইজন্য তাহারাও স্বকীয়া । কিন্তু প্রকাশ্যে বিবাহ হয় নাই বলিয়া তাহারা পরকীয়ার দ্বার আচরণ করিতেন ।

পরকীয়া—যে রমণীগণ ইহ-পরলোক-সম্বন্ধীয় ধর্ম্মের অপেক্ষা না রাখিয়া অত্যাশক্তি বশতঃ পরপুরুষে আত্মসমর্পণ করে, বাহারা বিবাহ-বিধি অনুসারে স্বীকৃতা নহে, তাহারাই পরকীয়া । আনন্দারিকগণ পরকীয়া নায়িকার নিন্দা করিয়াছেন । প্রাকৃত নায়িকাগণই এই নিন্দার উপলক্ষ্য । অপ্রাকৃত প্রেমময়ী গোপীগণ তাঁহাদের লক্ষণীয়া নহেন । কবিরাজ গোস্বামী কৃষ্ণদাস বলিয়াছেন—

‘পরকীয়াভাবে অতি রসের উন্নাস ।

ব্রজ বিনা ইহার অত্ন নাহি বাস ॥”

আমাদের আচার্য্যগণ অনেকেই শ্রীকৃষ্ণের অপ্রকট লীলার স্বকীয়া এবং প্রকট লীলার—পরকীয়া ভাব স্বীকার করেন । আবার কেহ কেহ প্রকট অপ্রকট—উভয় লীলাতেই পরকীয়াভাব স্বীকার করিয়া থাকেন । আমরা অপ্রকটে—স্বকীয়া এবং প্রকট লীলার পরকীয়া—এই মতের অনুসরণ করিয়াছি । আমাদের পক্ষে পরকীয়া ভাবের অপরাধ একটা বিশেষ সার্থকতা আছে । পরব্যবসিনী রমণী যেমন গৃহকর্মে ব্যগ্রা থাকিয়াও অন্তরে সর্বদা উপপতির কথাই চিন্তা করে, তেমনই আমরা যদি এই বিশ্বে বাস করিয়া, সাংসারিক কর্মে লিপ্ত থাকিয়াও সর্বদা

বিশ্বনাথকে স্মরণ করিতে পারি, তাহা হইলেই তো আমাদের কুল পবিত্র এবং জননী কৃতার্থা হন।

কথা এবং পরোঢ়া-ভেদে পরকীর্য্য দুই প্রকার। ব্রজেশ্বরের ব্রজবাসিনী যে সকল গোপী, প্রায়ই তাঁহারা পরকীর্য্য, এবং তাঁহারা ই গোকুলেন্দ্রের সৌখ্যদাত্রী।

কন্তুকা—বাঁহাদের পাণিগ্রহণ হয় নাই, সেই নজ্জাশীলা, গিড়-গৃহস্থিতা, সখীগণের সঙ্গে নশ্বক্ৰীড়ার সমুৎসুক। গোপীগণই কন্তা। ইঁহারা প্রায়ই “মুগ্ধা” গুণাবিত্তা। ইঁহাদের মধ্যে ধন্য প্রভৃতি কতিপয় ব্রজকুমারী শ্রীকৃষ্ণকে পতিলাভ-কামনার কাত্যায়নীর অর্চনা করিয়া-ছিলেন। শ্রীকৃষ্ণ কর্তৃক তাঁহাদের কামনাও পূর্ণ হইয়াছিল। এই কারণে ইঁহারাও কৃষ্ণবল্লভ।

পরোঢ়া—গোপগণের সঙ্গে বিবাহিতা হইয়াও বাঁহারা শ্রীহরির প্রীতি সম্ভোগ-লালসা পোষণ করিতেন, তাঁহারা ই পরোঢ়া। এই হরিবল্লভাগণের গর্ভে সন্তান উৎপন্ন হয় নাই। ইঁহারা শোভা, সদৃশ ও বৈভবে, প্রেমমাধুর্য্যে ও সৌন্দর্য্যাতিশয্যে লক্ষ্মী দেবী অপেক্ষাও সৌভাগ্যশালিনী। পরোঢ়ার তিন শ্রেণী—সাধনপর্য্য, দেবী ও নিত্য-প্রিয়া। সাধনপর্য্য দুই প্রকার—বৌথিকী ও অবৌথিকী। বৌথিকীগণ মুনি ও উপনিষদ্ অর্থ্যাৎ ঋষিচরী ও শ্রুতিচরী—এই দুই শ্রেণীতে বিভক্ত। আপন গণসহ সাধনপর্য্যায়ণা বাঁহারা, তাঁহারা ই বৌথিকী। দণ্ডকারণ্য-বাসী মুনিগণের শ্রীরামের সৌন্দর্য্য দর্শনে—কৃষ্ণ-বিষ্মিলী এবং শ্রীহীতা দেবীর সৌন্দর্য্য দর্শনে গোপী-বিষ্মিলী রতি উদ্ভূত হয়। বহু সাধনার ইঁহারা ব্রজে গোপীদেহ প্রাপ্ত হন।

যে সমস্ত উপনিষদ্ সর্ব্বতোভাবে সূক্ষ্মদর্শিনী, তাঁহারা গোপীগণের অসমোর্দ্ধ সৌভাগ্য সন্দর্শনে বিস্মিতা হইয়া গোপীতুল্য ভাগ্য লাভার্থ

পদাবলীর নায়িকা

১৩৯

শ্রদ্ধাপূর্বক তপস্শ্রাবত হন, এবং নন্দব্রজে প্রেমবতী বল্লবীরূপে জন্মগ্রহণ করেন। ইহারাই ব্রহ্মকে রসরূপে, মধুরূপে, আনন্দরূপে ভূমারূপে আশ্বাদন করিয়াছেন।

জন্মজন্মান্তরের ভাগ্যফলে গোপীভাবে লালসা জন্মিলে ভগবৎরূপার কোন ভগবদ্ভক্তের সঙ্গলাভ ঘটে। তখন তাঁহাদের রাগানুগামার্গে ভঞ্জে উৎকর্ষা জন্মে। পরিণামে তাঁহারা নিত্যসিদ্ধ কৃষ্ণপ্রেমের অধিকারিণী হইয়া এক, দুই অথবা তিন তিন করিয়া ব্রজে গোপীদেহ লাভ করেন। ইহারাই অযোথিকী। প্রাচীন কালেও ইহারা ছিলেন বর্তমানেও এরূপ সাধকের অসম্ভাব ঘটে নাই। তাই প্রাচীনা ও নবীনা ভেদে অযোথিকীর দুই শ্রেণী। প্রাচীনা অযোথিকীগণ সুদীর্ঘ কালে নিত্য প্রিয়াগণের সালোক্য প্রাপ্ত হন। আর নবীনাগণ মানব ও দেবাদি দেহ পরিভ্রমণান্তর ব্রজে আসিয়া জন্মগ্রহণ করেন। ত্রীকৃষ্ণ দেবকার্য্য-সাধনার্থ অংশরূপে অবতীর্ণ হইলে, তাঁহার সন্তোষার্থ নিত্য-প্রিয়াগণও অংশে অবতীর্ণ হন। কৃষ্ণাবতারে নিত্যপ্রিয়াগণের অংশস্বরূপা ইহারারা বৃন্দাবনে গোপকন্তারূপে জন্মগ্রহণ করিয়াছেন, তাঁহারাই নিত্য প্রিয়াগণের ঐশ্বর্য্যতুল্যা সখী। ইহারাই দেবী।

নারিকা স্বকীয়া, পরকীয়া ও কত্ভা। কত্ভার মুখা ভিন্ন অত্র কোন ভেদ নাই। স্বকীয়ার মুখা, মধ্যা ও প্রগল্ভা এই তিন ভেদ। ইহাদের মধ্যে আবার ধীরা, অধীরা, ধীরাধীরা—মধ্যা ও প্রগল্ভার এইরূপ ভেদ হইয়া থাকে। অর্থাৎ ধীরা মধ্যা, অধীরা মধ্যা, ও ধীরাধীরা মধ্যা ইত্যাদি। জ্যেষ্ঠা ও কনিষ্ঠা ভেদে ইহার সংখ্যা হয় দ্বাদশ। এই দ্বাদশ ও মুখাকে লইয়া ত্রয়োদশ হইল। অলঙ্কার-কৌস্তুভে স্বকীয়ারও অভিসারিকাদি অষ্টাবস্থা গণনা করা হইয়াছে। আমরা স্বকীয়া নায়িকার অভিসারাদি অবস্থা গ্রহণ করিতে পারিলাম না।

পরকীয়া নারিকারও মুখা, মধ্যা ও প্রগল্ভাদি এবং ধীরাদি ত্রয়োদশ ভেদ আছে। এই ত্রয়োদশ প্রকার নারিকা আবার অভিসারিকাদি অষ্টাবস্থায় একশত চারি সংখ্যক হয়। ইহাদের আবার অত্যন্তম, উত্তম এবং মধ্যম এই তিন শ্রেণী। তাহাতেও আবার সিদ্ধা, স্নিসিদ্ধা এবং নিত্যসিদ্ধা—এই তিন শ্রেণী আছে। অলঙ্কার-কৌস্তভের মতে মুনিরূপা ও সাধনসিদ্ধা গোপীগণ সিদ্ধা, শ্রুতিরূপা ও দেবীরূপা গোপীগণ স্নিসিদ্ধা এবং শ্রীরাধাদি নিত্যসিদ্ধা।

মুখা—নূতন বয়স, অল্পমাত্র কাম, রতিবিষয়ে বামা, সখীগণের অধীনা, রতি-চেষ্টায় অতিশয় লজ্জা, অথচ গোপনে প্রবৃত্তশীলা। প্রিয়তম অপরাধী হইলে তাহার প্রতি বাষ্পরুদ্ধনয়না, প্রিয় এবং অপ্রিয় কথনে অশক্তা, মানে পরাঙ্মুখী। মুখ্যার ধীরা অধীরাদি ভেদ নাই।

মধ্যা—যে নারিকার লজ্জা ও মদন ছই সমান, বোবনে নবীনা, বাহার বাক্যে ঈৎ প্রগল্ভতা এবং সুরত বিষয়ে মুর্ছা পর্য্যন্ত ক্ষমতা, যিনি কোথাও বা মানে মূঢ়, কোথাও বা করুশা, তিনিই মধ্যা।

প্রগল্ভা—বাহার পূর্ণ বোবন, যিনি মদ্যাক্ষা, বিপরীত সম্ভোগে উৎসুকশীলা, ভূরি ভাবোদগমে অভিজ্ঞা, রসাক্রান্তবল্লভা (রসজ্ঞতার বল্লভকে আকৃষ্টকারিণী) উক্তিতে এবং চেষ্টায় প্রোঢ়া (নিপুণা) এবং মানে অত্যন্ত করুশা, পণ্ডিতগণ তাঁহাকেই প্রগল্ভা বলেন।

ধীরা—যে নারিকা সাপরাধ প্রিয়তমকে উপহাস সহ বক্রোক্তি প্রয়োগ করে।

অধীরা—যে নারিকা রোষ প্রকাশ পুরঃসর নিষ্ঠুর বাক্য প্রয়োগ করে।

ধীরাধারা—যে অপরাধী প্রিয়ের প্রতি অশ্রুপূর্ণনয়নে বক্রোক্তি

প্রয়োগ করে। ধীরা মধ্যা, অধীরা মধ্যা এবং ধীরাধীরা মধ্যারও এই পরিচয়।

ধীরা প্রগল্ভা—ধীরা প্রগল্ভা দুই প্রকার। এক মানিনী অবস্থায় সন্তোগ-বিষয়ে উদাসীনী। দ্বিতীয়া—অবহিতা (ভাব-গোপনকারিণী এবং আদরাহিতা।

অধীরা প্রগল্ভা—যে ক্রোধ বশতঃ কাস্তকে নিষ্ঠুররূপে তাড়না করে।

ধীরাধীরা প্রগল্ভা—ধীরাধীরা মধ্যা নারিকার যে পরিচয়, ধীরা ধীরা প্রগল্ভারও সেই পরিচয় জানিবে।

জ্যেষ্ঠা ও কনিষ্ঠা-ভেদে মধ্যা ও প্রগল্ভার দুই প্রকার ভেদ হয়। নারকের প্রণয়ের আধিক্য ও ন্যূনতার জন্তই এইরূপ জ্যেষ্ঠা কনিষ্ঠা ভেদ হইয়া থাকে। এইজন্ত আচার্য্যগণ নারিকাগণের প্রৌঢ়প্রেম, মধ্য প্রেম ও মন্দ প্রেমের লক্ষণ নির্ণয় করিয়াছেন।

শ্রীপাদ রূপ গোস্বামী বলেন—কথা সর্বদাই মুখা, তাহার অবস্থান্তর হয় না। কিন্তু স্বীয়া ও পরোঢ়া-ভেদে মুখার দুই দুই ভেদ হয়। আর মুখা, মধ্যা ও প্রগল্ভার স্বীয়া ও পরকীয়া ভেদে অভেদ হয় ছয় প্রকার। মধ্যা ও প্রগল্ভার ধীরাদি ভেদেও ছয় প্রকার পার্থক্য ঘটে। এইরূপ নারিকার সংখ্যা পঞ্চদশ। অর্থাৎ মধ্যা ও প্রগল্ভার ধীরাদি ভেদে তিন তিন ছয়, স্বকীয়া পরকীয়া ভেদে ছয় দ্বিগুণে বার, আর কথা মুখা, স্বীয়া মুখা ও পরকীয়া মুখা এই তিন লইয়া সংখ্যা হইল পনের। ইহার জ্যেষ্ঠা কনিষ্ঠাদি ভেদ আছে। অভিসারিকাদি ভেদ আছে।

প্রেম—ধ্বংসের কারণ উপস্থিত হইলেও সর্বদা ধ্বংসরহিত যুবক-যুবতীর যে ভাববন্ধন, তাহাই প্রেম।

প্রোঢ় প্রেম—শ্রীকৃষ্ণ ও শ্রীরাধার প্রোঢ় প্রেম ভুবনবিখ্যাত ।

শ্রীরাধা ললিতাকে বলিতেছেন—

বারে বারে তুমি মান করিবারে আমারে কহিছ সখি ।

কান্নুর মুরতি পটেতে লিখিয়া মোরে আনি দেহ দেখি ॥

বাংসারে দেখিয়া মনে সুখী হৈয়া ঢাকিয়া রহিব কান ।

মুরলীর ধ্বনি তাথে নাহি শুনি তবে সে করিব মান ॥

মধ্য প্রেম—(কৃষ্ণ পক্ষে) অত্যা নায়িকার প্রেম অপেক্ষিত বাথে ।

মধ্য প্রেম বলি তারে বলে শাস্ত্রমতে ॥

অত্যা যুথেশ্বরী পক্ষে (কষ্টে বিরহ সহ করিবার বাহার সামর্থ্য আছে) —

এইত দীঘল দিন কখন হইবে ক্ষীণ সন্ধ্যাকাল হইবে কখন ।

তাহাতে কৃষ্ণের মুখ দেখিয়া পাইব সুখ বনে হতে আসিবে বধন ॥

মন্দ প্রেম—(কৃষ্ণপক্ষে) সদাই আত্যস্তিক হয় পরিচয় বাথে ।

উপেক্ষা অপেক্ষা নাই মন্দ প্রেমাতে ॥

অত্যা নায়িকা পক্ষে—(যে প্রেমে কদাচিৎ বিস্মরণ ঘটে) .

এলে প্রতিপক্ষ নারী তার প্রতি ঈর্ষা করি পাশরিলাম মালার গ্রন্থন ।

কি করিব সহচরী ঐ পারা এলো হরি হাঙ্গারব করে খেলুগণ ॥

এই নায়িকাগণের বয়ঃসন্ধি, ব্যক্ত বয়স, মধ্য বয়স ও পূর্ণ বয়সের বর্ণনা থাকিলেও ইহারা চিরকিশোরী ।

দাস্ত, সখ্য ও বাংসল্যভাবে—আগে সম্বন্ধ, পরে তদনুরূপ সেবাধিকার লাভ ঘটিয়াছে । কিন্তু মধুরা রতির অধিকারিণী নিত্যপ্রিয়াগণ অগ্রে কৃষ্ণেন্দ্রিয়-প্রীতি-বাঞ্ছার শ্রীকৃষ্ণ-সেবাধিকার অর্জনপূর্বক পরে কৃষ্ণ সঙ্গে তদনুরূপ নিত্যপ্রিয়া সম্বন্ধ স্থির করিয়াছেন ।

শ্রীমন্দাবনে শ্রীরাধা ও চন্দ্রাবলী নিত্যপ্রিয়াগণের মধ্যে শ্রেষ্ঠা । ইহারা সৌন্দর্য-মাধুর্য্যে কৃষ্ণতুল্যা । নিত্যপ্রিয়াগণের মধ্যে শ্রীরাধাই সর্ব-

শ্রেষ্ঠা। শাস্ত্রপ্রসিদ্ধা নিত্যপ্রেমসীগণমধ্যে শ্রীরাধা ও চন্দ্রাবলী ভিন্ন—
 বিশাখা, ললিতা, শ্রুমা, পদ্মা, শৈব্যা, ভদ্রা, তারা, চিত্রা, গোপালী,
 ধনিষ্ঠা ও পালিকা প্রভৃতি প্রধান। শ্রীরাধাই গান্ধর্বী, চন্দ্রাবলীর অপর
 নাম সোমভা, ললিতার অপর একটি নাম অম্বরাদা। বড়ু চণ্ডীদাসের
 শ্রীকৃষ্ণ-কীর্তনে রাধারই অপর নাম চন্দ্রাবলী। ব্রহ্মবৈবর্তপুরাণেও রাধা
 চন্দ্রাবলী নামে অভিহিতা হইয়াছেন। অপর দুই একটি লোকসাহিত্যে
 বিনি রাধা, তিনিই চন্দ্রাবলী। খঞ্জনাঙ্গী, মনোরমা, মঙ্গলা, বিমলা, লীলা,
 কৃষ্ণা, শারী, বিশারদা, তারাবলী, চকোরাঙ্গী, শঙ্করী ও কুম্ভুমা প্রভৃতিও
 লোকপ্রসিদ্ধা নিত্যপ্রিয়ারগণ মধ্যে পরিগণিতা। বিশাখা, ললিতা,
 পদ্মা ও শৈব্যা ভিন্ন কুম্ভুমা পর্যন্ত প্রত্যেকেই যুথেশ্বরী। কিন্তু
 সোভাগ্যাধিক্য প্রযুক্ত শ্রীরাধাদি অষ্ট যুথেশ্বরীই প্রধান। ললিতাদি
 সখীগণ যুথেশ্বরীর যোগ্যা হইলেও, বিশাখা ও ললিতা শ্রীরাধার এবং
 শৈব্যা ও পদ্মা চন্দ্রাবলীর সখীত্ব ও সেবাই অধিকতর কাম্য বলিয়া মনে
 করিয়াছেন। যুথেশ্বরীর দ্বাদশ-ভেদ; অধিকা—বাহার সোভাগ্য অধিক।
 সমা—বাহার সমান সোভাগ্য। লঘু, সোভাগ্যে বাহার লঘুতা আছে।
 ইহাদের প্রথরা, মধ্য ও মৃদী এই তিন ভেদ। এই ছয় প্রকার।

যুথেশ্বরীর আত্যন্তিকী ও আপেক্ষিকী এই দুই ভেদ। একত্রে
 দ্বাদশ হইল।

১৩

শ্রীরাধা

কৃষ্ণপ্রিয়াগণের মধ্যে বিনি সর্বপ্রধানা, রূপে গুণে বিনি ত্রিলোকমধ্যে
শ্রীকৃষ্ণের সর্বাপেক্ষা প্রিয়তমা, সেই মহাতাবস্বরূপিণী শ্রীকৃষ্ণ-মোহিনীর
নাম শ্রীরাধা। গে:পালতাপনীতে, ঋক্-পরিশিষ্টে, বিবিধ পুরাণে, তন্ত্রে
ইহারই মহিমা কীৰ্ত্তিত হইরাছে। এই বুঝানুজ্ঞা-সুষ্ঠুকাস্তবরূপা, বোড়শ
শৃঙ্গার-মণ্ডিতা, এবং দ্বাদশ আভরণ-ভূষিতা।

সুষ্ঠুকাস্তবরূপা—অর্থাৎ তিনি তাঁহারই উপযুক্ত রূপ-সৌন্দর্য্যে
উৎসবময়ী। মণিরত্নের অলঙ্কার তাঁহার অঙ্গ সঙ্গ-লাভে অলঙ্কৃত হয়।

বোড়শ শৃঙ্গার—রাখালগণসহ ধেনুপাল লইয়া শ্রীকৃষ্ণ গোষ্ঠে
বাইতেছেন। সুসজ্জিতা শ্রীরাধাকে দেখাইয়া সুবল বলিলেন—

তুঙ্গ মণিমন্দিরে বন বিজুরী সঞ্চরে
মেঘ রুচি বসন পরিধানা।

বত যুবতীমণ্ডলী পশু মাঝ পেখলি
কোই নাহি রাইক সমানা।
অতএ বিহি তোহারি সুখ লাগি।

রূপ গুণ সায়রী সজ্জিল ইহ নায়রী
ধনি রে ধনি ধন্য তুরা ভাগি ॥

দিবস অরু বামিনী রাই অনুরাগিণী
তোহারি হৃদি মাঝে রহ জাগি।

নিমেঘে নব নোতুনা সুবেশা যুগলোচনা
অতএ তুঁহ উহারি অনুরাগী ॥

রতন অট্টালিকা

উপরে রহ রাধিকা

হেরি হরি অচল পদপাদি ।

রসিকজন মানসে

হরিশুগল সুধারসে

লাগি রহ শশিশেখর বাণী ॥

অত্র একদিন উদ্ভানস্থিতা শ্রীরাধাকে দেখাইয়া সুবল বলিলেন, সখে, সায়ংস্নাতা শ্রীরাধাকে দেখ । পরিধানে নীল বসন, কটিতটে রশনা, মস্তকে বদ্ধ বেণী, চিকুরে পুষ্পস্তবক, কর্ণে উত্তংশ, নাসাগ্রে মণি, কর্ণে মাল্যদাম, বদন-কমলে তাম্বুল, নয়নযুগলে কজ্জল, চিবুকে কস্তুরীবিন্দু, গণ্ডে মকরীপত্রভঙ্গাদি, ললাটে তিলক, অঙ্গে চন্দন, করকমলে লীলাকমল এবং চরণে অলঙ্ক—এই মনোহর ষোড়শ আকল্পে সজ্জিতা হইয়া তিনি কেমন শোভা পাইতেছেন ।

দ্বাদশ আভরণ—চুড়ায় মণীন্দ্র, কর্ণে স্বর্ণময় কুণ্ডল, কর্ণোদ্ধে দুইটি স্বর্ণশলাকা, কর্ণে কর্ণাভরণ, গলদেশে । নগ্নত্র-নিম্নহার, এবং স্বর্ণ-পদক, নিতম্বে কাঞ্চী, ভুজে অঙ্গদ, করে বলয়, অঙ্গুলীতে অঙ্গুরীয়ক, চরণে রত্নময় নুপুর এবং পদাঙ্গুলীতে উদ্ভূঙ্গ অঙ্গুরীয় ।

শ্রীরাধার প্রধান প্রধান গুণাবলী—

মধুরা, নববয়সী (মধ্য বৈশোরস্থিতা), চপলাপাঙ্গী (চঞ্চল কটাক্ষ-শালিনী) উজ্জলান্বিতা (প্রসন্নোজ্জ্বলা, ঈষৎ হাস্যময়ী), চারু সৌভাগ্য রেখাঢ্যা (হস্তপদে সৌভাগ্যছোতক রেখাযুক্ত), গন্ধোন্মাদিতমাধবা (যাইঁর অঙ্গপরিমলে মাধব উন্নত), সঙ্গীতপ্রসরাভিজ্ঞা (বাহার গানে স্বাবর জঙ্গম মুগ্ধ), রম্যবাক্ (সুমধুরভাষিণী), নন্দ্যপণ্ডিতা (বচনে এবং আচরণে সুদক্ষা, রহস্যময়ী), বিনীতা, করুণাপূর্ণা, বিদগ্ধা (সুরসিকা), পাটবাস্বিতা (চাতুর্য্যশালিনী, “ছিন্নঃ প্রিয়ো মণিসরঃ সখি যৌক্তিকানি”—

১৪৬

পদাবলী-পরিচয়

তঁহি পুন মতি হার টুটি ফেকল কহরিত হার টুটি গেল, সবজন এক এক চুণি সঞ্চরু শ্রাম দরশ ধনী কেল"।), লজ্জাশীলা, মর্যাদাশালিনী।

মর্যাদা তিন প্রকার—স্বাভাবিকী, শিষ্টাচারপরম্পরা এবং স্বকল্পিত। স্বাভাবিকী—পৌর্ণমাসী বলিলেন, রাধা, বহুবভ্বেও শ্রীকৃষ্ণ সহ তোমার মিলন ঘটাইতে পারিলাম না। তুমি জীবন-রক্ষার অত্র উপায় চিন্তা কর। শ্রীরাধা বলিলেন আমি প্রাণ পরিত্যাগ করিব, তথাপি কৃষ্ণপ্রাপ্তি ভিন্ন অত্র জীবনোপায় কল্পনা করিব না। শিষ্টাচারপরম্পরা,—শ্রীরাধা কৃষ্ণ-বিরহে ব্যাকুলা, দর্শনে উৎকণ্ঠিতা, অথচ বৃন্দা অভিসারার্থ অনুরোধ করিলে শ্রীরাধা কহিলেন—সখি, আমাকে ব্রজেশ্বরী আহ্বান করিয়াছেন। গুরুজনের আজ্ঞায় অবজ্ঞা করিলে কদাচ মঙ্গল হয় না। অতএব এসময় অভিসার কর্তব্য নহে।

স্বকল্পিতা—দূতী আসিয়া শ্রীকৃষ্ণকে কহিলেন—

পূর্ণাশীঃ পূর্ণিমাসাবনবহিততয়া বাৎসর্য্যৈঃ বিতীর্ণা
বষ্টি স্বামেব তধ্বনখিলমধুরিমোৎসেকমস্তাং মুকুন্দঃ ।
দিষ্ট্যা পর্কোদগান্তে স্বয়মভিসরণে চিন্তমাধংস্ব বৎসে
বৃত্ত্যাপ্যুক্তাময়েতি দ্যামণি সখস্তুতা প্রাহিণোদেব চিত্রাম্ ।

—(উজ্জলনীলমণি, রাধা-প্রকরণ)

॥ দূতীর উক্তি ॥

শুন শুন মাধব

রাই নিয়ড়ে হাম

কহলম তুয়া অভিলাষ ।

কহলম অঘরিপু

উদবেগে কুঞ্জহি

রহরি তুয়া প্রতিআশ ॥

শ্রাবণ পূর্ণমিক রাতি ।

বিকশিত নীপ- নিকর মধু মোদনে

শোভন বন রহ মাতি ॥

আজু কান্ন সঞ্চে মিলন স্নমঙ্গল

সকল সিধি দায়ি তিথি ।

তব কাহে চিত্তারে অভিসারে ভেঙ্গলি

হেন রাতি নাহি মিলে নিতি ॥

তবহু সুরঙ্গিনী চিত্তারে ভেঙ্গল

অপনে না করি অভিসার ।

গোপাল দাসেতে কহে বুঝই না পারই

ভাবিনী ভাব অপার ॥

—মৎকৃত অনুবাদ

অনন্ত গুণরাশিমধ্যে মর্যাদার এই করুটি উদাহরণেই রাধাভাবের নিগূঢ় মর্ম্ম সুপ্রকাশিত হইয়াছে ।

শ্রীরাধা ধৈর্য্যশালিনী, গাভীর্ঘ্যশালিনী, সুবিলাস (বিলাসকলা-ভিজ্ঞা), মহাভাব-পরমোৎকর্ষ-তর্ষিনী, (মহাভাবের পরমোৎকর্ষ-প্রকাশিকা, মহাভাবের পরমবিগ্রহস্বরূপিনী), গোকুল-প্রেমবসতি (গোকুলের স্বাবর-জঙ্গমের প্রেমপাত্রী) জগৎশ্রেণী লসদ্বন্দ্বা—(বাহার যশে নিখিল জগৎ পরিব্যাপ্ত) গুরুর্গণিতগুরুস্নেহা (সকল গুরুজনের নিরতিশয় স্নেহপাত্রী), সখীসকলের প্রণয়াদীনা, কুরুপ্রিয়াগণের শীর্ষস্থানীয়া, সন্তোষব-কেশবা, (কেশব বাহার সতত আজ্ঞাধীন) ।

শ্রীল রায় রামানন্দ শ্রীমন্ মহাপ্রভুর নিকট শ্রীরাধার স্বরূপ বর্ণনা করিতেছেন—

কৃষ্ণকে আহ্বাদে তাতে নাম আহ্বাদিনী ।
 সেই শক্তিধারে সুখ আশ্বাদে আপনি ॥
 সুখরূপ কৃষ্ণ করে সুখ আশ্বাদন ।
 ভক্তগণে সুখ দিতে হ্লাদিনী কারণ ॥
 হ্লাদিনীর সার অংশ প্রেম তার নাম ।
 আনন্দ চিন্ময় রস প্রেমের আখ্যান ॥
 প্রেমের পরম সার মহাভাব জানি ।
 সেই মহাভাবরূপা রাধা ঠাকুরাণী ॥
 প্রেমের স্বরূপ দেহ প্রেমে বিভাবিত ।
 কৃষ্ণের প্রেমসীশ্রেষ্ঠা জগতে বিদিত ॥
 সেই মহাভাব হয় চিন্তামণি সার ।
 কৃষ্ণবাঞ্ছা পূর্ণ করে এই কার্য তাঁর ॥
 মহাভাব চিন্তামণি রাখার স্বরূপ ।
 ললিতাদি সখী তার কায়বৃহ রূপ ॥
 রাখা প্রতি কৃষ্ণ মেহ সুগন্ধি উদ্বর্তন ।
 তাতে অতি সুগন্ধি দেহ উজ্জল বরণ ॥
 কারুণ্যামৃত ধারায় স্নান প্রথম ।
 তাকুণ্যামৃত ধারায় স্নান মধ্যম ॥
 লাবণ্যামৃত ধারায় তত্বপরি স্নান ।
 নিজ লজ্জা স্থানপট্টশাটী পরিধান ॥
 কৃষ্ণ অনুরাগ রক্ত দ্বিতীয় বসন ।
 প্রণয় মান কঙ্কালিকায় বক্ষ আচ্ছাদন ॥
 সৌন্দর্য্য কুম্ভকুম্ সখী প্রণয় চন্দন ।
 স্নিত কান্তি কর্পূরে অঙ্গ বিলেপন ॥

কৃষ্ণের উজ্জল রস যুগমদ ভর ।
 সেই যুগমদে বিচিত্রিত কলেবর ॥
 প্রচ্ছন্ন মান বাম্য ধগ্নিন্য বিত্বাস ।
 বীরাধীরাহুগুণ অঙ্গে পটবাস ॥
 রাগ তাম্বুলরাগে অধর উজ্জল ।
 প্রেম-কৌটিল্য নেত্র যুগলে কজ্জল ॥
 সুদীপ্ত সাত্ত্বিক ভাব হর্ষাদি সঞ্চারি ।
 এইসব ভাব ভূষণ সব অঙ্গ ভরি ॥
 কিলকিঞ্চিতাদি ভাব বিংশতি ভূষিত ।
 গুণশ্রেণী পুষ্পমালা সর্বদা পুরিত ॥
 সৌভাগ্য তিলক চারু ললাটে উজ্জল ।
 প্রেমবৈচিত্র্য রত্ন হৃদয়ে তরল ॥
 মধ্যবয়ঃস্থিতি সখি স্বন্ধে করতাল ।
 কৃষ্ণলীলা মনোবৃত্তি সখী আশ পাশ ॥
 নিজাঙ্গ সৌরভালয়ে গর্ভ পর্য্যঙ্ক ।
 তাথে বসি আছে সদা চিন্তে কৃষ্ণসঙ্গ ॥
 কৃষ্ণনাম গুণ যশ অবতংস কানে ।
 কৃষ্ণনাম গুণ যশ প্রবাহ বচনে ॥
 কৃষ্ণকে করায় শ্রাম ময়ূরস পান ।
 নিরন্তর পূর্ণ করে কৃষ্ণের সর্বকাম ॥
 কৃষ্ণের বিশুদ্ধ প্রেম রত্নের আকর ।
 অনুপম গুণগণে পূর্ণ কলেবর ॥
 যাহার সৌভাগ্য গুণ বাঞ্ছে সত্যভামা ।
 যার ঠাই কলা বিনাস শিখে ব্রজরামা ॥

১৫০

পদাবলী-পারচয়

যার সৌন্দর্য্যাদি গুণ বাঞ্ছে লক্ষ্মী পার্কর্তী ।

যার পাতিব্রত্য ধর্ম বাঞ্ছে অরুন্ধতী ॥

যার সদগুণগণের কৃষ্ণ না পান পার ।

তঁার গুণ গণিবে কেমনে জীব ছার ॥

১। চিন্তামণি—যে মণি একই কালে সকল যাচকের অভিলাষ পূর্ণ করিতে পারে ।

২। কার্যব্যুহ—একই সময়ে বহুকার্য সাধনের জন্তু নিজেকে বহুসংখ্যায় প্রকাশ করা ।

৩। উদ্বর্তন—অঙ্গানুলেপন । স্নানের পূর্বে ব্যবহার করিতে হয় ।

৪। কারুণ্যামৃতধারা—সুকুমারীগণ প্রাতঃস্নান করেন । উষাস্নান নদী-প্রবাহে । শ্রীরাধার স্নান জলে, করুণাধারায় ত্রিলোক প্লাবিত হইতেছে ।

৫। তারুণ্যামৃতধারা—মধ্যাহ্নস্নান, আনীত জলে স্নান । শৈশব অতিক্রান্ত হইয়াছে । নবতারুণ্যে দেহ মণ্ডিত ।

৬। লাবণ্যামৃতধারা—সায়ংস্নান, অবগাহন স্নান । নদীজলেও হইতে পারে, সরসীজলেও হইতে পারে । উচ্ছলিত লাবণ্যের তরঙ্গ-ভঙ্গে দেহ উজ্জল ।

৭। নিজ লজ্জা শ্রামপট্টশাটী—শ্রামসুন্দরই তাঁহার লজ্জা । তাই শ্রামসুন্দরকেই তিনি বসনরূপে পরিধান করিয়াছেন ।

৮। উত্তরীয়—কুকের প্রতি অনুরাগ—তাঁহার দ্বিতীয় বসন, অনুরাগ রক্তবর্ণ ।

৯। প্রণয় এবং মান দুইটি কঙ্কলিকা । স্তনাবরণ ।

১০। নিজ সৌন্দর্য্যরূপ কুম্ভকুম, সখীগণের প্রণয়রূপ চন্দন, এবং নিজ অপের স্নিত কান্তি কপূর, এই তিনটিতে স্নানের পর অঙ্গ-বিলেপন ।

শ্রীরাধা

১৫১

১১। উজ্জল রস—শৃঙ্গাররসরূপ মৃগমদ। প্রগাঢ় কৃষ্ণানুরাগে তিনি বর্ণসাদৃশ্যে নিম্ন গোরদেহে মৃগমদ চিত্রিত করেন, উজ্জলরসময়ী তনু।

১২। প্রচ্ছন্ন মানরূপ বামতা—তঁাহার কুটিল কবরী-বিভ্রাস।

১৩। ধীরা, অধীরা ও ধীরাধীরা—মধ্য ও প্রগল্ভা নামিকার তিন শ্রেণী। শ্রীরাধা যে গন্ধচূর্ণ ব্যবহার করেন, তাহা তঁাহার ধীরাধীরাঙ্গণ।

১৪। রাগ—তাম্বুলরাগ; রাগ—স্নেহ-মান ও প্রণয়ের পরের অবস্থা। শ্রীরাধার মাজিষ্ঠরাগ—গাঢ় রক্তবর্ণ।

১৫। প্রেম-কোটিল্য—প্রেমের কুটিলতাই চক্ষের কাজল।

১৬। সূদীপ্ত সাদ্বিক ভাব—সাক্ষাৎ কিম্বা পরম্পরার কৃষ্ণ-সম্বন্ধীর ভাবদ্বারা আক্রান্ত চিত্তকে সজ্ঞ বলে। তাহা হইতে উৎপন্ন ভাব সাদ্বিক। স্তম্ভ, স্বেদাদি সাদ্বিকভাব।

স্তম্ভ—ভয়হেতু, আশ্চর্য্য হেতু, বিবাদ হেতু, ক্রোধ হেতু।

স্বেদ—হর্ষ, ভয় ও ক্রোধ হেতু।

রোমাঞ্চ—আশ্চর্য্য, ভয়, ক্রোধ হেতু।

স্বরভেদ—অমর্ষ, ভয়, বিস্ময়, হর্ষ, বিবাদ হেতু।

বৈবর্ণ্য—বিবাদ, রোষ ভয়াদি হেতু।

অশ্রু—রোষ, বিবাদ, হর্ষাদি হেতু।

প্রলয়—নিশ্চেষ্টতা, অত্যন্ত আনন্দ হেতু ভাব-সমাধি।

ধুমায়িতা—দুই তিনটি ভাব একত্রে উদ্ভিত হইলে তঁাহার গোপন সম্ভাবনার নাম ধুমায়িতা।

অদ্বিতীয়া অমী ভাবা অথবা সদ্বিতীয়া।

ঈষদ্ব্যক্তা অপহোতুং শক্যা ধুমায়িতা মতা ॥

জলিতা—ভাবের সাক্ষর্য্য, দুই তিনটি ভাব এক সঙ্গে উদ্ভিত হইলে তাহা যদি কষ্টে গোপন করা যায়, তাহার নাম জলিতা।

১৫২

পদাবলী-পরিচয়

দীপ্তা—ছই চারিটা প্রৌঢ় ভাবের সম্মিলন হইলে যদি সম্বরণ করিতে সামর্থ্য না জন্মে, তাহার নাম দীপ্তা।

উদীপ্তা—এক সময়ে পাঁচটা কি ছয়টা কি সমস্ত সাত্বিক ভাব পরমোৎকর্ষ প্রাপ্ত হইলে তাহার নাম উদীপ্তা।

সুদীপ্ত—উদীপ্ত সাত্বিক, মহাভাবের প্রাপ্ত সীমা প্রাপ্ত হইলে তাহার নাম হয় সুদীপ্ত সাত্বিক।

১৭। হর্ষাদি সঞ্চারী—নির্বোধ আদি সঞ্চারী ভাব। ইহার সংখ্যা ত্রিশ।

১৮। কিলকিঞ্চিতাদি ভাববিংশতি ভূষিত—

কিলকিঞ্চিতাদি—স্বায়ীভাবের অনুভাব। ইহার সংখ্যা কুড়ি।

অনুভাব—অলঙ্কার, উদ্ভাস্বর ও বাচিক এই তিন প্রকার। এই প্রসঙ্গে উদ্ভাস্বর ও বাচিকের পরিচয়ও সংক্ষেপে বলিব। কিলকিঞ্চিতাদি ভাবের অল্প নামই অলঙ্কার। এই অলঙ্কার—অঙ্গজ তিন প্রকার, অবত্ৰজ সপ্ত প্রকার, এবং স্বভাবজ দশ প্রকার। কবিরাজ গোস্বামী এই বিংশতি অলঙ্কারের কথাতেই বলিয়াছেন—কিলকিঞ্চিতাদি ভাব বিংশতি ভূষিত।

অঙ্গজ অলঙ্কার—ভাব, হাব, হেলা।

ভাব—নির্ভিকার চিন্তে প্রথম যে চাক্ষুশ্য, তাহারই নাম ভাব। প্রেমের প্রথম অনুর।

হাব—ভাবের দ্বয় প্রকাশ। বন্ধিমগ্রীবায় ও অপাঙ্গভঙ্গীতে ইহা প্রকাশিত হয়।

হেলা—ভাবের সুস্পষ্ট স্ফূর্তি। চঞ্চল নয়ন, পুলকাক্ষিত অঙ্গ আদি ইহার প্রকাশক।

অবত্ৰজ অলঙ্কার—শোভা, কান্তি, দীপ্তি, মাধুর্য, প্রগল্ভতা, ঔদার্য ও ধৈর্য।

শ্রীরাধা

১৫৩

শোভা—রূপলাবণ্য বেশাদিবুজ্জ্বল হইলে হেলাই শোভা নামে অভিহিত হয়।

কান্তি—শোভাই মন্থথোদ্রেক-সমুজ্জ্বল হইলে হয় কান্তি।

দীপ্তি—অতি বিপুল কান্তিই দীপ্তি।

মাধুর্য্য—সর্বাবস্থায় রমণীয়তা।

প্রগল্ভতা—নির্ভিকতা।

ঔদার্য্য—বিনয়াবনত ভাব।

ধৈর্য্য—সুখে দুঃখে বিকারহীনতা।

স্বভাবজ্ঞ অলঙ্কার—লীলা, বিলাস, বিচ্ছিত্তি, বিভ্রম, কিলকিঞ্চিত, মোটাইত, কুটুমিত, বিবোক, ললিত, বিকৃত, মোহ ও চকিত।

লীলা—শ্রীকৃষ্ণের শ্রায় বস্ত্র-ভূষণাদি পরিধান।

বিলাস—প্রিয়তমের দর্শনে বা মিলনে গতি, স্থিতি, আসন ও মুখ-নেত্রাদির বৈশিষ্ট্য।

বিচ্ছিত্তি—সামান্য বসন-ভূষণেও যে অপরূপ শোভা হয়। নায়কের অপরাধ দর্শনে অলঙ্কার খুলিয়া ফেলিতেছিলেন, সখীগণের অনুরোধেই রাখিয়াছেন, কেহ কেহ এই অবস্থাকেও বিচ্ছিত্তি বলেন।

বিভ্রম—বল্লভসমীপে অভিসারকালে মদনাবেগ বশতঃ হার মালাদির যে বিপরীত সন্নিবেশ। বামতার আতিশয্যে সেবাতৎপর কাস্তুর প্রতি অনাদরকেও কেহ কেহ বিভ্রম বলেন।

কিলকিঞ্চিত—গর্ষ, অভিলাষ, রোদন, হাস্ত, অশ্রু, ভয়, ক্রোধ ও হর্ষের একত্র সমাবেশে কিলকিঞ্চিত ভাবের আবির্ভাব ঘটে। হর্ষের আতিশয্যেই গর্ষাদি সাতটি ভাবের উদয় হয়। সখীগণ সমক্ষে শ্রীকৃষ্ণ অঙ্গ স্পর্শ করিলে অথবা দানঘাটে পথরোধ করিলে শ্রীরাধার এই ভাবের উদয় হয়। দানকেলি-কৌমুদীতে কিলকিঞ্চিত ভাবের উদাহরণ আছে।

অন্তঃস্নেহরতয়োজ্জ্বলা জলকণব্যাকীর্ণপশ্মাঙ্কুরা

কিঞ্চিৎ পাটলিতাঞ্চলা রসিকতোৎসিক্তা পুরঃ কুঞ্চতী ।

রুদ্ধায়াঃ পথি মাধবেন মধুরব্যাভূষতারোত্তরা

রাধায়াঃ কিলকিঞ্চিতস্তবকিনী দৃষ্টিশ্রিয়ং বঃ ক্রিয়াৎ ॥

অন্তঃস্নেহর হেতু হান্ত, জলকণা হেতু রোদন, পাটলবর্ণ প্রযুক্ত ক্রোধ, রসিকতায় উৎসিক্ত নিমিত্ত অভিলাষ, অগ্রে কুঞ্চিত জন্তু ভয়, কুটিল ও উত্তারনেত্র নিমিত্ত গর্ভ ও অহুয়া—এই সপ্ত ভাব একত্রে প্রকাশ পাইতেছে। মূলে হর্ষ আছে।

মোটায়িত—কান্তের স্মরণ ও তদীয় বার্তা শ্রবণে হৃদয়ে যে অভিলাষের প্রাকট্য, তাহাই মোটায়িত।

কুটুমিত—কান্ত কর্তৃক স্তন ও অধরাদি গ্রহণে হৃদয় উৎফুল্ল হইলেও সম্ভ্রম বশত ব্যথিতের স্থায় বাহ্য ক্রোধ প্রকাশের নাম কুটুমিত।

বিরোধক—গর্ভ ও মান হেতু কান্ত-দত্ত বস্তুর প্রতি অনাদরের নাম বিরোধক।

ললিত—মাহাতে অঙ্গ সকলের বিগ্রাসভঙ্গী, সৌকুমার্য্য ও ক্র-বিক্ষেপের মনোহারিত্ব প্রকাশ পায়, তাহার নাম ললিত।

বিকৃত—লজ্জা, মান, ঈর্ষা হেতু যেখানে বিবক্ষিত বিষয় প্রকাশিত হয় না, তাহাকে বিকৃত বলে। ক্রীড়াচ্ছলে কথা না বলা।

মৌঞ্চ—প্রিয়তমের অগ্রে জ্ঞাতবস্তু বিষয়েও অজ্ঞের স্থায় জিজ্ঞাসা মুচ্ছতা।

চকিত—প্রিয়তমের সকাশে ভয়ের কারণ না থাকিলেও যে ভীতি-ভাব, তাহাই চকিত।

অলঙ্কার-কৌস্তভে তপন, কুতুহল, বিক্ষেপ, হাসিত, কেলি, ইঙ্গিত এই কয়টা অতিরিক্ত অলঙ্কারের উল্লেখ আছে।

প্রিয়-বিচ্ছেদ-জনিত অরবিকার তপন। রম্য বস্তু বিলোকনে
সবিশেষ স্পৃহার নাম কুতূহল। প্রিয়তমের আগমনে অঙ্গে অর্ধ অলঙ্কার
রচনা, চতুর্দিকে দৃষ্টি, এবং বিজনে ছুই চারিটা কথোপকথন বিচ্ছেপ।
নব যৌবন গর্ভ জাত বুথা হান্তের নাম ইঙ্গিত। বিহারকালে কান্তের
সহিত ক্রীড়ার নাম কেজি। ইঙ্গিত—প্রিয়-সম্মুখে লজ্জা, অলঙ্কিতে
প্রিয়কে দর্শন, অসময়ে প্রিয়সম্মুখে নীবা কেশাদির মোচন ও সংযমন
আদি। উজ্জল-নীলমণিতে নীবা শ্বসসনাদি উদ্ভাস্বরের লক্ষণ
বলা হইয়াছে।

১৯। গুণ শ্রেণী—ধৈর্য্যাদি গুণ সমূহ, বাচিক গুণসমূহ।

২০। সৌভাগ্য-তিলক—শ্রীরাধার ললাটে যেন গোরব তিলক আঁকা
রহিয়াছে—যে তিনিই শ্রীভগবানের প্রেমসীশ্রেষ্ঠা।

২১। মধ্যবয়স্বিত্তি,—মধ্য কৈশোর স্থিতিরূপা সখীসঙ্কে করার্পণ করিয়া।

২২। কৃষ্ণলীলা-মনোবৃত্তি—শ্রীকৃষ্ণের সহিত কিরূপ লীলা করিব
সর্বদাই এই চিন্তা, কৃষ্ণচিন্তায় তন্ময়তা।

২৩। নিজাঙ্গ-সৌরভালয়ে—আপন অঙ্গগন্ধরূপ অন্তঃপুরে।

২৪। গর্ভপর্য্যঙ্ক—কৃষ্ণগর্ভে গর্ভবতা রাধার নিজ গর্ভরূপ খট্টা।

২৫। অবতংস—কর্ণভূষণ।

২৬। প্রবাহ—অবিরত ধারা।

২৭। শ্রামরস—শৃঙ্গার রস বিষ্ণুদৈবত, তাহার বর্ণ শ্রাম।

২৮। সত্যভামাদি ষাঁহার ঞ্চায় সৌভাগ্যের বাহা করেন, অরুন্ধতী,
পার্কতী আদি সতীশিরোমণিগণ ষাঁহার মত পাতিব্রত্যের কামনা করেন,
কলাবতীগণের শ্রেষ্ঠা ব্রজসুবতীগণ ষাঁহার নিকট কলাবিলাস শিক্ষা করেন,
স্বয়ং ভগবান্ ষাঁহার গুণগণের অন্ত পান না, ক্ষুদ্র জীব কিরূপে তাঁহার
গুণ গণনা করিবে?

উদ্ধৃত কবিতা শ্রীল রঘুনাথ দাস গোস্বামীর “প্রেমান্তোজমকরন্দাখ্য”
স্তবরাজের অনুবাদ। অনুবাদে—“সপত্নীবন্তু হৃচ্ছোষী যশঃ শ্রীকাছপীরবান্”
এই শ্লোকাংশ বর্জিত হইয়াছে।

উদ্ভাস্বর—নীবিস্রংসন, উত্তরীয় বসন-স্থলন, কেশ-ভ্রংশন, গাত্রমোটন,
জ্বন্তন, নাসিকার প্রকুল্লতা ও নিঃশ্বাস আদি উদ্ভাস্বরের লক্ষণ।

বাচিকগুণ—আলাপ, বিলাপ, সংলাপ, প্রলাপ, অপলাপ, সন্দেশ,
অতিদেশ, অপদেশ, উপদেশ, নির্দেশ ও ব্যপদেশ,—বাক্যের পরিপাটি-
জনিত এই দ্বাদশ বাচিক গুণ। বাচিকগুণ নায়ক নায়িকা—উভয়েরই
সমান।

আলাপ—প্রিয় চাটুবচন। বিলাপ—হৃৎখ-জনিত বাক্য। সংলাপ—
উক্তি-প্রত্যুক্তি। প্রলাপ—ব্যর্থ বচন। অমুলাপ—বারম্বার কথন।
অপলাপ—পূর্বোক্ত বচনের অত্থা-কল্পে বাক্য-যোজনা। সন্দেশ—বার্তা
প্রেরণ। অতিদেশ—তাঁহার উক্তিভেদেই আমার উক্তি, এইরূপ কথন।
অপদেশ—বক্তব্য বিষয়ের অত্থা কল্পনা। উপদেশ—শিক্ষামূলক বাক্য।
নির্দেশ—সেই এই আমি, এইরূপ উক্তি। ব্যপদেশ—ছলপূর্বক স্বীয়
অভিলাষ-প্রকাশ।

১৪

সখী ও দূতী

সখী

সখীর স্বভাব এক অকথ্য কথন ।
 কৃষ্ণসহ নিজলীলায় সখীর নাহি মন ॥
 কৃষ্ণসহ রাধিকার লীলা যে করায় ।
 নিজ কেলি হৈতে তাহে কোটি সুখ পায় ॥
 রাধার স্বরূপ কৃষ্ণ প্রেম করুণতা ।
 সখীগণ হয় তার পুষ্প পল্লব পাতা ॥
 কৃষ্ণলীলামৃতে যদি লতাকে সিঞ্চয় ।
 নিজসেক হৈতে পল্লবাত্মের কোটি সুখ হয় ॥
 যতপি সখীর কৃষ্ণ সঙ্গমে নাহি মন ।
 তথাপি রাধিকা যত্নে করায় সঙ্গম ॥
 নানাছলে কৃষ্ণে প্রেরি সঙ্গম করায় ।
 আশ্রুকৃষ্ণসঙ্গ হৈতে কোটি সুখ পায় ॥
 অত্যাশ্রিত বিমুগ্ধ প্রেম করে রস পুষ্ট ।
 তা সভার প্রেম দেখি কৃষ্ণ হয় তুষ্ট ॥

—শ্রীচৈতন্য-চরিতামৃত, মধ্য লীলা ।

যাহারা ছল পরিত্যাগপূর্বক পরস্পরকে ভালবাসিয়াছে, পরস্পরকে
 বিশ্বাস করিয়াছে, এবং যাহাদের বয়ঃক্রম ও বেশাদি একরূপ, তাহারাই
 পরস্পরের সখী ।

শ্রীরাধার সখীগণ—সখী, নিত্যসখী, প্রাণসখী, প্রিয়সখী ও পরম প্রেষ্ঠ সখী। কুসুমিকা, ধনিষ্ঠা প্রভৃতি সখী। কস্তুরিকা, মণিমঞ্জরিকা প্রভৃতি নিত্যসখী। শশিশুখী, বাসন্তী প্রভৃতি প্রাণসখী। ইঁহার প্রায়ই বৃন্দাবনেশ্বরীর স্বরূপতা লাভ করিয়াছেন। কুরঙ্গাকী, সুমধ্যা, মদনালসা, কমলা, মাধুরী, মঞ্জুকেশী, কন্দর্পসুন্দরী, মাধবী, মালতী, কামলতা, শশিকলা প্রভৃতি প্রিয়সখী। পরম প্রেষ্ঠসখীগণ মধ্যে—ললিতা, বিশাখা, চিত্রা, চম্পকলতা, তুঙ্গবিজ্ঞা ইন্দুলেখা, রঙ্গদেবী ও সুদেবী এই অষ্ট সখী সর্বগুণমণ্ডিতা। ইঁহার রাধাকৃষ্ণ-প্রেমের পরাকাষ্ঠা বশতঃ কখনো শ্রীকৃষ্ণের প্রতি প্রীতিমতী, কখনো শ্রীরাধার প্রতি অমুরাগিণী। খণ্ডিতাবস্থায় শ্রীরাধার প্রতি আদর ও শ্রীকৃষ্ণের প্রতি বিদেব প্রকাশ করেন, মানাবস্থায় শ্রীকৃষ্ণের প্রতি আদর, ও শ্রীরাধার প্রতি বিদেব প্রকাশ করিয়া থাকেন।

সখীগণের কার্য—(১) নায়ক নায়িকার পরস্পরের প্রেম গুণাদি কীর্তন। (২) পরস্পরের আসক্তিকারিতা। (৩) পরস্পরকে অভিসারে প্রেরণ। (৪) কৃষ্ণকরে সখী সমর্পণ। (৫) পরিহাস। (৬) আশ্বাস প্রদান। (৭) নায়ক-নায়িকার বেশবিজ্ঞাস। (৮) মনোগতভাব প্রকাশে দক্ষতা। (৯) নায়ক-নায়িকার দোষ গোপন। (১০) নায়িকার পত্যাди বঞ্চনা। (১১) অজ্ঞাত বিষয়ে শিক্ষাদান। (১২) যথা-কালে মিলন-সম্পাদন। (১৩) চামরাদি দ্বারা সেবা। (১৪-১৫) নায়ক ও নায়িকাকে তিরস্কার। (১৬) সংবাদ-প্রেরণ। (১৭) নায়িকার প্রাণরক্ষার্থ যত্ন।

সখীগণের প্রথরা ও লবু আদি দ্বাদশ প্রকার ভেদ আছে। আত্যস্তিকাধিকা প্রথরা, আত্যস্তিকাধিকামধ্যা, আত্যস্তিকাধিকামুদী। আপেক্ষিকাধিকা অধিকপ্রথরা, ঐ অধিক মধ্যা, ঐ অধিক মুদী। সমপ্রথরা,

সখী ও দূতী

১৫৯

সমমধ্য, সমমুদ্রী। (আপেক্ষিকী ও আত্যন্তিকী) লঘু প্রথরা, লঘু মধ্য, লঘুমুদ্রী। ই'হারা স্বপক্ষ, স্নহৎপক্ষ, তটস্থ ও প্রতিপক্ষ—এই চারি শ্রেণীতে বিভক্ত। স্নহৎপক্ষ—এক ইষ্টসাধক, দ্বিতীয় অনিষ্টবাধক। ইষ্টসাধক—কুন্দবল্লী শ্রামলাকে কহিলেন—শ্রীরাধা কর্পূরচন্দনে অঙ্গবিলেপন প্রস্তুত করিয়া তোমার নাম লইয়া তোমারই সখীরদ্বারা শ্রীকৃষ্ণের নিকট প্রেরণ করিয়া থাকেন।

অনিষ্টবাধক—শ্রীরাধা ভাণ্ডীর বটে শ্রীকৃষ্ণের সহিত ক্রীড়া করিতে ছিলেন। চন্দ্রাবলীর সখী পদ্মা আসিয়া জটীলাকে সংবাদ দেওয়ার জটীলা কুপিতা হইয়া ভাণ্ডীর অভিমুখে বাইতেছিলেন। মধ্যপথে রাধাসখী শ্রামলা আসিয়া প্রবোধ দিয়া তাঁহাকে গৃহে ফিরাইয়া দিলেন।

তটস্থা—বিনি বিপক্ষের স্নহৎ পক্ষ।

বিপক্ষা—ইষ্ট বিনষ্ট করিয়া অনিষ্টকারিণী।

ইহাদের ঈর্ষা, অমর্ষ, অশ্রুয়া, গর্ভ, অভিমান, দর্প, উদ্ধিসিত (বিপক্ষের প্রতি সাক্ষাৎ উপহাস), ঔদ্ধত্য ইত্যাদি নানাবিধ ভাব আপন যুথেশ্বরীর তথা শ্রীকৃষ্ণের আনন্দবর্দ্ধন করে।

দূতী

নায়ক-নায়িকা পরস্পরের মিলন-সাধনই, দূতীর কার্য। যে দূত নাশান্তেও বিশ্বাসভঙ্গ করেনা, তাহাকেই আশুদূতী বলে। আশুদূতী তিন প্রকার—অমিতার্থা, নিঃস্বার্থা ও পত্রহারী।

অমিতার্থা—নায়ক-নায়িকা দুইজনের মধ্যে একজনের ইঙ্গিত অবগত হইয়া উপায়যোগে উভয়ের মিলনসাধন-কারিণীর নাম অমিতার্থা।

নিঃস্বার্থা—একজন কর্তৃক কার্য্যভার প্রাপ্ত হইয়া যুক্তি দ্বারা যে নায়ক-নায়িকা—উভয়কে মিলিত করায়, তাহাকে নিঃস্বার্থা দূতী বলে।

পত্রহারী—যে দূতী নায়ক-নায়িকার বার্তা মাত্র বহন করে, তাহার নাম পত্রহারী।

শিল্পকারী. দৈবজ্ঞা, নিঙ্গিনী (তাপসী), পরিচারিকা, ধাত্রেরী, বনদেবী এবং সখী প্রভৃতি আশুদূতীর বিবিধ শ্রেণী। সখীগণের দূত্য আবার নায়ক ও নায়িকা উভয়নিষ্ঠ প্রযুক্ত বাচ্যদূত্য ও ব্যঙ্গ (ব্যঙ্গনাপূর্ণ)-দূত্য ভেদে দ্বিবিধ। ব্যঙ্গদূত্য চারি প্রকার—কৃষ্ণপ্রিয়ার অগ্রে কৃষ্ণের প্রতি সাক্ষাৎ ব্যঙ্গ, কৃষ্ণপ্রিয়ার অগ্রে কৃষ্ণের প্রতি ব্যপদেশ ব্যঙ্গ। কৃষ্ণ-প্রিয়ার অসাক্ষাতে কৃষ্ণের প্রতি সাক্ষাৎ ব্যঙ্গ ও কৃষ্ণপ্রিয়ার অসাক্ষাতে কৃষ্ণের প্রতি ব্যপদেশ ব্যঙ্গ। প্রিয়ার সম্মুখেই শ্রীকৃষ্ণের প্রতি সাক্ষাৎ ব্যঙ্গ—

মাখব কলাপিনীয়াং ন সব্বিধমায়াতি মেহুরা রাধা।

নিজপাণিনা তদেনাং প্রসীদ ত্বুং গৃহাণাত্ত ॥

ওগো নবজলধর, এই কলাপিনী আমার সমীপে আসিতেছে না। কোনরূপেই ইহাকে বশে আনিতে পারিলাম না। তুমি এখনই ইহাকে নিজহাতে ধরিয়া লও।

ব্যঙ্গার্থ, কলাপিনী—এক অর্থে ময়ূরী, অত্র অর্থে অলঙ্কৃত রমণী।

মে হুরারাধা—আমার অবশীভূতা, অত্র অর্থে মেহুরা অর্থাৎ নিষ্কা রাধা।

ব্যপদেশ ব্যঙ্গ—ছলপূর্বক অগ্রবস্ত লক্ষ্য করিয়া অভিপ্রায় প্রকাশ। ভ্রজনাগ্নিকাগণ শ্রীকৃষ্ণের উদ্দেশে ক্রিয়াসাধ্য ও বাচিক দূতী নিয়োগ করেন। ক্রিয়াসাধ্য আবার অনুভব ও সাঙ্গিকভেদে দুই প্রকার।

“আকুল নয়ানে চাহে মেঘপানে না চলে নয়নের তারা”।

অনুভবে কৃষ্ণের প্রতি অনুরাগ বুঝিয়া লইয়া মিলন-সাধনে প্রচেষ্টা ক্রিয়াসাধ্য দূতীর কার্য। মুরলী শ্রবণে শ্রীরাধার স্নোদোদগম—(সাঙ্গিক চিহ্ন) দেখিয়া—কৃষ্ণানয়নে গমনও ক্রিয়াসাধ্য দূতীর কার্য।

সখী ও দূতী

১৬১

বাচ্য ও ব্যঙ্গ-ভেদে বাচিক দূত্যও দুই প্রকার। ব্যঙ্গও শব্দোদ্ভব ব্যঙ্গ ও অর্থোদ্ভব ব্যঙ্গ ভেদে দুই রূপ।

শ্রীরাধাকৃষ্ণের প্রথম মিলনের পর দৈনন্দিন মিলনের জন্য পরস্পরের যে সংকেত কিম্বা অভিযোগ, এবং স্বয়ংদোত্যের যে উক্তি-প্রত্যুক্তি, তাহার সঙ্গে এই বাচিক দূত্যের কথঞ্চিং সাদৃশ্য আছে। পার্থক্য—স্বয়ং দোত্যে কৃষ্ণ বা রাধা শব্দচ্ছলে অথবা অর্থান্তরে আপন আপন গুণ অভিপ্রায় প্রকাশ করিয়াছেন। আর বাচিক দূত্যে দূতী বা সখী শ্রীরাধাকৃষ্ণের সাক্ষাতে বা পরোক্ষে শব্দচাতুর্য্যে বা অর্থচাতুর্য্যে পরস্পরকে সম্মিলিত হইবার ইঙ্গিত করিতেছেন।

আগুদূতীর মধ্যে সখীও আছেন। সখীর ধর্ম—

দূত্যং তু কুর্ক্বতী সখ্যাঃ সখী রহসি সঙ্গতা।

কৃষ্ণেন প্রার্থ্যমানাপি স্তাৎ কদাপি ন সম্ভতা ॥

সখী দোত্যে আসিয়া যদি শ্রীকৃষ্ণের সঙ্গে নির্জন প্রদেশে মিলিতা হন, এবং শ্রীকৃষ্ণ তাঁহার সঙ্গম প্রার্থনা করেন, তথাপি তিনি কৃষ্ণের নিকট আত্মসমর্পণ করেন না।

দূত্যেনাশ্চ স্নহজ্জনশ্চ রহসি প্রাপ্তাস্মি তে সন্নিধিঃ

কিং কন্দর্পধনুর্ভরকরমযুং ক্রণ্ডচ্ছয়দ্ব্যচ্ছসি।

প্রাণানর্পয়িতাস্মি সম্প্রতি বরং বৃন্দাটবীচন্দ্রে তে

নহেতামসমাপিতপ্রিয়সখী কৃত্যানুবন্ধাং তমুঃ ॥

ঋতুপতি রাতি বিরহজ্বরে জাগরি দূতি উপেখলি রামা।

প্রিয় সহচরীবলি মোহে পাঠাওলি অতএ আয়লু তুয়া ঠামা ॥

শুন মাধব করজোড়ি কহলম তোয়।

মনমথ রঙ্গ তরঙ্গিত-লোচনে তুহু নাহি হেরবি মোয় ॥

দূর কর আলস আনহি লালস চাতুরি বচন বিভঙ্গ ।
 বরু হাম জীবন তোহে নিরমঙ্ঘব তবহু না সোঁপব অঙ্গ ॥
 বাহে শির সোঁপি কোরপর শূতিয়ে সো যদি করু বিপরীতে ।
 পিরিতিক রীত ঐছে তব মীটব গোবিন্দদাস চিতে ভীতে ॥

উদ্ধৃত পদের শেষের দুইটা পংক্তিতে কবিরাজ গোবিন্দদাস গোপী-
 ভাবের নিগূঢ় রহস্য ব্যক্ত করিয়াছেন। সখীগণ শ্রীরাধাকৃষ্ণের মিলন-
 দর্শনেই পরমানন্দ প্রাপ্ত হইতেন। শ্রীকৃষ্ণের সঙ্গে সঙ্গম-লালসা—
 আত্মেন্দ্রিয়প্রীতিবাঞ্ছা তাঁহাদের ছিল না। তাই গোবিন্দদাস বলিতেছেন—
 “যাঁর কোলে মাথা রাখিয়া নিশ্চিন্তে নিদ্রা যাই”—(শির সঁপিয়া যাঁর
 কোলে শুইয়া থাকি) সে যদি এইরূপ বিপরীত আচরণ করে (নির্জ্ঞানে
 পাইরা অঙ্গসঙ্গ প্রার্থনা করে) তাহা হইলে পিরিতির রীতি তো এইখানেই
 মিটিবে,—ব্রহ্মের হাট তো এখনই ভাঙ্গিয়া যাইবে। তাই গোবিন্দদাসের
 চিন্তে অত্যন্ত ভয় হইতেছে।

রস এবং ভাব

রস

স জয়তি যেন প্রভবতি দৃশি স্তদৃশাং ব্যঞ্জনারুত্তিঃ।

অতিশরিতপদপদার্থো ধ্বনিরিব মুরলীধ্বনিমুরারাত্তেঃ ॥

পদপদার্থের অতিরিক্ত ধ্বনি বা ব্যঞ্জনা যেমন কাব্য-জগতের অধীশ্বরী, তেমনই সকল ধ্বনির ললামভূত মুরারীর বে মুরলীধ্বনি,—ব্রজ-বিলাসিনী ধনীগণের নরনে উদ্বেলিত আনন্দাশ্রুর দ্বারা অঙ্গন-রেখার বিলোপ হেতু ব্যঞ্জনা অর্থাৎ বিগতাব্যঞ্জনারুত্তি সম্পাদিত করে, বৈকুণ্ঠাদি পদ এবং ব্রহ্মানন্দাদি পদার্থ হইতে উৎকর্ষশালী সেই মুরলীধ্বনির জয় হউক
(অলঙ্কার-কৌস্তভ)

শ্রুতি বলিলেন, শ্রীভগবান্ রসস্বরূপ—“রসো বৈ সঃ”। বাহ্য আশ্বাদনীয়, আশ্বাদন-যোগ্য, তাহাই রস। রস্তুতে ইতি রসঃ, রস আপনি আপনাকে আশ্বাদন করিতে পারে; সুতরাং রস যেমন আশ্বাদনীয়, তেমনই আশ্বাদক। অলঙ্কার-কৌস্তভে শ্রীকবিকর্ণপুর বলিয়াছেন—অন্তর-বহিরিঙ্গির-সম্বন্ধে ব্যাপারান্তরের বোধক, অথচ স্বকারণীভূত বিভাবাদির সহিত সম্মিলিত চমৎকারজনক যে সুখ, তাহাই রস। কবিরাজ কৃষ্ণদাস শ্রীচৈতন্য-চরিতামৃতে বলিয়াছেন, “সুখরূপ কৃষ্ণ করে সুখ আশ্বাদন”। রস আনন্দধর্মী বলিয়া একবিধই হইয়া থাকে। ভাবই রতি প্রভৃতি উপাধি-ভেদে নানান প্রাপ্ত হয়। শ্রীভগবান্ আদি রস, তিনিই সকল রসের আকর।

শ্রীমদ্ভাগবতে রসের সংখ্যা দশ। দশম স্বক্কের—“মল্লানামশনির্নৃগাং

নরবরঃ” শ্লোকে এই দশটি রসের অধিষ্ঠাতৃ শ্রীকৃষ্ণই প্রতিষ্ঠিত রহিয়াছে। কবি জয়দেব দশাবতার-স্তোত্রে “দশাকৃতিকৃতে কৃষ্ণায় তুভ্যং নমঃ” শ্রীকৃষ্ণকে প্রণাম করিয়াছেন। টীকাকার পূজারী গোস্বামী বলিয়াছেন—মৎস্তাবতার বীভৎস রসের, কুর্শ্ব অদ্ভুত রসের, বরাহ ভয়ানক রসের, নৃসিংহ বৎসল রসের, বামন সখ্য-রসের, পরশুরাম রোদ্র-রসের, রামচন্দ্র করুণ-রসের, বলরাম হান্তরসের, বুদ্ধ শান্তরসের এবং কঙ্কি বীররসের অধিষ্ঠাতা।

কবি কর্ণপুর অলঙ্কার-কৌস্তুভে বর্ণন করিতেছেন—যিনি শ্রীরাধিকার প্রতি শৃঙ্গাররসশালী, অঘাসুরের বিষদাহে দগ্ধ সখাগণের প্রতি স করুণ, ঐ অসুরের জঠরে প্রবেশকালে বীভৎস-রসময়, ব্রজবালাগণের বস্ত্রহরণ সময়ে হান্তরসিক, দৈত্যদলনে বীররসাপ্রিত, কুপিত ইন্দ্রের প্রতি রোদ্ররসাবতার, হৈয়ঙ্গবীন-হরণে ভীতিবিহ্বল, দর্পণে নিজ মূর্তি-দর্শনে বিশ্বয়নিমগ্ন, দামবন্ধনে শান্তরসাস্পদ,—সেই বাসুদেবের জয় হউক।

ভক্তিরসামৃত সিদ্ধিতে শান্ত, দান্ত, সখ্য, বাঁৎসল্য ও মাধুর্য্য—এই পঞ্চ ভক্তিরসকে মুখ্য :বলা হইয়াছে এবং হান্ত, অদ্ভুত, বীর, করুণ, রোদ্র, ভয়ানক ও বীভৎস এই সপ্ত রসকে গৌণ গণনা করিয়া ভক্তিরসের সংখ্যা হইয়াছে দ্বাদশ। শ্রীপাদ রূপের মতে এই সমস্ত রসের বর্ণ স্বেত, চিত্র, অরুণ, শোণ, শ্রাম, পাণ্ডুর, পিঙ্গল, গৌর, ধূম্র, রক্ত, কাল এবং নীল। শান্তরসে পূর্তি, দান্ত হইতে হান্ত পর্য্যন্ত রসে বিকাশ, বীর ও অদ্ভুত রসে বিস্তার, করুণ ও রোদ্র রসে বিক্ষেপ এবং ভয়ানক ও বীভৎস রসে ক্ষোভ, ভক্তিরসের আশ্বাদ এই পঞ্চধা রূপে পরিকীর্তিত হয়।

লক্ষ্য করিবার বিষয় পূজারী গোস্বামী দান্তরস গণনা করেন নাই, এবং আদিরসের অধিষ্ঠাতৃ নন্দনন্দনে—‘দশাকৃতিকৃতে কৃষ্ণায়’ অর্পণ করিয়াছেন। তাহা হইলে পূজারী গোস্বামীর মতে রসের সংখ্যা একাদশ। ভক্তিরসামৃতসিদ্ধির টীকায় “মীনস্থানে বুদ্ধো বা পঠনীয়ঃ”

এই উক্তি আছে। তাহাতে কিন্তু সামঞ্জস্য হয় না। কারণ দেবতা-নির্ণয়ে বলা হইয়াছে—শান্তের কপিল, দান্তের মাধব, সন্ধ্যের উপেন্দ্র (বামন), বাৎসল্যের নৃসিংহ, মাধুর্য্যের নন্দনন্দন শ্রীকৃষ্ণ, হান্তের বলরাম, অদ্ভুতের কুর্শ, বীররসের কক্কি, করুণ রসের রাঘব, রোদ্ররসের ভার্গব, ভয়ানক রসের বরাহ এবং বীভৎস রসের মীন। পূজারী গোস্বামীর একাদশ রস বর্ণনার সঙ্গে ইহার কোন পার্থক্য নাই। সুতরাং ভক্তি-রসামৃতসিদ্ধিতে বুদ্ধের পরিবর্তে কপিল গৃহীত হইয়াছেন।

সাহিত্য-রসের পরিচয় দিতে গিয়া সুপ্রসিদ্ধ আলঙ্কারিক বিখ্যাত কবিরাজ বলিয়াছেন—

সত্ত্বোদ্ভেকাদখণ্ডঃ স্বপ্রকাশানন্দচিন্ময়ঃ ।

বেত্তান্তরম্পর্শশূন্তঃ ব্রহ্মাস্বাদসহোদরঃ ॥ —সাহিত্য-দর্পণ।

সত্ত্বোদ্ভেককারী, অখণ্ড, স্বপ্রকাশ, আনন্দচিন্ময়, বেত্তান্তরম্পর্শশূন্ত এবং ব্রহ্মাস্বাদসহোদর। বিখ্যাত বলিয়াছেন, সাহিত্যের রস আনন্দ-চিন্ময়; আর কৃষ্ণদাস কবিরাজ বলিয়াছেন “আনন্দ চিন্ময় রস প্রেমের আখ্যান”।

ভাব

আচার্য্য ভরত বলিয়াছেন—“বিভাবানুভাবব্যভিচারিসংযোগাদ্রস-নিষ্পত্তিঃ”। বিভাব, অনুভাব ও ব্যভিচারী ভাবের সংযোগে রস নিষ্পত্তি হইয়া থাকে। বিভাবিত অর্থাৎ উৎপাদিত করে যে, এই অর্থে বিভাব শব্দে কারণ বুঝায়। অনু অর্থাৎ পশ্চাৎ যে ভাবের উৎপত্তি হয়, এই অর্থে অনুভাব শব্দে কার্য্য বুঝিতে হইবে। বিশেষরূপে স্থায়ী ভাবের অভিযুখে চরণশীল যে ভাব, তাহার নাম ব্যভিচারী। ইহা আগন্তুক, স্থায়ী ভাবের পুষ্টি সাধন করিয়া তাহাতেই বিলীন হয়। এইজন্ত ইহার অপর নাম লঙ্কারী। এই তিনের সম্মেলনে স্থায়ী ভাব রসকে উদ্ভিক্ত করে, প্রকাশ করে, আকার দান করে; রসের সঙ্গে মিলিত হয়, রস রূপে পরিণত হয়।

ভাবের বহু অর্থ আছে। নির্বিবকার চিত্তে প্রথম যে বিকার, যে অঙ্কুরোদগম, যে চাঞ্চল্য তাহাই ভাব। ভূখাতুর অর্থ হওয়া। ভবতীতি ভাবঃ। একটা কিছু হওয়া, একটা সৃষ্টি। একটা নির্দিষ্ট আকার পাওয়াই ভাব। সৃষ্টি অর্থে ভব, ভবের প্রকাশ, ভাব। বাহা যেমন তাহার সেই রূপটাই ভাব। অত্র অর্থে ভাবেরই অপর নাম তত্ত্ব। মহাভাষ্যকার বলেন “তত্ত্ব ভাবস্তত্ত্বম্” তাহার ভাব, বাহাতে কোন বিকার ঘটে না, তাহাই তত্ত্ব।

আলম্বন ও উদ্দীপন-ভেদে বিভাব দ্বিবিধ। নায়ক ও নায়িকা পরস্পরের আশ্রয় বা অবলম্বন, ভাবের আবির্ভাবের হেতু। নায়ক-নায়িকার গুণ, চেষ্টা, চিত্রপটাদি উদ্দীপন বিভাব। শ্রীরাধিকা পক্ষে বংশীধ্বনি, বর্ষার মেঘ, তমালবৃক্ষ, ময়ূরাদি; শ্রীকৃষ্ণের পক্ষে চম্পকপুষ্পাদিও উদ্দীপনের কারণ। “রম্যাণি বীক্ষ্য মধুরাংশ্চ নিশম্য শব্দান্” ভাব উদ্দীপ্ত হয়। ভাবুক ও রসিকের সঙ্গও উদ্দীপনের অত্রতম শ্রেষ্ঠ হেতু। অনুভাবের কথা পূর্বে বলিয়াছি। ব্যভিচারী ভাব তেত্রিশ প্রকার।

১। নির্বেদ—আর্তি বিরোগ ও ঈর্ষা হেতু যে আত্মধিকার জন্মে।

২। বিবাদ—ইষ্ট বস্তুর অপ্রাপ্তি, কামনার ব্যর্থতা।

৩। দৈন্ত—ভয়, হুঃখ ও অপরাধ জন্ম দীনতা।

৪। শ্রানি—শ্রম, মনঃপীড়া ও রতিজনিত ক্লান্তি।

৫। শ্রম—পথশ্রম, রতিশ্রম, নৃত্যশ্রমাদি।

৬। মদ—মধুপানজনিত মত্ততা।

৭। গর্ভ—রূপ, গুণ, সৌভাগ্য, ও কৃষ্ণকে কাস্তরূপে প্রাপ্তি ইত্যাদি হেতু গর্ভ।

- ৮। শঙ্কা—চোখ, অপরাধ ও পরের ক্রুরতা জন্ম শঙ্কা হয়। শ্রীরাধা কর্তৃক বংশীচুরি, শ্রীকৃষ্ণ কর্তৃক রাধার বেশর চুরি ইত্যাদি চোখ।
- ৯। ত্রাস—বিদ্যুৎ ও ভয়ানক জন্তু দর্শন, মেঘের শব্দ শ্রবণ।
- ১০। আবেগ—প্রিয় দর্শন, প্রিয় শ্রবণ, অপ্রিয়-দর্শন ও অপ্রিয়-শ্রবণ জন্ম আবেগ জন্মে।
- ১১। উন্মাদ—অত্যন্ত আনন্দ ও শ্রীকৃষ্ণ-বিরহ উন্মাদের হেতু।
- ১২। অপস্মার—ধাতু-বৈষম্য জনিত চিত্তবিকার।
- ১৩। ব্যাধি—কৃষ্ণবিরহে জ্বরাদি।
- ১৪। মোহ—হর্ষে, বিষাদে ও কৃষ্ণবিরহে মোহ হয়।
- ১৫। মৃত্যু—কবিগণ বর্ণনা করেন না। মৃত্যুর উল্লেখাদি বর্ণন করেন।
- ১৬। আলস্য—ইচ্ছাকৃত অথবা শ্রমজনিত অলসতা।
- ১৭। জাড্য—ইষ্টানিষ্ট দর্শন ও শ্রবণ এবং কৃষ্ণবিরহজনিত জড়তা।
- ১৮। ব্রীড়া—নবসঙ্গম, অকার্য্যকরণ ও স্তুতি ও অবজ্ঞাদিহেতু লজ্জা।
- ১৯। অবহিথা—লজ্জা অথবা মানে বা কৌতুকাদি কারণে ভাব-গোপন।
- ২০। স্মৃতি—সাদৃশ্য দর্শন-দৃঢ়াভ্যাস হেতু স্মৃতির উদয় হয়।
- ২১। বিতর্ক—পরম সংশয় হেতু বিতর্কের উদ্ভব হয়।
- ২২। চিন্তা—ইষ্টের অপ্রাপ্তি, অনিষ্টপ্রাপ্তি চিন্তার কারণ।
- ২৩। মতি—বিচারার্থ অর্থ-নির্ধারণ।
- ২৪। স্থিতি—দুঃখাভাব ও উত্তম প্রাপ্তি হেতু মনের অচাঞ্চল্য।
- ২৫। হর্ষ—অভীষ্ট দর্শন ও অভীষ্ট লাভে আনন্দ।
- ২৬। উৎসুক্য—ইষ্টপ্রাপ্তি ও ইষ্টদর্শনে স্পৃহা-জনিত উৎসাহ।
- ২৭। উগ্রতা—প্রচণ্ডতা (অশোভন বলিয়া সাক্ষাৎভাবে বর্ণিত হয় নাই)।

- ২৮। অমৰ্ষ—“অধিক্ষেপ অপमानে অমৰ্ষের স্থিতি” ।
 ২৯। অহুয়া—পরসৌভাগ্যে বিদ্বেষ ।
 ৩০। চাপল্য—চিন্তের লঘুতা, অনুরাগ বা দ্বेष হেতু ভ্রমে ।
 ৩১। নিদ্রা—ক্লান্তি হেতু চিন্তের নিমীলন ।
 ৩২। স্তম্ভি—বিবিধ চিন্তা এবং নানা অল্পভূতিময় নিদ্রা । স্বপ্নাবিষ্ট নিদ্রা ।
 ৩৩। বোধ—নিদ্রানিবৃত্তি, চেতনা ।
 ব্যভিচারী ভাবের দশাচতুষ্টয়—
 ১। উৎপত্তি—ভাবসম্ভব, বা ভাবের সম্ভাব ।
 ২। সন্ধি—সমান রূপের বা ভিন্ন ভাবদ্বয়ের মিলনকে সন্ধি বলে ।
 ৩। শাবল্য—ভাবনিচয়ের উত্তরোত্তর পরস্পর সংমর্দন শাবল্য ।
 ৪। শান্তি—ভাবের বিলয় ।

স্থায়ী ভাব—ভক্তিরসামৃতসিদ্ধ—দক্ষিণ বিভাগ, পঞ্চম লহরীতে স্থায়ী ভাব সম্বন্ধে আলোচনা আছে । স্থায়ী ভাবই মধুরা রতি । যাহা হান্তাদি অবিরুদ্ধ ভাব এবং ক্রোধাদি বিরুদ্ধ ভাবকে বশীভূত করিয়া উত্তম নরপতির শ্রায় বিরাজমান হয়, তাহাকেই মধুরা রতি বা স্থায়ী ভাব বলে । মধুরা রতি—কৃষ্ণবিষয়িণী রতি । এই রতি দ্বিবিধা—মুখ্যা ও গোণী । মুখ্যা—শুদ্ধ সৰ্ব্ব বিশেষরূপ যে রতি, তাহাকে মুখ্যা বলে । মুখ্যা রতি স্বার্থা ও পরার্থা ভেদে দ্বিবিধা ।

স্বার্থা—অবিরুদ্ধ ভাব সমূহ দ্বারা আপনাকে স্পষ্টরূপে পোষণ করে, এবং বিরুদ্ধ ভাবের দ্বারা তাহার গ্লানি উৎপন্ন হয় ।

পরার্থা—যে রতি স্বয়ং সঙ্কুচিতা হইয়া অবিরুদ্ধ ও বিরুদ্ধ ভাব সকলকে গ্রহণ করে ।

স্বার্থা ও পরার্থার—শুদ্ধা, প্রীতি, সখ্য, বাৎসল্য ও প্রিয়তা (মাধুর্য্য) —এই পাঁচ প্রকার ভেদ হয় ।

শুদ্ধা—সামান্ধা, স্বচ্ছা ও শান্তিভেদে তিন প্রকার।

সামান্ধা—সাধারণ জন ও বালিকাদির শ্রীকৃষ্ণ-বিষয়ে যে রতি।

স্বচ্ছা—নানাবিধ ভক্তের সঙ্গ হেতু সেই সেই সাধন দ্বারা সাধক সকলেরও শ্রেণীভেদ হয়। যখন যে প্রকার ভক্তে রতির আসক্তি জন্মে, সাধকেরও তখন সেই প্রকার ভাবের উদয় হয়। এই জন্মই এই রতি স্বচ্ছা।

শান্তি—মনের সংশয়রাহিত্য, শম। বিষয়-বাসনা ত্যাগ হইতে মনের যে আনন্দ। শমপ্রধানগণের হৃদয়ে শ্রীকৃষ্ণে পরমাত্মা জ্ঞানে সমতাগন্ধবর্জিত রতি উদ্ভিত হয়।

প্ৰীতি (দাস্ত), সখ্য ও বাৎসল্য—কেবলা ও সঙ্কুলা ভেদে দ্বিবিধ।

কেবলা—অত্র রতির গন্ধশূন্য রতি কেবলা। ব্রজে রসালাদি ভূত্য-গণে, শ্রীদামাদি সখাগণে এবং নন্দ প্রভৃতি গুরুজনে এই কেবলা রতি ক্ষুণ্ণি পাইয়া থাকে।

সঙ্কুলা—প্ৰীতি, সখ্য ও বাৎসল্যের মধ্যে দুইটি বা তিনটি একত্রে মিলিত হইলে তাকে সঙ্কুলা বলে। ইন্দ্রপ্রস্থে ভীমসেনাদি, দ্বারকায় উদ্ধবাদি, ব্রজে ধাত্রী মুখরাদির মধ্যে এই রতির প্রকাশ।

প্ৰীতি—শ্রীকৃষ্ণ আরাধ্য এই জ্ঞান। এই জ্ঞানে হরিতেই প্ৰীতি হয়, অত্ৰ প্ৰীতি থাকে না। দাস্ত ভাব।

সখ্য—সখাগণের রতি বিশ্বাসরূপা। সখাগণ শ্রীকৃষ্ণতুল্য। এই রতি পরিহাস ও প্রহাসাদির জনয়িত্রী।

বাৎসল্য—শ্রীকৃষ্ণে লাল্যজ্ঞান, আমরা পালক, এই বুদ্ধি। লালন, মাঙ্গল্য ক্রিয়া-সম্পাদন, আশীর্বাদ ও চিবুকস্পর্শাদি ইহার কার্য। শ্রীনন্দ-বশোদাদিতে ইহার সর্বোত্তম বিকাশ।

প্রিয়তা—হরি এবং ব্রজবধুগণের পরস্পর স্মরণ দর্শনাদি অষ্টবিধ সম্ভোগের আদি কারণের নাম প্রিয়তা। ইহাই মধুরা রতি।

গৌণী রতি—যে সঙ্কোচময়ী রতির দ্বারা আলম্বন-জনিত যে কোন ভাব-বিশেষ স্বয়ং প্রকাশ পায়, তাহাই গৌণী রতি। হান্ত, বিস্ময়, উৎসাহ, শোক, ক্রোধ, ভয় এবং জুগুপ্সা অর্থাৎ নিন্দা এই সাত প্রকার গৌণী রতি। জুগুপ্সায় শ্রীকৃষ্ণের আলম্বন হইতে পারে না। প্রিয়তা বা মধুরা রতির আবির্ভাব হেতু—সাত প্রকার। অভিযোগ, বিষয়, সন্দেহ, অভিমান, তদীয় বিশেষ, উপমা ও স্বভাব। এইগুলি উত্তরোত্তর উত্তম।

অভিযোগ—নিজ হইতে বা অপরের দ্বারা ইঙ্গিতে আপন অভিনাশ প্রকাশের নাম অভিযোগ।

বিষয়—শব্দ, স্পর্শ, রূপ, রস, গন্ধ।

শব্দ—কৃষ্ণ নাম, মুরলীধ্বনি প্রভৃতি।

শ্রীকৃষ্ণ প্রতি দূতী ॥ ‘অপরূপ তুয়া মুরলীধ্বনি, লালসা বাঢ়ল শব্দ শুনি ॥’

স্পর্শ—একদিন ব্রজপুরে

অতি গাঢ় অন্ধকারে

এক যুবা মোরে পরশিল।

সেদিন অবধি করি

রোমগণ নিদ্রা ছাড়ি

অত্যাধি তেমতি রহিল ॥

রূপ—

নবজলধর তনু খীর বিজুরী জলু পীতবসন বনি তার।

চুড়া পরে শিখিদল বেড়িয়া মালতী মাল সৌরভে মধুকর ধায় ॥

শ্রামরূপ আগয়ে মরমে।

পাসরিব মনে করি যতনে ভুলিতে নারি ঘুচাইল কুলের ধরমে ॥

কিবা সেই মুখশশি উগারে অমিয়ারাশি আখি মোর মজিল তাহার।

গুরুজন ভয়ে যদি ধৈর্য ধরিতে চাহি দ্বিগুণ আগুন উপজায় ॥

এতিন ভুবনে যত রস সুধানিধি কত শ্রাম আগে নিছিয়া ফেলিয়ে ॥

এ দাস অনন্তে কল্প হেনরূপ রসময় না দেখিলে পরাণে না জীয়ে ॥

রস—কৃষ্ণের অধরাগত, চর্বিবত তাম্বুলাদি গ্রহণে উদ্ভূত ।

গন্ধ—কৃষ্ণ অঙ্গ গন্ধ, অঙ্গ লিপ্ত অগুরু-চন্দনাদির গন্ধ, কণ্ঠবিলম্বিত
অথবা চূড়াবেষ্টিত মালতী মাল্যাদির গন্ধ, শ্রীচরণ-লিপ্ত তুলসীর গন্ধ ।

সম্বন্ধ—বংশ, রূপ, গুণাদির গৌরব ।

কে বর্ণিবে বল তাথে, গিরি ধরে বাম হাতে, রূপ ত্রিভুবনের মোহন ।

জন্ম ব্রজরাজঘরে, গুণ লেখা কেবা করে, লীলা চমৎকারের কারণ ॥

সখি হেন কৃষ্ণ ব্রজেন্দ্রনন্দন ।

তাহার মুরলী শুনি, হেন কে রমণী মণি, যে করয়ে বৈর্য্য সমরণ ॥

অভিমান—পৃথিবীতে অনেক অপূর্ব বস্তু আছে ; তাহার মধ্যে এইটাই
আমার প্রার্থনীয়, এইরূপ নিশ্চয়ের নাম অভিমান ।

তদীয় বিশেষ—কৃষ্ণের চরণচিহ্ন, বৃন্দাবন, এবং শ্রীকৃষ্ণের প্রিয়জন ।

উপমা—এক বস্তুর সঙ্গে অপর বস্তুর বথাকথঞ্চিং সাদৃশ্য । কৃষ্ণের
সঙ্গে সামান্য সাদৃশ্য—নবজলধর, তমাল প্রভৃতি ।

স্বভাব—যাহা স্বতঃই উদ্ভূত হয় । স্বভাব দুই রূপ - নিসর্গ ও স্বরূপ ।

নিসর্গ—দৃঢ় অভ্যাস বশতঃ যে সংস্কার । পুনঃ পুনঃ দর্শন, পুনঃ পুনঃ-
গুণশ্রবণাদিজনিত ।

স্বরূপ—অহেতুকী রতি । স্বতঃসিদ্ধ ভাব । ইহার তিন রূপ—
কৃষ্ণনিষ্ঠ, ললনানিষ্ঠ, কৃষ্ণ-ললনানিষ্ঠ ।

কৃষ্ণনিষ্ঠ স্বরূপ—দৈত্য ভিন্ন অত্র ভক্তগণের লভ্য । রমণীরূপধারী
শ্রীকৃষ্ণকে দেখিয়া দেবনারীগণ সহজেই চিনিতে পারিয়াছিলেন ।

ললনানিষ্ঠ স্বরূপ—স্বয়ং উদ্ভূত হয় । কৃষ্ণকে না দেখিয়া, কৃষ্ণকথা না
শুনিয়াও কৃষ্ণে রতি হয় । ব্রজসুন্দরীগণের স্বভাব সদ্ধ রতি ।

উভয়নিষ্ঠ—কৃষ্ণ, কৃষ্ণপ্রিয়ার যেই স্বরূপ হয় ।

উভয়নিষ্ঠ বলি তারে কবিগণ কর ॥

: ১৭২

পদাবলী-পরিচয়

রস ও ভাব নিত্যসিদ্ধ। আচার্য্যগণ বলিয়াছেন—রসহীন ভাব বা ভাবহীন রস থাকে না।

ন ভাবহীনোহস্তি রসো ন ভাবো রসবর্জিতঃ।

পরম্পরকৃতাসিদ্ধি রনয়োঃ রসভাবয়োঃ ॥

রসে ভাবে ভেদও আছে, অভেদও আছে। এই ভেদাভেদ অচিন্ত্য।

রস অখণ্ড, রস স্বপ্রকাশ, আনন্দ চিন্ময় এবং বেত্তান্তরম্পর্শমুখ্য। মাখুর বিরহ কীর্তন হইতেছে। অধ্যাপক, ক্রমক, বণিক ব্যবহারাজীব, শিল্পী, এমন কি নগরপাল পর্যন্ত সকলে মিলিয়া শুনিতেছি। তন্ময় হইয়া গিয়াছি, গোপীবিরহসিদ্ধিতে, আপনা হারাইয়াছি। স্বভাব ভুলিয়াছি, বেত্তান্তরম্পর্শমুখ্য হইয়াছি। বিশ্বনাথ কবিরাজ ইহার নাম দিয়াছেন—“সাধারণীকৃতিঃ”। ইহাই সাহিত্য, সহিতের মিলন।

“ব্যপারোহস্তি বিভাবাদেৰ্ণান্না সাধারণী কৃতিঃ”

সাধারণকে সম্মিলিত করিবার জন্ত, তাহাদের সাহিত্য সৃষ্টির জন্ত, এই সাধারণী-কৃতি-সাধনের জন্তই, শ্রীচৈতন্যদেব সাধারণের মধ্যে শ্রীভগবানের ভাবরসময়ী নাম, গুণ, লীলা-কীর্তনের প্রবর্তন করিয়াছিলেন। এই অবস্থায়—

“পরম্ভ ন পরশ্চেতি মমেতি ন মমেতি চ।

তদাস্বাদে বিভাবাদেঃ পরিচ্ছেদো ন বিত্ততে ॥”

বাহ্য পরম্ব হইয়াও পরের নয়, নিজস্ব হইয়াও আমার নয়, অথচ বিভাবাদি সহযোগে আস্বাদনে বাহার কোন পরিচ্ছেদও নাই, তাহাই আনন্দ, ইহাই চমৎকৃতি। ইহাই রস ও ভাবের স্বভাব, ইহাই ব্রহ্মাস্বাদ-সহোদর।

রস বাহার আত্মা, ভাব বাহার শক্তি, শব্দ বাহার অবয়ব, অর্থ বাহার প্রাণ, অলঙ্কার বাহার অঙ্গসৌষ্ঠব, ছন্দ বাহার গতি, তাহাই

সাহিত্য। সাহিত্যের রসেরও পরকীয়া আছে। জগৎসৃষ্টির বিষয়ে ত্রীভগবানের যেমন তিন শক্তি—ইচ্ছাশক্তি, জ্ঞানশক্তি ও ক্রিয়াশক্তি—অর্থাৎ ফলাদিনী, সঞ্চিৎ ও সন্ধিনী, অথবা অনুভূতি, বোধ ও স্থিতিশক্তি। সাহিত্য-সৃষ্টি বিষয়েও তেমনই ভাবের বিভাব, অনুভাব ও সঞ্চারী ভাবের মত অপর তিন রূপ অভিধা, লক্ষণা ও ব্যঞ্জনা বা ধ্বনি।

শব্দের উচ্চারণ মাত্র পরম্পরাগত সংস্কার বশতঃ বাহ্য সহজে প্রতীত হয়,—সেই মুখ্যার্থবোধক বৃত্তিই অভিধা। বাহ্য চিরপ্রচলিত অভিধানের প্রকাশক তাহাই অভিধা।

মুখ্যার্থের বাধা ঘটিলে বাহার দ্বারা বাচ্যসম্বন্ধযুক্ত অল্প পদার্থ-বিষয়িনী প্রতীতি জন্মে, তাহাই লক্ষণা। অথবা—শব্দার্থের অবিনাশিত অর্থাৎ অসাধারণ সম্বন্ধ বিশেষযুক্ত পদার্থের প্রতীতির নামই লক্ষণা।

অভিধা ও লক্ষণা, আক্ষেপ ও তাৎপর্যজনিত বোধ সমাপ্ত হওয়ার পর ধ্বন্যর্থ-বোধের কারণীভূত যে ব্যাপার প্রতীয়মান হয়, তাহারই নাম ব্যঞ্জনা। এ বিষয়ের একটা পরিচিত উদাহরণ—“গঙ্গায়াং ঘোষঃ”। ঘোষ গঙ্গাবাস করিতেছে। অভিধাবৃত্তিতে গঙ্গা বলিতে সুপ্রসিদ্ধা স্রোতস্বিনী বুঝায়। লক্ষণাবৃত্তিতে তাহার তীরভূমি বুঝিতে হয়। কিংবা নোকাদির উপর স্থিতি বুঝিতে হয়। কারণ গঙ্গার জলে মানুষ বাস করে না। গঙ্গানীরে বা তীরে বাস করার কারণ তাহার শৈত্যাদিশুণ্ণ, তাহার পাবনী শক্তি ইত্যাদি। যে বৃত্তিতে এই শুণ্ণ ও শক্তি বুঝাইতেছে, ঘোষের গঙ্গাবাসের কারণ জানাইয়া দিতেছে, তাহাই ব্যঞ্জনা বৃত্তি। কবিকর্ণপুর এই ব্যঞ্জনারই বন্দনা গাহিয়াছেন।

নখরজগতে ঘটনা-প্রবাহ বহিয়া চলিয়াছে, ক্ষণস্থায়ী জীবনে নিত্য নূতন পরিবর্তন ঘটিতেছে। কিন্তু “ঘটে যা তা সব সত্য নহে”। “এই ঘটনাবলী ও জীবন-স্রোতের,—এককথায় জগত ও জীবনের মূলে যে

শাস্ত্রত সনাতন সত্য চিরস্থির রহিয়াছে, সেই অনির্বচনীয় অর্ধিনন্দন
সত্তাই ভাব ও রসের মিলিত স্বরূপ।” পরকীয়া ভাবেই, ব্যঞ্জনার সাহায্যেই
তাহার উপলব্ধি সহজ এবং স্বাভাবিক। শ্রীমন্ মহাপ্রভুর পুণ্য জীবন-
কথা হইতে দুইটা উদাহরণ দিতেছি।

নীলাচলে রথবাত্রা। প্রেমবিগ্রহ শ্রীচৈতন্যদেব রথাগ্রে নৃত্য
করিতে করিতে গান করিতেছেন—সামান্য নারিকার উক্তি একটা আদি-
রসের শ্লোক—

যঃ কোমারহরঃ স এব হি বরস্তা এব চৈত্রঙ্গপা-
স্তে চোন্মিলিতমালতীসুরভয়ঃ প্রোঢ়াঃ কদম্বানিলাঃ ।
সা চৈবান্মি তথাপি তত্র সুরতব্যাপারলীলাবিধৌ
রেবারোধসী বেতসীতরুতলে চেতঃ সমুৎকণ্ঠতে ॥

যিনি আমার কোমার হরণ করিয়াছেন, সেই আমার অভিমত বর।
সেই চৈত্রমাসের রাত্রি ; সেই উন্মিলিত মালতী সুরভি প্রোঢ় কদম্ববনবায়ু।
দখি, তথাপি আমাদের সুরত-ব্যাপারে বেরা নদীর তীরস্থিত বেতসী
তরুতলের জন্ত আমার চিত্ত উৎকণ্ঠিত হইতেছে। অভিধার ইহাই
অর্থ। লক্ষণা সুরণ করাইয়া দিতেছে—কৈশোরের গতদিনের স্মৃতি। সেই
চারি চক্ষের সহসা মিলনে সজ্জাত প্রেম। নরমদার বেতসীতরুকুঞ্জে
সেই বহুপ্রতীক্ষিত ঈষ্মিত প্রথম সমাগম। তাহার পর দীর্ঘদিনের
অদর্শন। বহুদিন পরে পুনরায় এই মিলন-ইত্যাদি।

সাধারণের সন্দেহ হইল, শ্রীমন্ মহাপ্রভুর মুখে এই সামান্য নারিকার
কথা, এই আদিরসের শ্লোক! একমাত্র শ্রীপাদ স্বরূপ দামোদরই
এই শ্লোকের অর্থ জানিতেন। দৈবাৎ সে বৎসর শ্রীল রূপ গোস্বামী,
শ্রীক্ষেত্রে উপস্থিত ছিলেন। তিনি মহাপ্রভুর রূপায় শ্লোকের ব্যঞ্জনা
বুঝিলেন। বুঝিয়া তালপত্রে তাবানুরূপ শ্লোক লিখিলেন। তালপত্র-

খানি ব্রহ্ম হরিদাসের কুটীরের চালে রাখিয়া শ্রীকৃষ্ণ সমুদ্রস্নানে গিয়াছেন, এমন সময় শ্রীভগবান্ দেবের উপলভোগ দর্শনাস্তে মহাপ্রভু ব্রহ্ম হরিদাসের কুটীরে আসিয়া ইতি উতি চাহিতে তালপত্রখানি দেখিতে পাইলেন। তালপত্রে শ্রীকৃষ্ণ-লিখিত শ্লোক পাঠ করিয়া বিস্মিত হইলেন। পাঠ করিলেন—

প্রিয়ঃ সোহরঃ কৃষ্ণঃ সহচরি কুরুক্ষেত্রে মিলিত-

সুতাহং সা রাধা তদিদমুভয়োঃ সঙ্গমসুখম্।

তথাপ্যন্তঃখেলন্মধুরমুরলীপঞ্চমজুবে

মনো মে কালিন্দীপুলিনবিপিনায় স্পৃহয়তি ॥

বহুদিনের অদর্শন। কৃষ্ণ বৃন্দাবন হইতে মথুরায়, তথা হইতে দ্বারকায়। মনে হয় যেন কত যুগ, কত যুগান্তর বহিয়া গিয়াছে। তাহার পর এই কুরুক্ষেত্রে মিলন। সূর্য্যগ্রহণ, সেইজন্ত ভগবান্ শ্রীকৃষ্ণ দ্বারকা হইতে তীর্থস্থান উপলক্ষ্যে কুরুক্ষেত্রে আসিয়াছেন। সঙ্গে অগণিত বাদবসৈন্ত; উগ্রসেন, বসুদেব, বলদেব, সাত্যকি, প্রদ্যুম্ন প্রভৃতি বাদব-প্রধানগণ। জননী দেবকী, রোহিণী ও মহিষী কৃষ্ণিণী আদি পুত্রমহিলা-গণও আছেন। অশ্ব, হস্তী, রথের সংখ্যা নাই। ভারতের রাজন্তমণ্ডলীও তীর্থস্থানে তথা শ্রীকৃষ্ণ-দর্শনে কুরুক্ষেত্রে আসিয়া উপস্থিত হইয়াছেন। তাঁহাদের সঙ্গেও মর্যাদানুরূপ সৈন্তবাহিনী। সংবাদ পাইয়া শ্রীধাম বৃন্দাবন হইতে আসিয়াছেন—পিতা নন্দ, জননী যশোমতী, শ্রীদামাদি রাখালগণ এবং অপরাপর গোপ-গোপীবৃন্দ। আর আসিয়াছেন সখীযুথ-পরিবৃত্তা শ্রীমতী রাধা ঠাকুরাণী। তিনি শ্রীকৃষ্ণকে দেখিলেন, কৃষ্ণের সঙ্গে বহুবাস্তিত মিলনে সন্মিলিত হইলেন। কিন্তু কোথায় যেন ব্যবধান থাকিয়া গেল। দর্শনে সে তৃপ্তি নাই, মিলনে সে আনন্দ নাই। “ইহ হাতী ঘোড়া রাজবেশ মনুষ্য গহনে” তিনি বৃন্দাবনের জন্ত

১৭৬

পদাবলী-পরিচয়

উতলা হইয়া উঠিলেন। বলিলেন—“সহচরি, সেই আমার প্রিয় দয়িত শ্রীকৃষ্ণ, কুরুক্ষেত্রে আসিয়া মিলিত হইরাছি। সেই আমি রাধা, সেই আমাদের সঙ্গমস্থল। তথাপি মুরলীর মধুর পঞ্চমে তরঙ্গায়িত অন্তঃ-প্রদেশ, কালিন্দীর পুলিনপরিগত ব্রজবনস্থলীর জন্ত আমার মনে স্পৃহা জাগিতেছে”। ইহাই মহাপ্রভুর মনোভাব, মহাপ্রভুর পরিগীত শ্লোকের ইহাই ব্যঞ্জনা। ইহাই রসের পরকীয়া ভাব। জগন্নাথদেবকে দেখিয়া শ্রীমহাপ্রভুর হৃদয়ে এই কুরুক্ষেত্রমিলনের স্মৃতিই জাগিয়া উঠিত।

যবে দেখি জগন্নাথ স্মৃতদ্রা বলাই সাথ

তবে জানি আইনু কুরুক্ষেত্র।

হেরি পদ্মলোচন

সফল হইল জীবন

জুড়াইল তনু মন নেত্র ॥ —শ্রীচৈতন্য-চরিতামৃত।

রাধাভাবে বিভাবিত অন্তরের ইহাই পরিচয়।

অন্ত একদিনের কথা—গোদাবরীতীর, বিদ্যানগর। মহাপ্রভু দাক্ষিণাত্যের পথে তীর্থ-পর্যটন উপলক্ষ্যে রাজমাহেন্দ্রীতে আসিয়াছেন। রামানন্দ রায়ের সঙ্গে মিলন ঘটিয়াছে। মহাপ্রভু প্রশ্ন করিতেছেন। রায় উত্তর দিতেছেন। মহাপ্রভু এহো বাহু, এহো হয়, এহোত্তম বলিয়া অগ্রসর হইতেছেন। অবশেষে মহাপ্রভুর প্রশ্নের বাঞ্ছিত সঙ্গত মিলিল। রায় বলিলেন, “রাধার প্রেম সাধ্যশিরোমণি।” মহাপ্রভু শ্রীমদ্ভাগবতের কথা তুলিয়া বলিলেন, শ্রীরাসমণ্ডল হইতে শ্রীকৃষ্ণ গোপনে শ্রীরাধাকে লইয়া অন্তর্হিত হইরাছিলেন। ইহাতে অন্ত্রাপেক্ষা ছিল। অন্ত্রাপেক্ষা থাকিলে প্রেমের গাঢ়তা প্রকাশ পায় না। তখন রামানন্দ রায় শ্রীগীতগোবিন্দ হইতে শ্লোক উদ্ধার করিয়া দেখাইলেন—
বাসন্ত রাসে—সকল গোপীর প্রতি সমান ভাব দেখিয়া শ্রীরাধাই রাস-মণ্ডল ত্যাগ করিয়াছিলেন এবং শ্রীকৃষ্ণ রাসলীলার আশা ছাড়িয়া দিয়া

শ্রীরাধাকেই খুঁজিয়া কিরিয়াছিলেন। অবশেষে পায়ে ধরিয়া মান
ভাঙ্গাইয়াছিলেন। রাম রায়ের উত্তরে মহাপ্রভু সন্তুষ্ট হইয়া শ্রীকৃষ্ণ
ও শ্রীরাধার স্বরূপ ও লীলাতত্ত্বাদি জানিতে চাহিলেন। আদেশমত
রায়ও বর্ণন করিয়া চলিলেন। মহাপ্রভু পুনরায় বলিলেন—

প্রভু কহে এই হয় আগে কহ আর ।
রায় কহে ইহা বই বুদ্ধি গতি নাহি আর ॥
যেবা প্রেম-বিলাস-বিবর্ত এক হয় ।
তাহা শুনি তোমার মুখ হয় কি না হয় ।
এত কহি আপন কৃত গীত এক গাইল ।
প্রেমে প্রভু স্বহস্তে তার মুখ আচ্ছাদিল ।

॥ গীত ॥

পহিলিহি রাগ নয়নভঙ্গ ভেল ।
অনুদিন বাঢ়ল অবধি না গেণ ॥
না সো রমণ না হাম রমণী ।
হুঁহ মন মনোভব পেয়ল জানি ॥
এ সখি সে সব প্রেমকাহিনী ।
কাহুঠাম কহবি বিছুরহ জানি ॥
না খোঁজলু দূতী না খোঁজলু আন ।
হুঁহক মিলনে মধ্যত পাঁচবাণ ॥
অব সোই বিরাগ তুঁহ ভেলি দূতী ।
সুপুরুষ প্রেমকি ঐছন রীতি ॥
বর্জন রুদ্র নরাধিপ মান ।
রামানন্দ রায় কবি ভাণ ॥

এই পদ লইয়া এবং মহাপ্রভু কর্তৃক রামানন্দের মুখ আচ্ছাদনের ব্যাপার লইয়া পূর্বাচার্য্যগণ কিছু কিছু ইঙ্গিত করিয়াছেন। ইহাদের মধ্যে মহাকবি কর্ণপুর বলিয়াছেন—“বিষধর সর্প যেমন ফণা তুলিয়া গাড়ুরির (সাপুড়িয়ার) গান শোনে, মহাপ্রভু তেমনই রায় রামানন্দের গান শ্রবণ করিলেন। পরে হয়তো এই ভাব প্রকাশের এখনো সময় হয় নাই, এই ভাবিয়া, অথবা আনন্দে বিবশ হইয়া, স্বহস্তে রায়ের মুখ আচ্ছাদন করিলেন। নিরুপাধি (অকপট) প্রেম কখনো উপাধি (কপটতা) সহ করিতে পারে না। এজন্ত গানের প্রথমার্দ্ধে শ্রীরাধামাধবের বিগুহ প্রেমের কথা শুনিয়া মহাপ্রভু তাহাকেই সাধ্যসার স্থির করিয়া রায়ের মুখাচ্ছাদন করিয়াছিলেন।” আমাদের মনে হয় কবি কর্ণপুর গৃঢ় রহস্য প্রকাশ করেন নাই। আমরা প্রথমে পদের অর্থ বলিয়া মুখাচ্ছাদনের মর্ম্ম যথানুভূতি বিবৃত করিতেছি।

পদের অর্থ। প্রথমেই রাগ—পূর্বরাগের উদয় হইয়াছিল। (ললনা-নিষ্ঠ প্রেমের ইহাই রীতি, না দেখিয়া না শুনিয়াই প্রেমের উদয় হয়) পরে নয়নভঙ্গীতে পরিচয় ঘটিয়াছিল। (পরিচয়ে প্রেম প্রগাঢ় হইয়া) দিনের পর দিন বাড়িয়াই চলিয়াছিল। তাহার অবধি (শেষ) পাওয়া যায় নাই। সে রমণ, আমি রমণী, নহি, সে ভোক্তা আমি ভোগ্য-মাত্র নহি। (সে রমণ, আমি রমণী এ চেতনাও তখন ছিল না), তথাপি মনোভব আমাদের মনকে পিষ্ট করিয়াছিল। (দুইজনের প্রীতি পরস্পরের মনকে গলাইয়া মিলাইয়া দিয়াছিল।) সখি, সেই সব প্রেমকাহিনী কানুর নিকট কহিও, যেন ভুলিও না। তখন তো কোন দূতী খুঁজি নাই। অজ্ঞ কাহারো অনুসন্ধান করি নাই। দুজনের মিলনে পঞ্চবাণই (মদনই) আমাদের মধ্যস্থ ছিল। এখন তাহার বিরাগে তুমি দূতী হইয়াছ। সুপুরুষের (উত্তম নায়কের) প্রেমের কি এই রীতি!

কবি রামানন্দ বলিতেছেন—শ্রীরাধার মান রুদ্ধ (প্রচণ্ড) রাজ্যোৎসবের মত বর্ধিত হইয়াছে। (প্রচণ্ড মান শ্রীরাধার মনে আধিপত্য বিস্তার করিয়াছে) অথবা মহারাজা প্রতাপরুদ্র কর্তৃক বর্দ্ধিতমান কবি রামানন্দ রায় ইহা বলিতেছেন।

“না সো রমণ না হাম রমণী,”—কবি কর্ণপুরের শ্রীচৈতন্যচন্দ্রোদয় নাটকের একটি শ্লোকেও এই প্রকারের উক্তি আছে। শ্রীরাধার দূতী সখুরায় গিয়া শ্রীকৃষ্ণের নিকট রাধার বক্তব্য বিবৃত করিতেছেন—

অহং কান্তা কান্তম্বমিতি ন তদানীং মতিরভূৎ
মনোবৃত্তিলুপ্তা ভ্রমহমিতি নো ধীরপি হতা।
ভবান্ ভর্তা ভার্যাহমিতি যদীদানীং ব্যবসিতি
স্তথাপ্যগ্নিন্ প্রাণঃ ক্ষুরতি নহু চিত্রং কিমপরম্ ॥

তুমি যখন বৃন্দাবনে ছিলে, আমি কান্তা ; তুমি আমার কান্ত, তখন কি এইরূপ মতি ছিল। মনোবৃত্তি লুপ্ত হওয়ার, তুমি এবং আমি, আমাদের এই বুদ্ধিও বিনষ্ট হইয়াছিল। এখন তুমি ভর্তা, আমি তোমার ভার্য্যা, ইদানীং এইরূপ বুদ্ধির উদয়েও দেহে প্রাণ স্পন্দিত হইতেছে। (বাঁচিয়া আছি) ইহার পরেও আর কি আশ্চর্য্য আছে ?

প্রাচীন কবি অমরুর একটি শ্লোকেও এই কথাই পাইতেছি—

তথাহভূদগ্ন্যাকং প্রথমমবিভিন্না তনুরিয়ং
ততোহু স্বং প্রেয়ানহমপি হতাশা প্রিয়তমা।
ইদানীং নাথ স্বং বরমপি কলত্রং কিমপরং
মগ্নাপ্তং প্রাণানাং কুলিশকঠিনানাং ফলমিদম্ ॥

ভালবাসার প্রথমে তো আমাদের দুইজনের দেহও অভিন্ন ছিল। তাহার পর তুমি হইলে প্রেয়, আমি হইলাম তোমার আশাহতা

প্রিয়তমা । এখন তুমি হইয়াছ নাথ, আমরা হইয়াছি তোমার বনিতা ।
না জানি পরে কি আছে ! আমার প্রাণ কুলিশ-কঠোর বলিয়াই না
এই ফললাভ করিলাম ?

সুতরাং পদের কথায় এমন অদ্ভুত কিছু নাই, বাহার জ্ঞাত মহাপ্রভু
রাম রায়ের মুখ চাপিয়া ধরিতে পারেন । মুখ চাপিয়া ধরিবার কারণ
পদের মধ্যেই আছে । কিন্তু তাহা এমন কিছু উদ্ভট নহে ।

রাম রায়ের সঙ্গে সাধ্য-সাধন-নির্ণয়ে মহাপ্রভু শ্রীকৃষ্ণের ভাবেই
ভাবিত ছিলেন । অন্তর তাঁহার শ্রীকৃষ্ণভাবের পরিপূর্ণ স্ফূর্তিতে
উজ্জল ছিল । সমগ্র গৌর-লীলার শ্রীকৃষ্ণভাবের এমন উদ্দাম
প্রকাশ আর কখনও দেখিয়াছি বলিয়া মনে হয় না ।
মহাপ্রভুর নিজের শ্রীমুখবাণীতেই ইহার পরিচয় আছে । রাম রায়
বলিতেছেন—

এক সংশয় মোর আছরে হৃদয়ে ।
কৃপা করি কহ মোরে তাহার নিশ্চয়ে ॥
পহিলে দেখিলুঁ তোমা সন্ধ্যাসী স্বরূপ ।
এবে তোমা দেখি মুঞি শ্রাম গোপরূপ ॥
তোমার সম্মুখে দেখে কাঞ্চন পঞ্চালিকা ।
তার গৌরকাস্তে তোমার সর্ব অঙ্গ ঢাকা ॥
তাহাতে প্রকট দেখি সবংশীবদন ।
নানাভাবে চঞ্চল তাহে কমলনয়ন ॥
এইমত তোমা দেখি হয় চমৎকার ।
অকপটে কহ প্রভু কারণ ইহার ॥
প্রভু কহে কৃষ্ণে তোমার গাঢ় প্রেম হয় ।
প্রেমার স্বভাব এই জানিহ নিশ্চয় ॥

রস এবং ভাব

১৮১

মহাভাগবত দেখে স্থাবর জঙ্গম ।
 তাই তাই হয় তার শ্রীকৃষ্ণ স্মরণ ॥
 স্থাবর জঙ্গম দেখে না দেখে তার মূর্তি ।
 সর্বত্র হয় নিজ ইষ্টদেব-স্মৃতি ॥
 রাখাক্ষে তোমার মহাপ্রেম হয় ।
 যাই তাই রাখাক্ষ তোমারে স্মরণ ॥
 রায় কহে তুমি প্রভু ছাড় ভারিভূবি ।
 মোর আগে নিজরূপ না করিহ চুরি ॥
 রাধিকার ভাবকান্তি করি অঙ্গীকার ।
 নিজ রস আশ্বাদিতে করিলাছ অবতার ॥
 নিজ গুটকার্য তোমার প্রেম আশ্বাদন ॥
 আনুষঙ্গে প্রেমময় কৈলে ত্রিভুবন ॥
 আপনে আইলে মোরে করিতে উদ্ধার ।
 এবে কপট কর, তোমার কোন্ ব্যবহার ॥
 তবে হাসি তারে প্রভু দেখাইলা স্বরূপ ।
 রসরাজ মহাভাব দুই একরূপ ॥
 দেখি রামানন্দ হৈল আনন্দে মুচ্ছিতে ।
 ধরিতে না পারে দেহ পড়িলা ভূমিতে ॥
 প্রভু তারে হস্তস্পর্শে করাইল চেতন ।
 সন্ন্যাসীর বেশ দেখি বিস্মিত হৈল মন ॥
 আলিঙ্গন করি প্রভু কৈল আশ্বাসন ।
 তোমা বিনা এইরূপ না দেখে কোন জন ॥
 মোর তত্ত্ব লীলারস তোমার গোচরে ।
 অতএব এইরূপ দেখাইল তোমারে ॥

গৌরদেহ নহে মোর রাধাস্পর্শন ।

- গোপেন্দ্রমৃত বিনা তিহঁ না স্পর্শে অশ্রু জন ॥

তার ভাবে ভাবিত আমি করি চিত্ত মন ।

তবে নিজ মাধুর্য রস করি আন্বাদন ॥

(শ্রীচৈতন্য-চরিতামৃত, মধ্যলীলা)

মহাপ্রভু এখানে পরিষ্কার বলিতেছেন—“এ আমার গৌরদেহ নহে, রাধাস্পর্শন । কথা উঠিতে পারে, তুমি না হয় রাধাস্পর্শ করিয়াছ, কিন্তু শ্রীরাধা ? তাই সংশয় দূর করিবার জন্ত মহাপ্রভু দৃঢ়ভাবে বলিতেছেন, শ্রীরাধা ব্রজেন্দ্রনন্দন ভিন্ন অশ্রু কাহাকেও স্পর্শ করেন না । আমি পদাবলী-সাহিত্যের দিক্ হইতে—ভাবে দিক্ হইতে এই উক্তির আলোচনা করিতেছি ।

রামানন্দ রায়ের পদটী কলহাস্তুরিতার পদ । শ্রীল রাধামোহন ঠাকুরও পদামৃত-সমুদ্রে পদটী কলহাস্তুরিতা-পর্য্যায়েই সন্নিবিষ্ট করিয়াছেন । এবং টীকার সেইরূপ ব্যাখ্যাই বিবৃত হইয়াছে । মানিনী শ্রীরাধা শ্রীকৃষ্ণকে প্রত্যাখ্যান করিয়া কলহাস্তুরিতা অবস্থায় আছেন । শ্রীকৃষ্ণের দূতী আসিয়া বলিলেন (পদামৃত-সমুদ্রে ‘পহিলিহি...’ পদের পূর্বে এই পদটী আছে)

শুন লো রাজার বি ।

লোকে না বলিবে কি ॥

গিছাই করলি মান ।

তো বিনে জাগল কান ॥

আনত সঙ্কেত করি ।

তাই জাগাইলি হরি ॥

উলটি করলি মান ।

বড় চণ্ডীদাস গান ॥

দ্বিতীয় এই ভংসনাত্তেই শ্রীরাধা বলিয়াছেন ‘পহিলহি...’ ইত্যাদি ।

এই পদটী গাহিবার পূর্বে রায় বলিয়াছিলেন, যে এক প্রেমবিলাস-বিবর্ত আছে, তাহার কথা শুনিয়া তোমার সুখ হইবে কি হইবে না, বুঝিতে পারিতেছি না । প্রেম-বিলাস-বিবর্ত অর্থে প্রেমবিলাসের পরিপাক । পরিপাক—প্রগাঢ় অবস্থা । এই বলিয়াই রায় পদটী গাহিয়াছেন । কলহাস্তুরিতা মানের অন্তর্গত । প্রেম প্রগাঢ় না হইলে মানের উদয় হয় না । প্রেম হইতে মেহ, মেহ হইতে মান, মানের পর প্রণয়, তাহা হইতে রাগ, রাগের পর অনুরাগ, তাহার পর ভাব এবং ভাবের পরমাবস্থার মহাভাবের উদয় ।

‘সাধন ভক্তি হইতে হয় রতির উদয় । রতি গাঢ় হইলে তার প্রেম নাম কয় ।’ যুবক-যুবতীর অবিনশ্বর ভাব-বন্ধনের নাম প্রেম । প্রেম আনন্দ চিন্ময় রস । মেহ—চিদীপদীপন প্রেম পরমা কাষ্ঠা প্রাপ্ত হইয়া হৃদয়কে দ্রবীভূত করিয়া মেহ আখ্যা প্রাপ্ত হয় । আদরাধিক্যে এই মেহের নাম স্নতমেহ । মদীরা রতির মেহ মধুমেহ ।

মান—মেহ উৎকর্ষতা প্রাপ্ত হইয়া যখন প্রিয়তমের নব নব মাধুর্য্যে উল্লসিত হয়, হৃদয় তখন অদাক্ষিণ্য ধারণ করে ; বাসতা প্রাপ্ত হয় । কারণে অকারণে প্রিয়তমের প্রতি মানের উদয় হয় । শ্রীকৃষ্ণ বলেন—

প্রিয়া যদি মান করি করয়ে ভংসন ।

বেদ স্তুতি হইতে তাহা হরে মোর মন ॥

মান যখন বিশ্রুত দান করে, তখনই তাহার নাম হয় প্রণয় । সত্ত্বম-হীনতা এবং বিশ্বাস প্রণয়ের স্বরূপ । বিনয়যুক্ত বিশ্রুত মৈত্র, আর ভয়হীন বিশ্রুত সখ্য নামে অভিহিত হয় । এই প্রণয় যখন প্রিয়তমের জগৎ সকল দুঃখকেই সুখ বলিয়া মানে, তখন তাহা রাগ নামে অভিহিত হয় । রাগ দুই প্রকার—নীলিমা ও রক্তিমা । নীলিমা দুই প্রকার—নীলি ও

শ্রামা। নীলি অপ্রকাশ, শ্রামা দ্বিধা প্রকাশিত। রক্তিম—দুই প্রকার কুণ্ডলাসম্ভব, মঞ্জিষ্ঠাসম্ভব। কুণ্ডলার রং স্থায়ী নহে। অল্প বস্তু সঙ্গে স্থায়ী হয়। শ্রীরাধার সঙ্গিনীগণের সঙ্গে এই রাগ স্থায়ী লাভ করে। মাজিষ্ঠ রাগ চিরস্থায়ী। আপনিই বর্দ্ধিত হয়, অত্যাপেক্ষা রাখে না। রাগ যখন নিত্য নবরূপে ক্ষুণ্ণ প্রাপ্ত হয়—প্রিমতমকে মনে হয়—“নব রে নব নিতুই নব” তখনই সেই রাগের নাম হয় **অমুরাগ**। অমুরাগ সকল বৃত্তির আশ্রয়রূপে স্বসংবেগ দশা প্রাপ্ত হইলে, অর্থাৎ আপনাতে আপনি সার্থক হইয়া উঠিলে ভাব সংজ্ঞা লাভ করে। এইভাবে পরমকাষ্ঠা **মহাভাব**। ইহার দুই রূপ রূঢ় ও অধিরূঢ়। অধিরূঢ় মহাভাবের মোহন ও মাদন এই দুইরূপ। মাদন মহাভাব বিরহের অতীত। মোদন বা মোহন মহাভাবাঘ্নিতা শ্রীরাধার কলহাস্তরিতা অবস্থার দ্বিতীয় প্রতি উক্তি ঐ পদ—“পহিলহি রাগ...”।

এখন অতি সাধারণভাবেই রাম রায়ের মুখে মহাপ্রভুর হস্তাচ্ছাদনের কারণ নির্ণীত হইতে পারে। মহাপ্রভু দেখিতেছেন—“একে তো প্রেমের ‘অহেরিব’—সর্পের মত গতি অতি কুটিল। তাহার উপর যে কাঞ্চন-পঞ্চালিকা—স্বর্ণপুত্তলিকা তাহার গৌর-কান্তিতে আমার সর্বাপ আবৃত করিয়া সঙ্গে সঙ্গে ফিরিতেছেন,—তিনি তো সহজেই অভিমানিনী বামা। কি জানি এই কলহাস্তরিতার পদ শুনিয়া যদি তাঁহার পূর্বস্বতি জাগরিত হয়, তিনি বাঁকিয়া বসেন, এ মানিনীকে প্রকৃতিস্থ করিব কোন্ উপায়ে? তাহা হইলে তো এ ঠাট্ এখনই ছাড়িতে হইবে। এই নাম প্রেম প্রচারের হাট এখনই ভাঙ্গিয়া যাইবে।” তাই মহাপ্রভু রামরায়ের মুখ চাপিয়া ধরিয়াছিলেন—“এ গান এখনই বন্ধ কর। আর কিছু বলিও না।”

রামরায়ের পদটী যেমন ভাব-সম্পদে উৎকৃষ্ট, মহাপ্রভুর পূর্বোন্নিখিত রাখা ভাবের এবং এখানে শ্রীকৃষ্ণ ভাবের প্রগাঢ়তা—তাঁহার অপূর্ণ

বৈষ্ণব পদাবলীর ছন্দ

১৮৫

তন্ময়তাও তেমনই লক্ষণীয়। পদাবলী-সাহিত্য আলোচনার এই দুইটি অধিষ্ঠানভূমি।

এই পদ শুনিয়া মহাপ্রভু বলিয়াছিলেন—

“প্রভু কহে সাধ্যবস্ত অবধি এই হয়।

তোমার প্রসাদে ইহা জানিল নিশ্চয়।”

১৬

বৈষ্ণব-পদাবলীর ছন্দ

বাঙ্গালী কবিতার ছন্দ লইয়া অনেকেই আলোচনা করিয়াছেন। কিন্তু পদাবলীর ছন্দ লইয়া পৃথক আলোচনা কেহ করিয়াছেন বলিয়া জানি না। এইজন্ত কবি শ্রীযুক্ত কালিদাস রায়ের ‘প্রাচীন বঙ্গ-সাহিত্য’ হইতে বৈষ্ণব-পদাবলীর ছন্দ অবিকল উদ্ধৃত করিয়া দিলাম। কবি কালিদাস এই বিষয়ে বিশেষ আলোচনা করিয়াছেন।

বৈষ্ণব-পদাবলীর প্রধান ছন্দ পঞ্চাটিকা। * প্রধানতঃ এই ছন্দে প্রাকৃত ভাষায় কবিতা রচিত হইত। এই ছন্দে চরণে চরণে মিল থাকে।

* প্রাকৃতপদ্যে পঞ্চাটিকার বিবিধ রূপকে ভিন্ন ভিন্ন ছন্দের নামে অভিহিত করা হইয়াছে। প্রত্যেক পদ্য দীর্ঘবর দিয়া আরম্ভ হইলে পঞ্চাটিকাকে বলা হইয়াছে—দোষক।

পিংগ জ-। টা বলি। ঠারিঅ। গঙ্গা। ধারিঅ। গাঅরি। জেণ অ-। ধংগ।

চন্দ-ক-। লা জহু। সীমহি। গৌক্খা। মো তুহ। সংকর। দিচ্ছউ। মোক্খা।

লঘুবরাস্ত শেষ পদে দুইটি দীর্ঘবরের স্থলে দুইটি লঘুবর এবং এটি দীর্ঘবর থাকিলে এই দোষকের নাম হয় মোদক।

গজ্জউ মেহ কি অঘর সাম্বর। ফুন্ট নীব কি বুন্ট ভাম্বর।

একউ জীঅ পরাহিণ অম্বর। কীলউ পাউস কীলউ বম্বর।

দীর্ঘ হ্রস্ব স্বরের ধ্রুব সন্নিবেশ মানিতে হয় না। প্রত্যেক দীর্ঘস্বরকে দুই মাত্রা এবং প্রত্যেক লঘুস্বরকে একমাত্রা ধরিয়া প্রত্যেক চরণে ষোলটি মাত্রা রাখিলেই চলে। ঐ ষোলমাত্রা চারিটি পর্বের ভাগ করা যায়। দীর্ঘস্বর বেশি থাকিলে অক্ষরসংখ্যা কম থাকে, লঘুস্বর বেশি থাকিলে অক্ষরসংখ্যা বেশি থাকে। “কা তব কান্তা কন্তে পুত্রঃ” (৯ অক্ষর), “নলিনীদলগতভ্রলমতিতরলম্” (১৫ অক্ষর) দুইই পঙ্খটিকার চরণ। স্বরের ধ্রুব সন্নিবেশের নিয়ম না থাকায় এই ছন্দোৱচনার যথেষ্ট স্বাধীনতা আছে। বৈষ্ণব কবিরা স্বাধীনতার পরিসর আরও বাড়াইয়া লইয়াছিলেন। ক্রমে উদাহরণ দিতেছি—

তাল ক- লা দপি। গুরু মতি। সরসম্ ॥

কিমু ব্রিক-। লী কুরু-। যে কুচ। কলসম্ ॥

সীদতি। সখি মম। হৃদয় ম- ধীরম্ ॥

যদভজ। মিহ নহি। গোকুল-। বীরম্ ॥

পঙ্খটিকার দোষকরূপে প্রত্যেক চরণে দুইমাত্রা অতিপর্ব থাকিলে নাম হয় তারক।
 গব-মঞ্জরি লিজ্জিত। চূহ গাচ্ছে ॥ পরি-কুল্লিত কেন্দু গ। আ বণ কাচ্ছে ॥
 জই-এখি দিগন্তর। জাই গহি কন্তা। কিঅ-বস্বহ নখি কি। গখি বসন্তা ॥
 কেবল প্রথম, তৃতীয় ও চতুর্থ পর্বের প্রারম্ভে দীর্ঘস্বর থাকিলে এবং বাকি সমস্তে হ্রস্বস্বর থাকিলে পঙ্খটিকার নাম হয় একাবলী।

সো জণ। জনমউ। সো গুণ-। মন্তউ ॥ জে কর। পরউঅ-। আর হ-। সন্তউ ॥
 জো পুণ। পর উঅ-। আর বি-। রুজ্জউ। তাক জ-। গখি কি গ। পঙ্কউ। বংঝউ ॥
 পঙ্খটিকার শেষাক্ষর ছাড়া যদি সব স্বরগুলি হ্রস্ব হয়—তবে তাহাকে বলে সরভ।

তরল কমলদল সরিজুঅণঅণা ॥ সরঅ সমঅ সসি সুসরিস বঅণা ॥

মঅগল করিব সঅস গমণী। কমণ মুকিঅ ফল বিহিমঠ রমণী ॥

বিভাগতির—কাজরে রঞ্জিত বনি খবল নয়ন বর। ভ্রমর ভুলল জন্ম বিমল কমল রণ ॥

বৈষ্ণব-পদাবলীর ছন্দ

১৮৭

আঁচর । লেই ব- । দন পর । কাঁপে ॥
 থির নহি । হোরত থরথর । কাঁপে ॥
 হঠপরি । রন্তনে । নহি নহি । বোল ॥
 হরি ডরে । হরিণী । হরিহিরে । ডোল ॥
 শিরপর । চাঁদ অ- । ধরপর । মুরলী ॥
 চলইতে । পছে ক- । রয়ে কত । খুরলী ॥
 সো ধনি । মানি স্ন- । রত অধি । দেবী ॥
 তাকর । চরণ ক- । মলপর । সেবি ॥
 তুঁহ বর । নারী চ । তুরবর । কাণ ॥
 মরকতে । মিলল ক- । নক দশ । বাণ ॥

সংস্কৃত চরণের সহিত ব্রজবুলির চরণগুলি মিলাইলে দেখা যাইবে—
 বৈষ্ণব কবির শ্রেণীর অধিকাংশ স্থলে ৪ মাত্রার বদলে ৩ মাত্রা
 প্রয়োগ করিয়াছেন এবং অনেক স্থলে দীর্ঘস্বরকে দ্রুত উচ্চারণ করিয়া
 একমাত্রা ধরিয়াছেন । অনেক চরণকে ৮+৭ মাত্রায় না পড়িয়া ৭+৮
 মাত্রায় পড়িলে সুরের বৈচিত্র্য ঘটে বলিয়া ৭+৮ মাত্রার বিভাগে
 পড়িবার সুযোগ দিয়াছেন ।

ক্রমে ১৫ মাত্রার পঙ্খটিকার চরণের শেষপর্কের আরও একটি
 মাত্রা লুপ্ত হওয়ার পরায়ের সৃষ্টি হইয়াছে । নিম্নলিখিত চরণগুলি
 পঙ্খটিকার পদে দেখা যায় । এইগুলি পরায়েরও চরণ ।

বদনে দশন দিয়া দগধে পরাণ ।

রতিরস না জানয়ে কান্ন সে গোষ্ঠার ।

অনেকটা এইরূপ । বৈষ্ণব কবিদের পঙ্খটিকার ছন্দে রচিত পদে এই সকল বিশিষ্টরূপের
 চরণের অবাধ মিশ্রণ দৃষ্ট হয় । চর্যাপদের পঙ্খটিকার দৃষ্টান্ত—

কাতা তরুর পঞ্চ বি ডাল । চঞ্চল চীএ পইঠো কাল ।

কতয়ে মিনতি করি তবু নাহি মান ।
 না কর না কর সখি মোহে অল্পরোধে ।
 নব কুচে নথ দেখি জিউ মোর কাঁপে ।
 জন্ম নব কমলে ভ্রমর কর কাঁপে ।
 রসবতি আলিঙ্গিতে লহরী তরঙ্গ ।
 দশদিশ দামিনী দহন বিথার ॥

পদ্মাবলীকার ১৬ মাত্রা স্থলে ১৪ মাত্রা ধরিলে এবং প্রত্যেক দীর্ঘস্বরকে একমাত্রা ধরিলেই পয়ার হইল। দীর্ঘস্বরের উচ্চারণ উপেক্ষা করায় এবং শব্দের মাঝে বতিদানের প্রথা উঠাইয়া দেওয়ার প্যারে পদ্মাবলীকার ছন্দঃস্পন্দ একেবারে লোপ পাইল। “মন্দির বাহির কঠিন কপাট। চলিতে পঙ্কিল শঙ্কিল বাট”—ইহাতে যে ছন্দঃস্পন্দ আছে প্যারে তাহা নাই।

আরও একমাত্রা কমানোতে ইহা নূতন ছন্দের রূপ লাভ করিল।
 যেমন—

শুন সুন্দর কান্না । ব্রজবিহারী ।
 হৃদি-মন্দিরে রাখি । তোমারে হেরি ॥
 আহিরিণী কুরুপিনী । গোপনারী ।
 তুমি জগরঞ্জন । মোহন বংশীধারী ।

ইহারই অনুরূপ—রবীন্দ্রনাথের—

গগনে গরজে মেঘ ঘন বরষা ।
 কুলে একা বসে আছি নাহি ভরসা ।

প্রাকৃত পিঙ্গলে এই ছন্দকে বলা হইয়াছে **হাকলি**—

উচ্চ উচ্চাঙ্গ । বিমল ধরা । তরুণী ধরিত্রী । বিনয় পরা ॥
 বিস্তৃত পুরল । সুদহরা । বরিসা সমা । সুকথ করা ॥

বৈষ্ণব-পদাবলীর ছন্দ

১৮৯

ব্রজবুলিতে রচিত পদের আর একটি প্রধান ছন্দ প্রাকৃত দীর্ঘ ত্রিপদী। এই ছন্দ প্রাকৃতির মরহট্টা, চউপইআ ও নরেন্দ্রবৃন্তের মিশ্রণ। * এই ছন্দের প্রত্যেক চরণের প্রথমংশ পজ্বাটিকা। ইন্দ্রবজ্রা ও উপেন্দ্রবজ্রার মিশ্রণে যেমন উপজাতি, নরেন্দ্রবৃন্ত ও মরহট্টার (বা চউপইআ) মিশ্রণে তেমনি এই দীর্ঘ ত্রিপদী। ঠিক পজ্বাটিকার নিয়মেই ব্রজবুলিতে এই ছন্দ রচিত। প্রত্যেক চরণের প্রথমার্দ্ধ—

* এই ছন্দগুলির দৃষ্টান্ত প্রাকৃত পিঙ্গল হইতে দেওয়া হইল। বৈষ্ণব কবিগণ অধিকাংশ স্থলে গোড়ার অতিপর্ক দুই মাত্রা বাদ দিয়া থাকেন। অথমে মরহট্টার কথা বলি। মরহট্টা—দুইমাত্রা অতিপর্কের (Hyper-metrical) পদ—৮+৮+৮+৩ মাত্রায় মরহট্টার চরণ গঠিত।

জই—মিত ধনেনা। সমর গিরোসা। তহ বিহ গিৎখন। দীস।

জই—অমিঅহকন্দা। বি অলহি চন্দা। তহ বিহ ভোঅন। বাস।

জই—কণঅমরঙ্গ। গোরি অংগা। তহ বিহ ডাকিনি। সঙ্গ।

জো—জম্ব হি দিআবা। দেব সহাবা। কবহ ৭ হো তম্ব। ভঙ্গ।

চ-উপইআ (২)—৮+৮+৮+৪

কির—ণা বলি কন্দা। বন্দিঅ। চন্দা। গঅগহি অণল ফু। রঙ্গা।

সো—সংগঅ দিঙ্গউ। বহ হুহ বিঙ্গউ। তুঙ্গ ভবানী। কঙ্গা।

বৈষ্ণব কবির পর্কে পর্কে কোথাও মিল দিয়াছেন—কোথাও মেন নাই। চউপইআ ও মরহট্টার বিশেষ প্রভেদ কিছু নাই। মরহট্টার শেষ পর্কে ৩ মাত্রার বদলে ৪ মাত্রা। বৈষ্ণব কবিগণ কোথাও মরহট্টার মত ৩ মাত্রা—কোথাও চউপইআর মত ৪ মাত্রা ধরিয়াছেন। পিঙ্গল এই দুই ছন্দে দীর্ঘ ব্রহ্ম স্বরের স্ননির্দিষ্ট সমাবেশ পর্বে পর্বে একরূপই রাখিতে চেষ্টা করিয়াছেন—কিন্তু ইহা বাধ্যতামূলক নয়। বৈষ্ণব কবিকুল্লরগণ এ বিষয়ে সম্পূর্ণ নিরঙ্কুশ।

মরহট্টা বা চউপইআর সঙ্গে নরেন্দ্রবৃন্তের মিশ্রণে বৈষ্ণব কবিদের বহু পদ রচিত হইয়াছে। নরেন্দ্রবৃন্তের চরণকে ৭+২+৮+৪ বা ৩ মাত্রায় ভাগ করা হয়। প্রাকৃত কবি এই ছন্দে ব্রহ্ম ও দীর্ঘব্রহ্মের নিঃসৃত বিস্তার করিয়াছেন। বৈষ্ণব কবিগণ ব্রহ্মদীর্ঘ স্বরের নিয়মিত বিস্তার না করিয়া স্বেচ্ছামূলক বিস্তার করিয়াছেন এবং মোটের উপর মাত্রাবিভাগ ঠিক

১৯০

পদাবলী-পরিচয়

মরহট্টা বা চটপইআর মত ৮+৮ মাত্র। কিংবা নরেন্দ্রবৃন্তের মত
৭+৯ মাত্রায় গঠিত। বৈষ্ণব কবিগণ ছন্দোহীনোল ও

রাখিয়াছেন। তাহা ছাড়া নরেন্দ্রবৃন্তে তাঁহারা পৃথক পদ রচনা না করিয়া অধিকাংশ
স্থলে মরহট্ট বা চটপইআর সঙ্গে নরেন্দ্রবৃন্তের চরণ মিলাইয়াছেন। প্রাকৃত পিঙ্গলে
নরেন্দ্রবৃন্তের দৃষ্টান্ত—

৭+৯+৮+৪—কুম্ভিঅ কেহু। চন্দ তহ পজলিঅ। মঞ্জরি তেজ্জউ। চুয়া।

দক্ষিণ বাড়। সৌম ভউ পবহই। কম্প বিয়োইণি। হীঅ।

কেঅই খুলি। সব্ব দিস পসরই। গীঅর সব্বউ। ভ।সে।

আউ বসন্ত। কাই সহি করিঅই। কন্ত ন থকই পাণে।

ইহার স্বচ্ছন্দ অনুবাদ—ঐ ছন্দে।

কিংকর ফুল। চল্ল এবে প্রকটিত। মঞ্জরী তাজে সহ। কারে।

দক্ষিণ পবন। শীতল হয়ে প্রবাহিত। বিরহিণী কাপে বারে। বারে।

কেতকীর পরাগে। ভরিয়া গেল দশদিশ। পীতবাসে তারা যেন। হাসে।

বসন্ত আইল। কি করি বল সখি আজ। কান্ত যে নেই মোর। পাশে।

গগনানন্দ ছন্দেও এইরূপ ৭-৯ মাত্রায় পর্বাক্তি গঠিত। পর্ববিভাগ—(১) ভ্যজিঅ মলঅ।
চোল বই গিলিঅ। (২) মালব রাঅ। মলঅ গিরি লুক্কিঅ—এইরূপ। ইহাতে নরেন্দ্রবৃন্তের

মত দীর্ঘ হ্রস্ব স্বরের প্রব বিচ্ছাদ নাই। বৈষ্ণব কবিরা এই প্রথাই অনুসরণ করিয়াছেন।

ভানুসিংহ ঠাকুরের পদাবলীতে—রবীন্দ্রনাথ প্রাঃ দীঃ ত্রিগদীর প্রয়োগ করিয়াছেন।

নীল আকাশে। তারক ভাসে। যমুনা গাওত। গান।

পাদপ মরমর। নিব্বার বর বর। কুম্মিত বরী বি। তান।

এই পবে কবি পর্বে পর্বে মিলও দিয়াছেন। কিন্তু বিনা মিলের চরণেই অধিকাংশ
বৈষ্ণব পদ রচিত। রবীন্দ্রনাথ প্রত্যেক দীর্ঘ স্বরকে দুই মাত্রা ধরিয়া অক্ষরে অক্ষরে
নিয়ম পালন করিয়াছেন। এই ছন্দে তিনি খাঁটি বাংলায় গানও লিখিয়াছেন। তাঁহার
একটা বিখ্যাত গানের দুই চরণ—

পতন অভ্যুদয়। বন্ধুর পস্থা। যুগ যুগ ধাবিত। যাত্রী।

হে চির-সারথি। তব রথচক্রে। মুখরিত পথ দিন। রাত্রি।

বৈষ্ণব-পদাবলীর ছন্দ

১৯১

স্বর-বৈচিত্র্য সৃষ্টির জন্তই উত্তরবিধ চরণের মিশ্রণ ঘটাইয়াছেন। দৃষ্টান্ত—

৮+৮+৮+৪ অথবা ৩

রাধা বদন বি-। লোকন বিকসিত। বিবিধ বিকার বি-। ভঙ্গম্
জলনিধি মিষ বিধু-। মণ্ডলদর্শন। তরলিত তুঙ্গ ত-। রঙ্গম্ (জয়দেব)
ভঙ্গদবনস্থিতি। মখিল পদে সখি। সপদি বিড়ম্বিত। ভুলম্
কলিত সমাতন। কোতুকমপি তব। হৃদয়ং স্মরতি স। শূলম্ (সনাতন)
গিরিবর গুরুয়া। পয়োধর পরশিত। গীম গজ মোতিম। হারা।
কাম কষু ভরি। কনয়া শব্দু পরি। চারত স্মরধনী। ধারা ॥ (বিদ্যাপতি)
রঞ্জনি কাজর বম। ভীমভুজঙ্গম। কুলিশ পড়রে ছর। বার
গরজ তরজ মন। রোষে বরিষ ঘন। সংশয় পড়ু অভি। সার

—(গোবিন্দদাস)

আহিরিণী কুরুগিণী। গুণহিনী অভাগিনী। কাহে লাগি তাহে বিষ। পিয়বি।
চন্দ্রাবলী মুখ। চন্দ্রমুখারস। পিবি পিবি যুগে যুগে। জিয়বি। (চন্দ্রশেখর)
৭+৯+৮+৪ অথবা—৩—নরেন্দ্রবৃন্তের চরণ।

কবির রাজ-। হংস জিনি গামিনী। চলিলহ সংকেত। গেহ।।
অমলা তড়িত-। দণ্ড হেম মঞ্জরী। জিনি অতি সুন্দর। দেহা। (বিদ্যাপতি)
অভিমত কাম। নাম পুন শুনইতে। রোখই গুণদর। শাই। (কবিশেখর)
লহ লহ মুচকি। হাসি হাসি আয়সি। পুন পুন হেরসি। ফেরি (জ্ঞানদাস)
আষণ মাস। নাহ হির দাহই। শুনইতে হিম কর। নাম।
অঙ্গন গহন। দহন ভেল মন্দির। সুন্দরি তুঁহ ভেলি। বাম—(বলরাম)

ভানুনিহ ঠাকুরের পদাবলীতে তিনি এই ছন্দে স্তবক বন্ধনও করিয়াছেন—

মরণ রে—তুঁহ মম শ্রাম স। মান।

মেঘ বরণ তুঁহ। মেঘ জটাজুট। রক্তকমল কর। রক্ত অধর পুট।

তাপবিমোচন। করুণা কোর তব। যত্ন অমৃত করে। দান।

এই দৃষ্টান্তগুলি লইয়া আলোচনা করিলে দেখা যাইবে—বৈষ্ণব কবিরা সুবিধামত কখনও দীর্ঘস্বরকে ছ'মাত্রা ধরিয়াছেন—কখনও একমাত্রা ধরিয়াছেন। প্রয়োজন হইলে হ্রস্বস্বরকেও কোথাও কোথাও দীর্ঘ উচ্চারণ করিয়াছেন। মাঝে মাঝে পর্কে পর্কে মিলও আছে—এ মিল অবশ্য বাধ্যতামূলক নয়। শেষ পর্কে তিনটি লঘুমাত্রারও সমাবেশ করিয়াছেন। যে চরণে দীর্ঘস্বর বেশি, সেই চরণে ছন্দহিন্মিলনের সৃষ্টি হইয়াছে। যে চরণে হ্রস্বমাত্রার সংখ্যা বেশি সে চরণে অক্ষর-বাহুল্য ঘটিয়াছে—ছন্দোহিন্মিলনের অভাব হইয়াছে। এই ছন্দের চরণে অক্ষর-বাহুল্য ঘটিলে এবং দীর্ঘস্বরের উচ্চারণকে উপেক্ষা করিলে ইহা প্রচলিত দীর্ঘ ত্রিপদীতে পরিণত হয়। নিম্নলিখিত অংশে ছন্দোহিন্মিলনহীন প্রচলিত দীর্ঘত্রিপদী ও ছন্দঃস্পন্দময় প্রাকৃত দীর্ঘত্রিপদীর চরণ একসঙ্গে গুচ্ছিত হইয়াছে। একমাত্রায় ব্যবহৃত যুক্তাক্ষর না থাকায় ঐ গুচ্ছন সম্ভব হইয়াছে।

না দেখিলে প্রাণ কাঁদে। দেখিলে না হিয়া বাঁধে। অনুখন মদন ত-। রঙ্গ।
হেরইতে চাঁদমুখ। উপজে চরম সুখ। সুন্দর শ্রায়র। অঙ্গ।
চরণে নৃপুংস্বনি। সুমধুর শুনি শুনি। রমণীক ধৈরজ। অন্ত ॥
ওরূপ-সায়রে মন। হিবোলে নয়ন মন। আটকিল রায় ব-। সন্ত।

এই ছন্দের চরণের শেবার্দ্ধকে এক-একটি চরণ ধরিয়া নব ছন্দের রূপ দেওয়া হইয়াছে। যেমন—

ভুজপাশে ভব। লহ সযোধরি। আঁখিপাত নম। আসব মোদয়ি।

কোর উপর তুব। রোদয়ি রোদয়ি। নীদ ভরব সব। দেহ।

তুহ' নহি বিসরবি। তুহ' নহি ছোড়বি। রাধা হৃদয় তু। কবহ'ন তোড়বি।

হিয় হিয় রাখবি। অনুদিন অনুখন। অতুলন তৌহার। লেহ।

ইহা পঞ্চাটিকার অন্তরায় সঙ্গে প্রাকৃত দীর্ঘ ত্রিপদীর স্তবক বন্ধন।

বৈষ্ণব-পদাবলীর ছন্দ

১৯৩

গণহৈতে মোতিমা । হারা ॥ ছলে পরশিবি কুচ । ভারা । (বিজ্ঞাপতি)
 হাস করণু পরি । হাস ॥ তাকর বিরহ হ- । তাশ । (যত্ননন্দন)
 এই ছন্দকে প্রাকৃত পিঙ্গলে আভীর ছন্দ বলা হইয়াছে । দৃষ্টান্ত—
 হৃন্দরি গুঞ্জরি । নারী ॥ লোঅন দীশ বি- । সারি ॥
 গীন পওহর । ভার ॥ লোলই মোতিম । হার ॥
 এইরূপ চরণের সঙ্গে পজ্জ্বলিকার পুরা চরণের মিল দেওয়াও হয় ।
 মানয়ে তব পরি- । রম্ভ । প্রেমভরে সুবদনি । তনু জনু স্তম্ভ ॥
 তোড়ল যব নীবি- । বন্ধ । হরিস্থখে । তবহিঁ ম- । নোভব মন্দ ॥
 এই আভীর ছন্দের চরণই হ্রস্বদীর্ঘ উচ্চারণবৈষম্য হারাইয়া দশাকরী
 লবু পয়ারে পরিণত হইয়াছে ।

আজু কেরো মুরলী বা- । জায় ॥ এতো কভু নহে শ্রাম । রায় ॥
 চণ্ডীদাস মনে মনে । হাসে । একুপ হইবে কোন । দেশে ॥
 প্রাকৃত দীর্ঘ ত্রিপদীর শেষ পর্কে ৩ বা ৪ মাত্রার স্থলে ৬, ৭ বা
 ৮ মাত্রা থাকিলে তাহাকে প্রাকৃত দীর্ঘ চৌপদী বলা যায় । *
 মাত্রা-নির্ণয়, মাত্রা-বিভাগ ইত্যাদি প্রায় দীর্ঘ ত্রিপদীর মতই ।

৮+৮+৮+৬, ৭+৯+৮+৬, ৭+৯+৮+৭, ৮+৮+৮+৭, ৮+৮+৮+৮

* এই দীর্ঘ চৌপদীর বিবিধরূপ প্রাকৃত পিঙ্গলে বিভিন্ন নামে অভিহিত । সব মাত্রা-
 স্তরকে লক্ষ্যে পরিণত করিলে এবং দুইমাত্রা অতিপর্ক যোগ করিলে হয় জলহরণ ।

চলু—দমকি দমকি বলু । চলই পইক বলু । খুলকি খুলাকি করি । করি চলিআ ।

বর—নলু সঅল কমল । বিপথ হিঅঅ সল । হমোর বীর অব । রণ চলিআ ।

অত্যেক পর্বাক্ষ দীর্ঘধ্বয়ের দ্বারা আরম্ভ হইলে চউবোলা ।

রে ধনি সমু ম । তংজগামিনি । খংজন লোঅগি । চন্দ্রমুহী ।

চংচল জুধণ । জাত ৭ জানহি । ছইল সমপ্ধহি । কা ই নহী ।

অধর সুখা বরু। মুরলী তরঙ্গিনী। বিগলিত রঙ্গিনী। হৃদয় দ্রুতল।
 মাতল নয়ন। ভ্রমর জনি ভ্রমি ভ্রমি। উড়ত পড়ত শ্রুতি। উতপল কুল॥
 গোরোচন তিলক। চুড়ে বনি চন্দ্রক। বেড়ল রমণী মন। মধুকর-মাল।
 গোবিন্দদাস চিতে। নিতিনিতি বিহরই। ইহ নাগর বর। তরুণ তমাল॥
 নীল সূলাবণি। অবনী ভরল রূপ। নখমণি দরপণি। তিমির বিনাশে।
 রায়বসন্ত মন। সেবই অনুখন। ঐহন চরণ ক-। মল-মধু আশে ॥

দুইটি অতিপর্ব মাত্রার সঙ্গে নিয়মিত দীর্ঘমাত্রার ঘন ঘন প্রয়োগের ফলে হয় পদ্মা বতী।

ভঅ—ভজিঅ বংগ। ভংগ কলিঙ্গ। তেলঙ্গা রং। মুক্তি চল।

মর—হুটা খিটা। লগ্গিঅ কটা। সোরটা ভঅ। পায় পলে।

এই ছন্দগুলিকে সাধারণভাবে প্রাকৃত চোপদী নাম দেওয়া হইয়াছে। প্রাকৃত চোপদীতে রচিত পদে ঐ সকল বিশিষ্টরূপের চরণের অবাধ মিশ্রণ থাকে। সেজন্য এই শ্রেণীর ত্রিভাঙ্গী ছন্দের সহিত বৈক্য কবিদের অবলম্বিত ছন্দের মিল বেশি।

শির—কিজিঅ গংগ। গোরি অধংগ। হগিঅ অনঙ্গ। পুরদহনম্।

কিঅ—ফণি বই হারু। তিহঅণ সারু। বন্দিঅ ছাঃ। রিউমহণম্।

হর—সেবিঅ চরণং। মুনিগণ সরণং। ভবভর হরণং। মূলধরম্।

সা—নন্দিঅ বঅণং। স্তম্বর গঅণং। গিরিবর সঅণং। গমহ হরম্ ॥ (ত্রিভাঙ্গী)

‘প্রাচীন বঙ্গ সাহিত্যে’ ঐচৈতন্য-স্তবের ছন্দটি ইহারই বাংলারূপ। এই ছন্দই অক্ষরমাত্রিক হইয়া অথবা স্বরের দীর্ঘ উচ্চারণ হারাইয়া বাংলার দীর্ঘ চোপদীতে পরিণত হইয়াছে। যেমন—রবীন্দ্রনাথের—

কেদারার পরে চাপি। ভাবি শুধু ফিলসাফি। নিতান্তই চুপিচাপি। মাটির মানুষ।

লেখাত লিখেছি টের। এখন গেয়েছি টের। সে কেবল কাগজের। রঙিন মানুষ।

এই ছন্দের স্তবক-বন্ধনের নিদর্শনও বৈক্য কাব্যে পাওয়া যায়। দৃষ্টান্তস্বরূপ নরহরি চক্রবর্তীর একটি পদ হইতে নিদর্শন উদ্ধৃত করি—

নৃত্যত গৌরচন্দ্র জনগগন। নিত্যানন্দ বিপদভয়ভঞ্জন,

কল্প নয়ন জিতি খঞ্জন গগন। চাহনি মনমথ গরব হরে।

এই ছন্দের চরণের সহিত আভীর, পজবাটিকা ও প্রাকৃত দীর্ঘ ত্রিপদীর মিল দেখা যায়।

(১) গোবিন্দ দাস মতি। মনে

এত সুখ সম্পদে। রহইতে আনমন। বৈছন বামন। ধরলহি চন্দে ॥

(২) সে সুখ সম্পদে। শঙ্কর ধনিয়া

সো সুখ সার। সরবস রসিকই। কণ্ঠ হি কণ্ঠ প-। রাবল বনিয়া ॥

(৩) বলয় বিশাল কনক কটি কিঙ্কিণী নুপুর রুন্নু রুন্নু বাজে।

গোবিন্দ দাস পছ' নিতিনিতি ঐছন বিহরই নবঘন বিপিন-সমাছে ॥

পঞ্চমাত্রার ছন্দ *—পূর্বলোচিত ছন্দগুলিতে যে ভাবে মাত্রা-বিচার হইয়াছে, সেই ভাবের ৫ মাত্রায় ৪টি পর্ব এই ছন্দের প্রত্যেক চরণ।

৫+৫+৫+৫—হরিচরণ। শরণ জয়। দেব কবি- ভারতী।

বসতু হৃদি। সুবতিরিব। কোমল ক- লাভতী (জয়দেব)

ইহার স্ববকিত রূপ - জয়দেবের—৫+৫+৫+৫—৫+৫+৪

বদসি যদি। কিঙ্কিদপি। দন্তকুচি। কোমুদী ॥ হরতি দর। তিমির মতি। ঘোরম্
স্মরদধর। সীধবে। তব বদন- চন্দ্রমা। রোচয়তি। লোচন-চ- কোরম্ ॥

ঝলকত দুই তনু কনক ধরাধর। নটনঘটন পগ ধরত ধরণী পর।

হাস মিলিত মুখ লয়ত সুখাকর। উচাচ বচন জন্ম অমিয় ঝরে।

গোবিন্দদাস দুই একটি পবে এই দীর্ঘ চৌপদীকে একটি অভিনব রূপ দিয়াছেন।

একই মিলের বার বার আবির্ভাবে এই বৈচিত্র্যের সৃষ্টি হইয়াছে।

কুঞ্চিত-কেশিনী। নিরুপম-বেশিনী। রস আবেশিনী। ভঙ্গিনী রে।

অধর সুরঙ্গিনী। অঙ্গ ভরঙ্গিনী। সাজলি নব নব। রঙ্গিনী রে।

* প্রাকৃত পিঙ্গলে এই ৫ মাত্রার স্ববকিত ছন্দকে ঝুলনা বলা হইয়াছে। বৈষ্ণব
কবিশ্রুণ এই ছন্দের ২য় ও ৪র্থ চরণে দুইটি করিয়া পর্ব ছাড়িয়া দিয়াছেন। ঝুলনা—

সহস ব্রহ্ম। মন্ত গম্। লাথ লথ। পঞ্চরিত্র ॥ সাহি দহ। সাজি খে। লন্ত গিং! ছ।

বৈষ্ণবকবিগণ এই স্তবকিত রূপেরই অনুসরণ করিয়াছেন। এ ছন্দের প্রধান কবি শশিশেখর। বৈচিত্র্যের জন্ত ৫+৪+৫+৪—৫+৫+৪ মাত্রাতেও স্তবক গঠিত হইয়াছে, অন্তরায় স্থলে স্থলে মিলও দেওয়া হইয়াছে।

১। গ্রাম্যকুল। বালিকা সহজে পশু-পালিকা।

হাম কিরে। শ্রাম উপ-ভোগ্যা।

রাজকুল-সম্ভবা। সরসিরূহ-গৌরবা।

যোগ্যজনে। মিলয়ে জন্ম। বোগ্যা॥

২। প্রাণাধিকা রে সখি কাহে তোরা রোরসি মরিলে হাম করবি ইহ কাজে।

নাঁরে নাহি ডারবি অনলে নাহি দাহবি রাখবি দেহ এই বরজ মাঝে॥

৩। কান্ত সঞে কলহ করি কঠিন। কুল কামিনী

বৈঠি রহ আসি নিজ ধামে।

তবহি পিক পাগিয়া শুক সারী উড়ি আওত

বদন ভরি রটত শ্রাম নামে॥

কোঙ্গি পিজ। আহিতহি। বাঙ্গি জহ। বিনল মহি। জিগই গহি। কোই তুঅ।

তুলক হিং। হু।

শিখা—ছন্দও পাঁচ মাত্রায় গঠিত—ইহার সহিত বৈষ্ণব কবিদের ছন্দের মিল আরও বনিষ্ট।

ফুলিজ মহ। ভমর বহ। রঅদি পহ। কিরণ লহ। অব অন্ন ব-। সম্ভ।

মলয় গিরি। কুন্ডম ধরি। পবন বহ। সহব কহ। হুহুহি সখি। গিঅল গ হি। কস্ত।

ভানুসিংহ প্রত্যেক ২য় পর্বে একটি করিয়া মাত্রা ছাড়িয়া দিয়াছেন। যেমন—

আজু সখি মুহ মুহ। গাহে পিক কুহ কুহ। কুঞ্জবনে হুঁহ হুঁহ। দৌহার পানে চায়।

যুবনপদ বিলসিত। পুলকে হিরা উলসিত। অবশ তনু অলসিত। মুগ্ধি জন্ম যায়।

রবীন্দ্রনাথ (১) পঞ্চশরে ভঙ্গ ক'রে করেছ একি সন্ন্যাসী (২) একদা তুমি অঙ্গ ধরি ফিরিতে নব-ভুবনে, মরি মরি অনঙ্গ দেবতা (৩) শ্রাবণ ঘন গহন মোহে গোপন

বৈষ্ণব-পদাবলীর ছন্দ

১৯৭

সাতমাত্রার ছন্দ †—একই রূপ মাত্রাবিচারে সাত মাত্রার গঠিত তিন পর্ব এবং ৩, ৪ বা ৫ মাত্রার গঠিত শেষ পর্বের দ্বারা এই ছন্দ রচিত। পর্বের ৭ মাত্রাকে ৩+৪ মাত্রার উপরিভাগ করা চলে। অরদেবের—৭+ ৭+৭+৩

কিং করিষ্যতি। কিং বদিষ্যতি। সা চিরং বির। হেণ।

কিং জনেন ধ-। নেন কিং মম। জীবিতেন গৃ-। হেণ ॥

৭+৭+৭+৪—শ্রীসনাতন। চিত্তমানস। কেলিনীপ মা-রালে।

মাদৃশাং রতি। রত্ন তিষ্ঠতু। সর্বদা তব। বালে ॥

নব-মগ্নু মগ্নুল। পুঞ্জরঞ্জিত। চূত-কানন। শোহই।

রসা—নাপ কোকিল। কোকিলাকুল। কাকলী মন। মোহই ॥

৭+৭+৭+৩—নবীন নীরদ। নীল নীরজ। নীলমণি জিনি। অঙ্গ।

সুবতিচেতন। চোর চুড়হি। মোর পিঙ্গ বি। ভঙ্গ ॥

বিদ্যাপতির 'গেলি কামিনী গজহুগামিনী বিহসি পালাটি নেহারি।'

তব চরণ ফেলে (৪) আবার মোরে গাগল করে দিবে কে (৫) মর্মে যবে মত্ত আশা সর্ব সম ফোঁসে—ইত্যাদি কবিতায় এই পাঁচ মাত্রার ছন্দকে নানা বিচিত্ররূপে উপস্থাপিত করিয়াছেন।

† প্রাকৃত পিঙ্গলে এই ছন্দ (১) চর্চরী, (২) মনোহস, (৩) গীতা, (৪) হরিগীতা।

চর্চরী—পাঅ নেউর। ঝংঝংঝই! হংস সদ হু। মোহনা।

ধুর ধোর ধ-। গগংগ গচ্চই। মোক্তিদাস ম-। নোহরা।

গীতা—জহ—ফুল কেঅই। চার চম্পঅ। চুতমঞ্জরি। বগুলা।

সব—দীস দীসহ। কেনু কাণধ। পাণ বাউল। ভঙ্গরা ॥

কেবল দুই মাত্রা অতিপর্ব ছাড়া দুই ছন্দে কোন ভেদ নাই।

হরিগীতা—গঅ—গহহি চুকিঅ। তরণি লুকিঅ। তুবর তুর অহি। বুজ্ঝিরা

রহ—রহসি মালিঅ। ধরণি গীলিঅ। অল্প পর গহি।। বুঝিরা।

১৯৮

পদাবলী-পরিচয়

গোবিন্দদাসের 'নন্দনন্দন চন্দ্রচন্দন গন্ধনিন্দিত অঙ্গ,' রায়শেখরের 'গগনে অবধন মেহ দারুণ সঘনে দামিনী ঝলকই।' কবিশেখরের (বিজ্ঞাপতির?) 'ঈ' ভরা বাদর মাহ ভাদর শ্রুত মন্দির মোর।' সিংহভূপতির 'মোর বন বন শোর শুনত বাঢ়ত মনমথপীড়'—ইত্যাদি বিখ্যাত পদ এই ছন্দে রচিত।

এই ছন্দের স্তবকিত রূপ—৭+৭, ৭+৭, ৭+৭, ৭+২ (কিংবা ৭+৫)

ববহুঁ পিরা মঝু। আঙনে আওব। দূরে রহি মুঝে। কহি পাঠাওব।

সকল দুখন। তেজি ভুখন। সমক সাজব। রে।

লাজ নতি ভয়ে। নিকটে আওব। রসিক ব্রজপতি। হিয়ে সম্ভায়ব।

কাম কোশল। কোপ কাজর। তবহুঁ রাজব। রে। (সিংহভূপতি)

নরহরি চক্রবর্তী ঘনশ্রাম এইরূপ স্তবকগঠনের প্রধান শিল্পী। দৃষ্টান্ত—

গৌর বিধুবর। বরজ সুন্দর। জননী পদধূলি। ধরত শির পর।

করত বিজয় বি-। বাহে ভুসুর। বৃন্দ বলিত সু-। শোহয়ে।

চড়ত চৌদল। নাহি ঝলকত। অরুণ কিরণ স-। মুদ্র উছলত।

মদন মদভর। হরণ সরস শি-। গার জনমন। মোহয়ে ॥

পর্কের প্রথমে দীর্ঘধ্বরের বদলে ইহাতে ব্রহ্মধর আছে ইহাই প্রভেদ।

মনোহাংস—জহি—ফুল কেহু অ। সোঅ চম্পঅ। মঞ্জুলা।

সহ—আর কেসর। গন্ধ লুন্ধউ। ভগ্নরা।

ইহাতে একটি পর্কই কম। রবীন্দ্রনাথ ৭এর সহিত ৫ মাত্রার পর্ব ব্যবহারের পক্ষপাতী ছিলেন। (১) বেলা যে পড়ে এল জলকে চল (২) পরাণে ভালবাসা কেন গো দিলে রূপ না দিলে যদি বিধি হে (৩) এমন দিনে তায়ে বলা যায়, (৪) গাহিছে কাশীনাথ নবীন বুঝা ধনিত্তে ৩ ভাগুই চাকি ইত্যাদি কবিতায় ৭এর সঙ্গে ৫ মাত্রার সমাবেশ দৃষ্ট হয়।

চলি—চুঅ কোইল। সাব। মধু—মাসপকম। গাব

মণ—মন্ডর বন্ডহি। তাব। গহ—কম্ব অজ্ঞাবি। আব

প্রাকৃত পিঙ্গলে ভোমর ছন্দের এইরূপ দৃষ্টান্ত দেওয়া আছে। ২-৭+৩

লঘু ত্রিপদী ও চৌপদী †—একই নিয়মে ৬টি মাত্রায় এক এক পদ গঠন করিয়া ৩ পদ ও একটি ২ বা ৩ মাত্রার উপপদের প্রাকৃত লঘু ত্রিপদীর চরণ ও ঐরূপ তিন পদ ও ৪ বা ৫ মাত্রায় গঠিত এক এক উপপদের প্রাকৃত লঘু চৌপদীর চরণ গঠন করা হইয়া থাকে। দৃষ্টান্ত—

৬+৫+৬+৩—বসতি বিপিন। বিতানে ×। ত্যজতি ললিত। ধাম

৬+৬+৬+৩—লুটি ধরনি। শয়নে বহ। বিলপতি তব। নাম। (জয়দেব)

৬+৬ } কুর্তি কিল। কোকিল কুল। উজ্জল কল। নাদম্।

৬+৪ } জৈমিনি রিতি। জৈমিনি রিতি। জয়তি সবি-। যাদম্। (সনাতন)

৬+৬+৬+৪ (১) আওত পর। বক্ষক শঠ। নাগর শত। বরিয়া।

রমণী পদ-। যাবক পরি। সর বক্ষসি। ধরিয়া ॥

৬+৬+৬+৪ (২) ক্ষুটচম্পক। দলানিন্দিত। উজ্জল তনু। শোভা।

পদপঙ্কজে। নূপুর বাজে। শেখর মনো। লোভা ॥

(শেখর)

শচীনন্দন দাস ও যনশ্যাম দাস বারমাত্রা পদে এই তোমর ছন্দকে সাত মাত্রার সহিত মিশাইয়া স্তবক গঠন করিয়াছেন।

দেখ—পাপি আঘন। মাস ॥ জন্ম—বিরহতাপ-হ। তাশ।

দর—পাই সুখবিহি। পেল ॥ হিরে—কৈছে সহইব।। শেল।

হিরে—কৈসে সহইব। শেল ভেল মঝু। প্রাণ গিয়া পর। দেশিয়া।

জন্ম—ছুটল ফুলশর। ফুটল অন্তর। রহিল তহি পর। বেদিয়া।

তোমর ছন্দ হইতে গীতাঙ্কনে ৪টি শব্দের পুনরাবৃত্তির দ্বারা অভিসরণ সঙ্গীত মাধুর্য্য বাড়াইয়াছে। শচীনন্দন দাসও ঠিক এইভাবে ছন্দের বৈচিত্র্য সম্পাদন করিয়াছেন।

† ইহার অনুরূপ ছন্দ প্রাকৃত পিজলে হীর ও ধবলাঙ্গ।

হীর ছন্দে শেষ পদে পাঁচ মাত্রা এবং ধবলাঙ্গ ছন্দে দুই মাত্রা। অতএব হীর

২০০

পদাবলী-পরিচয়

৬+৬+৬+৫ (৩) চন্দ্রকোটি। কমল ছোটি। ঐছে বদন। ইন্দ্রা।

মুকুতা পাঁতি। দশন কাঁতি। বচন অমিয়া। সিদ্ধুরা।

(মাধব)

৬+৬+৬+৩ (৪) নব রঙ্গিম। পদ ভঙ্গিম। অঙ্গুলে নখ। চাঁদ।

মাধব ভণ। রমণীমন-। চকোর নিকর। কাঁদ।

স্তবক—আজু বিপিনে আওত কান। মুরতি মুরত কুমুম বাণ।

জলু জলধর রুচির অঙ্গ ভাঙ নটবর শোহনী।

ঈষৎ হাসিত বদন চন্দ। তরুণী নয়ন বয়ন ফন্দ।

বিশু অধরে মুরলী খুরলী। জিভুবন মনমোহিনী।

বৈষ্ণব কবিগণ কোথাও অক্ষরে অক্ষরে প্রত্যেক দীর্ঘস্বরকে দুই মাত্রায় ধরিয়াছেন—কোথাও কোন কোন দীর্ঘস্বরের হ্রস্ব উচ্চারণ করিয়াছেন। কোথাও তাঁহারা পদের প্রথমার্ধে দীর্ঘ মাত্রা, কোথাও দ্বিতীয়ার্ধে দীর্ঘ মাত্রার ব্যবহার করিয়াছেন। উপরের দৃষ্টান্তগুলিতে দেখা যায়—যুক্তাক্ষরের পূর্বস্বরকে সর্বত্রই দুই মাত্রা ধরা হইয়াছে। ক্রমে এই ছন্দে যুক্তাক্ষরের পূর্বস্বর, ঐকার, ওকার ছাড়া কোন দীর্ঘস্বরের দীর্ঘ স্বীকার করা হয় নাই। পরে কোন দীর্ঘস্বরকেই দুই মাত্রা ধরা হয় নাই অর্থাৎ ছন্দ অক্ষর-মাত্রিক হইয়া পড়িয়া একেবারে ছন্দোহীনোল হারাইয়াছিল।

লঘু চোপদার এবং ধবলাঙ্গ লঘু জিপদার অনুরূপ। এই দুই ছন্দে দীর্ঘ স্বরের নিয়মিত বিভ্রাস আছে—বৈষ্ণব কবিদের পদে মোটের উপর পবে' পবে' মাত্রাসাম্য রাখা হইয়াছে।

হীর—৬+৬+৬+৫—ধূলি ধবল। হক সবল। পক্ষি পবল। পত্তিএ।

কর চলই। কুম ললই। হুমি ভরই কোত্তিএ।

রবীন্দ্রনাথ বন বন যুক্তাক্ষর প্রয়োগে হীরছন্দের ছন্দোহীনোল রক্ষা করিয়া গিয়াছেন—

বৈষ্ণব-পদাবলীর ছন্দ

২০১

পন্নায়—পঙ্কবাটিকা শেখপক্কের দুই মাত্রা এবং হ্রস্বদীর্ঘ মাত্রার বৈষম্য হারাইয়া চতুর্দশ অক্ষর-মাত্রার পন্নারে পরিণত হইয়াছে। পূর্বেই কতকগুলি চরণ তুলিয়া দেখাইয়াছি—সেগুলি পঙ্কবাটিকার পদে যেমন সুসমঞ্জস, পন্নারের পদেও তেমনি। চণ্ডীদাস, কবিশেখর, বহুদানন্দ ইত্যাদি কবিগণ এবং চৈতন্য-চরিতকারগণ পন্নারে কাব্য রচনা করিয়াছেন। চণ্ডীদাসের পন্নারে যুক্তাক্ষরের আতিশয্য নাই—সেজন্তু ইহা পঙ্কবাটিকারই কাছাকাছি।

১। কালার লাগিয়া হাম হব বনবাসী। কাল নিল জাতিকুল প্রাণ নিল বাণী।

২। এ কবিশেখর কর না করিহ ডর। গোপনে ভুঞ্জিবে সুখ না জানিবে পর।

ক্রমে এক-এক মাত্রার স্থলে দলে দলে যুক্তাক্ষর পন্নারের মধ্যে প্রবেশ করিয়া পন্নারকে পঙ্কবাটিকা হইতে বহুদূরে লইয়া গেল। যেমন—

ভাবাদি অঙ্গজা তিন বৈমুখ্য চকিত।

দ্বাবিংশতি অলঙ্কারে রাখাঙ্গ ভূষিত। - বহুদানন্দ।

কড়ু—কাঠলোষ্ট্র ইষ্টক দৃঢ় ঘনপিনদ্ধ কাগ। কড়ু—হুতলজল অন্তরীক্ষ লজনে লঘুমায়া।

তব—খনিখনিজ নখ বিদীর্ণ ক্ষিতি বিকীর্ণ অস্ত্র। তব—পঞ্চভূত বন্ধন কর পঞ্চভূতস্ত্র।

ধবলাঙ্গ—৬+৬+৬+২—তরণ তরণি। তবই ধরণি। পবণ বহ ধ। রা।

লগ ণ হি জল। বড় মর খল। জণ জিগণ হ। রা।

এই ৬ মাত্রার ছন্দ ৩ ভাবে বাংলায় রূপ লাভ করিয়াছে। (১) একটি রূপে প্রত্যেক দীর্ঘ স্বরের জন্ত দুই মাত্রা ধরা হইয়াছে। যেমন—

দেশ দেশ নন্দিত করি মন্ত্রিল তব ভেদী। আদিল যত বীরবৃন্দ আসন তব বেরি।

(২) কেবল যুক্তাক্ষরের পূর্বস্বর ও ঐকার ঔকারকে দুই মাত্রা ধরিয়া। যেমন—
পৌষ প্রথর শীত জর্জর ঝিল্লী মুখর রাতি। নির্জন গৃহ নিমিত্ত পুরী নির্বাণ দীপ বাতি।

(৩) সকল প্রকার দীর্ঘ স্বরকেই উপেক্ষা করিয়া অক্ষর মাত্রিক ভাবে। যেমন—

বঙ্গে সুবিখ্যাত দামোদর নদ ক্ষীরসম স্বাদু নীর।

তার পর পয়ারের মধ্যে আর একশ্রেণীর চরণ প্রবেশ করিল। এই শ্রেণীর চরণে পাদকমাত্রা (Syllabic) এক এক মাত্রার স্থান অধিকার করিল। পূর্ববর্তী ব্যঞ্জনবর্ণের সহিত হসন্তবর্ণের মিলনে অথবা স্বরযুক্ত ব্যঞ্জনবর্ণে এক একটি পাদকমাত্রা গঠিত। পয়ারের মধ্যেই পাই—

পিঠে দোলে সোনার ঝাঁপা তাহে পাটের খোঁপা।

গলে দোলে বকুল মালা গন্ধরাজ চাঁপা ॥ (রামানন্দ)

ইহা যে পয়ার তাহা নিম্নলিখিত রূপ হইতেই বুঝা যাইবে—৮+৬,
৮+৬ পিঠে দোলে সোনার ঝাঁপা তাহে পাটের খোঁপা।

গলে দোলে বকুলমালা গন্ধরাজ চাঁপা ॥

এই শ্রেণীর চরণ পয়ারের মধ্যে কিরূপ চলিয়া গিয়াছে, তাহা কৃতিবাসের ছন্দোবিশ্লেষণে পূর্বেই দেখাইয়াছি। এই শ্রেণীর চরণের আতিশয্য কোন পদে ঘটিলেই তাহাকে ধামালী বলা হয়। পয়ারের এই ধামালী-রূপের সূত্রপাত বড় চণ্ডীদাস হইতেই হইয়াছে।

কে না বাশী। বাএ বড়ারি। কালিনী নই। কুলে।

কেনা বাশী। বাএ বড়ারি। এ গোঠ গো-। কুলে।

রবীন্দ্রনাথ অন্তরার পর্বে দুই মাত্রা বাড়াইয়া লিখিয়াছেন—

(১) গুনহ গুনহ বালিকা। রাখ কুম্ভ মালিকা।

কুঞ্জ কুঞ্জ ফেরনু সখি ঞ্চ'মচন্দ্র নাহি রে।

দুলই কুম্ভ মঞ্জরী অমর কিরই গুঞ্জরি।

অলন যমুনা বহয়ি যায় ললিত গীত গাহি রে।

(২) তুমি—চক্রযুগ্ম মন্ত্রিত। তুমি—বজ্রবহ্নি-বন্দিত।

তব—বস্তুবিধ বন্ধদংশ ধ্বংসবিকট দম্ব।

তব—দীপ্ত অগ্নি শত শতরী বিদ্রবিজয় পম্ব।

বৈষ্ণব-পদাবলীর ছন্দ

২০৩.

বৈষ্ণব সাহিত্যে লোচনদাস এই ধামালী ছন্দের প্রধান প্রবর্তক। *
তারপর ক্রমে এই ছন্দই রামপ্রসাদের রচনার মধ্য দিয়া বর্তমান
বাংলা কবিতার প্রধান ছন্দ হইয়া উঠিয়াছে। দৃষ্টান্ত—

৪+৪+৪+২—রূপের না-গর। র-সের-সা-গর। উ-দয়-হলো। এসে।

না-গ-রী লো-। চ-নের মন্-বে। তাইতে গেল। ভেসে ॥

দীর্ঘ ত্রিপদী—পঙ্খটিকা যে ভাবে পয়ারে পরিণত হইয়াছে,
প্রাকৃত দীর্ঘ ত্রিপদীও সেইভাবে সাধারণ দীর্ঘ ত্রিপদীতে পরিণত
হইয়াছে। দীর্ঘ স্বরের মাত্রাগৌরব হারাইয়াও ইহা কেবল অব্যক্তাক্ষরের
ভুরি প্রয়োগে প্রাকৃত ছন্দের কাছাকাছি ছিল। যেমন—

গোকুল নগর মাঝে। আরো কত নারী আছে।

তাহে কোন না পড়িল। বাধা।

নিরমল কুলখানি। বতনে রেখেছি-আমি।

বাঁশী কেন বলে রাধা। রাধা ॥

ক্রমে এক একটি মাত্রার স্থলে ব্যক্তাক্ষরের অবাধ প্রবেশে ইহা
প্রাকৃত হইতে দূরবর্তী হইল। যেমন—

ইহা অনেকটা বিভাগতির—যব—গোধূলি সময় বেলি।

ধনি—মন্দির বাহির ভেলি।

নব জলধরে বিজুরিবেহা ঘন পসারিয়া গেলি।

—ইত্যাদির অনুরূপ।

* চাইলে নয়ন বাঁধা রবে মনচোরা তার রূপ।

হাস্তবরান রাঙা নয়ান এই না রসের কুপ।

চাইলে মেনে মরবি ক্ষেপি কুল সে রবে নাই।

কুলশীল স্তোর রাখবি যদি থাক না বিরল ঠাই।

২০৪

পদাবলী-পরিচয়

মোর নেত্র ভঙ্গ পদ । কি কান্তি আনন্দ সঙ্গ । কিবা ক্ষুণ্ণি কহত নিশ্চয় ।
কহিতে গদগদবাণী । পুলকিত অঙ্গখানি । এ বহ্ননন্দন দাস কয় ॥

শুধু যুক্তাকর নয় ক্রমে পাদকমাত্রা (স্বরযুক্ত ব্যঞ্জন+হ্রস্ব ব্যঞ্জনে
গঠিত মাত্রা) প্রবেশ করিয়া ইহার রূপ আরও বদলাইয়া দিল । যেমন—

অক্রুর করে তোর দোষ । আমায় কেন কর রোষ ।

ইহা যদি কহ ছরা- চার ।

তুই অক্রুর মূর্তি ধরি । কৃষ্ণ নিলি চুরি করি ।

অন্তের নয় ঐছে ব্যব- হার ।

কুল খোওয়াবি বাউরি হবি লাগবে রসের ঢেউ ।

লোচন বলে রসিক হ'লে বুঝতে পারে কেউ ।

পাদকমাত্রার সংখ্যা বাড়িয়া এই ছন্দ খামালীর দীর্ঘ ত্রিপদীর রূপ ধরিল ।

এমন কেউ ব্যথিত থাকে । কথার ছে- থাপিক রাখে ।

নয়ান ভরি দেখি । রূপ খানি ।

লোচনদাসে বলে কেনে । নয়ান দিলি উহার পানে ।

কুল মজালি আপনা আ । পনি ।

ইহারই বর্তমান রূপ (রবীন্দ্রনাথ)

খোকা নাকে শুধায় ডেকে এলাম আমি কোথায় থেকে

কোনখানে তুই কুড়িয়ে গেলি আমারে ।

না তারে কয় হেসে কেঁদে খোকারে তার বকে বেঁধে

ইচ্ছা হ'য়ে হিলি মনের মাঝারে ।

পদাবলীর অলঙ্কার

কবিশেখর কালিদাস পদাবলীর ছন্দের মত অলঙ্কার লইয়াও আলোচনা করিয়াছেন। তাঁহার প্রাচীন বঙ্গ-সাহিত্যে বিদ্যাপতি ও গোবিন্দদাসের অলঙ্কার লইয়া আলোচনা আছে। আমি গোবিন্দদাসের অলঙ্কারই গ্রহণ করিলাম। বাঙ্গালী পদকর্তাদিগের মধ্যে অলঙ্কার প্রয়োগে গোবিন্দদাস বোধ হয় সর্বশ্রেষ্ঠ। তাঁহার পদে প্রায় সমস্ত রকম অলঙ্কারের উদাহরণ আছে।

রূপক-মূলক কাব্যলিঙ্গ—

সো তুহঁ হৃদয়ে প্রেমতরু রোপলি শ্রাম জলদরস আশে ।

সো অব নয়ন নীর দেই সীচহ কহতহি গোবিন্দদাসে ॥

তব অগেয়ানে কয়লি তুহঁ ঐছন অব সুপুরুষ বধ জান ।

উচ কুচ চুম্বক সরস পরশ দেই উদঘাটহ দিঠি বাণ ॥

শ্লেষ—‘কাননে কুসুম তোড়সি কাহে গোরি.....পূজহ গুণপতি
নিজ তনুদান....’ ইত্যাদি পদটি শ্লেষের একটি বিশিষ্ট উদাহরণ। আর
একটি উদাহরণ—

সোরভে আগরি রাই স্নানাগরি কনকলতা সম সাজ ।

হরি চন্দন বলি কোরে আগোরল কুঞ্জে ভূজঙ্গম রাজ ।

শ্লেষ—যা কর লাগি মনহি মন গোই ।

গঢ়ল মনোরথ না চড়ল সোই ॥

অভিশম্বোক্তি—এসখি শ্রাম সিদ্ধ করি চোর

কৈছে ধরলি কুচ কনয় কটোর ।

২০৬

পদাবলী-পরিচয় .

মালারূপক—অধর পঙ্কার দশন মণি মোতি
রোচন তিলক মৈনাকক জ্যোতি ।

শ্লেষমূলক বিষমালঙ্কার—

যো গিরি গোচর বিপিনহি সঞ্চরু কুশ কাটি কর অবগাহ ।
চন্দ্রক চারু শট। পরিমণ্ডিত অরুণ কুটিল দিগ্ধি চাহ ॥
সুন্দরি, ভালে তুহঁ হরিণ নয়ানি
সো চঞ্চল হরি হিয়া পিঞ্জর ভরি কৈছনে ধরলি সেরানি ।

সূক্ষ্ম অলঙ্কার—

বিঘটি মনোরথ আন চপল হরি তাহিঁ হুহি সঙ্কেত রাধি,
কুসুম হার অরু মুকুলিত সরসিজ গোবিন্দদাস এক সাথী ।

মালোপমা—

তমু তমু নীলনে উপজল প্রেম । মরকত বৈছন বেড়ল হেম ।
কনকলতায় জমু তরুণ তমাল । নব জলধরে জমু বিজুরি রসাল ॥
কমলে মধুপ বেন পাওল সঙ্গ । তুহঁ তমু প্লকিত প্রেম-তরঙ্গ ॥

সামান্য—

চান্দনি রজনী উজোরোলি গোরি । হরি অভিসার রভসরস ভোরি ।
ধবল বিভূষণ অধর বনই । ধবলিম কোমুদি মিলি তমু চলই ।
হেরইতে পরিজন লোচন ভুর । রঙ্গ পুতলি কিরে রস মাহা বুর ।
[জ্যোৎস্নার মধ্যে ধবলবসনা গৌরাঙ্গী রাধিকাকে চেনা বাইতেছে না ।
বেন রাঙের পুতুল পারদের মধ্যে ডুবিয়েছে ।]

রূপক—

(১) বেণুক কুকে বৃকে মদনানল কুল ইন্দন মাহাজারি ।
দরশ পানি তুহঁ পরশে সোহাগল শ্রমজল জোরন বারি ॥

(২) কিষ্মে করব কুল দিবস দীপ তুল প্রেম পবনে ঘনু ডোল ।

গোবিন্দ দাস যতন করি রাখত লাজক জালে আগোল ॥

(৩) নীরদ নয়নে নীর ঘন সিঞ্ঝনে পুলক মুকুল অবলম্ব ।

স্বেদ মকরন্দ বিন্দু বিন্দু চূয়ত বিকসিত ভাবকদম্ব ॥

*

*

*

চঞ্চল চরণ কমলদলে ঝঙ্কর ভকত ভ্রমরগণ ভোর ।

সাজরূপক—‘মাধব মনমথ কিরিত অহেরা ।

একলি নিকুঞ্জে ধনি কুলশরে জরজর পহু নেহারত তেরা ॥’

—ইত্যাদি পদ ।

শ্লিষ্ট রূপক—কিসলয় দহন শেজ অব সাজহ আহতি চন্দন পঙ্কা ।

বিজুকুল নাদময়্যে তনু জারব ছরে যাউ প্রেম কলঙ্কা ॥

পরম্পরিত রূপক—

অস্তুরে উয়ল শ্রামর ইন্দু । উছলল মনহি মনোভব সিদ্ধ ॥

ভ্রান্তি—হরি হরি বোলি ধরনি ধরি উঠই বোলত গদগদ ভাথ ।

নীল গগন হেরি তোহারি ভরমভরে বিহি সঞে মাগয়ে পাথ ॥

সমুচ্চয়—কামিনি করি কোন বিহি নিরমায়ল তাহে পুন কুল মরিবাদ ।

তাহে পুন হরি সঞে নেহ ঘটালয় তাহে বিষটন পরমাদ ॥

পর্যায়োক্ত—

এতহঁ বিপদে জিউ রহয়ে একান্ত । বুঝলু নেহারত লাজক পহু ॥

বিশেষোক্তি—

হৃদয় বিদারত মনমথ বাণ । কো জানে কাহে নহত ছই ঠাম ।

জলু বিরহানল মন মাহা গোয় । কঠিন শরীর ভসম নাহি হোয় ॥

ব্যাক্ত্যন্ততি (১) পুর নাগরি সঞে রসিক শিরোমণি পুরহ মনমথ কেলি ।
 বনচরি নারি তোহারি শূণ গাওব পুতনিক সঞে মেলি ॥

(২) ভাল ভেল মাধব তুহঁ রহঁ দুর ।
 অবতনে ধনিক মনোরথ পুর ॥—ইত্যাদি ।

সন্দেশ—(১) সবে নাহি সমুঝিয়ে দিনকর রীত ।

কিয়ে শীতল কিয়ে তপত চরীত ॥

গোবিন্দদাস কহ এতহঁ সংবাদ ।

তনু জিবন ছহঁ ধনিক বিবাদ ॥

(২) ঘন বন চুখন লুবধ ভেল ছহঁ বিগলিত স্বেদ উদবিন্দু ।

হেরি হেরি মরম ভরম পরিপূরল কোঁ বিধুমণি কোঁ ইন্দু ॥

মীলিত—কুন্দ কুসুমেরে ভরু কবরিক ভার । হৃদয়ে বিরাজিত মোতিম হার ॥

ধবল বিভূষণ অম্বর বনই । ধবলিম কোঁমুদি মিলি তনু চলই ॥

উৎপ্রেক্ষামূলক ব্যতিরেক—

ভালে সে চন্দন চান্দ

কামিনী মোহন ফান্দ

আন্ধারে করিয়া আছে আলা ।

মেঘের উপর কিবা

সদাই উদয় করে

নিশি দিশি শশি-বোলকলা ॥

বিনোক্ত—তনুমন জোরি গোরি তোহে সোঁপল কনয়া জড়িত মণিরাঙ্গ ।

গোবিন্দ দাস ভনে কনয়া বিহনে মণি কবহঁ হৃদয়ে নাহি সাজ ॥

ধ্বনিগর্ভ সামান্য অলঙ্কার—

বাবক চীত চরণ পর লীখই মদনপরাজয় পাত ।

গোবিন্দদাস কহই ভালে হোয়ল কানুক আরকত হাত ।

[রক্তবর্ণ হস্তে আলতার দাগ বুঝা যাইবে না ।]

পদাবলীর অলঙ্কার

২০৯

মিদর্শনা—রসিক শিরোমণি নাগর-নাগরী লীলা ক্ষুব্ধ কি মোয় ।

অনু বাঙন করে ধরব অধাকর পদু চড়ব কিয়ে শিখরে ॥

অন্ধ বাই কিয়ে দশদিশ খোঁজব মিলব কল্পতরু নিকরে ।

ব্যতিরেক—(১) জলদহি জলদ বিজুরি দিঠিতাপক মরকত কনয় কঠোর ।

এ ছহঁ তনু মন নয়ন রসায়ন নিরুপম নগল কিশোর ॥

(২) ঢল ঢল সজল জলদ তনু শোহন মোহন অভরণ সাজ ।

অরুণ নয়ন গতি বিজুরি চমক জ্বিতি দগধল কুলবতি লাজ ॥

পরিণাম—যাহা যাহা অরুণ চরণে চলি যা়ত ।

তঁাহা তঁাহা ধরনী হউ মঝু গাত ॥

যো দরপনে পঁহ নিজ মুখ চাহ ।

মঝু অঙ্গ জ্যোতি হউ তছু যাহ ॥...ইত্যাদি ।

রূপকাত্মক পর্যায়—

মনমথ মকর ডরহি ডর কাতর মঝু মানস ঝব কাঁপ ।

তুয়া হিয়ে হার-তটিনি তট কুচ ষট উছলি পড়ল দেই ঝাঁপ ॥

পুন দেই ঝাঁপ পড়ল যব আকুল নাভি সরোবর মাহ ।

তাহিঁ লোমাবলি ভুজগি সঙ্গ ভয়ে ত্রিবিধি বেগি অবগাহ ॥

উপমাত্মক—

নীল অলকাবলি অনিলে হিলোলত নীলতিমিরে চলু গোই ।

নীল নলিনী অনু শামর সায়রে লখই না পারই কোই ॥

জিষ্ট বিরোধান্তাস—তৈথনে দক্ষিণ পবন ভেল বাম ।

সহই না পারিয়ে হিমকর নাম ॥

সংস্ফুটি—

অব কিয়ে করব উপায় ।

কালভুজগ কোরে ছোড়ি মুগধি সখি গমন যুগতি না যায় ॥

২১০

পদাবলী-পরিচয়

চন্দ্রকচারু ফণাগণ মণ্ডিত বিব বিবমারুণ দীঠ ।

রাইক অধর লুবধ অনুমানিয়ে দর্শনক দংশন মীঠ ॥

[বিশেষোক্তি, বিভাবনা, অপহৃতি ইত্যাদি অলঙ্কারের মিশ্রণ ।]

পুনরুক্ত্যবদাভাসযুক্ত বিরোধোভাস—

বিগলিত অশ্বর সশ্বর নহে ধনী সুরসরিৎ শ্রবে নয়নে ।

কমলজ কমলেই কমলজ ঝাঁপল সোই নয়নবর বয়নে ॥

উৎপ্রেক্ষা—

ঘনঘন আঁচর কুচগিরি কাঁচর হাসি হাসি তহি পুন হেরি ।

জন্ম মঝু মন হরি কনয়া কুস্ত ভরি মুহরি রাখল কত বেরি ॥

ধ্বনিগর্ভ অতিশয়োক্তি—

(১) কোমল চরণ চলত অতি মধুর উতপত বালুক বেল ।

হেরইতে হামারি সজল দিঠি পঙ্কজ দুহুঁ পাতুক করি নেল ॥

(২) আধক আধ আধ দিঠি অঞ্চলে যব ধরি পেখলুঁ কান ।

কতশত কোটি কুসুমশরে জরজর রহত কি বাত পরাণ ॥

বিষমালঙ্কার—

(১) চান্দ নেহারি চন্দনে তনু লেপই তাপ সহই না পার ।

ধবল নিচোল বহই না পারই কৈছে করব অভিসার ॥

যতনহি মেঘমল্লার আলাপই তিমির পন্নান গতি আশে ।

আওত জলদ ততহিঁ উড়ি যাওত উতপত দীঘ নিশাসে ॥

(২) ঘো কর বিরচিত হার উপেখলুঁ হার ভুজঙ্গম ভেল ।

অসঙ্গতি—

পদনখ হৃদয়ে তোহারি ।

অস্তর জলত হামারি ॥

অধরহিঁ কাজর তোর ।

বদন মলিন ভেল ঘোর ॥

হাম উজাগরি রাতি ।

তুয়া দিঠি অরুণিম কঁাতি ॥

হামারি রোদন অভিলাষ ।

তুহঁ কহ গদগদ ভাষ ।

একাবলী—কুলবতী কোই নয়নে জনি হেরই হেরত পুন জনি কান ।

কান্ন হেরি জনি প্রেম বাঢ়ায়ই প্রেম করই জনি মান ॥

রূপকাতিশয়োক্তিমূলক উৎপ্রেক্ষা—

‘সো মুখ চান্দ নয়নে নাহি হেরলু’ নয়ন দহন ভেল চন্দ’—ইত্যাদি পদটি ।

ভ্রান্তি—সুন্দরি জানলি তুয়া হুরতান ।

হরিউর মুকুরে হেরি নিজ ছাহরি তাহে সৌতিনি করি মান ॥ *

গোবিন্দদাস রচনার উপাদান, উপকরণ, পদ্ধতিরীতি ইত্যাদি বিষয়ে প্রচলিত সংস্কার অনুসরণ করেন নাই যে তাহা নয় । রূপবর্ণনায় তিনি প্রচলিত উপমানগুলিকেই গ্রহণ করিয়াছেন, অভিসারের আয়োজন-উপকরণ পূর্ববর্তী কবিদের রচনা হইতেই লইয়াছেন, বিপ্রলঙ্কা, খণ্ডিতা, কলহাস্তরিতা ইত্যাদি নান্নিকার রীতি-প্রকৃতি বিষয়েও নূতনত্ব কিছুই দেখান নাই, মানভঞ্জন, সম্ভোগ ও বিরহের বর্ণনায় যে মামুলি রীতি আছে তাঁহার রচনায় তাহার বৈতথ্য দেখি না । গোবিন্দদাসের

* এইসঙ্গে আছে—কাহে মিনতি কর কান । তুহঁ হাম এক পরাণ । শ্রীকৃষ্ণের অঙ্গে সম্ভোগ-চিহ্ন দেখিয়া শ্রীরাধার রোষের অবধি নাই ।—এই ছই চরণে কি দারুণ স্নেহই না ব্যক্ত হইয়াছে । কাব্যপ্রকাশে এই অলঙ্কারের একটি সুন্দর উদাহরণ আছে—গোবিন্দদাস তাহারই অনুসরণ করিয়াছেন ।

জসসেঅ বণো তসসেঅ বেঅনা ভগই তঃ জণো অনিঅম্ ।

দন্তকুংঅং কবোলে বহুএ বেঅনা সবভৌণম্ ।

[লোকে বলে যার ত্রণ তাহারি বেদনা,—কাজে দেখি ইহা মিথ্যা কথা ।

বধুর অধরে হেরি দশনের ক্ষত তবে কেন সপত্নীর ব্যথা ?]

কৃতিত্ব এই,—পুরাতন উপাদান উপকরণ লইয়া তিনি যে সৃষ্টি করিয়াছেন—তাহা সম্পূর্ণ নূতন বস্তু। অধিকাংশ পদেই তাঁহার নিজস্ব শক্তির একটা মুদ্রাক্ষ আছে। তিনি অসংখ্য অনেক কবির মত অনুসারক বা অনুকারক মাত্র নহেন—তিনি একজন স্রষ্টা। পুরাতন উপকরণে তিনি অভিনব সৃষ্টি করিয়াছেন। শ্রেষ্ঠ শিল্পীর হাতে পড়িলে চিরপুরাতন বিষয়বস্তু ও উপাদান যে কি রমণীয় রসঘন রূপ ধরিতে পারে—তাহা গোবিন্দদাস দেখাইয়াছেন।

অঙ্গপ্রত্যঙ্গের যে উপমানগুলি সংস্কৃত কবির প্রয়োগ করিয়াছেন—গোবিন্দদাস সেই উপাদানগুলিকেই গ্রহণ করিয়াছেন, কিন্তু পূর্ববর্তী কবির যে মামুলী ব্যতিরেক, উপমা ও উৎপ্রেক্ষার দ্বারা রূপবর্ণনা করিতেন, গোবিন্দদাস তাহা না করিয়া ঐগুলি লইয়া নানা কোশলের সৃষ্টি করিয়াছেন। যেমন বিরহিণী রাধার প্রসঙ্গে কবি বলিয়াছেন—

এত দিনে গগনে অধিগ রহ হিমকর জলদে বিজুরি রহ খীর ।

চামরি চমক নগরে পরবেশউ মদন ধনুয়া ধরু ফীর ॥

মাধব বুঝলু তোহে অবগাই ।

এক বিয়াগে বহত সিধি সাধলি অতয়ে উপখলি রাই ॥

কুমুদিনি বৃন্দ দিনহি অব হাসউ বাঙ্কলি ধরু নব রঙ্গ ।

মোতিম পাঁতি কাঁতি ধরু উজর কুঞ্জর চলু গতি ভঙ্গ ॥

গোবিন্দদাস বিরোগের কথা বলিয়া এখানে অবশ্য দুর্বল করিয়া ফেলিয়াছেন—বিদ্যাপতি এখানে বিরহিণী রাধিকার অঙ্গপ্রত্যঙ্গের কাস্তি শোকে হৃৎথে নান হইয়া গিয়াছে—এই ধ্বনি লক্ষ্য করিয়া উপমের অপেক্ষা উপমানের প্রাধান্যজনিত ব্যতিরেক অলঙ্কারের সৃষ্টি করিয়াছেন এবং তদ্বারা শিল্পকে ছাড়াইয়া গিয়াছেন।

শরদক শশধর মুখরুচি সোঁপলক হরিণক লোচন লীলা ।

কেশ পাশ লয়ে চমরীকে সোঁপল.....ইত্যাদি—

চিকুরে চোরায়সি চামরকাঁতি । দশনে চোরায়সি মোতিম পাঁতি ॥
—ইত্যাদি পদে বিদ্যাপতির অনুসরণে গোবিন্দদাস একটি কৌশলের
প্রয়োগ করিয়াছেন । রূপকাত্মক পর্যায় অলঙ্কারের সাহায্যে ‘মনমথ
মকর ডরহি’ ডর কাতর’—ইত্যাদি পদটিতে কৌশলে মনোমীনের নানা
অঙ্গে আশ্রয়ের উল্লেখ্যে রূপবর্ণনার একটি কৌশল দেখাইয়াছেন ।
‘ঘন রসময় তনু অন্তর গহীন । নিমগন কতহ’ রমনি মনোমীন,’—
এই রূপকাত্মক পদে কৌশলে কবি কতকগুলি উপমায়ে গাঁথিয়াছেন
অঙ্গসৌষ্ঠব বর্ণনার জন্ত । গোবিন্দদাস অনেক সময় বক্তব্যকে জোরালো
ও রসালো করিবার জন্ত Antithesis এর প্রয়োগ করিয়া Emphasis
দিয়াছেন । বিদ্যাপতির অনুসরণ হইলেও এই ধরনের রচনারীতি তাঁহার
নিজস্ব । ভীতকচীত ভুজগ হেরি,.....কুলমরিষাদ কপাট উদঘাটলু
—ইত্যাদি পদ ইহার দৃষ্টান্ত ।

১ । বাহে বিম্ব নিমিখ আধ কত যুগ সম সোঁঅব আনত বাব ।

কঠিন পরাণ অবহ’ নাহি নিকসয়ে পুন কিষে দরশন পাব ॥

২ । আনন্দনীরে নয়ন বব ঝাঁপয়ে তবহি পসারিতে বাহ ।

কাঁপয়ে ঘন ঘন কৈছে করব পুন সুরতজলধি অবগাহ ॥

এগুলিও আলঙ্কারিক কৌশলের সুন্দর দৃষ্টান্ত ।

কবি প্রত্যেক পংক্তিকে অলঙ্কৃত ও ভাবগর্ভ করিয়া প্রকাশ করিতে
চাহিয়াছেন বলিয়া তাঁহার রচনা রসঘন হইয়াছে, অবাস্তর কথা একেবারে
নাই, তরল সুলভ বাক্যের পদে স্থান হয় নাই—বক্তব্যের ব্যাখ্যান
বা বিশদ বিবৃতি পদের মধ্যে নাই—চরণগুলিতে ব্যঙ্গনা প্রচ্ছন্ন আছে—

বাগ্‌বিত্তাসে আতিশয্য নাই—দীনতাও নাই। ইহাতে স্থলে স্থলে প্রসাদগুণের অভাব হয়ত হইয়াছে—কিন্তু রচনা হইয়াছে গাঢ়বদ্ধ,—শ্রেষ্ঠ সংস্কৃত কবিদের ঘনগুপ্তিত শ্লোকের স্থায়।

কবি চাতুর্যের সহিত মাধুর্যের অপূর্ব সমন্বয়ও ঘটাইয়াছেন। এই শ্রেণীর পরিপাটি, পরিচ্ছন্নতার সহিত মাধুর্য-সৃষ্টি এক সংস্কৃত কবিদের মধ্যেই দেখা যায়।

কীর্তনে বাত

নামকীর্তনে অথবা লীলাকীর্তনে খোল এবং করতালই প্রধান অবলম্বন। কীর্তনে প্রাচীন কালে অল্প কোন যন্ত্র ব্যবহৃত হইত না। প্রাচীনপন্থী কীর্তনীয়াগণ আজিও খোল করতাল ভিন্ন অল্প কোন যন্ত্র ব্যবহার করেন না। মৃদঙ্গ নাম গুনিয়া বুঝিতে পারা যায়—ইহার অঙ্গ মৃত্তিকা-নির্মিত। মৃদঙ্গেরই অপর নাম খোল। পাখোয়াজ এবং মাদল ও মৃদঙ্গ প্রায় এক জাতীয় বাতযন্ত্র। পাখোয়াজ কাষ্ঠনির্মিত। মাদল কাঠেরও হয়, মাটিরও হয়।

আনন্দ মর্দলশ্রেষ্ঠ মৃদঙ্গাখ্যা তার।

কাষ্ঠ মৃত্তিকা নির্মিত এ দ্বয় প্রকার ॥—ভক্তিরত্নাকর, ৫ম তরঙ্গ।

পূর্বে কাঠের খোল ছিল কিনা জানি না। শ্রীমহাপ্রভুর সময় হইতেই খোল মাটিতেই তৈরী হইতেছে। খোলের দেহটা মাটির, দুই মুখে চর্মের আচ্ছাদন থাকে এবং সমস্ত দেহটা চর্মের দলে ঢাকা থাকে। করতাল কাংশুনির্মিত হয়। ভক্তিরত্নাকরে আছে—

কীর্তনে বাঙ

২১৫

শ্রীপ্রভুর সম্পত্তি শ্রীখোল করতাল ।

তাহে কেহ অর্পয়ে চন্দন পুষ্প মাল ॥

শ্রীচন্দন মালা শোভে সর্ব মর্দলেতে ।

নিরন্তর ব্রহ্মাদি দেবতা বৈসে বাতে ॥

(ভক্তিরত্নাকর, নবম তরঙ্গ)

সংকীর্তনারম্ভে খোল করতালে মালা চন্দন অর্পণ করিতে হয় ।
খোল করতালে মালা চন্দন দিয়া আসরে উপস্থিত পূজনীয় আচার্য্যগণকে
ও কীর্তনীগণকে দিবার রীতি চলিয়া আসিতেছে ।

খোলের সুর বাঁধা সুর, যে কোন যন্ত্রের সঙ্গে বাজাও, নূতন
করিয়া সুর বাঁধিতে হয় না । সকল সুরেই সুর মিলিবে । কীর্তনে
যেমন সুরের চারিটি ধারার উদ্ভব ঘটিয়াছে, খোলেও তেমনি এই
চারিটি ধারার অনুরূপ পৃথক পৃথক বাঙের সৃষ্টি হইয়াছে । ভিন্ন
ভিন্ন বাঙের ভিন্ন ভিন্ন তাল । এই সমস্ত তালের আবার সঙ্গম, লয়,
লহর, মাতান, তেহাই, কাঁক এবং তাহার পৃথক পৃথক বোল আছে ।
কীর্তনে যেমন আখর আছে, খোলেও তেমনি কাটান আছে । গায়ক
যেমন আখরের পর আখর দিয়া অথবা সুরের বিভিন্ন ভঙ্গীতে একই
আখরের পুনরাবৃত্তি করিয়া শ্রোতৃবৃন্দের হৃদয়ে রসের তরঙ্গ সৃষ্টি করেন,
বাদকও তেমনি কাটানে সুরের অনুরূপ বাজনার চেটে তুলিয়া আসরে
ধ্বনির অপূর্ব ইন্দ্রজাল সৃষ্টি করিয়া থাকেন । বীরভূম, ময়নাডালের
নিকুঞ্জ মিত্র ঠাকুর, পায়র গ্রামের জেটে কুঞ্জ দাস এবং তাঁহার ছাত্র
ইলামবাজারের নিকুঞ্জ বাইতি, মুলুকের স্বর্ধ্য পাতর, ঠিবে গ্রামের
অবধূত বন্দ্যোপাধ্যায়, কলিকাতা-প্রবাসী নবদ্বীপচন্দ্র ব্রজবাসী প্রভৃতি
মৃদঙ্গবাদকগণের নাম এই প্রসঙ্গে স্মরণ করিতেছি ।

১৯

কীর্তনে নৃত্য

সংকীর্তনে শ্রীচৈতন্তচন্দ্রের মনোহর নৃত্যের কথা বহু বৈষ্ণব গ্রন্থে বর্ণিত আছে। শ্রীবাস-অঙ্গনে নামসংকীর্তনে, কাজী দলনের দিনে নবদ্বীপের রাজপথে, সন্ন্যাস-গ্রহণের পর অদ্বৈত আচার্য্য-গৃহে, পুরীধামে রথযাত্রা মহোৎসবে মহাপ্রভুর নৃত্য ধরণীকে ধৃত করিয়াছিল। পদাবলী-সাহিত্যে ইহার বর্ণনা পাওয়া যায়। নবদ্বীপে এবং পুরীধামে কীর্তন-সম্প্রদায়ে ঐহারা নৃত্য করিতেন, তাঁহাদের নাম পূর্বেই উল্লেখ করিয়াছি। ইহাদের মধ্যে —

বক্রেখর পণ্ডিত প্রভুর প্রিয় ভৃত্য।

একভাবে চব্বিশ প্রহর যার নৃত্য ॥

আপনে মহাপ্রভু গায় ঐর নৃত্যকালে।

প্রভুর চরণ ধরি বক্রেখর বোলে ॥

দশ সহস্র গন্ধর্ব্ব মোরে দেহ চন্দ্রমুখ।

তারা গায় মুক্তি নাচি তবে মোর স্মৃথ ॥

ঐহার নৃত্যে আনন্দিত মহাপ্রভু বলিয়াছিলেন —

প্রভু বোলে তুমি মোর পক্ষ এক শাখা।

আকাশে উড়িয়া যাও পাণ্ড আর পাখা ॥

মহাপ্রভুর অপর একজন অন্তরঙ্গ শ্রীঅদ্বৈত আচার্য্যকে লক্ষ্য করিয়া শ্রীচৈতন্ত-চরিতামৃতে বর্ণিত হইয়াছে—

যার দ্বারা কৈল প্রভু কীর্তন প্রচার।

যার দ্বারা কৈল প্রভু জগৎ নিস্তার ॥

আচার্য্য অদ্বৈত, শ্রীপাদ নিত্যানন্দ, শ্রীবাস পণ্ডিত প্রভৃতি সকলেই কীর্তনে ও নৃত্যে সমান নিপুণ ছিলেন। পরবর্তী কালে নিত্যানন্দপুত্র বীরভদ্র, অদ্বৈতপুত্র অচ্যুত, গোপাল ও কৃষ্ণচন্দ্র, শ্রীখণ্ডের রঘুনন্দন ঠাকুর নরোত্তম, আচার্য্য শ্রীনিবাস প্রভৃতি কীর্তনে ও নৃত্যে প্রসিদ্ধি লাভ করেন।

শ্রীহরেক্ষ মুখোপাধ্যায় সাহিত্যরত্ন

— প্রণীত —

কবি জয়দেব

ও শ্রীগীতগোবিন্দ

কবি জয়দেবের জীবন-কথা, 'শ্রীগীতগোবিন্দ' কাব্যের
বিস্তৃত আলোচনা, মূল কাব্য, উহার বঙ্গানুবাদ এবং
পূজারী গোস্বামীর ভাষ্যসহ সূবহুৎ গ্রন্থ।

দ্বিতীয় সংস্করণ

দাম-চার টাকা

গুরুদাস চট্টোপাধ্যায় এণ্ড সন্স

২০১/২/১, কর্ণওয়ালিশ স্ট্রীট • কলিকাতা